

泰山志序



余觀海岱名區若西河
武夷臨沂沂山不遠矣
后之勝概瞻眺而已尚
有書志流布遐邇定如
名宇稱定銘碑斷續

出於跨人墨客之手好
古之士且將拓而藏之以
為傳世珍寶秦曰雄冠
五嶽宜是為初生之景彼
好處直曾邦所聘而已
可以為志邪古者之

刻禪

昭代之崇者如公年知三
亦此鐫刻乃置園殆非在
宇禪定碑觸之此解全
為定地埋沒於荒烟野草
之間西是之據也邪余

之東土徒舉耆以禮祀
再陟嵩山之巔縱細躬
躬俯仰之昔詢厥志何
司咸以未備蓋余迺慨然
歎曰興孰有一歎於是者乎
亟謀搜緝而兵其相踵未

之或遑之舉甲寅侍御
吳君克山以督轅至因出
何得順天司刑汪子昂
著望公泰山志寃生顛
末是也自七加誌甲辰子
知以需以未逮遊宗泰

山好守仲言、永亨而延致
之志方雅情采、載筆能
姑克成、海未筆言、永未
子卿遂扶藜以行、到之
人望及、見之者、在再度
墜忽、十餘年、而竟山、

之、卷山靈、端、以、待、而
是、公、之、成、固、必、以、其、人、邪
竟山、巡、歷、之、暇、更、加、裁
定、屬、之、意、金、有、自、子、至、乃
之、校、訂、去、州、部、聚、志、學
正、陳、之、疏、乃、之、培、削、而、登

正子現完迺極治用部
項子守禮始工豈梓然
經不危魯魚亥豕之訛
項子躬自檢西敷一旬一
字以玉點力畫之微圖
之末必求之其精以是
及

任之卷焉必以贊生名
之全書者一咸奉以告
余且乞一言用弁誌首
余展而閱之自山水以至
雜志總為四卷綱列目
張條分彙析皆而核詳
而

有器大可以遠乎之之觀
小可以備一州之之乎靈龍
巨器盡在目中而秦漢
誇大之之也

國家典禮之之心古之古蹟
人物吟詠物產祓祥惟

異之之國於活龍者之之入
一覽而周去之之之之觀風
者之將之之之微矣乎之余
之之舉也獲之之心之之可
同然匪因項子之之清書此
以後舉月之云

嘉靖甲寅冬十月吉日
 賜進士出身嘉祿大友南
 系刑部右侍郎可奉

勅巡按山東地方都察院右

副都御史以八員沈應就撰



岱嶽志敘

岱往無志同寅吳侍御始
 爲之侍御以權務按部濟
 南例得有事于岱爰登覽
 諸峯因之訪靈異稽故實
 見秦漢以來殘鏤斷碣逸

竹荒榛及近代聞人之賦
述勝蹟者咸散漫巖崖而
莫可畢覩于是詢得抄本
付梓郡中夫岱天下之名
山也世之慕勝者孰不欲
一躡其間而周矚其所有

乃卒畢其願者不人人然
也梓行而勝流宇內焉侍
御之省方殊可徵已夫靈
異幽絕者山之勝而興雲
雨奠疆寓者亦惟山之自
有即天下之人越江海迄

位 崇 志 錄 二
千萬里執策而可得其異
狀以心傾其勝山之休奕
覃矣孰與兩暘若方隅又
上以慰

九重之衷下以濟生人之命俾
守臣群吏得以頌其德而



稱議其嘉釐于無已哉夫
神之隲民分也矧岱秩列
震鎮生育庶彙其寧區保
大銷稔沴而布禎祥蓋自
鴻蒙以逮若今厥惟載紀
崇峻曠茲邈矣曷假予祝

又曷假于予頌顧不肖祇
命東藩心激民隱茲所企願于
神者則然也梓成濟南守
項君亟以敘請時予方行
部日劇弗及頃以病告乃
爲是以復之志粹諸例而

間有畔于岱者近世諸嶽
鎮名種種梓志唯華山志
則體裁差勝云而又病于
直畧也

嘉靖乙卯之春巡按山東
監察御史臨洮雍焯書于

省院之列藹軒



泰山志序

泰山志四卷明白野汪仲蘇氏撰仲蘇氏名子卿歙產也
勸游天目錢唐之間以文學行誼顯吳越吳越故材藝藪
澤咸帖帖推轂然數奇射策有司屢進屢報詘仲蘇氏攷
攷自樹不少衰聲問益踔厲藉甚旣以經行為督學使臣
所獻赴上都發揚粵泝淮泗邛孔林登泰山凌日觀摩穹
蒼棲嶢巖探泉溜捫縣崖蒐殘碑抉晦蝕稽故牒蹤跡文
字以來帝王聖哲瑰奇幽異壇壝臺殿樓觀亭障府寺鳥
獸蟲魚藥草木石上下數千百年亡間於微顯存不鴻鈔

罔不畢志斯以詳矣洪崖子章嘗涉泰山之郊顧瞻周回
神爽飛越及得志讀之喟然嘆曰大哉巍巍乎且天下之
具瞻而兩間之巨鎮乎夫瀟氣挺靈青嶺凝寶五嶽攸宗
萬物伊始其諸岱宗之所由名乎是故王者欽崇邦家望
秩上聖降神名賢彙萃宗方物呈奇幽明受職宜也雖然古
有登之小天下者矣夫以泰山繫天下天下非小也然而
登之以小天下其諸口躋高明則我大而物小者乎復有
稱其非能有趾而不知能無趾者矣夫積趾爲麓積麓爲阜
積阜爲陵積陵爲岑生傾岑爲嵩積嵩爲嶽不讓土壤不辭
拳石且成其崇以極其峻又其諸君子以順德積小以高大
者乎未也泰山高矣泰山而上不屬泰山則畔援俱忘拾
級並廢小大皆空崇高無極將與太虛者游而造物者一
茫不知其所由來杳莫測其所際噫其至矣其至矣
嘉靖二十有九年秋九月九日新安洪章謹序

泰山志目錄

卷之一

圖

泰山圖

星野圖

岳廟圖

五岳具形圖

岳治圖

志

山水

狩典

文附

望典

望祝

祀祝祀前祀記碑序附

封禪

文論附

卷之二

遺蹟

帝王

登封臺
無字碑

周明堂
秦篆碑

漢明堂
磨崖碑

長城鉅防
鳳凰臺

望仙臺
朝覲壇

舞鶴臺
陰字碑

社首壇
御帳坪

封祀壇
傳城

龜城

魏過城

羊枯城

龜陰田

汶陽田

柳下惠墓

聖賢

孔子

顏子

曾子

孟子

列仙
泰山老父
張忠

延陵季子
稷丘君
呂嵒

孫復
安期生
張仙

胡爨
崔文子
丘長春

靈宇

文附

東岳廟

東岳上廟

天貺殿

玉帝觀

玉皇廟

會真宮

后土殿

青帝觀

三皇廟

碧霞靈應宮

天仙行宮

岱岳觀

升元觀

天書觀

長春觀

龍泉觀

風伯雨師廟

高真院

三官廟

鄆都廟

森羅殿

趙相公廟

城隍廟

三靈祠

靈派祠

淵濟公廟

關王廟

魯兩先生祠

崔公祠

竹林寺

普照寺

真福寺

谷山寺

靈巖寺

宮室

文附

具瞻堂	谷岳堂	藏明堂	迎賓堂
過化樓	飛雲閣	泰山書院	御香亭
環詠亭	巖巖亭	五松亭	更衣亭
且止亭	環翠亭	萃美亭	靈液亭
醴泉亭	瑞雲亭	翠陰亭	觀山亭

卷之三

登覽

詩 頌 賦 記

卷之四

岳治


因華	官僚	學校	風俗
城池	公署	坐野	封祀
賦貢			

治績

陳俊	李官	皇甫規	苑康
韓韶	涼茂	呂炭	賈堅儒
申恬	常安	楊伯淵	和安禮
徒單	普積躬	趙玉	陳文祐
能以淵	李銳	陳以忠	葛欽
高煥	戴經	許應元	

人物

王章	羊陟	羊續	鮑信
鮑勛	高堂隆	臧霸	孫觀
羊琇	羊祜	羊曼	胡毋輔之
羊鑒	劉寔	羊欣	羊烈



物產

祥異

雜志

羊羸
羊倮
羊鷄仁
羊鷓

傅伏
李巨
郭志原
王吉
石介
石珪
杜英


姜潛
李巨
張異
獻士一百三十七人


傅裕
張異
列女十一人

制科五十九人
附

例貢五十五人

按東方蒼龍七宿曰角亢氐房心尾箕其神為青帝
司春司木司泰山當並圖之又考泰山入角土度故
今圖首宿云







北岳



東岳



中岳





西岳





南岳

四



方圖石刻岱祠圖說引道經云五嶽之神分掌世界人物
 各有攸屬岱泰山乃天帝之孫群靈之府五世界人民皆
 生死貴賤等事又引抱朴子云凡修道之士棲隱山谷須得
 五岳真形圖佩之則鬼魅重虎一切妖毒皆莫能近又云太
 初中李充稱馮翊人三百歲常負此圖人或佩之渡江海入山
 谷或夜行宿野方邪魔魘魅魍罔悉皆隱遁虔虔供居地必
 獲禱祥又嘗見萬花令記西王母與上元夫人降漢武帝帝
 視其巾帶中有小書云之瞻覽母曰此五岳真形圖也乃三
 夫太上所出豈汝所宜佩乎帝乞不已與之藏柏梁臺
 余按諸說雖不可知然此圖類古符篆必有所自而五
 岳之神亦不可誣也 仔之將以資傳識云





泰山志卷之一

明巡按直隸監察御史發吳伯朋裁定
 山東按察司僉事大梁曹金校訂
 順天府儒學訓導欽汪子潛編緝

山水

粵稽重華浴牧肇州封山濬川蓋曰地有名山大川則
 國爲之重乃若名山莫重於岳莫尊於岱而巡守柴望
 亦獨先之是故宗稱於書瞻詠於詩鎮于禮書於春秋
 下逮子史百氏擴其功用出震配乾豈徒以殷興禱廟勞

矣乎而况我

國家定鼎燕冀實惟茲山雄峙于東修形勢壯輿圖以奠

士畿國計漕源亦維茲是賴宜有以志之是故探贖索隱以彙經籍之文發山川之秘首之以大岳而峯巖水石諸名勝附焉猶之言天而不外乎日月星辰言海而必及乎蓬瀛桑碣將使遐方之人亦得而盡覽之臥遊乎洞天福地必有曠心逸度默契吾夫子之所以小天下者矣

泰山一曰東岳以方位別五岳言是為天之東柱一曰岱

宗居東北丑寅之間萬物終始而陰陽交代之地故曰

岱又五岳之長衆山所宗故曰宗由泰安州治北出登

封門三里許至紅門礪砢陀坂循谿入谷谿訝逶迤度

高老橋廣濟橋水簾洞三字崖崖削數仞上有墨書三

洞質書又名馬回馬嶺石磴漸峻乘馬黃峴嶺勢甚峻

黃快活三過黃峴嶺一迎陽洞可容二十人小天門名

御帳一名小大龍口石磴為衆水所歸十八盤古曰環

轉折有八南天門即十八盤盡處崎嶇縈紆以次至岳巔四十里

曰太平頂唐玄宗所命名即古之登封壇也 達人登之迴睇九州廓然

萬里其支麓蜿蜒東極于海西越靈巖故山以極于鰲

山北有長白而南則云云亭亭介丘梁父蒙嶧尼丘培

塿環列惟徂徠鞍牛密邇山陞大哉岳乎其環瑋奇勝

多逖僻窈窕莫克殫舉姑以其著于載籍得於遊覽者

志之以**巖**名者十有八曰日觀在岳頂東五鼓月觀

峯在岳頂西對日觀而言義取夫爾觀在岳頂西周觀在岳頂西

吳觀峯在岳頂西而觀吳當在南山也丈人峯在岳頂西

蒼頡丈人世稱外舅雞籠峯在岳頂西志世百在岳北誤矣觀宋錢

證矣可懸石峯 回鴈峯在岳頂西南獨秀峯在岳陽屹然

刻峯名獅子峯在岳陽以蓮花峯在岳陽懸刀峯

芙蓉峯 飛鶴峯俱在岳西南西溪上老鴉峯在岳頂

多鴉龍泉峯在斗姆觀東北峯石峭拔凌漢峯在普照

以巖名者九曰兩峯巖在岳頂西兩峯對仙閣巖漢書

泰山記云岳頂蛇仙巖在岳陽舊志云翰林王從之

西巖為仙閣巖蛇仙巖在岳陽舊志云翰林王從之

蛇仙巖下觀古雲巖在回美水巖 看月巖 彌高巖

鎖鑿巖以上四巖見靈巖詳見登覽志宋以巖名者十

有一曰白雲洞在南天門迤東路旁小徑東南墜下西

縹緲出洞澹然布合迎陽洞前見呂公洞在岳之南麓王

洞南下視環道險甚在岳南一穴高深遊鬼仙洞在蒿里之

母洞曰金遙觀洞在岳南四十里黃伯陽洞在岳頂北十

里取人吳白鶴洞在岳西四十里黃伯陽洞在岳頂北十

里黃伯陽脩隱之地舊有伯金絲洞在岳頂北九十里可

陽庵今廢崖石刻記尚存在岳頂西北四十里朗然子洞在岳

丹處舊有桃花洞在岳頂西北四十里朗然子洞在岳

庵今廢許可容三十人崖石有記刻觀音洞在竹林後婁敬洞

里許可容三十人崖石有記刻觀音洞在竹林後婁敬洞

人跡罕至山人避兵者知之在岳頂西百里漢婁敬

在岳頂西百里漢婁敬以名者十有三曰青嵐嶺

隱地旁一洞出硝石黃峴嶺前見鴈飛嶺西南鴻鴈南翔多

在岳頂西百里漢婁敬以名者十有三曰青嵐嶺

此止于西橫嶺在岳頂西百里漢婁敬以名者十有三曰青嵐嶺

鄉也十峯嶺在玉皇廟分水嶺在岳頂東漢明升仙嶺在

頂東南漢明堂長城嶺在岳之西北各有長城嶺思谷

之東北隅也嶺在谷山仙臺嶺在岳北六十里明月嶂在岳北群峯秀

嶺寺南以名者七曰舍身崖其北聯篇日觀峯下餘三面崖

許中有石凸起丈許岳之奇勝處也愚民往往舍身投

崖微輪迴之福小司寇方豪題鐫山石曰哀愚有鐫詩

以刺之者有告戒以官法者惜哉愚民終莫之悟嘉靖

三十二年總巡濟南府同知王乾元刻告示碑以重禁

之東百丈崖在岳頂西南中溪約十丈許曰百丈西百

文崖在岳頂西南高十倍東崖東崖許仙影崖在岳頂西

山皆蒼石惟五花崖在岳頂南城郭仰視岳鵝鵠崖在

仙影如紙白頂不能見崖峻之也鵝鵠崖在岳頂西

北峭壁多 巢野鴿 馬棚崖 前見以四名者十有六曰傲來山在岳頂西

南竹林寺石噴吼轟轟 至御帳俯視之更奇 青山 在岳東南麓 漢明堂東北 黃山 在岳頂西四十

里以土色名與青 山為岳之翼山也 東神霄山 在岳頂 西神霄山 在岳頂

石後山 在岳頂西十里 孤山 在岳頂北十里 玉女山 在岳頂

里許有玉女修 真石屋在其下 石馬山 在岳頂西十五里 鵬窩山 在岳頂西十五

禳山 在岳北十里 如駝負子伏 鶴山 在岳頂北十里 林 亭禪山 一名

又名蒿里聯屬社首在岳南 三里詳見靈宇志 森羅廟 二哭山 在岳頂

之南三十里周迴四十里為岳之紫山也山之別名有 玲瓏山獨秀峯天平東西二寨 其下曰白河灣曰竹溪

唐李白孔巢父韓華裴政陶沔 張叔明隱此號曰竹 溪六逸宋石介因故址築室著書學者稱徂徠先生 八

寶山 在岳頂東百里治 屬萊蕪一名黃山 千佛山 在山東會城南五里是為岳之北麓 以

名者六曰登仙臺 傳呂純陽登此 南拱臺 北拱臺 二

俱在岳陰 堯觀臺 在岳頂東北十里玉女山頂有 拱峙上復坦平 堯觀臺 石平坦如臺相傳堯封禪於此

讀書臺 在岳頂西北後山過投書淵山麓有石方四 姑蘇李果八 瞻魯臺 在舍 以四名者四曰東天門 在嶽

分書刻石 西天門 在岳頂西 南天門 小天門 俱見 以四名者十曰桃

花峪 在岳頂西南二十里 仙趾峪 即馬蹄峪在竹林寺 後里許有仙人草

履跡長尺餘馬蹄跡大五寸許舊 志書馬蹄峪掩仙跡而不名也 石經峪 在岳之陽坦

刻金剛經楷書有迹八分者 石壁峪 在岳之陽 大峪 在

大天許山人訛傳王右軍書 石壁峪 在岳之陽 大峪 在

來山竹林寺下卽中溪之路內有白龍池百

文崖天紳泉諸奇景石上有宋元今人詩刻

之陽俗傳爲冥司今峪南有鄆都廟

本其說也元人李簡詩見登覽志

寬歸于此本張華佛寺峪在岳東北四十里

博物志之說也

之陽昔有異溪里峪在岳之陰巖穴深邃上有湧泉

人種椒于此

名者有十九曰望海石在日觀峯東北人云登此望

可見是

見海也大懸石小懸石西屹然相對

西懸崖對峙相去五尺許中有三石

撐抵如石梁其下深險不可尋丈

半出崖外二石鈎連下則懸崖萬仞

天下之險莫加焉愚民云人踐之則必恐怖動心惟誠

則無動故云試心少白李劍匣石在大峪西溪之濱有

萼詩刺愚痛切志見登覽

一石厚尺許博丈餘下有石匣若成

而實非人力爲之相傳匣有寶劍仙

在

在

在

在

在

在

在

在

在

在

在

在

在

在

在

在

在

在

在

石屋

在岳頂北麓相傳有

石舟

有二一在白龍池溪中

宛然如舟過

以寨名者六曰水仙寨

在岳頂西南麓傳家

寨在岳頂北

九女寨

在岳頂西三尖山下

凌漢寨

在岳之陽可

天勝寨

在岳頂西南嶺來山前可容萬人

孫無忌亦據此

張遠寨

在岳東北四十里

以

園名者二曰楊老園

在岳之陽石崖險阻世傳楊老避兵于此

有修真之士

右仙臺八寶靈巖千佛皆僻遠州治觀者疑焉然實支

縣岳麓統曰泰山志惡得而遺之

水以泉名者三十七曰天紳泉

在傲來山百丈崖下巖

垂白鶴泉

在岳之南麓升元觀後冽而甘美好事

護駕

泉

以宋真宗名元王奕裴稿詩云駕幸源頭猶且

無撰張宣慰登岳記考之

聖水泉

在回水簾泉

文崖一在巖巖亭右

滌塵泉

在岳之南麓后土廟內遊

泉飛鸞泉

在王母池右水甚

醴泉

有二一在州治西天

奏泰山諸醴泉此其一也今雖不竭無異凡水又嘗觀

法苑珠林云泰山之東有醴泉焉其形如井本體皆石

泉

東西二柳泉

在州東南

羊舍泉

在州東南

濁河

泉 在州東南 水泊泉 在州東南 斜溝泉 在州東南 力溝

泉 在州東南 馬兒溝泉 在州東南 谷家泉 在州東北 順

河泉 在州東 北滾泉 在州東 曲溝泉 在州東 周家泉 在

東二十里 鐵佛寺泉 在州東 板橋灣泉 在州東 鯉魚灣

泉 在州東 侯村泉 在州南 木頭溝泉 在州南 龍灣泉 在

南 龍堂泉 在州南 孔家白水 在州南 顏謝泉 在州南 胡

家泉 在州西南 馬黃溝泉 在州西南 張家泉 在州西 狗

跑泉 在州西南 報恩泉 在州西南 陷灣泉 在州南 四

下二十八泉其流四時不絕一供人以酒名者四曰王母

池 一名瑞池在岳之南麓宋李諤作瑞池記其碑今在

岳廟延禧殿前 余嘗讀唐人霍山賦曰太初之氣

有清有濁濁結為山峻清為岳賦稟既異崇卑乃分此

岱為岳之宗非特奇峯秀嶺極天下之雄觀也又為萬

物發生之地自古及今聖神之所宅昔者黃帝建觀於

岳趾名曰岱岳遺女七人雲冠羽衣修奉香火以迎西

崑崙真人歷世寢遠人去名存後建殿崇像當澗截谷

設為池館以待燕遊人往往投寶貨統綺寓錢於其間

池水之源迺岳山澗之水也自黃峴嶺 白龍池 在

會石經峪水蘊洞諸源委匯而為斯池焉 玉女池 在

址廣敷尋深不可測池上有龍神祠在州祀 靈宇志玉女考畧一名聖母水池 封家池 在岳南麓

項元君祠右甘冽四時不涸詳見 白鶴泉之下流涓 涓而匯之者也 以名者二曰香井 在岳南古岳廟

記曰泰山廟前有大井水極香冷異於凡水 天井 在岳

朱日藩詩曰廟前香井識投錢蓋謂此也

北十里許廣敷畝許匪諸峪之水由東轉南入汶又名天井灣以澗名者二曰投書澗

在凌漢峯下以胡安定投家書名詳見賢蹟志何東魯刻李果八分書澗名三大字於石三义澗

北元三交流而分逝東西以溪名者三曰東溪西溪中溪其源

陽登仙臺下及青山諸水經漢明堂為東溪出岳頂以西諸水會百丈崖白龍池大峪為西溪出黃峴嶺下會

諸谷之水為中溪三溪相去各十里而西以名者四

曰漆河源出岳頂西南諸谷匯為西溪由白龍池出大

西郭河津曰漆河橋西梳洗河源出黃峴嶺以下諸谷

南隅河津曰金銀橋洋河源出岳頂之西桃花峪

池池上有王母梳洗樓因名由州東南會洋入汶

望入汶河其源有三一出岳之東麓萊蕪縣原山一出

汶上縣北以名者七曰龜兒灣在岳黑水灣在岳忽

雷灣在西溪天將雨時行人飲馬灣在西天井灣在岳

一在西南之虬在灣在王母池上奇石可愛呂純陽

州志書之無賴蛟虬知我字是也鑼鼓

灣在大峪西溪俗傳七月

山海經曰泰山環水出焉東流注於海其曰東者亦詩

言荒于大東之謂而非以登封之地言也會輦二堂記

曰泰山之北水與齊之東南諸水西北匯于黑水之灣

又西北匯于栢崖此不能通汶而入漕者

岳頂東南三溪四河與泉之未書者三十有五皆會于汶頂北諸溪澗出黃髮泉而弗名于志者有長城仙臺諸嶺障而東注折而南逝亦會于汶

禹貢曰海岱惟青州又曰海岱及淮惟徐州岱實不屬徐而言徐者其表識也詩曰泰山巖巖魯邦所瞻職方曰兗州其鎮曰岱山五經通義曰王者受命易姓報功告成必於岱宗夫瞻言其係望也鎮言其會也告成於茲因高以事天也古岱宗記云梁父長白二山為泰山輔岳蓋言其形勝也董學陸欽通志曰濟南諸山其北麓也兗州諸山其南麓也青齊海上諸山其左翼也河東諸山其右翼也斯其為泰山矣乎

道藏書云泰山周迴一百六十里崎五十步方面各四十里漢官儀云盤道屈曲而上凡五十餘盤自下至古封禪處四十里至天門郭璞云泰山在奉高縣西北從山下至頂四十八里三百步茅君傳云仙家凡三十六洞天泰山周迴三千餘里名三宮空洞之天

錄云泰山名蓬玄太空洞天岳帝所居其高四千丈環

一千里福地記云泰山洞天周迴三千里鬼神之府劉

寰宇博聞記同

向列仙傳云岱宗石室中上下懸絕其中金床玉几尸
子曰泰山之中有神房阿閣張華博物志云泰山天帝
之孫

右自禹貢以建通志其言大都云耳惟道藏以下或極
夫蟠亘而侈言之或卽夫柴望之山地而約言之也要之
岳主其巔教治其陞而柴望其重也。是故大觀而廣志
焉而惟茲是詳若夫天孫神房金床玉几之說則古人
談玄記異遊仙搜神之意亦裨官野史之不廢云

狩典

狩典何志帝王之東巡也志遺夫秦也而漢唐以下
有書焉有弗書焉或曰而書幸焉者何曰弗書也者弗
與乎狩也書幸者變也亦弗與之意也粵昔先王建
國以親諸侯省方以觀民俗於是乎有巡狩之典焉凡
以爲民而非私也後世侈以登封私以徼福遙於盤遊
皆非所以爲民也故曰弗與乎狩也

唐虞天子五載一巡狩歲二月東巡狩至于岱宗

禮制見
舜典

夏后氏因之

周制十二年一巡狩歲二月東巡狩至于岱宗觀諸侯于

明堂

明堂說見遺蹟志巡狩禮制詳見周禮及文獻通考

漢光武皇帝建武二十年十月東巡狩至于岱宗

章帝元和二年正月東巡狩柴告岱宗辛奉高祀五帝

于汶上明堂

明堂說見遺蹟志

安帝延光三年二月丙子東巡狩辛卯柴告岱宗

魏明帝東巡狩凡三至岱宗所過存問高年恤疾苦或賜

穀帛

唐高宗麟德二年辛東嶽

後三年封禪

望典

志望典何秩祀以崇禮也夫祀者大乎天地而五嶽次之矧夫天子四望懷柔百神而岱則首焉惡可以弗慎且重與乃若非分而祀之之謂徼非禮而尊之之謂賈不有聖人之教其孰能知之是故我

高皇帝之于嶽也正名有制郊望有壇遣使有告可謂秩之以禮而度越唐宋胡元有以哉貽謀作訓

列皇承之萬世可則若夫公卿百執事凡有事于祠者體國事神皆所以為民也故得以附書之

祥典歲二月東巡守至于岱宗崇望秩于山川

王制歲二月東巡狩至于岱宗柴而望祀山川

周禮大宗伯以血祭祭五嶽小宗伯四望五嶽 五嶽視

三公魯世紀周公封于曲阜伯禽為魯侯遂得主泰山

之祀**春秋**魯僖公三十一年夏四月卜郊不從乃免

牲猶三望 宣公三年公會齊侯于贏猶三望

何望祭也然則且可祭祭泰山河海曷為祭泰山河海山川河海有能潤色百里者天子秩而祭之錫石而出膚寸而合不崇朝而雨乎天下者唯泰山爾然者何可以已也何以書譏不郊而望也

禮而祀周公以表不山之初易許田三月鄭伯使宛來歸

訪不祀泰山也

山之下諸侯皆有所望命而祭泰山之色也

鄭桓公周

宣王之母弟封鄭有勛祭泰山湯沐之色在初鄭以天子不能復巡守故欲以初易許田各從本國所近之宜

恐魯以周公別廟為疑故云已廢泰山之祀而欲為魯

祀周公孫辭以自求也

秦始皇即帝位三年東遊海上祠名山大川及八神八神

之次二曰地主祠泰山梁父八神之祀莫知所起蓋周

之先已有之始皇因之及舉封禪亦祠泰山

漢高祖至武帝時泰山屬齊北王境內自奉祠元狩元年

王以天子且封禪上書獻泰山然後天子官領祠元

封五年帝至奉高修封祠泰山其後五年一修封凡五

祠焉

宣帝神爵元年詔太常制五嶽常祀禮皆使者持節唯
泰山與河歲五祠餘皆三祠

光武中元元年定北郊祀五嶽建武三十年三月帝郊

封禪之議幸魯退祭泰山 三十二年二月帝舉封禪

祭天於泰山下南方又以一特牲於常祠泰山處告祠

泰山

章帝元和二年二月幸祀泰山

風俗通 岱宗廟十月日
合凍臘月日洞凍正月

日解凍皆
太守侍祠

魏文帝黃初三年祀五嶽

晉成帝咸和八年立北郊五嶽從祀

梁令郡國有五嶽者置宰祀 三人以孟春仲冬祠之

齊景穆帝立五嶽廟於桑 乾之陰每歲遣祠官詣諸嶽

鎮禱焉

唐武德貞觀制以五郊迎氣之日祭五嶽又祭東嶽於兗

州

玄宗開元初五郊迎氣之祭如舊制 祀文 見後 開元十三年

封泰山神為天齊王禮秩加三公一等 是時天台道士
司馬承禎言

五嶽神祠是山林之神也五嶽皆有洞府有上清真人
降任其職山川風雨陰陽氣序是所理焉冠冕章服佐
從神仙皆有名數請別立齋祠玄宗奇其說勅五嶽各
置真君祠故今道書稱東嶽太靈蒼光司命真君

天寶元年七年八年皆以歲豐遣官祭五嶽

德宗貞元二年詔太常卿裴郁等十人各就方鎮祭嶽

瀆

天初祭東嶽泰山於兗州

真宗大中祥符元年封禪禮畢詔加號泰山天齊王為

天齊仁聖王五年加上曰天齊仁聖帝命學士晁迥

撰天齊仁聖帝碑銘今在嶽廟山麗無疆之厚載升名

曰嶽表黃服之崇丘至若根一氣以混成媿四時而首
出作鎮東夏寔惟岱宗辨乎五方設位冠配天之大畫
為八卦建標當出震之區遠深連空洞之宮翕習號神
靈之府夫其魁甲良象控制坤軸噫嶽嶽嶽崇崇嶽
天門路界於蒼蒼日觀勢臨於杲曜列仙遊迹存棲真
之石間永命儲休闕與齡之金匱滋殖百卉函育庶類
畜泄雷雨吐納風雲封之所以合元符登之所以小天
下近嶽梁社遠騰秦吳控壓海沂襟帶洙泗鄙人所仰
魯邦是蒼肇生物之化權蓋順貞之壽域也古先哲后
誕膺命披皇圖稽帝文告成功申大報昭姓考瑞刻
石紀號自無懷氏迄唐明皇登封展采布在方冊者罔
不于茲矣開元十三年始封神曰天齊王禮秩加三公
一等綿歷五代寂寥無聞爰暨皇朝勃興嘉運叶百姓
與能之望應真人奉命之秋太祖皇帝總挈英維輟捷
宇宙勤勞四征削平多壘方混一於寰中太宗皇帝纂
隆洪緒懋建皇極斟酌道德統和天人乃綏懷於海外
然而艱難創業編畜貽謀勸崇奮發將底績而未暨開
先遺大知奔世而有歸粵惟崇文廣武威天尊道應真

佑德欽明上聖仁孝皇帝陛下承明定之基格孟安之世顯仁以育物廣孝以奉先宣洽重熙財成庶政弭息戎旅撫柔要荒乘國步之密清宅天衷於醇粹因之以豐懋加之以阜康席慶宗廟之重游心帝王之術長壽遠御大道坦夷天衢於是乎嘉亨德教於是乎漸被戴日戴斗聿遵朝聘之期太平八象盡入車書之域垂衣在上擊壤在下得以疇咨俊乂博訪幽隱講求典禮包舉藝文接千歲之統可炳儀於封祀當萬物之盛宜昭告於神明然猶務謙尊而益下體德行而不息中晦藏用淵默思道俄而天休震動上帝顧懷真錄海濤靈心有憚總集峻命覺悟杰黎踰金簡玉字之文等河圖洛書之寶承是秘檢發為蕃登霈澤開榮普天受賜新建元之號易通邑之名茂昭降祥聳動群聽是時東土耆老奏闕廷以上書南司宰輔率官師以抗表願循考古之道煥發升中之儀弗獲固辭乃狗勸請且以增覆載之高厚揚祖宗之純懿也儲時供億悉出於縣官經啓營繕不煩於民力人中祥符元年冬十月具儀制嚴仗衛陳屬御齊介丘齋心服形奉符行事群司奔走百禮

修明集覽巖之巔爰顯英之氣壇壝之清肅牲器純備玉幣式叙樽彝在列奠獻克謹皦皦繹田以張晏娛交二神之歡陟配崇二聖之位舉權火升高烟以示瑞牘以環觀建雲臺而特起社首之禮抑又久焉成秩無文奉行故事朝會赦宥溥濫滌采輿誦求民瘼以旌前烈行徵章參用玉制著明皇積大猷克集神實必資故自始及末見象昭昭史氏之筆殆不亭綴則有非烟紛郁太陽晏溫仙芝無根菌蠢以含秀醴泉無源必涌而善利靈輝休氣嘉穀奇木鱗介之宗長翔游之品類表異駢出曠代絕倫豈非受職修貢發祥介福之徵乎人謂是山崇冠群嶽功侔造化斯不誣矣國家稽虞書四巡之首原漢氏五祠之重述宣邦典申嚴祭法奉正直聰明之德鑿精虔嘉粟之誠為民祈禱與國均慶封禪之後復增懿號曰仁聖天齊王蓋以形容靈造舉褒崇之禮也名稱之義大矣哉化工生物之謂仁至神妙用之謂聖登隆顯赫亦云至矣復思嚴飭廟貌彰灼威靈責大匠之職議惟新之制於是命使屬役協辰偁功庀卒徒給材用興雲鍾運風斤程土物以致期分國工而騁藝規畫盡

妙樂勸忘勞輸年而成不愆于素棟宇加宏麗之狀像
設貴端莊之容九所對越肅恭逾至四年春舉汾陰白
土之祀成天地合谷之禮憲章明備上下交感純嘏既
錫大賚施及圓首方足式歌且舞猗歟開歲順動焜煌
景鏘而皆擬聖明之述作從英茂以飛騰灼叙慶靈奉
揚殊貺紀諸盛節悉以命篇布日星之華配雲雨之潤
在刑鳳藻散時龜趺播洋溢之頌聲垂極審之能事而
志未象罔順拜空峒關衆妙之門廣列真之宇非止卜
永年於郊邇是將納雅俗於華胥者也又以太一五佐
本乎天太寧五鎮本乎地其位參兩鴻名可齊特尊列
徽成加帝號由是奉升泰山之神曰天齊仁聖帝乃命
素馳道之東偏直宸居之巽位辟地經始別建五嶽帝
宮以申崇尚之禮焉御製奉神述詔中書召侍從之臣
諭以制作之本意觀夫聖文之梗槩以為岱鎮之大輔
于系祗動植之所蕃息原源之所滋液至靈允宅陰陽
攸司鍾戩穀而有徵繫黎元之是賴舊史具載前王式
瞻著罔封之典嚴祀祠之禮增奉邑之數申樵蘇之禁
皆以仰不測之明威顯無方之妙迹也方今兵革偃戢

華夷會同歲獲順成之物無疵薦率由丕應冥助永圖固
當稽彼前聞進其尊之稱謂乎唐虞曰帝商周曰王夫商
周之王爵人臣而有系唐虞之帝奉神道而何疑况其
容衛等威冠裳制度之極微數以宿備宜明體以相符因
而成之禮無遺者願延景祐普及含生至乎哉聲動睿
解無私廣大坦然明白之理沛然利澤之德曲成司牧
俾臻富壽有以見聖人之情矣遂誌勒石徧立于五嶽
廟庭從近世之說也是歲冬並命使介分詣諸嶽定吉
日飭有司皇帝被法服御朝元殿禮行樂作而臨遣之
持節受冊交苞相繼次叙而出觀者如堵且嘆文物聲
名之盛未嘗有也使者奉詔訖事率叶素期於穆宋觀
曼超千古矣越明年詔五臣撰辭各建碑于嶽廟而臣
浸漬皇澤涵泳清徽偶集鳧鴈之行遂塵龍鳳之署預
承綸旨強叩蕪音曷勝眷獎上以慶幸宣明盛禮叨奉
冊於秦城潤色貞珉玷繡文於魯嶽荷輝榮之稠疊愧
才學之空虛燥吻濡毫謹為銘曰節彼泰山蟠巨大東
一氣凝神五嶽推雄勢并危緝秀出龜蒙崛起海表且
為天中高摩霄極俯瞰賜谷神策斯秘昌圖可卜物性

鍾仁民居獲福魯邦是常盛德在木百靈淵府三宮洞
天稷丘真隱芝童列仙白鹿方駕飛龍命篇宅其勝境
幾乎大年嶽長曰宗歲交曰岱仰止嶺岩真茲持載壽
域既優神聰有資禱祀誕隆寅威如在千載興運八紘
開基武功盪定文教緝熙封禪緝典祖宗制宜遠夫
嗣方畢宏規惟帝奉符惟神佑德茂績其凝皇猷允
嘉應杳臻鴻禎靡測克克豐衍元元滋息於赫靈廟控
帶名區有詔改作俾受全模協心董役豐資庀徒技殫
功倍雷動星敷大厦成新群黎改觀尋窳觀深崢嶸輪
與肅穆威容潔清几案欽修允宜膺蠶攸贊功懋天作
澤從雲游式諧民望昭報神休殊號斯薦前古匪儔庶
安億兆豈止懷柔天帝之孫復升以帝出乎震宮臨于
日際事固莫京理亦潛契樹此翠碑騰芳百世

金每歲御署祝版命守臣侍祠

元至元二十八年加上泰山天齊大生仁聖帝歲一遣官

祭嶽祠

國朝洪武二年六月二十日

皇帝制曰磅礴東海之西中國之東參穹靈秀生同天地
形勢巍然古昔帝王登之觀滄海察地利以安民主祝
曰泰山於敬則致於禮則宜自唐始加神之封號歷代
相因至今曩者元君失馭海內鼎沸生民塗炭予起布
衣承上天后土之命百神陰佑削平暴亂正位稱職當
奉天地享鬼神以依時統一人民法當式古今寰宇既
清特脩祀儀因神有歷代之封號予起寒微詳之再三

畏不敢效蓋神與寧同始靈鎮一方其來不知歲月幾
何神之所以靈人莫能測其職受命於上天后土為人
君者何敢預焉懼不敢加號特以東嶽之神名其名依
時祭神惟神鑒之歲春秋二仲月泰安州祀禮先丁祭

御製岱山高文

岱山高兮不知其幾千萬仞根盤齊魯

然而在天益於民庶兮與雲吐霧神龍出乎其間降祥
則甘露垂於松柏佳歲則滂沱遍於厚坤冬則寒風時
出巖壑雜然而有聲百川林藪森然而如雷坤之所載
世之山首岱山也至如陽谷之東方或登峯頂時聞天
聲萬籟岱山之高也哉柱天之勢其可云乎俄而風生
萬壑雲起諸巒隱隱雷動百川倏忽電掣萬里長虹此
岱山之神至也至則威靈百備神之造化如此少時風
靜雲收電歇雷息又百川之清春其岱山尤其高哉其

蒼松也始天地而生倚丹崖而長松之所以長千尋不
止丹崖所以高萬仞何量蓋由太古之歲月以至于今
蒼松掃丹崖而莓苔不秀丹崖映蒼松而五色交輝
帝雲樹之杪鶴舞日觀之東鵬鵠盤旋乎深谷雖扶搖
不可得而昇峯於戲登泰山而
小天下越大海而眇江湖信哉

望祝

祀祝辭記
碑序附

後魏

孝文帝祭岱嶽文曰造化氤氳是生二儀玄黃既闢山
川以離四流含靈五嶽苞祇并兼方象出納望義岱宗
穹崇梁甫盤崛青丘碣嶼春趾鬱律肇生庶類啓光品
物上敷神工下融靈秩載協化文四氣以溢百王鑄成

莫不茲室太和十九年

唐

維某年歲次月朔甲子嗣天子某謹遣某官某敢昭告

于東嶽岱宗惟神蒼蒼萬品作鎮一方式因春始謹

以玉幣犧齊粢盛庶品初定常薦于東岳岱宗尚饗右開元

祝祭儀

國朝

維洪武十年歲次丁巳八月丁未朔

皇帝謹遣曹國公李文忠道士吳永興鄧子方致祭于東

岳泰山之神曰朕荷上天右土之眷命家神之效靈以

致平群雄息禍亂君主黔黎於垂夏統控蠻夷於今十

年中國康寧然於神之祀若以上古之君言之則君為

民而禱歲有春祈秋報之禮於斯之際有望於神而祭

者有巡狩於所在而燎瘞者今予自建國以來十年于

茲國為新造民為初安是不得親臨所在而祀神也特

遣開國忠臣李文忠道士吳永興鄧子方以代予行奉

犧牲祝帛於祠下以報效靈自今以後歲以仲秋詣祠

致祭惟神鑒之尚饗

洪武十一年遣道士吳永興官行甫告曰惟神靈時方
獄鍾秀后祇主司生民厥功尤大時維仲秋禮當報祀
特命使者奉犧牲祝帛詣致祭伏惟鑒知尚饗

洪武二十八年遣神樂觀道士樂本然國子監生王濟
祭曰昔者元運將終英雄並起民患兵殃時予亦與群
雄並驅輯兵保民上帝默相山川受命效靈所在必克
轉戰五年餘方乃兵偃民息衆樂生生之計天下太平
二十八年矣今洪武乙亥四月間廣西布政司報蠻夷
酋長龍州趙宗壽奉議州黃世鐵不循治化負國殃民

兵興之事本重旣行不敢不告所以告者兵行十萬各
離父母妻子途間飢飽勞逸山嵐瘴氣患者有之此兵
行之難兵入其境良民受害且大軍所過荆棘不生民
驚且疑未有不傷者也此其所以告也但欲瘴癘之方
化煙嵐爲清涼之氣俾殄渠魁良民安業軍士速回各
得完聚以養父母是其禱也然予未敢輕告上帝惟神
鑒之爲予轉達謹告

洪武三十年遣神樂觀道士朱鐸如監生高翥祭曰昔
元末兵爭傷生者衆予荷皇天眷命獄鎮海瀆山川效

靈諸將用命偃兵息民今三十年矣兵燹之餘民方安
定邇來西南戍守諸將不能昭布仁威但知肥己虐人
致令諸夷苗民困窘而奮怒攻也戍致傷戍守善民者
予非敢用兵由是不得已指揮諸將帥兵進討然山川
險遠彼方草木茂盛煙嵐雲霧翳鬱之氣吞吐呼吸則
人多疾疫此行人衆各辭祖父母父母妻子涉險遠以
靖邊夷以安中夏萬冀神靈轉達上帝賜清涼之氣以
消煙嵐早定諸夷速歸營壘得奉祖父母父母眷屬團
圓是其禱也今年九月二十六日兵行特遣人專香帛

牲醴先詣神所謹告並回饗

維永樂四年歲次丙戌七月戊子朔二十六日甲午

皇帝謹遣道士嚴嗣客並生馬武致祭于東嶽泰山之神

曰昔者奸臣構禍屠害諸王以及於予予不得已以兵

自救賴皇天眷佑出獄鎮海瀆效靈獲免內難遂安社

稷爰自卽位以來休養黎庶普天率土均視同仁今安

南賊人黎季犛及子孫黎蒼驕盈兇悖屢犯邊疆又侵

思明府祿州等處地方予爲寬容不肯與師問罪但遣

使諭使還地黎賊巧詞文吾所還之地多非其舊還地

之後復據西平州逼脅命吏又侵寧遠州地方占管人民殺虜男女邊境之人數年之內罹其荼毒豈可勝言况安南之人受其禍害不遺一家占城之地被其劫掠已踰數歲遣人告諭冀其改過罔有悛心益驕益甚予為天下之主恭天成命安忍坐視民患而不之救今特命將出師聲罪致討實出予之所不得已心在救民豈敢用兵尚念兵士遠行離其父母妻子山川險阻嵐瘴鬱蒸跋涉勞動易於致疾予惟念此深用不寧惟冀神靈鑒予誠悃聞于上帝賜以鴻庥潛消瘴癘大振兵威

早獲渠魁永安遐壤今年七月十六日兵行特遣人致香帛牲醴先詣神所謹告尚饗

永樂五年遣道士復生監生張禮祭曰比者安南逆賊黎季犛及子孫黎蒼逞克肆暴屢壞邊疆侵奪思明府祿州等處地方予加寬貸不肯與師問罪但遣使諭使還地黎賊巧詞文書所還地多非其舊還地之後復據西平州又侵寧遠州逼脅命吏占管人民劫掠資財殺虜男女邊境之民受其殘酷安南之人并被其害誅求百端老幼不寧占城之地累年遭其劫掠予數遣人告

諭冀其改過而賊稔惡日甚罔有悛心予爲天下主視
民塗炭安忍不救乃命將出師聲罪致討志在弔民豈
敢用兵實出於不得已賴皇天后土眷祐嶽鎮海瀆效
靈將士奮志賈勇悉掃蕩其孽黨撫安其良善尚念將
士暴露于外離其父母妻子山川險阻道里迢遞今天
氣炎熱忍嵐瘴鬱蒸起居失調易於感疾予夙夜念此
寢食不寧萬冀神靈鑒予誠悃聞于上帝賜以鴻庥潛
消瘴癘俾降清涼使將士生久寧百疾不作特遣人致香
帛牲醴先詣神所祭告尚鄉食

維宣德十年歲次乙卯五月壬申朔十五日丙戌

皇帝謹遣泰安州知州胡宗敏祭告于東嶽泰山之神曰
予嗣祖宗六位統理下民夙夜惓惓養民爲務上祈
神靈陰隆助相俾爾暢特順災沴不生百穀用成民用
康濟國家清泰永賴神庥謹以香帛達予至誠惟神鑒
格尚饗

維正統元年歲次丙辰五月丁卯朔十五日辛巳

皇帝謹遣吏科給事中車遜致祭于東嶽泰山之神曰越
此東土泰嶽惟崇民物奠安厥功允茂予嗣承大統謹

用祭告惟神歆格永祐家邦尚饗

正統三年遣泰安州知州胡宗敏告曰朕恭御下民永懷保恤百穀長育茲惟厥時顓冀明靈特隆敷祐無災無沴時雨時暘作歲豐穰以穀黎庶尚饗

正統九年遣翰林院侍讀習嘉言告曰予奉天育民愧涼于德致茲久旱災及群生夙夜省躬中心惓切神司方嶽憂憫諒同雨農以時冥任其責特茲致禱尚冀感通弘布甘霖用臻豐稔匪予之惠時乃神庥尚饗

維景泰元年歲次庚午閏五月丙午朔十五日庚申

皇帝謹遣禮部左侍郎儀銘致祭于東嶽泰山之神曰越茲東土泰嶽惟崇民物蕙安厥功允茂予嗣承大統謹

用祭告惟神歆格永祐家邦尚饗

正統改
石告同

景泰二年遣工部右侍郎張敏告曰天降膏澤在風雨率其職地湧甘泉由嶽瀆效其靈敷布天地之澤施秘風雨嶽瀆不得辭其責也今歲雨暘時順所以澤萬物者至矣而獨泉流不浹所以灌百川者歟焉河不由其道而水決於海泰山四濟之源復秘南北漕運之渠日涸此又何如天地均有矜惠生民之心神何獨無奉若

天命之意務使河循故道分溉朔南而復誕布泉源廣
慰輿望神既有以塞其責朕亦有以賴於神神其鑒格
專候感孚謹告

景泰三年遣太子太保兼都察院都御史王文奉香帛
太牢祭曰茲者河流泛溢自濟寧州以南至于淮北民
居農畝皆被墊溺所在救死不贍朕實傷切于懷夫朕
敷政以惠民神出泉以澤物皆上帝所命今泉流溢於
淮泗災害及於公私伊誰之責固朕不德所致神亦豈
能獨辭必使泉出得宜民以爲利而不以爲患然後各

得其職仰無所負而俯無所愧專候感通以慰懸切謹
告

景泰四年遣刑部尚書孫祥希璉祭曰神奠鎮茲土以庇
利爲職比聞連歲伏陰雨雪過多農事艱舉人民之食
困斃不勝朕心憫惻此固朕之不德所致然念明神受
育民之責於天其任惟均而神則又獨司陰陽闔闢之
機物理變化之運忍令此疹爲民病乎咎固當歸於朕
神亦焉得而辭故敢以告尚冀神庥大布陽和之惠溥
成發育之功專候感通以慰輿望謹告

景泰四年遣翰林院編脩王俱以香帛牲醴告曰國以兵民爲本兵民以食爲天仁政所先孰加於此方秋百穀將實重以漕運方殷雨澤罕敷河流多決兵民所望疇當副之夫朕爲國子民而神爲民捍患實皆天職然有司存朕所能爲豈敢畏難於朝夕神之易舉詎可辭勞於指麾沛膏雨以作豐年助順流而爲通道願有禱也冀無負焉謹告

景泰五年遣太常寺少卿李宗周賫香帛牲醴祭曰茲者農務方殷田疇闕雨發生罔賴朕心惻然神主茲方

冀不異此兩暘寒燠時若在神尚運神功弘布膏澤民物享阜安之福神益彰庇利之仁專候感孚以慰懇禱
謹告

景泰六年遣刑部尚書薛希璉奉香帛牲醴告曰恭承天命重付眇躬民社所依災祥攸繫志恒內省政每外乖或寒燠愆期或雨暘踰度田疇失利穀麥不登憂切民心妨及國計究推所自良由在茲然因咎致灾固朕躬罔避而轉殃爲福實神職當專夫有咎無功過將惟一轉殃爲福功孰與均特致懇祈幸副懸望謹告

維成化元年歲次乙酉四月丁丑朔日

皇帝謹遣尚寶寺寺丞李木致祭于東嶽泰山之神曰准
神毓秀鍾靈永表東土奠安民物萬世允賴茲予嗣大
統謹用祭告神其歆鑒佑我國家尚饗

成化四年遣巡撫山東都察院左副都御史原傑告曰
比歲以來多方災沴雨暘不時我民用瘁民之瘁矣予
局爲懷神矜于民忍降以災德澤崇深孰與神侔祈贊
化機溥天之休責躬脩行予敢弗篤庶幾與神同作民
福謹告

成化六年遣掌太常寺事禮部尚書李希安告曰遵者
山東地方麥自去秋訖于今夏天時久旱泉流乾涸夏
麥無成秋田未種運河淺澁船運艱難中心皇皇深切
朕念惟神奠鎮一方人所恃賴觀茲旱暵寧不惻然茲
特遣官齎香帛以告于神冀體上帝好生之德默運化
機弘施雨澤使田野沾足河道通行用紓朕慮大慰民
望庶幾神之休聞永永無窮神其鑒之尚饗

成化九年遣禮部左侍郎劉吉祭曰朕奉天命統理下
民禦災捍患實神是賴今歲山東久旱災異並臻人民

缺食艱難流運死亡者衆守臣以告朕心惻然惟神廟
食此上作鎮一方見此困窮寧不矜憫用是特遣廷臣
遠詣祠下潔齋備儀爲民請命伏望明神大彰靈應潛
幹化機時賜膏澤用成歲豐變災異以爲禎祥易貧困
而爲富樂庶稱朕事神育民之意中心懇切惟神鑒知
謹告

成化十三年遣山東布政使司左布政使陳儼告曰國
家敬奉神明聿嚴祠祀所期默運化機庇佑民庶乃近
歲以來或天時不順地道欠寧或雷雷失常雨暘爽候

或妖孽間作疫癘流行遠

近人民頻遭饑饉流離困苦

痛何可言惻然於衷罔知
賴覩此災沴能不究心是
體上帝好生之德鑒予憂
威靈捍患禦災變禍爲福
神鑒之尚饗

攸措惟神酋鎮一方民所恃
用特具香帛遣官祭告尚冀
憫元元之意幹旋造化弘闡
庶幾民生獲遂享報無窮惟

成化二十年遣山東布政使戴瑛祭曰朕自登位餘二
十載禮神恤民夙夜在念何去秋至冬雨雪全無方春
春首地震京師年麥無收成之望士民懷艱窘之憂朕

心惻然惓切曷已惟神蒞位東方爲群嶽首久享民祀
寧不究心茲特遣人致香帛用告于神尚冀弘闡明靈
叅贊造化默奪潛消俾雨暘時若物阜民康宗社真安
而神亦血食永永矣尚饗

成化二十一年遣巡撫山東都察院左副都御史盛顯
告曰惟神自開闢來作鎮東土興致雨雲茂育萬物靈
明克昭羣民攸賴是以歷代報祀之典有隆無替乃今
歲二三月間震動數次意者人事不修不齊瀆神弗安
弗寧守臣疏達朕心憂惶祇備香帛命官往祭望喬嶽
以虔祈冀鑒臨而真位助司元化誕福斯人夫古今瞻
仰者在茲國家欽崇者在茲謹告

成化二十三年遣禮部左侍郎黃景祭曰今歲自春及
夏天時亢旱雨澤不降田苗枯槁黎庶憂惶予甚兢惕
側身俯首虔致禱祈維神矜民寧不旋轉大化霈甘澤
以滋禾稼以濟民艱庶民有豐稔之休則神亦享無窮
之報謹告

維弘治元年歲次戊申三月乙丑朔十三日丁丑

皇帝謹遣大理寺右少卿李介致祭于東嶽泰山之神曰

惟神毓秀鍾靈永著東土奠安民物萬世永賴茲予嗣承大統謹用祭告神其歆鑒佑我國家尚饗

弘治四年遣通政司左通政元守直祭曰伏自去歲一冬無雪今春天時亢旱雨澤愆期田苗枯槁黎庶憂懼予甚兢惕用是側身脩省虔致禱祈維神矜憫下民幹旋大造早霈甘澤田滋禾稼弘濟民艱庶民有豐稔之休則神亦享無窮之報謹告

弘治六年遣巡撫山東地方都察院左僉都御史王濬祭曰伏自去冬無雪今春少雨田禾未能播種黎庶實切憂惶予甚兢惕用是側身脩省虔致禱祈惟神矜憫下民幹旋大造早霈甘澤以滋禾稼以濟民艱庶民有豐稔之休則神亦享無窮之報謹告

弘治七年遣內官監太監李興太子太保平江伯陳銳右副都御史劉大夏右僉都御史熊紳以香帛告曰比者黃河不循故道決于張秋東注于海旣壞民田又妨運道特遣內外文武大臣循行潰決之處督工脩築神其默相用成厥功使農不失業國計不虧不勝惓惓願望之至謹告

弘治十年遣巡撫山東地方都察院右僉都御史熊翀
祭曰自去冬今春以來亢旱爲虐雨澤少降麥田枯槁
田野荒蕪黎庶憂惶予甚兢惕側身脩省虔致禱祈惟
神矜民幹旋造化大需甘澤以濟民艱庶年穀有豐稔
之祥則神亦享無窮之報謹告

弘治十五年遣御馬監太監李瑾祭曰惟神氣鍾靈秀
職主發生作鎮東邦群黎仰賴茲者特遣內臣祇奉香
帛用伸祭告上谷洪休伏冀神明俯垂昭鑒愈彰仁惠
永祐家邦尚饗

弘治十六年遣內官監太監齊玄祭曰惟神作鎮東方
發生品彙斯民允賴在古攸崇朕自卽位以來秩祀彌
謹茲者重修廟宇工已告成載立豐碑用彰功德特遣
內臣齋奉香帛修設齋醮仰祈神鑒永祐邦家尚饗

弘治十七年遣都察院右副都御史徐源告曰迺者亢
陽爲虐雨澤愆期炎埃翳空土脉燥竭田失播種民罹
阻饑思厥咎徵深切祇懼特茲齋沐遣告神明伏冀幹
旋化工早施甘澍發生萬彙普濟群黎不勝懇切禱
之至謹告

維正德四年歲次己巳正月甲午朔越四日丁酉

皇帝謹遣山東布政使司左叅政張文佐致祭于東嶽秦
山之神曰今歲以來雨暘愆候田苗枯稿黎庶憂惶予
心兢惕虔致禱祈惟神矜民旋斡太和式調和氣以濟
民艱庶民有豐稔之休神亦享無窮之報謹告

正德五年遣戶部左侍郎喬宇告曰此者曠厲踰時雨
澤少降水泉枯涸運道艱意者政有乖違上千叶氣
予心警惕內自省循參又飭有司各修乃事粵惟齊魯之
地泉源是鍾名山大川神所居守敬將香帛特遣廷臣
仰冀明靈斡旋大化沛施甘澤濟發河流庶使國餉疏
通田禾暢茂民生有賴邦本無彊謹告

正德六年遣山東等處承宣布政使司右叅議徐永告
曰去歲以來寧夏作孽命官致討逆黨就擒內變肅清
中外底定非承洪佑曷克臻茲因循至今未申告謝屬
者四方多事水旱相仍餓莩載塗人民困苦盜賊嘯聚
剽捕未平循省咎由實深兢惕伏望神慈昭鑒幽贊化
機災沴潛消休祥叶應佑我國家永庇生民謹告

正德七年遣山東等處承宣布政使司左叅政張津祭

曰近歲以來群盜爲梗生靈被害在在有之命將徂征
稍臻平定餘災未殄尚累天和水旱相仍妖祥疊見永
思厥咎良切疚心爰與群臣飭躬修政同期昭格庸迓
神庥伏冀神明憫茲黎庶轉災爲福綏我家邦不勝倦
惓懇禱之至謹告

維嘉靖元年歲次壬午二月戊申朔越十五日壬戌

皇帝謹遣詹事府掌府事吏部尚書兼翰林院學士石瑄
致祭于東嶽泰山之神曰惟神毓秀鍾靈永表東土奠
安民物萬世允賴茲予叨承大統謹用祭告神其歆鑒

佑我國家尚饗

嘉靖十一年遣泰安州知州李收祭曰惟神鍾靈孕秀
鎮奠一方陰翊國家其來尚矣朕以寡昧恭承天命十
有一年于茲敬事神祇罔敢少懈顧儲宮未立恒切于
懷茲者特具牲帛醴齊禮官虔禱伏望茂著神功錫予
元嗣則我國家綿慶禔于無窮而神亦享福于有永矣
伏惟尚饗

嘉靖十七年遣泰安州知州丁方祭曰比歲嘗命官禱
嗣于神昨丙申孟冬之吉仰荷天賜元儲亦神所贊佑

者茲用致謝神其鑿歆而永惟默佑焉尚饗

維嘉靖三十二年歲次癸丑閏三月丁未朔越二十八日甲戌

皇帝遣巡撫山東地方都察院右副都御史沈應龍致祭于東嶽泰山之神曰朕祇奉天命主宰萬民夙夜兢惕靡敢怠違茲者淮徐守臣奏稱去夏以來黃河漲溢水患異常堤岸衝決民舍泮沒運道淤塞百姓阻饑不能聊生朕聞之惻然惟神雄鎮一方永饗秩祀茲宜體

上帝好生之德擇惠禦災俾濬築工成水循故道民安常

業漕運疏通惟神之顯麻幣 帛將誠神其鑒之謹告

維嘉靖三十三年歲次甲寅二月壬申朔十八日己丑

皇帝遣巡撫山東地方都察院右副都御史沈應龍致祭于東嶽泰山之神曰比因河水漲溢糧道梗阻已經遣官祭告茲者明神顯應修濬工成河通運達國計有裨特茲致謝惟神歆鑒謹告

維嘉靖三十三年歲次甲寅四月辛未朔十二日壬午皇帝遣巡撫山東地方都察院右副都御史沈應龍祭告于東嶽泰山之神曰朕奉

天命子育萬民所冀歲稔時和災害不作爾者各處地方
水旱兵荒人民遭厄危亡載路災變異常朕心憂惕惟
神上奉

帝命奠齊一方諒垂矜憫爰命潔士齋捧香帛特遣撫臣
備儀竭虔詣祠致祭所冀明神大彰靈應潛幹化機俾
氣序順調雨暘時若弭解災劫溥資豐泰庶同朕奉
天子民之意而神亦享祀於無窮矣謹告

祀祝

後魏

高允祭岱嶽文正趾坤元作鎮東夏齊二儀以永固崇
至德以配天故能資元氣以造物協陰陽而變化若其
崑嶺峭峙川谷幽深神性譎詭倏忽百靈吐納風雲育
成萬品攝生之所歸焉禎祥之所萃焉是以歷代帝王
之崇封禪銘功以告其成七十二君咸在茲焉自非功
倖造化應同自然孰能若此者哉自我國家肅恭禋祀
懷柔百神邦域之內罔不成秩徃以天路未夷雖望祭
有在今大化既同奄有淮岱謹薦于嶽宗之靈尚饗

年二

宋

歐陽脩祭東嶽文脩此者獲解郡章許還里開方巾車而卽路屬暑雨之時行輒以愚誠仰于大造蒙神之惠賜以不違吹清颺而散陰暴秋陽以涸轍遂無道路之阻得返草茅之居荷德之深不知爲報一觴之潔謹用薦衷

濟南守曾鞏告代嶽文去歲之旱有請于神蒙畀嘉澤

田則大稔今春河役發民二萬更迭齎送衆又倍之蓋此齊人出者幾半迨其反室維夏之初勞費旣深又竊

稽事夫民數歲乃遇一稔敝之如此今二麥方苞而亢陽爲虐吏任其咎所不敢逃惟民何辜賴神終惠能致雲雨則實在神尚其念之敢告 惟神含德體仁鎮茲

東夏興雲致雨澤施八紘今此齊邦近在山趾方夏久旱麥苗將萎吏思其繇奔走群望而人微言賤不能上動頓陰復散忽已兼旬念此疲民弊於征歛方歲之富食常不足一遇灾害必捐溝壑惟神威烈覆被群生碩此比州宜先蒙賜豈伊靈眷獨忍遺之是用飭遣士民布誠祠下情窮詞急冀獲哀矜使一雨霽然則倒懸可

解尚其降鑿無作神羞 維泰山歷古至今有天下者
巡狩封禪勒成告代莫不之焉或企足動容卒莫能至
實卓偉殊亡神明之地故天下宗焉二典所記其光靈
威烈焯示萬世夫豈他山可得而視維齊魯獲仰而事
粒食縷衣莫匪陰施今邦不雨自四月以迄于茲積水
之澤塵起冥冥粟將稿死蟬亦滋生雖政或不良足以
致此而百姓何罪宜蒙哀矜彼撮土之山勺水之川尚
能與民爲福錫之有年豈如泰山朝出一雲暮澤天下
其勢之易易於轉圜而比近託麗顧不能憐殆莫之或

告告或不虔夫民之生蓋亦艱矣無儲與藏重斂須使
歲一不登多瀆於死姦強凶無知或起乘時聚爲盜攘以
取誅夷循理安業田間之民亦與俱亡奚可不傷輩受
命天子守藩于東敢齊以嚴告于靈宮惟神閔人之病
助歲之功霈然下雨變沴爲豐尚俾斯民以牛羊黍稷
得承事于無窮右三首
俱祈雨 臣愚行爲特之所背言爲特之
所輕寡儔少和眇眇筑竽苛於人而如此敢望信於冥
冥爲東轅而進謁託斯文而薦誠眷齊魯之舊邦依大
鎮之崢嶸若旱魃之方驕憂歲事之不登民且瘠於溝

壑或椎埋而死兵莫聰明之響谷霑膏雨之霄零言丁
寧以上訴心微恍而潛驚顧不能以諸世將何以動夫
威靈乃不知夫神與道而為徒雖脊默而難明其虛心
也物有來而必應其公聽也無憎愛之常情彼大雖自
大小雖謂小吾與善而已矣常一視而持平故微衷得
以上徹利澤為之旁行或噫為風或震為霆隱然雷出
靄然雲蒸灑甘露以兼夕滅災氣於無形蓋西極于甸
服東屬乎滄溟人盈其望物遂其生黍芄芄而擢秀粟
凝凝而敷祭使時沴遂熄年功可成人食豐乎鍾醴神

祀行乎粢盛民相安於田里吏無用於威刑信大恩之
莫報而至德之難名愚所以意激而感深者方涉世之
零丁荷降監之不昧知忠信之可憑敢因辭以進謝愧
抽思之匪精

右謝

國朝

都御史陳鳳梧 海內名山惟五嶽為尊而神真
位東方生長萬物於五嶽之中又特尊焉自唐以至于
聖朝歷代崇祀威靈烜赫蓋以一方之安危休戚神
有以主之也辛巳之秋鳳梧備員東藩嘗謁告祠下預

祈有年既而叨蒙 聖恩簡任巡撫夙夜弗遑惟綏懷
是事壬午之春以徂于秋雨暘時若感神之惠於是乎
有孚矣是秋暨冬磧寇突起于龜蒙之間荼毒赤子追
捕出境餘醜渡河而南益肆蹂躪者賴神之佑會兵
剽平中原之地獲寧謐焉世世是齊魯之域深谷茂林姦
慝潛伏其患靡常仗神威鋤兇化暴使濟河海岱寇
盜不興水旱不作熙熙然物阜民康斯鳳梧之責可少
道焉而崇報之典其曷敢有忘謹以牲醴特伸祭告惟
神其鑒之謹告

嘉靖二年

泰安守許應元告獄文元聞之含澤布氣膚寸而合不
崇朝而雨天下惟泰山之神為然元以迂非出守茲土
始入境問民之所欲曰歲荐旱吐莩而逋且半誠得雨
殆其有蘇維時元神志不一衣裳不潔不敢以徼於明
神屏息而待命者旬再矣嘉穀未播麥苗且稿而沛澤
靳於先施是神之虐罰茲土者無已也罷憊之民不任
亟毒即守土者無狀宜降厥殃咎彼蠢蠢者誠可哀憐
敢率僚吏竭誠以禱於明神惟明神卒降之惠俾無稿
於道路報神之德曷其有極尚饗

嘉靖十一年

左布政使楊維聰告獄文夫天下之山莫尊於嶽然五
嶽之中獨岱以宗稱其名最著滄然出雲膚寸而合不
崇朝而雨天下其功最大居於東方實維生物之府其
德最盛寰海之內無有遠近衝僻罔不鄉往其神最靈
是故自古聖帝明王必加敬焉而况爲有司者乎維聰
受 天子命長茲東上典領方嶽蒞任之初得以職事
過于祠下牲醴之薦敢有弗虔重念維聰之不德受茲
重任凡政之未平民之未乂風雨之未時蝗厲之或作
皆有司之罪也維聰不敢辭其罪然於神有深望焉默

而相之神之惠也民之福也非維聰之所敢私也謹告

嘉靖十
五年

分巡濟南道僉事盧問之祭獄文夫惟神有奠鎮區域

之功惟問之有撫治地方之責事存分際理通感孚頃
以按部之餘遂興憫農之念意以暘旱之災書藝夫慢
民者之過也用是省躬布戒率守吏大小虔告重荷洪
庥並賜昭格而山上之雲觸石而起膚寸而合不崇朝
而雨待哺之民有望而催租之吏不憂矣其功之速之
大實顯佑于東土問之臨風興懷殊切瞻望謹命有司

崇修樽豆仰答神功尚饗

嘉靖十六年

都御史端廷赦

言

茫茫后土五嶽盤薄神為之靈

威靈鑠鑠上扶乾綱風雨時若下握坤軸是耕是穫恢我皇度靈長有託庇我蒸人湛淵寥廓凡此神功振古如昨廷赦奉

命撫茲禮當謁神謁神之初敢干神政匪誕匪私為民請命夏滂為災冬旱復甚暵饑陰伏寔行春令二麥若稿斯民之病惟神依民惟民以依食胡忍視民以至此極將神之怒撫臣之失罪在撫臣民則何慝伏望陰翊化

工昭錫靈貺興雲降雪慰茲渴望如有佚罰撫臣甘之

毋使斯民橫言罹之式號以呼神其聽之尚饗

嘉靖二十三年

二月

言

廷赦撫按無狀獲戾神明致茲冬旱用是皇

皇靡寧匍匐祠下為民請命蒙神降監旋收杲日大布

重雲霽雪先集霖霖繼益霑足優渥其應如響吏民罔

知咸歸於廷赦自分罪愆顧有何德可以動神何誠可

以感神寔神正直仁慈不忍以廷赦之故累及元元顯

貺休烈禮當報謝廷赦既荷神宥自今伊始益當磨光

刮垢力詢民瘼以求不為神羞惟神祐之鑒之尚饗

嘉靖

二十三年

上二文提學副使楊博撰

巡按山東監察御史鄭云惟神惟神率造化之靈秀

顯仁威以配天峻德獨宗於諸岳巍功茂對於八埏崇

古今之封秩為齊魯之具瞻五徵時應六府真安芸欽

承上命攬轡茲方風裁是秉惟神之綱春生秋教慝

激淑揚爰及藩臬降監有光精神默契敢不肅將祇陳

率禮維修典常明禋載獻維神是匡利奏膚功憲度孔

昌下土永賴赫奕用章尚饗嘉靖二十三年

博興縣盛楷伏觀萬物發生四海仰德凡此下

民至誠供獻惟恐不及而切切玉香帛金縉牛馬恒以萬

億計以禪邦國以寬疲瘁氏其餘以頒羽人使給衣食

是皆神之貺也凡我司委德德者其或從而侵漁之攘竊

之衣冠之盜有甚於穿窬之盜也嗟乎民則施之官則

攘之見利忘義不過為肥家計耳記曰君子不家于喪

矧吾民之奉神者而忍攘竊乎是可忍也孰不可忍也

夫竊民之供獻者近近作身孽遠作子孫殃神其殛殺之

無赦夫攘神明之物與竊牲牲者又何別乎楷敬焚辨

香敢與神誓如靜言庸遠蚤加陰譴俾不生還鄉土以

為永戒謹告

嘉靖二十五年正月

巡撫都御史王忬

告獄文

蓋聞懿垂編綠休翊

明時

以雄長乎五嶽者神之天造也觸石而出膚寸而合不
崇朝而雨天下者神之能事也至於奔走天下積致賄
施以利賴此一省者又神之顯惠也則夫雨暘時若固
神之當先及而亦一方之所私望者矣乃不雨自春迨
將中夏達乎四境且害三時麥已罔秋禾豈望歲夜倬
雲漢書苦風霾下民其咨 上天有憾神之所以急此
一方者不其爽歟且忬受 命撫茲圖惟保釐彈厥心

力而已雲行雨施寔仰 叩叩神焉勢分固爾也抑忬及
庶司或陰蓄讐言辜有乖感 假則神宜罰及厥身顧斯民
何辜代服政者罹此荼毒聊謹齋明思省遣教授胡大
慶告此零事神其歛崇朝之靈渥千里之利則豈惟忬
與一方之人慰答其望雖神之取信天下輝映今古或
亦攸係矣惟神其聽之哉尚饗

嘉靖三十一年五月

巡撫都御史沈應龍

告獄文

夫嶽之靈豈直以崖奔嶺

感谷抱谿廻崛起重險為一方鎮哉蓋將賴以橐籥玄
機鼓盪元精禦災捍患流福生民保衛 邦家也矧夫

岱靈甲群峰而特峙尸攝生之神工貽饗於獨盛千古奔走萬方爲天下望諸嶽之長者歟乃者春則恒陽二麥罔秋夏則恒雨民無粒食所謂國泰呈瑞時訛反玆者胡罔時錫豈天災流行雖聖世有所不免耶應龍承之撫綏保釐東土山川之神寔叨主之乃歷巉巖排蒙龍升青丘陟春趾以修祀事以祝景貺以佑斯民以祈不負於聖天子懷柔百神肅恭明禮之典匪徒以好古饗奇俯輟虛廓仰眺寥次爲遊觀樂也維嶽配天尚弼予志適彰休佑大康是邦奠聖祚于苞桑華

皇圖于永固則庶乎岱宗之標奇於齊魯者爲益信而封

禪於列聖者期不誣也惟神其念之哉尚饗

嘉靖三十一
年十一月

禮記 天地生萬物所以奉而行之者神之職也

聖天子養萬民所以奉而行之者應龍等之職也今山東

諸郡旱已大甚麥苗就稿萬姓皇皇餓莩之形漸多潢

池之警日報此應龍等日夜憂惶計不知其所出也應

龍等寡昧保釐失職貽民荼毒罪固難辭惟神聰明正

直能興雲雨亦可失職而甘受天地之罰乎應龍欽承

上命敬共明祀特申祇告敢爲萬民乞命伏願鑒此精誠

幹旋造化甘霖沛澍四野沾足枯槁復蘇三農慰望尚
期消患於將萌轉禍而為福應龍等仰荷明神無窮之
錫而神亦有無窮之休神其聽之尚饗嘉靖三十二年閏三月

巡按山東監察御史馮薦

言

東土鹵莽地力遠不

逮古賦役繁重卽有年民亦流移往遭水害窮困不能
自存老稚在途強壯嘯聚疾苦之狀不忍聞見

聖天子痛憫時艱簡重臣出廩賑饑而垂絕之生意復蘇
然猶望今歲有秋也邇來亢旱農事盡廢公私既竭將
曷以支惟神震方名嶽能興雲雨以生萬物古今祀典

攸崇也夫民有疾苦官茲土者公宜罷斥竊恐神茲土
者心亦弗能自安神宜仰體 聖君之仁俯從薦等之

願誕敷靈液以紓吾民之疾苦神之德惠將流被無窮

矣謹告

嘉靖三十二年閏三月

巡按山東監察御史雍焯同布政司右叅政林應亮按
察司副使牟朝宗王教王撫民徐南金僉事任希祖都
指揮僉事牛天賜

言

謹以牲醴敢昭告于

東嶽泰山之神曰於赫岱宗秩祀有恒神功丕施毓物効
靈真此震極翊此坤寧歷代禋薦酬德報成迄我

皇朝典祀維明焯等叨事茲土肅將明馨仰藉
用徵業

巡按山東監察御史段顧言行役至止于泰安之陽特
維嘉靖戊午夏五之廿有五日也齋沐越二日甲戌爰
命有司虔脩牲體備布政司左叅議徐文通按察司副
使王世貞李高僉事王遴張師价暨都司署都指揮僉
事李春華敢昭告于

東嶽泰山之神曰於維大神其將我儀我歆也不乎予請
先頌大神之茂育明靈并于小子展祀之積忱微義惟

神昭啓方敢冀神之我臨我享也竊聞天地之大德曰
生而生生不息之元氣盛德氣鍾焉疑焉是曰泰山夫
泰太和也謂天地太和之氣盡此焉在也行之而時則
惟春而神寔尸之布之而方則惟東而神寔專之大哉
乾元至哉坤元胥茲乎生成而終始之是所謂天地好
生之府而特爲四嶽之宗乃若壁峙之峻極盤薄之闊
遠又非所論也以故粵自有虞氏以迄

昭代咸秩祀而崇報之也固宜予小子言按部齊魯責在
肅清而激慝鋤若與大神之生道不相似者然我心

我精我儀我誠神將吐之乎嗟乎吾知其必弗爾矣吾
聞春生秋殺玄化之流也福善禍淫明神之靈也過惡
著良大君憲天之政也矧以生道殺之而生生者斯無
窮以福機禍之而福福者斯無窮乎繫乃曰大君顯憲
幽贊以成化而予小子觀風攬轡又將以奉君之命而
致之元元者也果終異乎於戲神不享非禮之祀君子
不真祀于不享之神大神其以予之言爲不戾耶尚祈
鑒我精誠我假我歆而毋予譴也謹

告

祀辭

宋

鮮于侁獄神辭雲矣對兮山之巔瞻獄靈兮望青天斬
巖峭崿兮磅礴無垠隴從律勃兮寧一以爲仁草木雜
而羅生兮人不可名鳥獸蕃而走集兮虞不能知因高

錯事兮道此躋陞登代勒成兮胡爲而七十二君齊余
心兮不外高余冠兮甚偉楨兮杜兮爲衣掇紫芝兮作
珮栢實兮松華石髓兮蘭英惠有陳兮玉案明水湛兮
清尊誠拳拳兮不解寐接神兮恍若有言嵩高峻極兮
生甫與申周道將明兮宣以中興水旱不常兮蟲螟以
災稼穡卒荒兮民生流離勞來安集兮之子之功祐此
下民兮寧遺神羞

國朝

御史張鐸迎神辭雨泮泮兮風颺颺望神君兮駕赤螭

魂恍恍兮遠阻馳峻坂兮陟長岐望舒爲御兮霞爲裳
豐隆前導兮電爲旗迢遙戾止山東涯蒼虬玄豹何紛
披神駒寶馬森相隨瓊琚絡珮聲纍纍鳳凰啣珠光陸
離紛屢舞獻瑤卮坎坎擊鼓揚巫師願鎮坤維兮祀事
孔時雨忽散兮雲英英送神君兮駕太清天衢
縹緲兮不可挹忽佗倏兮心驚龍翼輶兮駢闐虎服廂
兮縱橫馳驅海岳迈瑤京霓裳霞帔儼同行玻璃流光
照空明玉童時罷雲和笙瓊宮寶宇寂無聲歌萬福受
瑤觥陶陶嬉舞歡相迎願靈去而來兮奠此群生

祀記

元

學士張起巖撰祀東嶽記。維嶽奠茲東土，駿極于天，為國巨屏，其方生氣之所在，天地大德之所屬也。故於時為春，於五行為木，於五常為仁，發祥效靈，自昔已然。膚寸而雲，不崇朝而雨天下，它蓋之莫與京也。七十二君之事，雖無從攷，然而享明禋，受嘉薦，其來尚矣。元統二年

學士歐陽玄書刻延禧殿前

奉符教諭田文舉撰代祀記。望秩山川，懷柔百神，此

虞周之盛典也。歷代以來，至于我元，歲舉殷禮，崇尚祀典，復古之制也。甲申閏二月丁卯，皇上端拱九重，齊明盛服，敬授內八府宰相臣塔刺海、臣冲真、明遠、玄靜、真人張德隆，以名香、銀盒、白金壹錠、錦幡一盒、馳驛，以至岱宗祠下。是月二十七日，臣塔刺海等齋沐，昭告守土之官，勦力協心，敬趨厥職。越二十九日巳丑，致祭于東嶽。天齊大生仁聖帝，焚香祝頌，恪恭薦裸，三獻肅雍，禮成而退。神之格歆，不崇朝而雨，田疇足潤，年豐有望，寔神嶽之靈，以應天子敬恭神明之佳兆也。猗歟休哉，謹

記

翰林編脩李繡代祀詔五嶽在天地間含澤宣氣禪贊
化育自昔為有國者所崇奉而岱宗於次為尤尊且貴
為聖元歲一遣使致祀惟謹祝稱嗣天子敬遣某官某
事可謂嚴且重矣至正十年庚寅月正元日上御正朝
中書省臣奏得旨以宣政院副使臣桑哥秘書少監臣
賀方代祀東嶽既而以事不果行省臣覆奏以翰林國
史院應奉臣李繡易方越十又四日己巳臣桑哥等偕
諸道代祀官十人入見明仁殿皇上親舉香函致敬以
授使臣者臣桑哥繡乃捧香帛祝曰金馳八乘傳即日
就道二十有二日丁丑抵祠下翌日癸亥祀牲用少牢酒
菓庶羞精潔備具將事之夕端倪軒豁萬象呈露小大
執事罔不闐懌嗚呼神之歆此祀錫羨降康以答聖
天子之至誠者諒必有在將命小臣其何敢知姑識歲
月以諗來者

國朝

德祐撰

代祀東嶽廟記洪武二年春正月初四日

群臣來朝

皇帝曰朕自起義兵臨濠率衆渡江宅金陵每獲城池必祭其境內山川于今十五年罔敢或怠適者命將出師中原底平嶽鎮海瀆悉在封域朕賴天地祖宗之靈武功之成雖藉人力然山川之神實默相予況古者帝王之有天下莫不禮秩尊崇朕何敢違於是親選敦朴廉潔之士往焉臣德祐承詔將事唯謹二月二日祭祠下威靈歆格祀事孔明礮石鐫文用垂悠久惟神發生萬物奠于東方典祀既崇綱維斯在尚期陰陽以和風雨以時物不疵厲民庶乂安是我天子之所望

於神明者而亦神靈祚我邦家之靈驗也

德祐姓缺俟考

翰林院侍讀習嘉言代祀靈應記去年秋不雨冬亦不

雪今春妨東作麥乃不有秋 皇上憂惕四月癸卯遣

近臣十有七人齋香帛禱祠嶽鎮海瀆暨鍾山 宸衷

尤倦切焉嘉言忝遣首得代祀東嶽時馳驛詣山東者

二人彼以沂山東海也比至三司率官屬遠迓香帛爲

禮甚恭予語以禱祠之意議分職助禱於是憲使張君

鵬偕行五月壬子宿祠下翌旦祇謁予默禱曰亢旱久

矣 聖天子遣一介臣禱祠于神神宜有所昭答焉退

循張君令有司召民之出大牢及蔬果者聽自言其直
給以所齋鈔人人喜出望外是日午雨乙卯雨如注丁
巳又雨戊午四鼓序列祭具星月如晝既舉三獻禮仰
瞻神靈若響若答禮成以雲倏以起雨大作移時方止州
之父老助禱者歡呼言雨三日為霖茲既幸見奚可多
得哉遂再拜曰

皇帝子我恒矜憫我既旱禱以雨我使我播種以不饑困
恩德何其至哉又曰神利澤我者多矣旱而有禱輒雨
矣使旱不為災惠莫加矣又曰是雨也固宸衷感通

所致良由神之克效夫靈應也顧無所於報願

皇帝壽萬萬年神得款禱祀於無窮也時濟郡守陳君安
泰安州守施守正暨寮屬助禱者謂靈應斯臻盍屬記
於予惟神以尊冠五嶽發育群物靈應往日者豈少耶
殆未若今之捷於影響也誠足副上意而慰民望矣雖
然是歲之旱奚翅一方焉所謂不崇朝而雨天下者予

尤有所冀也

正統九年五月

禮部侍郎劉吉代祀成化癸巳夏山東大旱民饑漕
河淺涸兼有黑風之異皇上聞之矜惻下詔蠲租賦

問民疾苦發附近倉糧十有三萬石及內帑銀四萬五
千兩錢六百餘萬緡爲糴本以賑濟又念禮有逆時雨
寧風旱之文是不可緩也特命臣吉齋祝幣祭告東方
山川之神祭儀給於內帑不煩有司 皇上恤民之心
無所不用其極臣吉受 命秉虔兼程而進首東嶽廟
下戒有司脩飭祀事致齋三日維時炎焰四赤野土如
焚衆情憂沮及省牲之夕忽有雲起西南若將雨狀未
幾入夜果大雷雨歷三鼓乃止肅恭將事牲肥酒香禮
序樂和神明歆饗洋洋如在至晚天氣清朗萬彙一新
及午復大雨溝壑不溢遠近皆灑足民欣然更生特巡
撫都憲臣牟倬及叅政臣阮勣皆預陪祀并合屬官吏
俊者莫不喜動顏色舉手加額曰此我 聖天子大德
之感也吾民將何以圖報惟敬祝 萬萬年壽爾是後
連日雨咸願有紀夫世有饑饉雖天之行所貴人君心
乎爲民變災爲祥而見天心之仁愛也此周宣所以稱
中興魯僖所以志閔雨也今我 皇上一念憂民之誠
上通于天天輒響應彼周宣魯僖又不足侔矣有君如
此則凡任爲 國爲民之責者可不思所以勉副也哉

是行臣言實職其事而視其應不敢昧 上之德亦不
敢沒神之太惠故因衆請刻祝文于石謹拜手稽首識
于下方

碑序

學士許彬撰東嶽靈應碑東嶽天下名山也山之靈
能興雲爲雨澤被萬物 朝廷之載在祀典崇重甚至大
臣憂 國奉公能體 朝廷之心敬神恤民轉禍爲福
者法皆可書平江侯陳公所謂敬神恤民轉禍爲福者
焉景泰癸酉山東告饑民流離轉徙東昌尤甚公往鎮

之遂通歷州郡旱暵乃熾抵泰安登東嶽自爲文告之
時五月十五日也是夕霖雨大澍遠近沾足民老禔相
慶幸 今上新復大位以山東蝗旱盜作首命公鎮之
公受命以來憂勤惕厲明年亢陽不雨公復如泰安禱
于東嶽祠下曰吾奉 天子明命巡歷東藩職在安撫
自春涉夏甘澤不降民曷以甦吾之不職戾固莫逃神
之血食茲土能獨安乎哉禱既雨霖霖枯者蘇蝗亦自
斃歲庚辰春旱公又將如泰山致禱未至而宿於靈巖
大雨通夕田野霑足歡欣之聲颺于四境祭法謂能禦

大留得大患則祀之若神之靈應豈非祭法所當崇重者歟知州李琪等請文勒石以垂不朽予書其事以告東藩之人使知 聖天子神化宜民百神效職群吏用命大臣能敬神恤民轉禍爲福者有所自焉

布政使陸瑜

禮而有感碑

天地之大德曰生泰山奠

于東土體乾含元爲五嶽之宗有虞集望於是歷代登封於是唐宋以來建廟加號禮極崇重行祠遍宇內

聖朝酌準古制凡嶽鎮海瀆之神命所在守長祀事京師列壇於郊以隆望典有事特遣使謁告稱神去號禮

從中正惟東嶽行祠在天下者獨盛景泰乙亥春二月

至夏五月山東鄒縣不雨麥穀將稿先是濟兗諸郡連

年被災兼以河決漕阻民役久疲 上命刑部尚書括

蒼薛公往臨之役值茲旱公憂形于色戒所司曰上天

降災厥有攸徵循咎自予於民何辜乃齋沐禱吉禱于

濟南泰山行祠是夕雨而霑被不遠公嘆曰弗虔也此

去泰山百餘里盍往禱焉命瑜偕按察使劉致等從既

就道烈日爍石炎飈揚埃次靈巖望泰山絕頂俄有片

雲玉葉光潔乘風不動夜二鼓公將至州須臾頂雲布

陰鼓雷閃電雨意油然將下復止者遂焉有造且公謁
祠焚香懇歛退齋愈恭明旦致齋重陰蔽山雷電交作
公率衆陞禮而大雨如注午及晚三陞壇皆如之觀者
嘆異是夜霧霽不止六郡霑溼百物勃然漕道以通歲
臻大稔兵農安堵歌詠公德非公之精誠不足以格泰
山之神非泰山之神奚致感應之速若此哉昔殷聖責
躬而大雨方數千里後世值旱或禱門或清龍或舞巫
而應或釋冤而雨若公之誠所以格乎泰山者鮮矣瑜
願誌諸石以彰敬神惠民之嘉蹟庶幾將來者知所則

云都御史翁世資言天至高也神至幽也
孰不曰至高者難動至幽者難感此以勢論而不以理
求也蓋人之於天體異而氣同吾之心正則天地之心
亦正吾之氣順則天地之氣亦順矣殆見寒暑自我而
平日月自我而明旱乾水溢之災寧不自我而消彌之
邪書曰惟德動天又曰鬼神無常享享于克誠無其誠
而欲動天地感鬼神吾見其難矣成化八年自正月至
四月不雨泉源涸竭布種于土者弗生民命陷危我
皇上宵旰勤憂乃降香帛祝文出內帑白金遣臣世資

祭告東嶽之神蓋以神爲一方鉅鎮能禦大畜捍大患而告焉卽書所謂禋于六宗詩所謂靡神不舉之意五月三日巳亥致齋建壇於岱岳廟叅政江玘僉事董琳濟南知府白行順皆至卯辰之間天宇廓清炎曦扇熾薰蒸之氣如炎如焚咸以不雨爲閔巳午之交黑雲儻然起於西北以漸滂合雷聲轟然震於雲中谷應山鳴衆風颺至有若神靈之降臨於旂蠻癸卯甲辰風雨時至解壇兩大澍連日六郡境內罔不溥遍人心大悅以爲此實由我 皇上一德格天而世資等奉 命惟謹

之所致也會謂高者果於難動幽者里於難感乎請爲諸君誦之亦以見天之與神念斯民也篤矣誠僞之心可不謹乎於是書其實命泰安州知州張祀勅于麗牲之石

督學僉事畢瑜撰

屬郡有六而泰山雄峙其間根蟠三百餘里秀拔天下靈應四方殆必有宰乎其間者自昔帝王巡幸加以徽號隆以祀禮四嶽未能過之初是邦頻年旱澇相仍加以螟蝗爲孽疫癘爲災上下公私困竭老弱半溝壑壯

而逃移者倍之壬辰之秋都憲牟公俸掇重書來撫
是邦夙夜憂勞凡可以拯民者靡不究心明年癸巳司
設監太監劉公倜繼來鎮守布宣天子德意相與嘆
曰吾民若此使繼歲不稔上無以紓吾君東顧之憂下
無以解倒懸之苦責且莫逃於是協謀卜以孟冬元日
躬率屬吏各齋沐禱于泰山曰倜等不德撫綏失道民
則何辜神受上帝命奠東土斯民休戚神豈恣然無意
耶禮成而退是冬乃大雪繼而甲午二月雨三月又雨
孟夏雨大足乃止千百里多秀連郊稿者蘇病者愈商
賈突聚官吏胥慶他徙者復還至有不耕而獲者於戲
休哉此豈人力邪必有默相而致之者咸謂不可無述
以昭神功屬瑜紀其實勒之金石以傳竊惟成湯憂旱
責於桑林仁宗憫雨叩於內殿韓愈之驅鱷劉琨之逐
風滅火皆不能無禱於天於神誠積於躬効應於彼宜
冥之中未必無鬼神者聽矧茲岱嶽靈雨間跨四嶽職
主生物二公秉誠自咎為斯民祝曾泰山昧昧有不應
之邪書曰至誠感神又曰人謀僉同鬼神其依於是乎
有足徵矣余目擊其盛謹叙如右復系之以銘銘曰兩

儀未判濁與清陰陽氣結茲獄形容崇磅礴凌蒼冥有
禱必應彰威靈開闢造化儲精英遐方奔走咸敬承通
來山左災相仍窮廬烟斷郊無青旄倪枕藉溝壑盈伊
誰畫策安吾氓赤手援溺賢公卿秉誠特與神誓盟赫
然上訴于帝庭雲油雨沛枯槁興幽明感通和氣蒸平
疇不耒秋有成呻吟化作謳歌聲舉手加額呼神明天

下萬世資昇平

成化十
二年

御史李錦禱雨有感序卷夫天人相與之際神明感通
之機有不可得而誣者顧所感何如耳成化癸卯齊魯

間秋八月不雨至于甲辰春三月土地坼裂飛塵蔽野
麥就枯禾失藝民以旱災告官斯土者咸閉焉按治東
藩金戒趙公憂惕尤甚迺集群議簡有時望者禱于泰
山於是山東漘司王公濟南太守蔡公適在時季春廿
有八日二公祇服厥議即日協心澄慮齋沐就道既至
步登嶽頂申告惟虔蓋四月朔日也日之曛時二公歸
憇巖巖亭余時旅寓泰安而迂集焉有黑雲升自西壑
須臾雷雨大作霖霖霏霏澗谷振響峽徑瀰瀰咫尺不
能辯高下別人物余與二公歡欣踴躍遂忘山路之崎

嶇衣冠之淋漓也既而紛紛靡靡通宵弗止翌日自朝
至于日中復沛然大澍二公暨余冒雨抵靈巖次日別
諸路迂轡而東但見草木森蔚郊園爽秀枯者甦仆者
起農舞于野旅笑于途樵歌牧唱咸謂二公之積誠有
以動于神神爲答之故有此甘霖之降也吁是誠然矣
孰謂天人之際無相與感通之妙哉王公字尚忠陝右
蒲城人蔡公字文輝河南睢陽人蓋事有可傳者義不
容以不傳固非爲是誇辭以相媚也

封禪

志封禪何以封代以而志之也志其事而匯其文也志其
事見郊社之變也匯其文見君臣之德焉夫禮莫大乎
郊社而柴類盡之矣而又有封禪之說焉禮之變也是
故誦其文論其世而要諸三才一理之極考諸治忽安
危之報則其君之蔽哲臣之匡諛不可見邪若夫七十
二君之事則河汾許懋諸名家之論君子覽焉

秦始皇卽帝位三年封泰山禪梁父

王仲淹謂封禪非古而啓於秦漢故余志

封禪以秦爲首

漢武帝元封元年封泰山禪肅然其後凡五修封嘗一禪

石問

有無其應而用事者矣自古受命帝王曷嘗不封禪蓋

泰山者也齊桓公既霸會諸侯於葵丘而欲封禪管仲

曰古者封泰山禪梁父者七十二家而夷吾所記者十

有二焉昔無懷氏封泰山禪云云伏羲封泰山禪云云

神農封泰山禪云云炎帝封泰山禪云云黃帝封泰山

禪亭亭顓頊封泰山禪云云帝嚳封泰山禪云云堯封

泰山禪云云舜封泰山禪云云禹封泰山禪會稽湯封

泰山禪云云周成王封泰山禪社首皆受命然後得封

禪桓公曰寡人北伐山戎過孤竹西伐大夏涉流沙東

馬懸車上卑耳之山南伐至召陵登熊耳山以望江漢

兵車之會三而乘車之會六九合諸侯一匡天下諸侯

莫遠我昔三代受命亦何以異乎於是管仲睹桓公不

可窮以辭因設之以事曰古之封禪鄣上之黍北里之

禾所以為盛江淮之間一茅三脊所以為籍也東海致

比日之魚西海致比翼之鳥然後物有不召而自至十

有五焉今鳳凰麒麟不來嘉穀不生而蓬蒿藜莠茂鷓

鴒數至而欲封禪毋乃不可乎於是桓公乃止其後百

泰山志卷之二

十一

有餘年而孔子論述六藝傳畧言易姓而王封泰山禪

乎梁父者七十餘王矣其俎豆之禮不章蓋難言之

秦始皇即帝位三年東巡郡縣祠鄒澤山頌秦功業於

是徵從齊魯之儒生博士七十人至於泰山下諸儒生

或議曰古者封禪為蒲車惡傷山之土石草木掃地而

祭席用蒲稽言其易遵也始皇聞此議各率其難施用

由此緝儒生而遂除車道上自泰山陽至巔立石頌秦

始皇帝德明其得封也從陰道下禪於梁父其禮頗采

太祝之祀雍上帝所用而封載皆秘之世不得而記也

始皇之上秦山中阪遇暴風雨休於大樹下諸儒生既

不得與用於封事之禮聞始皇遇風雨則譏之始皇封

禪之後十二歲秦亡諸儒生疾秦焚詩書誅慘文學百

姓怨其法天下叛之皆偽曰始皇上泰山為暴風雨所

擊不得封禪此豈所謂無其德而用事者邪漢武帝

自得寶鼎與公卿諸侯議封禪封禪用希絕莫知其

儀禮而群儒承封禪尚書周官五制之望祀射牛事齊

人丁公年九十餘曰封禪者古不死之名也上於是乃

令諸儒習射牛草封禪儀數年且行天子既聞公孫

卿及方士之言黃帝以上封禪皆致推物與神通欲放
黃帝以上接神仙蓬萊高世比德於九皇而頗采儒術
以文之群儒既不能辯明封禪事又牽拘於詩書古文
而不能騁上為封禪祠器示群儒或曰不與古同徐偃
又曰太常諸生行禮不如魯善周霸為圖封禪事於是
上結偃霸而盡罷諸儒不用三月遂東幸緱氏禮登中
岳太室東上泰山泰山之草木葉未生乃令人上石立
之泰山巔上念諸儒及方士言封禪人人殊不經難施
天子至梁父禮祠地主乙卯令侍中儒者皮弁薦紳射
牛行事封泰山下東方如郊祀太乙之禮封廣丈二尺
高九尺其下則有玉牒書書秘禮畢天子獨與侍中奉
車子候上泰山亦有封其事皆禁明日下陰道丙辰禪
泰山下趾東北肅然祭后土封禪祠其夜若有光晝有
白雲起封中天子從禪還坐明堂群臣更上壽於是制
詔御史曰朕以眇眇之身承至尊兢兢焉懼不任維德
非薄不明于禮樂修祠太乙若有象景光香知有望震
於惟物欲止不敢遂登封泰山至于梁父而後禪肅然
自新嘉與士大夫更始賜民百戶牛一酒十石加年八

上服寡布帛二尺復博奉高姑丘歷城無出今年租稅
其大赦天下如乙卯赦令明年夏旱公孫卿曰黃帝時
封則天旱乾封三年上乃下詔曰天旱意乾封乎公玉
帶曰黃帝時雖封泰山然風后封臣岐伯令黃帝封東
泰山禪凡山合符然後不死焉天子既令設祠具至東
泰山泰山平小不稱其聲乃令祠官禮之而不封禪焉
其後令帶春祠候神物夏遂還泰山脩五年之禮如前
而加以禪祠石閭石閭者在泰山趾南方方士多言此
仙閭也故上親禪焉太史公曰余從巡祭天地諸神名
山川而封禪焉入壽宮侍祠神語究觀方士祠官之意
於是退而論次自古以來用事於鬼神者具見其表裏
後有君子得以覽焉若姐豆珪幣之詳獻酬之禮則有
司存焉禮載升中書稱肆類吉今盛典皇王能
事終封報天降禪除地飛英騰實金石記漢承遺緒
斯道不墜仙閭肅然揚休勒志
古之初肇自吳穹兮生民歷選列辟以迄于秦率邁者
踵武聽逝者風聲紛綸歲幾堙滅而不稱者不可勝數
也繼詔夏崇號謚畧可道者七十有二君閭若淑而不

昌壽逆失而能存軒轅之前退哉越乎其詳不可得聞也五三六經載籍之傳維見可觀也書曰元首明哉股肱良哉因斯以談君莫盛於唐堯臣莫賢於后稷后稷創業於唐公劉發迹於西戎文王改制於周即隆大行越成而後陵夷衰微千載無聲豈不善始善終哉然無異端慎所由於前謹讀一經於後耳故執迹夷易易道也湛恩靡洪易豐也憲序八著明易則也垂統理順易繼也是以業隆於祿祿而盛也冠于二后後漢所元終都攸卒未有殊尤絕跡可考于今者也然猶嶺梁父登泰山建顯號施尊名大漢之德心逢涌原泉沕瀾漫衍旁魄四塞雲布霧散上暢九垓下滌八埏懷生之類霑濡浸潤協氣橫流武節飄逝邇陬遐滄原迥闊沫沫首惡湮沒閭昧昭哲昆蟲凱澤回首石凹內然後圍騶虞之珍群微麋鹿之恠獸渠一莖六穗於公庖犧變節共抵之獸獲周餘珍收龜于岐招翠黃乘於龍於沼鬼神接靈固實於間館奇物譎詭傲儻窮變欽也或符瑞縉茲猶以為德薄不敢道封禪蓋周躍魚隕航也休之以燎微夫斯之為符也以登介丘不亦愿乎進讓之道何其爽歟於是大司馬進曰

陛下仁育群生義征不遠四諸夏樂貢百蠻執贄德侔往初功無與二休烈浹洽外但瑞表變期應紹至不特創見意者泰山梁父設壇場由上率蓋號以况榮上帝垂恩儲祉符以薦成陛下謙讓而弗發也挈三神之驩缺王道之儀群臣愿焉或謂且天為質間示珍符固不可辨若然辨之是泰山靡記而梁父靡幾也亦各並特而榮成濟世而岳說者尚何稱於越故聖王弗替而修禮地祇錫符奉符以行事不為進至尊尊盛德發號榮受厚福謂欽天神勒功中岳以彰下之世觀上者之不業不可以浸黎民也皇皇哉斯天雜薦紳先生之畧術使獲耀也領陛下全之而後因錯事猶蕙正列其義故飭厥日月之末光絕矣以晨采為七德之無窮俾萬世得文作春秋一藝將藁舊六實前聖之所以永保鴻福而清流揚微波蜚英聲騰茂實前聖之所以永保鴻福而常為稱首者用此宜命掌故悉奏其義而覽焉於是天子沛然改容曰愉乎朕其試哉乃遷思回慮總公卿之議詢封禪之事詩大序之博廣符瑞之富乃作頌曰自我天覆雲之油油甘露時雨厥葉可游滋液奉漉何生

不有嘉穀六穗我穡曷畜非隄雨之又潤澤之非隄
 之我况獲之萬物熙熙懷而慕思名山顯位望君之來
 君乎君乎侯不邁哉般般之獸樂我君固白質黑章其
 儀可嘉取收睦睦君子之能蓋聞其聲今觀其來厥塗
 靡從天瑞之徵茲亦於舜虞氏以興濯濯之麟游彼靈
 時孟冬十月君祖郊祀馳我君與帝以享社三代之前
 蓋未嘗有定完黃龍興德而升米色炫耀煥炳燁煌正
 陽顯見覺寤黎蒸於傳載之云受命所乘厥之有章不
 必諄諄依類託寓諭以封巒披藝觀之天人之際已交
 上下相發允咨聖王之德兢兢翼翼故曰興必慮衰安
 必思危是以湯武至尊嚴不失肅祗舜在假典顧省厥
 遺此之謂也**班固曰完**王者易姓受命而起必升
 封泰山何教告之義也始受命之時改制應天天下太
 平功成封禪以告太平也所以必於泰山何萬物所交
 代之處必於其上何因高告高順其類也故升封者曾
 高也下禪梁甫之山基廣厚也刻石紀號者著已之功
 以報天附梁甫之趾以報地明天地之所命功成事遂

有益於天地若高者加高厚者加厚矣或曰封者金泥
 銀繩或曰石泥金繩封以印璽故孔子曰升泰山觀易
 姓之王可得而數者七十有餘封者廣也言禪者明以
 成功相傳也於梁甫何以三皇禪禪釋釋之山明已成功
 而告有德者居之釋釋有無窮之意也五帝禪于亭亭
 者量度審議德者明也三王禪于梁甫之山者梁信也
 甫輔也輔天地之道而行之也太平乃封告于天必也
 於岱宗何明告易姓刻石紀號告自紀于百王也燎祭
 天報之義也詩云於皇時周陟其高山言周太平封泰
 山也**俗說岱宗上有金篋玉策能知人**
 年壽脩短武帝探策得十八因倒讀曰八十其後果用
 帝長武帝出璽印石裁有兆朕奉車子侯即沒其印乃
 上武帝畏惡亦殺去之封禪書說皇帝升封泰山於是
 有龍垂鬚鬚下迎黃帝黃帝上騎群臣後宮從者七十
 餘人小臣獨不得上乃悉持龍鬚拔墮黃帝之弓小臣
 百姓仰望黃帝不能復乃抱其弓而號故後世因曰烏
 號弓孝武皇帝特齊人公孫卿言漢之聖者在奇祖之
 孫今曆正值黃帝之日聖王亦當上封則能神仙矣孝

武黃帝封廣文二尺高九尺其下玉牒書秘書江淮
一茅三脊為神藉五色七蓋雜封繼遠方奇獸飛禽及
白雉如祠祀牛象之屬其享曰天增授皇帝泰元神
災周而復始皇帝敬拜泰靈其夜有光如流星晝有白
雲起對中於是作明堂汶上令諸侯各治邸車駕前後
五至祠以元鼎六年告封改為元封武帝已年四十七
矣何緣及更得十八也就若所云明神禍福必有徵應
特祠讀焉能誕招期乎奉車子侯驂乘上下臣不預
帝領仙人對博碁沒石乃止暴病而死悼傷無已又言武
此非一事也于奉之東嶽忝素六載數聘所祠咨問長
老賢通上泰山者云謂靈處刻石文昧難知也殊無有
金篋玉牒探籌之事春秋以為傳聞不如親見見之人
斯為審矣傳曰五帝聖焉死三王仁焉死五伯智焉死
其隕落崩薨之日不能咸至百年太史記黃帝葬於橋
山騎龍升天豈不惟乎鳥號弓者柘桑之林枝條暢茂
鳥登其上下垂著地鳥適飛去後從撥殺取以為弓因
名鳥號耳班固頌竊見巡狩岱宗上稽帝堯中述世宗

遵奉世祖禮儀備具動自聖心是以六神爰應休徵仍
降不勝莊簡之情謹上岱宗頌篇曰若稽古在漢迪哲
事修厥德憲章丕烈朔六龍鞍五轆齊百僚陶質奉命
南重以司曆厥中月之六辰備天官之列衛盛輿服而
東巡言詔伊漢中興三葉於皇惟烈先迪厥倫矩坤
度以範物規乾則以陶鈞於是考上帝以質中總列宿
於北辰開太微啟禁庭延儒林以諮詢岱嶽之事于特
典司昔焉載華袍實道爾而造口盛乎大漢世增其德
此神人之所庶幸海內之所想思頌有喬山之征與有
和嶽之巡特邁其邦民斯攸勤不亦宜哉乃命大僕訓
六地問路馬成師徒於是乘輿登天靈之殿路駕太一
之象車片九龍之華旗建掃靈之旌旄哀詞焉之元老
賞孝行之暖農馬頌頌允迪在昔紹烈陶唐殷天衷克
福光若時則運瓊衡敷大典經八成肆類乎上帝實柴
于三辰禮祀平六宗祇祭于碑神卷發號辭司申戒百
工卜筮稱吉善龜蓍從南征馬相告祥清夷道而
後行權四國而揚光傳聖義於巡狩喜斯時而詠八荒
指宗嶽以為期固岱神之所望散齋既畢越冀良辰誠

燕山志卷之一
六十四
猶增構烈火燔煉陣光四場交爛薄天蕭香肆升青煙
自雲生樟我幾穢牲潔純齋聖宗昇明水玄樽壘系孤
竹成池雲門六八匪變神燕並存

光武建武三十年群臣上書請封禪詔曰卽位三十年
百姓怨氣滿腹吾誰欺欺天乎曾謂泰山不如林放何
事汗七十二代之編錄但公欲封禪管仲非之若郡縣
遠遣吏上書盛稱虛美以髡兼令也田從此群臣不敢
復言三十二年帝夜讀河圖會昌符曰赤劉之九會命
宗感此文乃詔梁松攷索圖讖文言九世封事梁等

列奏乃許焉求元封一故事議封禪所施用有司奏皆用
方石累壇玉牒玉檢金泥及石檢度數帝以用石功難
又欲及二月封禪故詔梁松因故封石空更加封而已
松疏爭不可二月至五月高遣侍御史與蘭臺令將工先
上山刻石辛卯封泰山甲午禪于梁父四月己卯肆赦
以建武三十二年爲建武中元元年

建武三十年有二年

二月皇帝東巡狩至于岱宗柴望秩于山川編于群神
遂親東后從臣大尉憲行司徒事特進高密侯禹等漢
賓二王之後在位孔子之後衰成侯序在東右蕃上
二咸來助祭河圖亦岱符曰劉秀發兵捕不道四夷雲
集龍闕野四七之際火爲主河圖會昌符曰赤帝九世
巡省得中帝劉之九會命岱宗誠善用之姦偽不萌赤

漢德與九世會昌巡岱皆當天地扶九景經之常漢大
 興之道在九世之王封于泰山刻石著紀禪于梁父退
 省考五河圖合古篇雜書甄曜度孝經鈞命經議所傳
 昔在帝堯聰明密微讓與舜廢後裔極機王莽以勞
 之家三司得足家宰之權勢依託周公霍光輔幼歸
 之義遂以篡叛借端自宗廟隳壞社稷喪亡不得血
 食十有八年楊徐青三川首亂兵革橫行延及荊州豪
 傑并蕪百里屯聚往往潛號北夷作寇千里無煙無鷄
 鳴犬吠之聲皇天將覆皇帝以匹庶受命中興年二十
 八載與兵起是以中次誅討十有餘年罪人斯得黎庶
 得居爾田安爾宅書同文車同軌人同倫舟輿所通入
 迹所至靡不貢職建明堂立辟雍起靈臺設庠序同律
 度量衡修五禮五王三帛二牲一死贄吏各脩職復于
 舊典在位三十有三年六十有二乾乾日昃不敢荒寧
 涉危歷險親巡黎元恭肅神祇惠恤耆老理度遵古聰
 名明恕皇帝雅慎河圖維書正文是月辛卯柴登泰山
 甲午禪于梁陰以承靈瑞以為兆民末茲一字垂于後
 已百僚從臣郡守師尹咸蒙祉祐永末無極

司馬彪

封者著一代之始明不相襲也繼世之王巡狩則有脩
 封以祭而巳自秦始皇孝武帝封泰山本因好仙信方
 士之言及造石檢即封之事也天道質誠約而不費故
 牲用犢器用陶匏殆皆無事於檢封之間而樂難攻之
 石也夏少康周宣王山廢復與不聞攻封光武歆因孝
 武故封而梁松固率以為必改乃當天意既封之後未
 有能福而松卒被誅死雖罪由身作蓋亦誣神之咎也
 且帝王所以能大著于後者實在其德加於人不聞其
 在封矣崔靈恩曰自周以前封者皆封土為壇至秦皇
 漢武始用石檢袁宏曰夫揖讓受終必有至德於天下
 征伐受命必有大功於萬物是故王者初基則有封禪
 之事蓋以其成功告于神明者也夫東方者萬物之所
 始山嶽者靈氣之所宅故求之物本必於其始取其所
 通必於所宅崇其壇場則謂之封明其代與則謂之禪
 然則封禪者王者開務之大禮也德不周洽不得輒議
 斯事功不弘濟不得鬻騎斯禮曠代一有其道至高自
 黃帝堯舜至于三代各一得封禪未有中脩其禮者也

雖繼體之君時有功德此蓋率復舊業增脩其前政不得仰齊造國同符改物者也夫神道真一其用不煩天地易簡其禮尚質故籍用白茅貴其誠素器用陶匏取其易從然則封禪之禮簡易可也若夫石函玉牒非天

地之性也

隋文帝開皇九年朝野皆請封禪詔畧曰以薄德而封名山用虛言而干上帝非朕攸聞今後言封禪宜卽禁絕十四年百官抗表固請封禪帝令牛弘等創儀注既成帝視之曰茲事體大朕何德以堪之但當東巡因祭泰山耳

唐太宗貞觀初羣臣並請封禪唯魏徵以爲不可六年文

武官以初平突厥盛德

被於海內又年穀屢登表封泰

山太宗謂侍臣曰朕每

見衆議以封禪爲盛事頗奏勸

朕行之如朕本心但使

天下太平家給人足雖闕封禪

之禮亦可比德於堯舜

若百姓不足夷狄內侵縱修封

禪之儀亦何異桀紂昔

秦始皇爲暴虐之主漢文爲有

德之君以此而言無假封禪且禮云掃地而祭以表至

誠何必遠登高山封三八土也太宗雖納徵言而藩臣

猶抗表勸請十五年東幸至洛陽而彗星見乃止

本

國禪表伏願順萬國之歡心膺三靈之眷命備天官以周衛盛興服以巡遊五終齊列六龍攬轡瞻岱郊而啓

勅指羸里為一息命卿士延禮官設壇塲陳玉帛禋大
宗而報上帝班五瑞以朝諸侯成天下之壯觀紹帝王
之盛節俾夫山稱萬歲壇燭神光播厚福於無窮揚鴻
徽於來裔高治恩勤神恩伏願騰茲靈誥激彼天波
徵萬玉以警塗詔八神而弭策藉江茅而陳部黍歸蒼
璧而奠黃琮馳萬歲以飛聲接九重而媿美使編珠佩
既開麗色於金泥觸石凝禎蕩浮華於石城式昭昌祚
未播鴻名凡在生靈義深聳踴因百樂勤國禋衣大禮
與天地同節大樂與天地同和六宗五帝禋祀惟求名
山大川饗禮無輟而告成方岳獨異師古自朝及野馳
心蕩慮伏願御六氣之辨順四序之和升彼岱宗具斯
典禮聽萬歲之遺響紹千載之遐蹤宋子合肅封禪表
臣聞天地之大德曰生遂其生者元后聖人之大寶曰
位固其位者上玄豈可不對越壇塲欽若穹昊雖復舜
格文祖周變商俗體淳德而揖讓濟流道於干戈步驟
之迹以殊損益之功斯異誠有之矣至於詔蹕梁父長
樂介丘增類帝之封典射牛之禮
考績禋祭繼睽韶夏豈殊道也

高宗乾封元年正月封泰山

出禪于社首以皇后武氏為

亞獻越國太妃燕氏為終獻

備其帷帟寄錦繡群臣瞻望

多竊笑之餘見磨崖碑及

群鶴臺下

吳天上帝有隋運為顛危數窮否塞生靈塗炭萬作淪

亡高祖仗黃鉞而救黎元賜玄圭而拯沉溺太宗功宏

鏢石定區宇於再麾業壯斷鼈飲滄海而一息臣忝奉

餘緒恭承積慶遂得崑山寢燎炎海澄波雖乃業茂宗

祀斯賁降靈穹昊今謹告成東岳歸功上玄大寶克隆

鴻基末固凝薰萬姓陶化八紘

揚東巡之禮是知道隆光澤既輯王于雲臺業紹禋宗

必垂金于日觀伏惟皇上乘乾握紀纂三統之重光御

極登樞應千靈之累聖得河浮五老啓赤文于帝

海薦四神奉丹書于王會瑞開三脊祥洽五雲既而緝

總章之舊文紹辟雍之故事非煙翼款後玉輦于梁

若月承輪秘金繩于岱嶽臣等質均芻狗陰謝桑榆幸
屬堯鏡多輝昭餘光于連石軒圖廣運追盛禮于從金
然而鄒魯舊邦臨淄遺俗俱沐二周之化咸稱一變之
封境接青疇俯輟獲麟之野山開翠地斜連辨馬之峯
豈可使援下遺叱頓隔陪封之禮淹中故老獨奏告我
之儀是用就日披丹仰璧輪而三舍望雲紆素叫天聞
訖九重倘允微誠許陪大禮則夢瓊餘息
訖仙間以相驩就木幾蒐遊岱宗而載躍

玄宗開元十二年群臣多言封禪中書令張說又固請

乃下制以十三年有事於泰山御製御書紀泰山銘見

磨崖碑

田標文

有唐嗣天子臣某敢昭告于昊天上帝

升中六合殷盛中宗紹復繼體不定上帝眷祐錫臣忠
武底綏內艱推戴聖父恭承大寶十有三年敬若天意
四海晏然封祀岱岳謝成
干天子孫百祿蒼生受福

宋太宗皇帝太平興國八年泰山父老千餘人詣闕請東

封上謙讓不允中外群臣獻歌頌稱功德請封禪者不

可勝計雍熙元年群臣三上表陳請詔以今年十一月

有事于泰山尋以乾元文明二殿災詔罷封禪

真宗大中祥符元年兗州父老呂良等千二百七十八

人詣闕請封禪上曰此大事不可輕議知州邵晔又率

屬官及兗州進士孔謂等伏闕陳請宰相王旦率文武

百官諸軍將校州縣官吏蕃夷僧道耆壽二萬四千七

十人詣東上閤門請封泰山詔不允又四表懇請乃詔

以今年十月有事於泰山先是殿中侍御史趙湘請封
禪上拱揖不答王旦等曰封禪之禮曠廢已久若非聖
世承平豈能振舉初王欽若既以城下之盟毀冠準上
自是常快快他日問欽若曰今將奈何欽若度上厭兵
卽謬曰陛下以兵取幽薊乃可刷此耻也上令思其次
欽若因請封禪以鎮服四海誘示夷狄上曰王旦得無
不可欽若以上意諭旦且黽勉而從十月辛亥發京師
丁未次奉高庚戌步輦登山辛亥祀昊天上帝于圓臺
中書侍郎讀至牒文卽日還奉高宮日輪五色雲見先

朝以來四方所獻

珍禽奇獸悉縱於山下癸丑御朝觀

壇大赦天下改乾

封縣曰奉符改泰山頂曰太平頂餘

見遺蹟志諸碑之

下有宋嗣天子臣諱

太祖開階功成治定太宗膺圖重熙累盛

承列聖一紀于茲四隩來暨玄貺殊允先府章示特和

年豐群生咸遂僉議大封聿申昭事躬陟喬岳對越上

玄祈福逮下侑神奉先天祿無疆靈休允迪萬乘其昌

永保純錫

卜征五年重謹之意今國家土木之功累年不息水旱
作沴饑饉居多乃欲勞民事神其享之乎又曰今之
奸臣以先帝嘗封禪故贊陛下以繼承先志先帝欲北
平幽朔西取繼遷則未嘗獻一謀畫一策乃早辭厚幣
求和於契丹感國糜爵姑息於保吉謂主辱臣死為空
言以誣下罔上為已任是陛下以祖宗艱難之業為奸
臣僥倖之資此臣所以長嘆痛惜也

陵他日求遺稿猶
喜曾無封禪書

徽宗政和四年充鄆濮開德興仁潁昌府鄆州廣濟永
興軍等上言父老欲請闕請皇帝登封詔却之時蔡京
當國將議封禪以文太平預具金縑玉檢及凡儀物甚
備造舟四千艘雖兩具亦以十萬計他皆稱是然不果
行

皇明永樂間太常官獻頌請封泰山

成祖文皇帝却絕之

吏部尚書王直文見後

歷代儒臣封禪論卷之四舜柴岱宗是為巡狩而鄒

玄引孝經鉤命決云封于泰山考績燔燎禪于梁甫刻
石紀號此縉書之曲說七十二君燧人之前世質民淳
安得泥金檢玉結繩而治安得鐫文告成妄亦甚矣若
聖主不須封禪若凡主不應封禪秦始皇嘗封泰山孫
皓嘗封國山皆曰主好名於上而臣阿旨於下非盛德
之事不可為法也宋胡致堂曰縉書本原於五經而失
之者也而尤紊於鬼神之理幽明之故夫鬼神幽明之
故非知道者不能識斷國論者誠能一決以聖人之經
經所以載道雖有縉書議記弁而不用則庶乎其不謬

於理矣登封之事原於柴燔而失之者也詩書紀巡狩而柴者記所謂祭天也至岱宗陟其高山云者記所謂因名山也有山則因以爲高無則于郊而壇其義類一也又有大事而告于上帝者武王克商始有天下故柴望而告也舍此則瀆矣記以饗帝于郊與升中于天爲二事則傳者之失也然則七十一二君之編錄詩書禮典畧不經見審有是事乃天下四國家之盛舉堯舜禹湯文武成康昭宣皆身致太平安得闕而弗講故前世論登封者莫善於許懋惜乎世祖之臣智不及此陷其君於

過舉而不得聞也 封禪之事漢唐之君徃徃行之曾無一人建議明白如許懋者賢哉懋乎其學可謂正矣漢唐以來縉書行而經學弛重以鄭玄博聞寡要不知折衷於聖人而惟縉書之信世無稽古之言以祛辟惑遂使有天下者於無事時肆其侈心千乘萬騎巡狩修費登山琢石夸大功德或有秘祝以祈不死取笑當代貽譏後來彼梁武之資未必如漢光武之英也一聞懋言遂過欲行之意推廣其義以咨請者則賢於光武遠矣使其舉措每如此則金甌之業何缺壞之有 **章俊**

曰以封禪爲非古者王仲淹也以封禪爲不經者李泰伯也以封禪爲不足信者蘇子由也夫六經無封禪之文帝王無封禪之事若是文者管仲疏其源史遷浚其流季仲推其波張說助其濶侈是事者祖龍瘞其煙孝元封其燼隋帝熾其膏玄宗烈其焰是封禪之典惟以肆情示誇也證之以六經之明文質之以帝王之實迹則後世之惑滋甚且云云一山也或以爲在東山或以爲在蒙陰亭亭一名也或以爲在牟陰或以爲在鉅平社首一地也或以爲在鉅平或以爲在博縣則服虔晉

灼應劭之論不同旣曰伏羲神農禪云云又曰三皇禪釋釋旣曰帝嚳堯舜禪云云又曰五帝禪亭亭旣曰禹禪會稽湯禪云云又曰三王禪梁甫則管仲孔穎達之說爲不一紛紛異議迄無訂證唐虞三代果有是乎七十二君果足信乎設有是人事六經遺文豈應不載吁安得仲淹泰伯子由與之議封禪之非哉馬融曰按文中子曰封禪非古也其秦漢之侈心乎而太史公作封禪書則以爲古受命帝王未嘗不封禪且引管仲荅齊桓公之語以爲古封禪七十一家自無懷氏至三代俱

有之盡出於齊魯陋儒之說詩書所不載非事實也當以文中子之言爲正野翁詩話唐魯庠冬夜寓懷寄王翰林詩云滿地霜蕪葉下枝幾回吟斷四愁詩漢家若欲論封禪須及相如未病時按史記天子曰相如病甚可往悉取其書使所忠往相如已死妻曰長卿未死時爲書一卷曰有使來求奏之言封禪事所忠以奏天子異之夫封禪秦漢侈心旣非古禮而相如至死不忘獻諛夫豈忠臣而庠以自比或以比人此唐儒之陋也韓退之亦上表勸封禪八數自謂希相如退之儒宗猶爾

如庠何議焉明正卷三封禪之說詩書禮典畧不經見審有是事乃天下國家之盛舉堯舜禹湯文武成康皆身致太平安得闕而弗講所謂七十二君者果何代何人哉先儒有言養生至於長生不死爲國至於祈天永命皆有是理然人未有能爲之者縱爲之然亦不出乎身心日用之間非必由乎服食藥物徵求鬼神而後致之也是故明君永年莫若寡欲延國祚莫若愛民寡欲而至於全其天愛民而至於過其曆誠有是理亦誠有是事嗚呼世主所以甘心於不貲之費而行封禪之禮

者以有秘祝之求也誠知此理反之於心知其必無驗之於古知其無効則自不為矣

王直題卻封禪頌
卻封禪頌
臺前翰林學士贈禮部尚書文穆公

胡廣作謚

也昔

太宗文皇帝在位時太常臣有言曰古者聖人治天下功

德盛隆則必與封禪之禮以告于神明垂美於萬世今

陛下繼統天清地寧民物咸遂 聖德神功古無與讓

而乃封禪未講何以繼前代帝王之心 臣請命禮部行之

上曰封禪非古也帝王之有聞於後世 只在德不在封禪

不許公聞之曰此盛德事也 大臣有與之此者除

之公慮為所惑乃本封禪非其 口之說與後世賢君良臣

所以闕而不行之美作此詩以獻

皇上聖性高明真知灼見足以破 吸千古之謬為百王之明

監覽之喜曰是朕心也於是 暑者沮而封禪卒不行君

子之尊君務引其君以當道也公是也彼秦皇漢武肆

其侈心以瀆擾上下天地厭之顧乃以是為說此為邦

者所以遠佞人而公之所深慮也

泰安州知州鄭聚東校補

學正陳籠

訓導盧楓

新泰縣教諭林宇中校正

生員侯貴

鄧寬

尹鳳儀

李汝桂同校

泰安縣志卷之二 終

泰山志卷之二



明巡按直隸監察御史葵吳伯朋裁定

山東按察司僉事大梁曹金校訂

順天府儒學訓導欵汪子卿編輯

遺跡

志遺跡何志古人之古有遺于斯也何言乎遺也以言乎帝王則封禪有臺明堂有地世殊物改而感慨係之以言乎聖賢則萬世之師千載之士仰止私淑如在門牆彼仙家者流若非可得而類書也然而遊方之外瞬息

古今其視合符不死與夫世之澳泐齷齪者何如也是故彙其遺而錄之夫亦仙閭靈府之一徵與

帝王

登封臺有二其一在嶽頂相傳為古帝王登封所築今為玉帝觀臺下小碣題曰古封禪壇其二在日觀峰相傳為宋築石函方丈許亦題刻曰古封禪壇蓋古封壇而并以禪言誤矣俗曰寶藏庫以所瘞金書玉簡云

氏封泰山刻石紀功
七十餘聖
封禪壇

周明堂在嶽之東北山谷聯屬四十里遺址今尚存旁有谷山寺其形勝且兗學士寺記按州志寺記誤周為漢通志因之

漢明堂在嶽趾東南去州治十里武帝元封間用齊人公

玉帶所獻圖創焉其上有元人題刻明堂故基四字其地舒衍突起一石岡巔平而高四丈許週三晦許後枕嶽麓支山如屐障而左右如衛從然澗水縈迴南會于

汶遙望徂徠諸山如列屏案當時朝會規模宛然在日

史記漢武帝招延儒雅好行典故元封元年封泰山泰山東北趾古有明堂上封泰山畢降坐其上以處險不

帝時明堂圖明堂中有一殿四面無壁以茅蓋通水
 宮垣為複道上有樓從西南入命曰崑崙天子從之入
 以拜祀上帝焉於是上令奉高作明堂汶上如帶圖及
 五年脩封則祀太乙五帝於明堂上坐令高皇帝祠坐
 對之祠后土於下房天子從崑崙崑崙道入始祀明堂如郊
 禮禮畢燎臺下因朝諸侯王受郡國計天漢四年行幸
 泰山脩封祀明堂因受計大始四年三月行幸泰山壬
 午祀高祖于明堂以配上帝因受計癸未祀孝景皇帝
 于明堂征和四年幸泰山修封祀于明堂章帝元和二
 年二月幸泰山柴告岱宗進幸奉高壬申宗祀五帝于
 孝武所作次上明堂以武帝配如雒陽明堂祀癸酉更
 告祀高祖太宗世宗世祖顯宗於明堂安帝延光三年
 東巡泰山祠汶上明堂如元和三年故事順帝即位修
 奉常祀章俊卿曰明堂乃黃帝之舊漢武帝時濟南人
 公玉帶所上楊氏祭禮明堂篇以其不經見而削之然
 其所言茅蓋通水與大戴禮所記畧同又考工記所言
 夏后世室殿人重屋周人明堂其制大槩由質而趨於

又由狹而趨於廣也由是推之黃帝時明堂則已苟
 有之則一殿無壁蓋之以茅正太古儉朴之制又按武
 帝欲求仙延年方士之謬誕者多假說黃帝之事以售
 其說如所謂修五城十二神封名山被萬靈于明廷采
 首山銅鑄鼎之類皆矯誣造張大其詞以迎合時主
 之侈心獨公玉帶所上明堂之制乃簡朴如此雖不經
 見然亦可稽觀千門萬戶之失固未可以其
 言之並出於封禪求仙之時而例黜之也

長城鉅防在泰山西緣河千餘里至琅邪臺入海蘇代說

燕曰齊有長城鉅防韓非子曰長城鉅防足以為基齊

記云齊宣王乘山嶺之上築長城東至海西至濟州千

餘里以備楚括地志云長城西北起濟州平陰縣緣河

歷泰山北岡上經濟州淄州即西南兗州博城縣北東

至密州琅邪臺入海竹書紀年云梁惠王二十年齊閔王築防以爲長城今泰山西北有崩鋪俱名長城遺址尚存

無字碑在嶽頂登封臺下秦始皇立或曰石表或曰神主石或言其下有金書玉簡當是石函古今人莫測其意甚矣秦人之謫也石黃白色頗光瑩無苔蘚非嶽之所育自他山至是不知用民力幾何其甚矣秦人之虐用其民也史記漢武帝置五車石於嶽今莫知所在故樸菴詩云已迷漢武五車石却咲秦王無字碑秦政不足言

惜夫漢武之效尤也

秦篆碑在玉女池上西公署後李斯書始皇二世頌德文宋劉跋序泰山秦篆譜時尚有二百二十有二字今湮泐僅存二十九字夫秦雖無道然其所立有絕人者其

文字書法世皆莫及亦不可廢

身以義事父以孝成

人以仁四海之內莫不郡縣四夷八蠻咸來貢職人庶蕃息天祿永得皇帝臨位作制明法臣下脩飭二十有六年初并天下罔不賓服親巡遠方黎民登茲泰山周覽東極從臣思述本原事業祇誦功德治道運行諸產得宣皆有法式大義休明垂於後世順承勿華皇帝躬聖既平天下不懈於治夙興夜寐建設長利專隆教誨訓經宣達遠近畢理咸承聖志貴賤分明男女禮順慎遵職事昭格內外靡不清淨施於後嗣化及無窮連

奉遺詔承重戒刻辭今世傳泰山篆字可讀者准二世皆行幸郡縣立石符嘗至泰山頂上視秦所刻石處云石頑不可鑄鑿不
 知當時何以刻之也然四面皆無草木野火不及故能
 若此之久而風雨所剝其存者纔此數十字而已
 刻辭今世傳泰山篆字可讀者准二世皆行幸郡縣立石
 始皇刻辭皆謂已亡莫可復見宋丞相公鎮東平日
 遣工就泰山模得墨本以慶曆戊子歲刻新石觀作
 後序止有四十八字歐陽文忠公集古錄亦言友人江
 鄰幾守官奉高親到碑下纔有此數十字而已余以大
 觀二年春從二三鄉人登泰山宿絕頂首訪秦篆徘徊
 碑下其石埋植上中高不過四五尺形制似方而非方
 四面廣狹皆不等因其自然不加磨礱所謂五十許字
 者在南面稍平處人常所為搨故士大夫多得見之其
 三面尤殘缺蕪闇人措意余審觀之隱若有字痕刮
 摩始能試令摸以紙墨斫若可辨自此益使加工摸之
 然終意其未也政和三年秋復宿嶽上親以檀推從事
 校之他本始為完善蓋四面周圍悉有刻字總二十事

行行十二字字從西南起以北東南為次四面六行北
 面三行東面六行南面七行其末有制曰可三字復轉
 在西南稜上每行字數同而每面行數乃不同如此廣
 狹不等居然可見其十二行是始皇辭其十行是二世
 詞以史記證之文意皆具計其缺處字數適同於是秦
 山之篆遂成完篇宋歐江二公初未嘗到惟馮工匠所
 說無足怪人多以二公為信故亦不復詳閱余既得墨
 本并得碑之形象制度以歸親舊聞之多來訪問倦於
 屢報乃為此譜大凡篆字二百二十有二其可讀者百
 四十有六今亦作篆字書之其後缺及漫殘不可見者
 七十有六以史記文是之其下論然李斯小篆古今
 晦之迹今遂歷然秦至無義不足論然李斯小篆古今
 所師經千三百有餘歲而復彰彰可尚也如觀都遠黎
 史作親巡遠方黎氏全石刻石善作休論作觀都遠黎
 陸作聖體作禮昆作後則又史家差誤皆當以碑為正
 其曰御史大夫者大夫也莊子曰且而屬之大夫備宏
 曰古文一字兩名因就注之史記於卿耶臺刻石備列
 從臣名氏余家所收卿耶殘字亦有五夫字然則大夫從

一因不
復重出歟

磨崖碑有三其二在嶽頂東嶽祠後一為唐玄宗八分書

紀泰山銘字五寸許道勁可愛一在崖右刻唐蘇頲撰

東封朝覲頌字徑寸餘書法類晉近閩人林煇以忠孝

廉節四六字覆刻其上鏡毀殆盡其一在祠前東崖宋

真宗序銘亦為後人鏡毀如淳煇觀者憾焉真宗序銘

四載顧惟不德情於至道任大難任安夫難安茲朕未

知獲矣於上下心之浩蕩若涉於大川賴上帝垂休先

后儲慶宰衡庶尹交脩皇極一四海會同五典敷暢歲云

再熟人用大和百辟魚謀倡予封禪謂孝莫大於嚴父

謂禮莫尊於告天天符既至人望其積固請不已固辭

不獲予與夫二三臣稽虞典繹漢制張皇六師震疊九

寓旌旅有列士馬無譁肅肅邕邕翼翼容容以至于岱

宗頂也爾雅云泰山為東嶽周官曰兗州之鎮山實惟

天帝之孫群靈之府其方處萬物之始故稱岱焉其位

居五岳之伯故稱宗焉曰昔者受命易姓於是乎啓天

地薦成功序圖錄紀氏號崇承先王茲率厥典實欲報

玄天之眷命為蒼生之祈禘豈敢高視萬古自此九皇

一獻之通神斯亦因高崇天就廣增地之義也乃仲冬

泰山志卷之二

泰山志卷之二

乃見天則於歲天生蒸人惟后時又能以美利利天下
 事天明矣坤厚載物惟后時相能以厚生生萬人事地
 察矣天地明察鬼神著矣惟我藝祖文考精爽在大其
 曰懿予幼孫克享上帝時若馨香其丕乃曰會我之文
 武曾孫其誕錫新命續我舊業未保天祿子孫其承之
 予小子敢對揚上帝之休命則亦與百執事尚綏兆人
 將多予前功而志彼後患一夫不獲萬方其罪予心
 有終上天其知我朕惟實行三德曰慈儉謙慈者覆無
 彊之言儉者崇將來之訓自蒲者人損自謙者天益苟
 如是則執迹易循基構易守磨石壁刻金記後之人聽
 詞而見心觀末而知本銘曰惟天生人立君以理惟君
 受命奉為天子代去不留人來無已德涼者滅道高斯
 起赫赫高祖明明太宗爰革隋政奄有萬邦釐天張宇
 畫地開封武稱有截文表時邑高宗稽古德施周溥茫
 茫九表制平一鼓禮備封禪功齊舜禹巖巖岱宗行我
 文神中宗紹運舊邦維新睿宗繼明天下歸仁恭已南
 面細細化醇告成之禮留諸後人綱予小子重甚五聖
 匪功伐高祖德於盛欽若祀典丕承永命至誠動天福

我萬姓古封泰山七十二君或禪社首或禪云云其迹
 不見其名可聞紙通文祖光昭舊勳方士虛誕儒書
 獻佚后求仙誣神檢玉秦災風雨漢汗編錄德未合天
 或承之辱道在觀政名非從欵銘心絕巖播告群岳
 唐皇封祀之山五在中國秦叔苻之昊穹之命再集巨
 邁之什十月辛酉步自洛十一月丙戌帳殿齊於岳
 趾淵默以清釋思而照將紀功布度順斗承天精享也
 已丑宏觀軼區宇盛儀振開關高臨建鳳萬隊張皇以
 燭山上御雅龍百神翕習以扶道闡台二藩后四髦士
 密侍信臣高位危封臺列升陞不下五十以聖言中選
 瑤牒寶書誓之旨曰朕獲守丕業恐不克駿命維上帝
 儲休錫蒼生無彊之慶朕之慶也古則秘之何哉屬寒
 馳迅駭露清終夕若掃若鋤晏然而已庚寅天官次錄
 王制協時嚴高相以配之嗣高宗以陟之冕表立圭璧
 序潔壘俎調鍾呂偕勾於箕篋屢擊乎祝歆寶駢瑞芳
 物煜煌空薄霄兮音容與則織塵不動和氣充塞日在
 於觀天為之門揚日大光謂小天下昭以抱戴見之卿

霽郁郁紛紛喜氣烟熅當芝檢引紫熏太紫洞而三辰
 接鬱蒼搖而萬歲聞自下達上後吾君君之來兮望如
 雲雲之粹兮聖之門至于辛卯有事于社首以泰折如
 泰壇於穆我睿宗侑而作主真獻鳴呼天子之孝也僉
 以金匱歸勛於祖禰石城藏美於乾坤成秩則司存
 癸巳載大濟合大樂三陔輝以惟抗四亞鏘而輅止朝
 群牧揆千官底邦賦數庭實華蟲辨等車馬未觀周人
 隋人二王之賓戎狄蠻貊萬里重譯必拱于著執贊奉
 璋顯顯昂昂靡敢怠追乃建鷄竿代鼙鼓帝命出皇恩
 溥揚英風作解雨施舍之蕩蕩之宥法罪除頗頽頽湧
 洋溢周流黜蜀不崇朝而遍者與此山俱疇翳而不後胡
 微而不鋪也亦既稱壽申命宗伯咨爾頌焉效古之刻
 石臣適稽首再拜而言曰臣聞昔在帝堯臣惟咎繇聰
 明之謂聖邁種之謂德天若曰依于巨唐易姓者李王
 於中華崇功者唐聖之澤德之浸也我唐祚之興昌符
 誕膺兩儀動六葉承皇帝宜高祖四宗之景烈聲聞元
 輔不一心之臣羣后抗詞曰臣聞先王因天事天因也

祀事地因名山升中于天陛下得天之經得地之義得
 人之行行也者孝莫大焉兼三才以爲政政也者仁莫
 大焉含萬物以爲性性今三才貞萬物亨六典平九功成
 官不愾獄不放至于刑清良有以也因斯而談清明在
 躬志氣如神之睿者君也四國于藩四方于宣之美者
 臣也有物有則我君臣保乂之原所由於前設其教於
 後亦往歲邦危中否天討內難陛下提三尺之劍和闐
 闐絕勾陳趨北軍正北辰辰然後翼翼乾乾尊尊親親立
 我蒸人聖考所以付天下之公器蹈汾陽之青塵唐雖
 舊邦其命惟新古者乘兵釋袞祠土祈穀先事也我
 以幸太原祭汾惟耀金甲肅邊鄙虜馬讐而不敢南向
 解嚴京師獲寶鼎獻宗廟戍人歸而盡務東作報福京
 祇於是乎爰佐五時郊天以奉時爰崇九室裕祖而敬
 思昭格遲遲神人允登無何籍三脊盛六穗不召斯至
 擁休之類如山則委曷月而秘豈非享物降嘉司火也
 立潭同度在濬也陛下姑謂之薄臣所未諭且管氏訖
 齊帝王凡八十九湮淪鬱沒孰若致美我高宗勅忒甲
 子正六十朐鸞歲誕故能應期我神武惟繼代奉業增

高保鴻缺乎中何也即先后以權蹇阻于運二宗紹復
未違厥功神閭之契不在諸子而當聖躬固不可辭者
審矣帝曰俞畏德之不稱而左輔右弼雜指紳鴻碩之
倫抱蕤懷書蒸雲吐霧方集賢內殿講議前席以論之
傳不云乎君子勤禮敬之至也易不云乎先王作樂豫
以動也慎矣哉禮樂之為用故執禮者具剛弊則曾宜
之自我變樂者理去商何害謙以為臣二者治而三讓
之制曰可始嚴鹵簿騰七萃啓禁關迴九重以聽乎
聲之雍雍匪疾匪徐物有其容動植讚華夷觀駢闐總
搏美漫半散出成阜踰榮波憑滑臺眺洪河遂並昆吾
之蹇倘佯乎大舜之澤瀕四清二齊入于堯徑九一
齊喬於岱惟二旬有六而頓行在莫不備備華皓如
傾陽或牽以錄或捧之觴偃僂乎康莊一以伸神武之
今日一以感乾封之舊章迺歸之觴舉之慈且惠而
與之驩沸涓頌頌矧國鄒魯家洙泗乘汶野而圖記可
知指泮林而頌聲不墜以周公之故將孔子之後越然
希工者之為車聖人之清蹕則及信宿之應巖巖所
瞻宗神曰天濟王如一等於三事戶二十供主祀環十

里禁人樵牧也大極旅之數重聚成之祿撫遺賙賜之
復帝曰吁夫艱難繫王業休咎牽人事况天監之殊祥
也殊其也不自消而虔鞏于位朕寶臣曰乾曜洎諫有
初有終時乃風欽哉汝作朕左右丞相繫汝忠益以嘉
猷補察之闕罔或怠遂弘天封煥天章篆介丘而旋德
陽大饗乎羣方程後代美其律聲其實噴作四而籍言
七也臣邈不敏繼伯夷之直清微太史之留滯聆金奏
同百獸之舞振木鐸採萬人之詩敢陳詩以頌曰天子
聖方天孫崇登以封方報以功受命再惟皇代天之賚
人所載士馬山喋戈茅山香禎符山雜靈響山峇天之與
人合我鋪衍兮長粹清太元冊兮太一精休光光我之
慶成舜四朝而禹萬國莫之我京

鳳凰臺在登封門外漢宣帝時鳳凰集泰山故名

望仙臺在州治東北三十里漢武帝築

舞鶴臺唐高宗築按唐書高宗築封祀壇於泰山南四里

如圓丘又詔立登封降禪朝覲之碑名封祀壇曰舞鶴
 臺登封壇曰萬歲臺降禪壇曰景雲臺今皆頽落而碑
 亦堙沒惟張說封禪頌在唐文粹及州志猶可考見

原皇唐六葉開元神武皇帝再受命致太平乃封岱
 宗禪社首繫石紀號天文煥發儒臣志美立碣祠壇曰
 厥初生人俶有君臣其道茫昧其風朴畧因時而效起
 與運而紛落泯泯沒無聞焉爾後代聖人取法象立
 名位衣裳以等之中兵以垣之於是禮樂出而書記存
 矣反其源致敬乎天地報其本致美乎鬼神則封禪者
 帝王受天命告成一切之為也閭曩聖之與訓考列辟之
 通術疇若天而不以成焉昔道而靡失由此推之封禪之
 義有三帝王之畧古則七上者何傳不云道德仁義禮智
 信乎順之稱聖哲流之號狂悖三者一位當五行圖錄
 之序二時會四海且示平之運三德具欽明文思之美是
 謂與天合符名不虛傳矣有一不足而云封禪人且未許

其如天何言舊史者君莫道於陶唐虞舜臣莫德於皋
 陶稷高三臣降德皆有天下仲尼叙帝王之書繫周秦
 之誓明魯祀周公用王禮泰承伯益接周統孔聖微旨
 不其効歟然秦定天下之功高享天祿之日淺天而未
 忘庭堅之德也故大命復集于皇家天之贊唐不惟舊
 哉其興之也玄靈降迪黃祗顧懷應歸運以義舉無來
 蘇以利見湯也無放夏之慙武也無代放之戰高祖創
 業四宗重光德有格天漏泉蒸雲濡露菌蠢滋育氣
 溼煦若天地之覆載日月之照臨溥有形而歸景
 外而宅心百有八年于茲矣皇帝攘內難而啓新命
 睿宗而續舊服宇宙更闢朝廷始位蓋義軒氏之造皇
 圖也九族敦序百姓昭明萬邦咸和黎人於變立土
 以步曆章銅渾以正天蓋唐虞氏之張帝道也天地四
 時六官著禮井田三壤五圻成賦廣九廟以尊祖定六
 律以和神蓋三代之設王制也武緯之文經之聖善之
 神化之然猶戰戰兢兢日慎一日納規誨以建德遂忠
 良以代工講習乎無為之書討論乎集賢之殿寵勇
 貴經明翼乎鸞鸞之列在庭殺乎狸豹之師居鄙人和

旁感神寶香至乾符坤珍千品萬類超圖溢牒未始聞
記我后以人瑞為心不以物瑞為意王公卿士儼然進
日休哉陛下孝至于天政合乎道前年祈后土人獲天
讓間歲祀圓丘日不奄初感祥以祈聖因事以觀天
入交合其則不遠意者喬丘掃路望翠華之來上帝儲
恩俟蒼壁之禮久矣焉可專讓而廢舊勛群臣固言勤
帝知罪至于再至于三帝乃挹之曰欽崇天道備率
話恐德不類敢憚于勤其撰巡狩之儀求封禪之故
而禮官不戒而備軍政不謀而輯天姥練日雨師灑
六甲按隊八陣警蹕孟冬仲旬乘輿乃出千旗雲外萬
戟林行塵濩燐爛飛揚精原野為之震動草木為之
風生歷郡縣肖謠俗問百年舉百祀與盛典革開政攸
徂之人室家相慶萬方縱觀千里如堵城邑連歡丘陵
聚舞其中垂白之老樂過以泣不圖萬里之魂復見乾
封之事堯雲往舜日還神華靈鬱爛燁乎穹壤之間是
月來至于岱祇祓齋宮滌濯靜室疑神玄覽將款太
議夫泰山者聖帝受天官之宮天孫摠人靈之府自昔
立國莫知萬數克升中而建號惟七十而有五我高宗

六之而今七矣非夫尊位盛時明德曠代遠開難并之
意哉先時將臻夫大封也累封疆於高岡築泰壇於陽
趾夫其天壇三襲辰陛十二成秩衆靈列坐有次崇牙
樹羽管磬鏞鼓宮懸於重曠之內千戚銜及鈞戟戮
周位於四門之外代國重器傳代絕瑞旅之於中庭王
輦金轂翠肩黃屋夾之於端路庶官百辟羞夷蠻貊褒
成之後讓王之客序立於禮神之場鬣頭弩牙鐵馬金
鑾介冑如雪旗幟如火遠匝於清禁之野於是以天
正上元法駕徐進也千乘於平路留群臣於谷口皇帝
御六龍陟萬仞獨與一二元老執事之人出天門臨日
觀次沆瀣宿蠓蠟燭赤霄可接白雲在下庚寅祀高祖於
壇奠獻俯樓叶金奏佾羽舞撞黃鐘歌大呂開閭闔與
天語清將信公奉斗布度懋建皇極勤恤蒼生昭遐乎
未兆禳災乎未萌上下傳節而禮成樂遍福壽同歸而
帝賜神策乃檢玉牒於中頂揚紫燎於高天庶忠誠之
上達若憑焰而駕煙日轡方旋神心餘眷五色雲起拂
馬以隨人萬歲山呼從天而至地越翌日尊睿宗侑地

祇而禮社首遂張大樂觀東后國風惟舊無黜幽削爵
之誅王澤惟新有肯災大賚之慶不決日至化洽於人
心不崇朝景福遍於天下然後藏金匱於祔室迴玉鸞
於上都煌煌乎真聖朝之能事而高代之盛節者也
斯之時華戎殊俗異音同歡曰兵合多雨山峻多雲豈
有大舉百萬之師剋期千里之外及行事之日則天無
點翳地無纖塵嚴冬變為韶景寒風鬱為和氣非至德
其孰能動天如此其順者乎昔人云自西自東自南自
北無思不服今信知聖人作而萬物觀其心服之謂
矣或曰祭泰折主先后非禮歟口是禮也非宜也王者
父事天母事地侑神崇孝無嫌可也且天樂瘞外事帝
王主之蒸嘗內事后妃助之是開元正人倫革弊禮起
百王之法也故令千載睹末光聆絕韻一咀其實漱芳潤
樂玄妙之至精流不已之淑聲臣說作以明告于神明四
皇墳而六帝典雖言甫亦莫能名徒採仙仗輿人之詩曰
大矣哉維天為大惟皇則之率我萬國為一人天之祺子孫
百代人神共保綏
之云爾而已矣

社首壇在嶽南二里許曰社首山聯屬蒿里前代多禪此

惟宋真宗命王欽若撰壇頌碑石今尚存

殊月國家建號之四十九禋皇帝紹統之十有二載播
榮喬嶽成禮於勒封迴蹕方丘薦誠於厚載人神交感
祿社來宜爰命下臣式揚嘉頌粵自聖明御極寰宇大
和民知教而措刑俗致理而偃武熙熙庶彙如陞於春
臺惕惕宸心若臨於秋駕玄德上達乾文下垂方絕
以誣膺故至神而合贊見於乙夜同日星之揚輝告以
先期若寒暑之不忒履端之月成魄之辰晝漏初傳朝
嗽未耀仰蒼龍之內闕觀黃素以奇文豈必玄龜負圖
而出各何須赤雀銜書以及豐上冲厲內增寅恭外積
克勤精意仰答靈心感應宜符祺祥不絕雲成五色未
嘉瑞於太平星見離方薦殊徵於萬壽由是索前王之
令躅秩祀典之無文思大饗於季秋用昭告于上帝咨
爾之詔將戒於有司後予之謠爰與於東土鄒魯之士
海岱之民竭乃一心若律呂之相召來於千里如符契

之不愆述盛禮於元封... 天步艱難朱梁... 紳無仁義之談... 期百姓與能勃興... 德玄功大孝皇帝... 避陽城而周獲克... 疆之福太宗至仁... 大明繼世至德在... 令俯洽於殊方文... 尊道寶應章威聖... 成基於累盛荷景... 上下廣覆之仁若... 德幸于市扇暘于... 默政之勤也齋居... 百言盡無大而不... 業金盈而志愈微... 五... 在覽天降之祥... 物安其所謂集玄黃之景祐攢

步驟之上儀者也夫登岱宗... 宗祭王以禮神刻石而紀號... 六君其蹟可視矧夫盛德大... 然如彼誠宜答三靈之祐順... 詢制度於宗伯肆觀群后懷... 以祭地發維新之大號受不... 之誠實亦六合頤頤之望上... 者而諭旨嘉其將順之心示... 錫但荷於洪休封禪告成難... 過談莫不瞻味流伏文石則... 詔雖行致執之言益固於是... 三臺之具臣五營之列校郡... 白緇黃之儔惟馨文身之衆... 民僕后之談叙歷代不刊之... 其中君令臣行百度尊其治... 無禍道莫大於奉明神政莫... 方冊所標未有長發真源永... 人而不宗祀吳穹昭配祖禰... 奉符東岱長采仙閣者也

而况巡狩之文毛舉於虞典登封之義囊括於周詩六
 經著其謫言百王以為盛則來世思之而罔克治世避
 之而不能非晉武隋文其讓也正世祖玄宗其修也宜
 陛下高邁義農俯視舜禹天鑒厥德亦伏之符既膺后
 來其蘇東人之念方積觀民展義今也其特鑄事增高
 辨之豈獲雖復輿情可却宸慮難迴其如三神之景命
 何二聖之盛烈何優詔不許者四封章固請者五於是
 答玄穹之顧誤徇黔首之勤求俯而從之蓋不獲已乃
 頒明命戒有司曰自天之休既鍾于列聖恩洽之慶復屬
 於冲人若乃登名山朝萬國雖盛德之事其何以當而
 率上之情復無以拒蓋將申於大報敢云告厥成功咨
 爾有位之臣暨于臧役之者犧牲玉帛禮於神則極其
 豐王輅旂常表於吾則從其德委樞近之佐以先置密
 授其成謀聚文儒之士以撰成洞稽乎舊制其令也至
 當故下無以干其工也不繁以眾思自勵德音一發民
 望如春誠感上通神心若契一王乎聖賢之祖述禮樂之
 公襲或有舊史失傳精義莫續群臣極慮靡究其端辱
 旨發其理凡所刊正二十餘條於是奉常遵為

彛訓又若秘牒有一信冊有六燔裡俯逼追琢難成將
 以貞眠代乎温玉雖復有司固請俞詔勉從在乎宸心
 揚然罔措果於內府訪得其真蓋徃日之所營僅期月
 而乃就取之豕刻用於神祇克集厥功靡愆於素足以
 見先聖有開迪吾君善繼之孝也且夫天之臨也不貳
 天之鑒也至明聽之無聲吉凶見乎象數而降命善惡
 基乎人盛德之興巍巍乎其莫述鴻休之至紛紛乎其
 無窮當夫揆日有朝鳩工在始地不愛寶吐素液以流
 其龍飛在天騰卿雲而絢彩神葩焜耀挺秀而朝敷瑞
 氣氤氳揚輝而晨暎眈日鷲獸匿蹟空山螿手毒蟲潛
 形蟄戶在井之緇祭百鍊以成鱗繞樹之禽疑六出而
 挺質沃日漲海既過其驚波航帝巨河復遵其故道九
 穗兩岐之秀四犢一角之奇或駢實而共稜或先秋而
 告稔班虎裘夫之繭靈雲共蒂之瓜玄鶴群臻聽笙鏞
 而自若慈鳥獨哺見斤鍾而有常瀼瀼沆瀣以如飴耀
 趨明視而呈素中天之月露煥發之重輪曲沼之泉澄
 相鮮之麗色一封使者告慶交馳六藝書生頌美載路
 蓋已無得而喻也矧又甚於斯焉昔者五老耆期但聞

一至兩騎受職豈復重來未有眷佑彌昭殊休再降巍
然岱嶽密邇志泉頌綠字之文述蒼元之意於是備時
乘之駕迎寶命之符是月大雨雲滂霽密雲蔥鬱潤甫田
而雖洽治馳道以方勤及乎端時爰來乘輿將出則頻
陰並散杲曜徐昇紫氣覆於離心白雲映乎廣發時億
之福豈易測乎於萬之年必可保也瞻言南域舊產靈
芽方志雖存郡人罕識及夫詔書採擷耆老營求絕世
之珍故蕃殖而久廢不貢之責方寤寐以爲憂遽生三
脊之奇用資五天之藉夷吾曩記斯實同符開元舊文
諒多愧色既而協良日薦虔誠寅奉靈文祇見祖廟謝
會昌之純錫告配侑之崇名于時人集八方塵飛九百
齋明之夕澍雨以清皇衢裸鬯之辰商雲以覆世室霏
烟燭野瑞日流空肅肅金騰襲星卑而徐轉翩翩玉羽
扈河圖而群嬉二后在天降鑒於至治百世觀德協慶
於無垠猶謂斯禮不行其來已久雖感蒐於闕典慮未
盡於至誠乃後屈黃屋之崇高百奉壇之薦享恭畏之
色罔異於奉祠闕疑之文並從不折秉官師尊勵神鑒
益歆既而令旦戒辰鳴鑾遵路百工承式七萃啓行八

校上齊聞蕭蕭之鳴馬九游時動見習習之祥風鼓吹
不喧率由舊則金石咸寢肇自聖謀至若念封禮之方
陳矜嚴是務慮有司之弗給簡易爲先乃損屬車別名
鑾駕虛大輅以安秘錄見奉天之誠御步輦以出國都
形愛民之至連薨感拊接壤歡謠四望則衣袂成帷中
奎則壺漿若市豈資諫諍已罷乎從政何待討論動歸
乎至積重茹成却誠王食以齋心草木不傷法蒲車而
育物若乃次舍所設菲薄攸安棟宇之基未嘗改作開
閔之勢罔或增新在玄幕以環周或下房而躬處頌祇
之庭在邇接神之冊諸靈屬夜漏之未央視晨光之歛
見端踰沉璧祥協起至乃命庶官走群望專印后土
別祀九宮禮瀕海之諸神饗射牛之列帝所謂闡皇猷
於鑿宇昭上德於億年者也暨夫屆廣魯臨岱宗庶民
奉迎罔不率舞東后來觀靡有後期八表之民駿奔競
至未名之寶擲比咸臻壇壝以陳簋簋以具申誠於百
執必信而必誠昭感乎萬靈有嚴而有翼越以孟冬之
月庚戌之朝望秦之高峯時爽而陟比黃之大典次日
而脩其或俯層崖履危磴慮人之勞也乃降輦焉及乎

款雲封望齊室想神之在也亦躡步焉徒御繼登罔逢
 乎驟雨羽衛成列俄息乎終風平視太虛下觀旭景靜
 將地接動與天偕澄宸慮以杳冥望法象而髮髯於是
 彼玄衮播大圭神六變而來思色三獻而彌厲備以宗
 祖煥乎天經丹書載陳表儲休於上帝王牒不秘承無
 私於下民而又饗彼群神干茲山下準園丘之式伸徧
 祀之心謹晷度以合時望烟燎而交影衣冠在列笙磬
 同音是夕也天門之巔士虞載渴甘醴忽湧無源自澄
 先先奉宸欽之而不竭日觀之上人莫能升明神斯臨
 有儀可象濟濟在列觀之而相目此又感召之彰於休
 嘉之殊尤也翌日禮皇祇禪社首一方澤之形泰折廣樂
 之音八成象其色則黃牲昭乎潔小則玄酒嶽鎮海瀆靡
 不格思墳衍郵睽罔不成在眷乃坤元之德配乎柔克
 之尊立植群倫包涵方夏廣大博厚所以養材流謙居
 貞於焉載物伸茲大報在乎至遠及肅若奠獻之儀祇率
 穹昊之制勤恭勸翼盛典由是無遠雜還紛綸柔靈以
 之薦祉清澤將至倏振驚颺冕服纔升俄為霽景樵火
 之影遂在雲霄登歌之聲散於野唯誠明而是竭忘

涉降之為勞於是昭仁心從物性楚夏所貢羽毛之衆
 莫不出於苑囿放之郊原次復詔秩宗修勤禮三帛二
 牲執贄以見右賢左戚辨等而居玄冠蒼佩者克庭魚
 甲貝冑者列侍宸顏穆若安可望其清輝能事巍乎徒
 得觀於洪烈既而布大令均溥恩禮高年脩隆典幽壘
 咸振密網並蠲需慶賜而春行覃敷鑠而日麗宋詩察
 俗遠協於夏書納賈觀民式遵於王制興廉舉孝崇德
 報功鰥寡惇獨之流罔不咸恤律度量衡之法由是得
 中復除之恩浹於四極醜矇之患際於九圍當其御郡
 樓宴鄉老有在沼之介族附將童之衣借色奪金美狀
 微綸英壽蓋踰於千載祥實冠於四靈善者聞韶而鳳
 來拊石而獸舞言其善應豈復殊塗罷萊蕪之鐵官賞
 龜陰之曠土極負相屬菑畬盡開至于逸想古賢緬懷
 神道增文憲昭烈之稱謂仲仁聖炳靈之封崇以為列
 上清而監觀者真仙故加保生廣生之號育良材而利
 用者疊嶂故脩靈巖廣禪之祠惠洽於人雖小不捨新
 至文之像也是也福流於物雖大必營創會真之宮是也
 猶且枉星旄降王軼幸闕里祀孔堂琬琰之刊載揚芬

德重綬之薦用益徽名被飭廟庭增修禮器出幣帛以
 賜宗黨頒經史以聚學徒下自諸生咸廣其進爵上晉
 先正肇荷其追封好賢之心周於百世尊儒之道形於
 萬方豈止序門人以陪伺獨齊眈而給役也昔天寶以
 治平在運崇五廟之洪名大中以恢復成功加二宗之
 章謚而皇上孝思不匱至德潛符展禮太宮歸尊備號
 始以寶冊親授三公拜手而遣肅祇之至也復以蕭薌
 躬謝六室涕洟而進追慕之積也足以薦乾坤之祐增
 宗祐之美慰昊天罔極之感伸明發不寐之懷既而王
 公協辨夷夏同志尊順美之前訓增可久之徽稱始固
 守而不從旋曲成而俯受詔夫法乾剛而覆下是謂儀
 天用玄默以居中故為尊以追叶吉而圖書開與寶應攸
 昭上封而河嶽效祥章感此則著典禮備舉簡冊載光軒
 曰徇齊彼何尚也湯云甚哉此茲豈遠而猶復紀錫符之
 辰建覃慶之節郡國清醮以心谷於明威士庶縱遊用樂
 乎神運生成則禁乎屠宰臨心則止乎刑辟古今之盛
 節殫矣皇王之休聲備矣臣再拜而言曰在昔帝媯其
 權於前脩埃揄揚於景鑠寤

臣有身身與於禹商始於禹宗周建邦本於石後有唐
 命氏肇卜庭堅而伯益既典朕虞亦佐禹績秦德不流
 天祿未窮故我聖朝集茲大統宜乎此隆於三代聖裕
 於萬齡者焉洪惟陛下纂承寶圖建用皇極含道德之
 其實具慈倫之馨香烈然發榮可得而述昔者河流載
 湛里社方鳴列緯集於降婁三統在手單闕暨夫再歲
 果誕真人蓋奎為魯分之星乃司文物泰寔兗州之鎮
 爰主發生豈非運屬文明化符生育法從臨於洙泗祀
 典脩於雲亭之應乎此蓋受命之殊貺也御辨之初維
 藩之域綠龜薦瑞元輔矢謨以為至柔者毛至剛者介
 今則以至柔之物附至剛之姿天何言哉民肯效矣必
 將武事休偃文德懷柔是時也文甲方馳封疆尚聳既
 而王帛繼好書軌大同能尉侯之官成鍵橐之治此又
 顯統之不祥也夫感人心而致和平莫先於孝與王道
 而致雅頌無尚於仁昔者主器震方辨宮臣之常禮則
 成帝之避馳道也宅曼倚廬終三年之通制則高宗之
 在諒闇也安元辰之歷行哭而朝陵則顯宗之伸永慕
 也覽後庭之籍動容而出媯則文皇之召至和也寬仁

成附重之刑制三流惟輕之典則高帝之約法也升北
 辰魄寶之歷創先靈壽星之祭則孝文之重祀也脩前
 代之園寢訪功臣之子孫則武王下車之事也絕蕃禺
 之藥矢毀尚方之獵具則成湯祝網之心也再駕戎路
 則周宣之治兵也三郊告上則虞舜之肆類也順時令
 闔車徒因三時之閒習五中之法神武之用也臨便座
 幸上庠較藝以論材談經以興學時文之化也蓬閣章
 飛牙箴雲蠹寶南風之聖作聚東壁之群書車脩之美
 也親視篋簾躬聽笙竽新甲令以募工師製升歌以詠
 詒訓述作之大也絕域之民留滯未返惻然軫慮豐給
 而遣仁及於懷土也司貨之吏措剋為能渙乎出令寬
 政為先道濟於溥天也紀祥符之寶歷元符之故事也
 新儀衛之庶僚太微之彛制也明照於前古觀其失而
 不揚德之盛也舜高於往代有其善而不伐謙之至也
 孝德著矣仁聲洽矣積是純懿發為茂功則巨禮之行
 殊碩之應由天意也非人力也矧夫兩漢而來建都於
 雍五嶽之地皆在於東石異於辨方方里且殊於師古
 今國家宅梁宋之域當心兮壤之中禮得其宜事歸於正

故可以仰禮五典高繼九皇以仰又羸秦上登倖至中路
 天有所不佑也漢武秘祝不一不群臣道有所未廣也光
 武欲其速成將窳封於王檢力有所未豐也高宗黷茲
 巨典接神以撤房禮有所不肅而也玄宗建議在初輔臣
 殊志出爵伊始庶尹與言人有所未允也若乃薦天祐
 迓神鑿遠邇協心上下交泰唯精惟一盡善盡美未若
 今日之備也又不以功成而自一大治定而自矜炳乾文
 號神歲仰懷天貺不敢以怠遑一俯述世功用歸乎德美
 此實歷代之所未有上聖之所獨臻也下臣不佞恭獻
 頌云惟天祐聖惟聖奉天寶命隆兮惟辟治民惟民戴
 辟萬國同兮祖武宗文重規疊矩建大中兮奉符錯事
 登封降禪告成功兮報本反始為民祈福示至公兮洪
 猷盛德高視古昔焉無窮兮

封祀壇宋真宗築在嶽南五里許遺址王旦頌碑今存

臣聞天地之文著明含章炫耀於庶物禮樂之用
 象功成德昭格於至神王者宣淳耀之烈建中和之極

於是錫天瑞出坤琦覺悟於蒸民鮮不登泰山躡梁又
事崇於明祀蓋天地之文闕下民何以法象焉禮樂之
用缺後人何以祖述焉是知勤皇績騰茂實交三神之
歡著一王之法述符命繼昭夏申乎大報示於無窮極
典章之備物真帝王之盛節者也粵自邃初始造書契
增高益厚載九皇之德朴畧而難明時邁首方垂六經
之文細繹而可舉公夔之規寔廣巡狩之儀始行五載
咨於虞典一紀因乎周制所以彰善譴惡觀民設教者
矣爾後道非下濟德異升聞或絨秘祝之辭或黜諸儒
之議先治兵而釋旄乃肆意於登封惟順時長義之行
殆為民祈福之意建武紀號因石礪之故封開元陳信
示玉牒之不秘典章斯在風烈可觀道實難行禮從茲
絕泊四方之傲擾屬五代之陵夷但恣尋干戈不置禮
器俎豆之事掃地將盡奎炭之俗額天無辜陰騭下民
誕受天命世濟元聖光啓五運皇宋三葉在宥天下互
十載矣太祖啓運立極英武聖文神德玄功大孝皇帝
之創鴻業也名膺帝錄運契天飛微軼道之降鄙牧野
之誓以帝軒之神武漢高之寬大澤發國號陟元

后集大勲望風而海外駿奔端宸而天下寧晏太宗至
仁應道神功聖德文武大明廣孝皇帝之恢寶圖也天
縱多能體膺上聖狗齊濬哲居質以成德文明中正開
務以成物凝神澄慮定制度策賢良率土致覆盂之安
土基成磐石之固崇文廣武儀天尊道寶應章感聖明
仁孝皇帝聖道日躋大明繼照尹京邑也神明之政四
方是則踐承華也元良之德萬國以貞圖錄允鍾訟獄
威格則顧命而主神器極鴻慕而纂宗初守諒陰養長
樂孝冠於百王熙庶政叙彝倫智周於萬物封爵出祿
褒德念功若臨照之代明法雲雷之作解繼志述事樹
經久之規弛禁省官布寬大之令恢張文理眷視學於
上庠振舉武經乃大蒐於近甸厚時風而敦世教訓成
昭而數軍實爾者遷史改告特巡錫駕
森揚天聲秉武節憚
革之威六師不陣遠於衽席之上緩帶噓哺而式和宗
則鼓弓刀而止嚴武備於是脩隆典緝遺文命秩宗
講三王之禮訓奉常考六代之樂海瀛議則下周爰之
詔則申畫獄訟申飭理官簡孚而

用平... 而行輕典敦叙公族立建威藩犬牙之制
 是崇麟趾之詠斯洽設獮狩之禮止於從時脩宴射之
 儀于以觀德勞身焦思有夏禹之憂勤革履弋綈邁漢
 文之恭儉卜郊定位案歷上申... 極之... 修久廢之
 禮易脂澤而哀憫入石室而涕洟至性感於人神玄德
 格于上下紫宸議政勵精於日吳金華侍講不寐寤宵
 分校正蘭臺之書增建石渠之閣規模廣於麗正典籍
 備於宣明深味道腴以資治本帝堯稽古虞舜好問以
 聲身而為律度執規矩以定圓方百姓為心推恩而建
 下萬方有罪引咎而在千德教被於無垠皇明燭於有
 截兵偃刑措道茂化醇百嘉阜昌庶萌樂育獨運陶甄
 之上丕闡鴻鈞之祚訪空峒之道採康衢之謠夷夏大
 和天人交感必彰嘉應四方玄通門號承天節臨獻歲
 真官奉其丕命苦以先期秘檢煥於靈文降乎清旭受
 璽宣室躬拜丹書錫無疆之休踰大中之際理絲是覃如
 春之澤易紀年之號且斯文未作伏羲氏觀象以畫八
 卦有神馬負圖之瑞洪水方萌夏后氏底績以導百川
 受玄夷使者之命比屋相慶異代同符麗眉皓首之氓

謳謠于外鴻筆麗藻之彥誦美于內於是東土耆艾闕
 里諸生連袂而來抗章以請洎思皇之士即叙之式藩
 嶽大臣緇黃衆品伏閣叩首請封禪者無虛日矣僉以
 為祥瑞雜沓天意也中非頃瀾人事也梓柯越雋朱崖
 象郡之旭俱入於提封矣... 東... 高... 類
 悉從於班貢矣群情悃幅式行於慶成上帝顧懷不可
 以謙拒書上者至于五上不得已而俞之誕告庶邦載
 形明詔將以奉揚先烈非謂告厥成功申命輔弼之臣
 論以簡易之道經始勿亟無擾于民且山為嶽鎮之宗
 地為守禮之國周孔垂教乃始封載誕之邦陽相代
 是育粹炳靈之府當係功之際歲事之初明誠以孚玄
 鑒先谷應龍有翼蜿蜒而下垂醴泉無源漢滂而白涌
 芝含三秀匝地而羅生日麗九華得天而絢采鱗介之
 細草木之微表異效奇紛綸疊委而復迹心粹清疑思
 玄牝乃因華胥之夢再覲姑射之神告以玉書降於神
 房之麓著之黃素得於季夏之初揆日奉迎備禮祇若
 爰疇咨於封祀固膺合於穹旻至命有司草定大典採
 撫清議討論舊章即事用希其禮多闕酌義訓以革正

參制度以折衷古文儀禮之辭記議即博士之未達上
 資玄覽洞析於精微無望清光悉臻於禮要穆卜涓日
 掌故奏儀申必告之誠躬祠清廟以就盈之月有事介
 丘先齋紫宸載止禁禦昇蕭韶之備樂以極靜專却太
 宮之常膳以御菲薄清德或道雲會星辰嚴蹕之啓
 行奉天書以先路備設儀衛增置官屬極恭肅而尊天
 既也采章之盛藻縉原隰武衛之雄震疊區寓八方述
 職萬旅騰裝讓塗而行外廬不閉奔走會同之際端肅
 而無譁感發粟烈之時融和而可愛民絕扎瘥之患物
 有蕃庶之詠供帳不移而具諸供不成而備歷東郡之
 屬邑抵澶淵之軍國異容脩文事而有武備工誦
 夾侍掌方志而道地圖風伯清塵招搖參乘周覽臨濮
 少留汶陽戒誓庶官申嚴執事靖恭爾位恪謹攸司羽
 衛具陳乘輿乃出垂翠綉而鳴寒玉載瓊鏤而擁雲空
 天當景從禁旅前驅八神齊奔萬物咸覩卿雲待疾仙
 禽成侶俯法從而交蔭覽德輝而翔騰
 騰芒觀瞻秦狎至溢簡編而不可載考圖謀而
 未始聞下詔肅祗柴望而告至

祀前一日未質明備法駕至於山趾更衣於帷殿上乃
 乘輿與陟絕巘躋日觀出天門築園臺於山上度地宜
 而循古制也升山之前夕層雲蔚興嚴飈暴起達曙振
 野而未已有司失職而是憂洎寶錄先登華蓋徐至焚
 輪止息寥次清霄若胚渾之初判狀群靈之先置辛亥
 祀昊天上帝設天書位於左次登歌樂作奉迎就位顯
 奉符而錯事也以二聖嚴配定位則向以申恭事表繼
 志而奉天也亞獻終獻作之樂章以為禮節一其儀而
 申昭事也祝史正辭秘刻勿用黎元蒙福孚佑是祈克
 其已而序動郵也棗冕俯僂金石鏗越捧珪幣奠犧象
 絡金繩而斯畢飛紫燎而上達舒蓬暨禮陟降盡恭明
 德之馨至誠之感必芬以薦膺靈如谷通帝鄉之岑寂
 接雲漢之昭回協氣上手纖羅不動神策錫靈長之祚
 日卿奏殊充之瑞垂紳委珮蹈舞齋室之前釐拊山呼
 聲震層霄之外山下設壇四成如園丘之制乃命茂親
 以承大祭崇牙樹羽以斯具潔粢豐盛而在列萬靈咸
 秩四隩來同九宮貴神實司水旱吾民是休動繫條舒
 厥職充重命築壇於山下封祀壇東率禮吉獨詔大僚

以尸其事于祀后皇地祇於社首百司承式慎之至也三獻盡誠禮無違者翌日御朝觀壇觀群后輯五瑞千品成列萬國胥泊英莖韶夏以徧作傑侏甕離而次設風行赦令雷動歡聲祝網之仁普霑蓼蕭之澤遐被大明之照徧燭於部家崇朝之潤周濟於天下昭示聖作以志元封日星炳其天章鸞龍奮其仙翰感祚德之玄既述光表之鴻猷金玉其相與典墳而並驚神靈是保揭日月以長新復有道濟乎民名在祀典功德兼茂而乃祀高嶽之靈幸列真之宇俾加賁餘用極褒崇養老申合欽之私勞推復之惠命方納賈採詩觀風聘有道而肖高年平權衡而考制度官克用又黜幽之典靡行化洽可封歸厚之民成若惇發攸恤幽隱咸達乃翠華之旒輶臨曲阜之故墟升講肆之堂屈順風之拜徘徊談奠眷思遺風衰聖之禮有加恤後之息瀟溼既經載載邦周公旦啓真王之封太公望進昭烈之號咸建廟貌領於祠官按節廻鑾式表墓徧走群望罔不遺靈河濟之區海岱之壤南暨佳

漢北際帝趙禰航萬國冠帶諸酋四遠雲來千里星屬聽清蹕望容得濟仁壽之觀斗奉祀藏侑神之金匱上加益之寶冊舉歸格藝祖之禮親饗太宮考欽至策勳之典惠綏列辟盡聖人之能事成天下之壯觀前書所記絕十二儀斯廢僅三百載大定經制而未違神宗末至理致升平業成而中罷遺茲景錄屬在欽明丕顯詒謀奉成先大號永神以和禮樂大備盛德也也勒石垂鴻昭茂功也人報本穹昊歸功宗祐謙尊而從衆欲禮畢而受徽稱克讓之風高視於前古矣下尺一之詔嚴禁止之條蕭靡靡外好生之德徧及於群心矣服經衣而在道御菲食而數旬則別旒牲牲美潔冕減乘輿服御之物罷周廬次舍之制則惟新禮器增飾壇壝設翼翼之心精意以享有典有則必躬必親寅恭天至也既如彼蒼蒼之意惟德

况神速也又如此宜乎擁鴻休介繁祉後天而老象日
 之升垂萬葉之耿光為百王之稱首者也臣位冠台衡
 親逢旦暮承上工之乏相盛德之事與夫茂慶草遺忠
 之奏周南與留滯之嘆非可同年而語矣又恭膺_■黨
 述茲而以紹帝王之墳素表金石之篆刻嗣_■天之
 大律為永世之鴻範者也寡常平之經術無燕許之才
 筆大懼禱昧不能發揮徒踴躍於綠_■實僂俛而塞詔
 廣誥舜德曷繼於臯陶紀頌漢巡有愧於亭伯貽之來
 裔以闡大猷辭曰增高益厚王者上儀制禮作樂莫大
 於斯應運接統垂鴻逆釐茲事體大惟聖難之岱宗炳
 靈岩岩峻峙和鑿響絕於瑄禮池缺其神權邈踰星紀
 乃聖挺生乘時斯起惟宋肇興受天顧誕蓋黜苛政式
 叙彝倫以洗汚俗乃_■而匪民革其不諛彼以至仁威靈
 有赫軌跡易遵與民更始其命惟新寶曆日_■神武不
 測厥角獻琛水_■惠澤滂流皇_■狀_■塞陰騰下民
 建皇極明被六_■幽化行四國累盛重光軋軋翼翼展
 省方觀風耀德偃伯靈臺躋民壽域寶鼎增重永協
 人同禎符荐錫告厥成_■功諭乎至理迪彼玄風保邦

齊爭錫祚_■鴻化洽無外道惟大中百度以貞六符斯
 正傾輸群心稱述瑞命_■餘議勒封以期升侑休烈日彰
 神策天授徇民從欲長采_■吉成屬車時邁法從天行濟
 濟鴟序_■熾_■聲星言汶上雲會_■亭_■崇絕_■密_■通
 圓靈躬陟上封_■中_■事_■祖_■考_■米_■格_■禮_■樂_■明_■備_■感_■以_■至
 誠享其精意_■款_■謁_■歸_■功_■謙_■謙_■益_■至_■嚴_■配_■克_■誠_■蒸_■蒸_■不_■匱
 柔祗昭報_■誌_■祀_■其_■脩_■二_■儀_■新_■合_■百_■神_■懷_■柔_■帝_■容_■載_■穆_■靈
 財殊尤肆觀_■輯_■瑞_■端_■荒_■疑_■旋_■萬_■國_■以_■朝_■四_■夷_■接_■武_■行_■蕭
 之仁_■方_■效_■洽_■蓼_■蕭_■之_■澤_■方_■周_■溥_■茂_■遂_■群_■生_■浸_■漬_■萬_■寓_■慶
 集_■丕_■圖_■風_■還_■邃_■古_■騰_■茂_■雅_■英_■超_■三_■邁_■五_■赫_■赫_■顯_■號_■穰_■穰
 鴻禧百祿_■是_■荷_■萬_■壽_■無_■期_■遂_■及_■黎_■庶_■永_■洽_■淳_■熙_■法_■吳_■穹
 方剛健不息_■踵_■黃_■軒_■方_■清_■乎_■無_■為_■紕_■救_■之_■錫_■自_■世_■承_■之

朝覲壇在州南宋真宗東封群臣覲地州之風雲雷雨壇

因其故址陳堯叟撰碑頌今在壇下與天貺殿碑及天

齊仁聖帝碑皆待詔尹熙古書書法類聖教序_■堯叟_■臣

配南尊嚴王者所以敦其孝也朝宗親遇聖人所以明其禮也又若因名山而遂封煥先業而彌著踵七十二君之遐武承萬八千歲之丕緒瑞輯五玉壇賓諸侯巍巍焯焯事之大者非命大通博之士繹蓬山之學之學闕里九經之思又安可藻潤功德流播教臣類蒙寡聞黔淺無取詔所慮拜手而聽言曰宋受天命帝六合子萬姓以聖繼聖垂五十載稽神道而設教感民生之歸厚烈祖考耀武振德罄乾維而張宇畫坤輿而畫野夷暴削壘黜僭溢偽懷生胥章感仁孝皇帝之御天下也三葉嗣統重離繼明恭敏而安仁徇齊而允迪青宮主聖承大序而寅畏黃屋正位奉先志而夕惕若乃敦乎要道刑于率土始則謹色養而罔價終則絡因心而過制孝之至也郊丘者三竭精意以裸獻朝闕者一鬱悽感於霜露祀之大也六御宸陛精較參振滯淹於常布密通替於巖穴文教之隆也再駕革輅觀省辨野貞紳律以威亮戍樂武經之者也

實情達也欽恤之深也無間聰明之廣也友于天族勿有推赤心而與物坦然敦乎教也惠綏耆年勉夫勸農禁末率先手稼穡明助編室務得而學彌益迭覽乎九皇之道畢揆時序猶復訪古無怠講乎三代之訓敦龐黎庶勤恁方較烝烝之懷既格于禋明生生之仁終達于壇場禮易戰偃於師節混一文軌罷戎壇場措兵者也於是河海夷且安巖廊穆宣登玄覽而宅秉操斗極而播慮恢天常立一代經清寧之御乃六氣之辨富壽之域隆乎三登之一序四典納誠五緒遵軌日星薦祉而誦合章大效靈備絳見千岳萬類紛綸歲祀冲世靈契允宜昭吞絳是真來儀實命由錫抒三篇軼默之訓啓萬禩綿長之兆普天罄世靡不欣戴惟若異登假之祐乃何補自天之秘實獲御

邦之縕于是洙泗諸生龜蒙群彥發詠美於庠塾動咨
吟于衢路荷裳連蔓波屬鱗萃旣而宰衡帟幄之輔熊
羆羔鴈之列迨于千夫長百夫長黃冠緇衣青兒齒
相與不約而信不謀而同伏觀之下

陛下系纂聖統光闡丕業立隆以為極執而
司會天斯成矣地斯平矣人斯和矣昆蟲草木罔不
矣所宜鋪鴻藻而熙帝載飛英蕤而振絕禮遵昊天
成命慰東魯之僂后觀風省四民之業展親諸侯之
允謂俗

不為進越皇帝虔鞏敦諭四讓不獲既而行事顯顯之請
席而言曰惟我聖付以大寶海內海外悉主悉治率
懷揚美之慶丕昌詒翼之教一變至道何有焉又敢
款斯之體乃朕之意且夫無懷已降夷吾所記迨建
武之儀開元之制綿蕪草具宜削其靡無煩民無黷神
恭朕之禮罔憚菲薄奉禋之容姑務豐士凡

絢漢室優游之義順以創制閱嘉言於既往修而不典

然空文之無謂既歷古而肄習乃折乘於曆聖輔臣先
事而祇命崇岳嶺日而薦瑞晴泉志湧神龍倏見靈芝
三秀而絡野嘉穀合穎而克畝星弁

輟而戒吉卿雲先後而觸布遼鶴翩翩而萃集玄祝益
重坤珍愈出月孟冬日辛卯皇帝乃闢宸居清康衢儀
金輿總衡之御肅寢兕彌龍之制都人山立而震抃

以徘徊十極之音含正始而容與俄而常伯陪輿大丙
羽節千官息蹕而星拱九龍効駕而風舉萬騎雜沓洵
海峽九流續紛烈烈方雲布歷河沂榮光湛滌百
文矣岳趾愛日融乎四野猛士縣騰

而彌烈周廬微道植斲懸駘旣而闢齋宮之清冥綠清
東於護濩雲罕儼路鈎陳轉鑿奉寶花而先置嚴宸仗
而迤大流示異常廢石而逮止寒谷應威將裂膚而
俄燠倏忽之變陰陽不測皇帝於是登高陞天

毛輦步巖際俯囀靈於渤澥觀衆山之培塿重基冠空
而嘔物翠旌周阿而捉獵辛亥物爽卽事雲闕登太祖

以配天奉大宗而侑饗圓軒豁懸寓澄爽列宿照耀

於浮景盛禮登降於而大樂六變百神降而玄酒三獻蕭薌用權火高舉

圭璧之序嚴紫霄而有容金石之文凝絳烟而無際秩

衆靈而在下命群官而分饗侑物之盛實列萬國鈔

之祥乃過億世既即次而燎幣煇復而檢王賚鄉

神光發誠實納蔚而五色翌日迴鳴鑾禪社首禮遂畢

於登降誠乃格于上下復本反始儀之氣斯和執圭

奉璋肆觀之禮攸舉且夫壇壝三成蓋大適小之制侯

氏四價乃君勞臣之典繇是次舍設牲司儀

辨等車馬具禮始既館而穆穆俄就旂而濟濟皇帝乃

登清壇翳雲芝負斧辰明章施臚句命而交達喋費

述職而駢萃九儀旆比薦磨至航海告傳圭之符毛

車慶干呂之瑞魏乎恆之兮隆乎虎之

成訖無遺者既而王公庶尹對越景命區域竦化

德者天合符者聖陛下功大業年對越景命區域竦化

人祖協慶禮物具八方之產祀千百年之盛又何山

八音諧

而無際秩

衆靈而在下

神光發誠實

奉璋肆觀之

辨等車馬具

述職而駢萃

車慶干呂之

成訖無遺者

德者天合符

人祖協慶禮

而樂闕遽

責員首方

之明日撫

考度正班

敷條而咸

於浮景盛禮

而大樂六變

圭璧之序嚴

衆靈而在下

神光發誠實

於登降誠乃

奉璋肆觀之

辨等車馬具

述職而駢萃

車慶干呂之

成訖無遺者

德者天合符

人祖協慶禮

而樂闕遽

責員首方

之明日撫

澤於遺者合凱謀於下國歡洋溢載揚嘉
 氣鬱蒸擁宸輿兮歸格策勳欽至霈霑樂胥昭德垂休
 懸乎無極皇帝於是敷曆藻紀雲闕始則推后帝之紀
 錫終則讓祖宗之顯烈義畫增麗堯文濔發式天經而
 昭布表日觀而高揭至于之祀典之清
 芬上則教尊於世次而功施於民躬卓頌而流永增徽
 稱而益振煥乎宸製鏤之貞異信闕典而成秩垂聖軌
 而惟新大矣哉懷庭之道曠而復屬盤維之基巨而彌
 遠人和年登而神降之吉倪寬所謂帝王之盛節抑亦
 曰天下之止觀聖作物觀不其備乎太史臣曰主上有
 聖明而不宣布有司之過也臣慶奉咫尺恭侍圭幣禮
 容獨厲竊謂萬一難不足究宣駿德光大隆業蓋
 尊石信辭炳灼於無窮者也臣克叟謹為頌曰於皇
 有宋受天明命烈祖造邦神宗繼聖靈旗指麾洪基保
 定神教誕敷民德丕正明祀我后集慶重离稽古立訓
 惟倫是宜羣方允迪庶彙熙天縱至德日用焉知上
 效靈乾瑞坤亦溢于祥經上德不德謙而益光寅奉祖

考肅祇玄黃大迪路盛曆洪長貞存至元符屢彰
 濟濟多上巖巖蒸蒸代頃備溢郭集于崇宸
 功神帝謙不獲玄意天命

有位藏中代宗虞巡効駕周邁宣風八極四海與隨雨
 從巖巖會巖高軼乾宇既後既登以裡以旅二聖克配
 三辰攸處六變成靈蒼璧玄酒

燎飄飄鍾律翌日降神皇祇是出名猶翕河有神
 咸秩禪之明日乃嚴壇壝于以肆觀于以陳儀擗載
 列筍簾散施嚴爾坵組翼乎熊羆王公庶尹再拜稽首
 罄億上千萬壽日哉一德斯懋元首嚴肱淮

爾佐佑慶澤遂敷宥民赦穢渙汗溼濡滋液參漉洗滌
 頗類發揮亭毒施及天胎罔不生育乃和律度乃齊日
 時升擢方穀懲艾不祇凡百有位以愆以大禮寬舉

揭方明兮車服以庸覃慶澤兮眾網遂空惟聖宋之光
 宅兮與黃比崇宜乎金聲之王振之萬斯年兮無窮
 陰字碑在州之乾封門外迤東三百餘武是為宋真宗登

謝天書述一聖功德序銘曰陰字以字鑄北面從俗稱

也州志曰金字謂當時以金塗飾也或曰禮記以精意

享祀言也皆聲相近而義亦通嘗聞真宗東封驛驛會

真宮故碑作屏製鑄北面當宮南百餘武俗稱陰字為

是宮今在城內而碑限于外故人罕知其鑄意云

密 朕聞一區宇而恢德教安品物而致昇平此邦家

之大業也考茂典而薦至誠登喬嶽而答純錫此王者

之昭事也結繩已往茫若而莫知方冊所存章章而可

辨詞不開先流福累洽儲休長發其神永錫爾類故能

禮祀上帝帝肆觀群后追八九之遐躅徇億兆之歡心是

以武王勳獨夫集大統而成土以之東巡高帝平三猾

啓天祿而武帝以之上封曩以五代陵夷四方分裂敦

教九域顯影而求存顯顯萬民願天而仰訴不有神武

多難何以戡不有文明至治何以復恭惟太祖啓運立

極英武聖文神德玄功大孝皇帝積善自始受命無疆

歷試于艱難終陟于元后威靈震疊玄澤汪沔無往不

賓有來斯應濟民於塗炭登物於春臺俾以萬邦成湯

之甚盛咸宣九德文王之有聲啓運于前垂裕於後太

宗至仁應道神功聖德文武大明廣孝皇帝洪基載紹

景貺誕膺如日之升燭于率土如天之廣覆于群生人

文化成神道設教尊賢尚德下武後刑金石之音明靈

是格王帛之禮蠻貊來同書軌畢臻典儀無闕上玄降

鑿虞舜之温恭庶民不知唐堯之於變重熙之盛冠絕

于古先增高之文已頒乎成命遠巡其事謙莫大焉肆

于冲人獲守丕構其德不類其志不明弗克嗣興罔識

攸濟屬以陽春留節靈文錫慶由是濟河耆老鄒魯諸

生啓予以神休邀予以封祀不遠千里來至闕庭朕惕

然而莫當彼確手而莫止俄而王公藩牧卿士列校獻

封者五上伏閣者萬餘以為景命維新珍符紛委不可

辭者天意不可扣者群心天意苟違何以謂之順道群

心苟鬱何以謂之徙人是宜登介丘成大禮敦諭雖至

勤請彌固切念乾坤垂祐宗祐儲社導揚嘉氣僅洽小康俾夫疆場以寧干戈以息風雨以順稼穡以登無震無驚既庶既富皆天之賜也豈朕之功歟雖則告成功紀徽號非涼德之克堪也然而序圖錄存殊禎非眇躬之敢讓也天孫日觀梁甫仙間五嶽之宗萬物之始升中燔燎舊章斯在繼繩先志懿範遵已定之規祇事園壇嚴配肅因心之孝於是詔輔臣以經置命群儒而講習給祠祀者罔有不至供朕身者無必求豐故玉幣犧牲朕之所勤也羽儀服御朕之所簡也精意篤志夙興夕惕誠明洞達顯應選彰自天垂恩正真親臨於雲馭奉符行事子育敢怠於政經粵以暮春之初恭享清廟告以陟配孟冬之吉虔登岱宗伸乎對越奉寶籙於座右升祖宗以並侑禮之正也孝之始也乃禪社首厥制咸若于時天神畢降地祇畢登勝嶺岬可期奠獻如覩其薦也雖慙乎明德其感也實在乎至一誠亦復酌鄧宮之善勸治稽考制度採撫風謠文物釐明所以揚二聖之洪烈歡娛慶賜所以慰百姓之來思蓋又兩儀之絕暇

七廟之餘慶邦家之盛美蒸黎之介福豈予寡昧所可致焉惟當寤寐寅威夙夜惕厲不自滿假不自逸豫寵綏庶國茂育群倫以咨穹昊之眷命焉勒銘山阿用垂永世銘曰節彼岱嶽巋巋然東方庶物伊始玄感其章自昔受命反始穹蒼燔柴於此七十六王顧惟寡薄恭嗣洪猷乾乾慄慄雖休勿休元符昭錫餘慶遐流群情所迫盛則爰脩前王不顯是曰告成伊予冲眇無德而名永懷眷佑祗咨景靈聿崇嚴祀用達精誠殊祥疊委寓縣弁馳禮無違者神實格思藏封石

御帳坪在嶽之中道即秦封五松之地宋真宗東封駐蹕

于此故名今石上柱窠帳殿之遺蹟也

博城在岳東距州治三十里漢之奉高隋之汶陽唐之

乾封同此今名曰舊縣

羸城在岳東趾距州治東南五十里漢置縣屬泰山郡唐

屬東秦州後省入博城

謝過城在岳東南趾漢明堂側齊魯會夾谷後歸謝之地

故名岳東南地曰谷里古夾谷也

羊祜城距州治東南九十里即晉羊祜所封之南城

龜陰田即齊人歸魯以謝過者

汶陽田在嶽南汶河之上魯成公二年春秋書取汶陽田

八年書晉侯使韓穿來言汶陽之田歸之于齊

下惠墓在州治東南一百里至今村人尚多復姓者村

名曰柳里村

聖賢

孔子登泰山而小天下孟子孔子過泰山側有婦人哭於墓

者而哀夫子式而聽之汝子路問之曰子之哭也一似

重有憂者曰然昔者吾嘗死於虎吾夫又死焉今吾子

又死焉夫子曰何為不去也曰無苛政夫子曰小子識

之苛政猛於虎見禮記檀弓孔子遊於泰山見榮啓期行

乎郊之野鹿裘帶索鼓琴而歌孔子問曰先生所樂何

也對曰吾樂甚多天生萬物惟人為貴吾得為人一樂

也男女之別男尊女卑故以男爲貴吾得爲男矣是二樂也人生有不見日月不免襁褓者吾旣已行年九十矣是三樂也貧者士之常也死者人之終也處常得終當何憂哉孔子曰善乎能自寬者也

見列子

顏淵從孔子上泰山孔子望吳閭門外有繫白馬引顏淵以指之曰若見吳閭門乎顏淵曰見之有若繫練之狀孔子撫其目而止之因與俱下淵髮白齒落遂必病死

見錦綉萬花谷補詩外傳畧同

子故衣力耕泰山下天雨雪凍甚旬月不得歸思其父

毋作梁山歌

見曾子孝實

孟子生時母夢神人乘雲自泰山來將止于嶧母疑視久之忽片雲墜而寤時間巷皆見五色雲覆孟氏之居焉

見通志

後人稱孟子有泰山巖巖氣象適符雲兆信矣

伯牙遊於泰山之陰卒逢暴雨止於巖下心悲乃援琴而鼓之初爲霖雨之操更造崩山之音曲每奏鍾子輒窮其趣伯牙乃舍琴而歎曰善哉善哉子之聽夫志想象猶吾心也吾於子何逃聲哉

見列子

延陵季子適齊於其反也其長子死葬於贏博之間孔子

曰延陵季子吳之習於禮者也往而觀其葬焉其坎深
不至於泉其歛以時服既葬而封廣輪揜坎其高可隱
也既封左袒右還其封且號者三曰骨肉復歸于土命
也若冤氣則無不之也遂行孔子曰延陵季子之於禮

也其合矣乎

見禮記 羸博俱屬秦安岱岳東 卽見古
城遺跡 孟子 葬於齊 反於羸 卽其地也

宋

孫復字明復晉州平陽人少舉進士不第退居泰山南麓
學春秋著尊王發微著多學者其尤賢而有道者石介
自介而下皆師事之年踰四十家貧不娶季子相迥將

以其弟之女妻之復疑焉介與群弟子進曰公卿不下
士又矣今丞相不以先生貧賤而欲託以子是高先生
之德義也先生宜因以成丞相之賢名於是乃許孔給
事道輔爲人剛直嚴重不妄與人聞復之風就見之介
執校履侍左右復坐則立升降拜起則扶之及其往謝
也亦然魯人旣素高此兩人由是始識師弟子之禮莫
不嘆嗟之而迪與道輔亦以此見稱於士大夫其後介
爲學官語于朝曰孫先生非隱者也欲仕而未得其方
耳慶曆二年樞密副使范仲淹資政學士富弼言其道

德經術宜在朝廷召拜校書郎國子監直講嘗召見邇
英閣將爲侍講而嫉之者言其講說多異先儒遂止七
年徐州人孔直溫以狂謀捕治索其家得詩有復姓名
坐貶監虔州商稅徙泗州又徙知長水縣簽署應天府
判官公事通判陵州翰林學士趙鼎等十餘人上言孫
復行爲世法經爲人師不宜棄之遠方乃復爲國子監
直講嘉祐二年七月卒年六十有六官至殿中丞
其在太學時爲大理評事尹天子臨幸賜緋衣銀魚及聞
其卒惻然予其家錢十萬而公卿大夫太學諸生相與

弔哭賻治其喪其治春秋不惑傳註不爲曲說以亂經
其言簡易明於諸侯大夫功罪以考時之盛衰而推見
王道之治亂得於經之本義爲多方其病時樞密使韓
琦言之天子選書吏給紙筆命其門人祖無擇就其家
得其書十有五篇錄之藏于秘閣

以歐文忠
撰墓志修

胡瑗字翼之泰州海陵人與孫明復石守道講學泰山攻
苦食淡終夜不寢十年不歸得家問見有平安二字卽
投之澗中不復展讀今人名其投書處爲投書澗云

許衡字仲平河內人金季兵亂避地徂徠泰山間扁其爲

曰魯參初從姚樞實歟游獲聞程朱之學遂爲名儒元世祖召爲京兆提學累官集賢大學士兼國子祭酒領太史院事累遷中書左丞相贈司徒謚文正

列儒

漢

泰山老父不知姓氏漢武帝東封見老父於山下道傍頭上白光高數尺怪而問之老父曰臣年八十五時衰老垂死遇有道者教臣絕穀但服木飲井水枕神枕枕中有三十二物以二十四當二十四氣以八當八風臣行

之轉老爲少日行三百里臣

年百八十矣帝受其方

賜以玉帛老父後入山去每

年五年還鄉里僅三百

年不復還矣

見類林雜志并葛洪神仙傳

稷丘君泰山下道士也髮白面

齒落更生漢武帝時以

道術受嘉賞後罷去帝東封稷丘君擁琴迎拜止帝勿上上必傷足帝上及數里左足指折諱之還爲稷丘君

立祠傳讚曰稷丘洞徹脩道靈山鍊形濯質變白還年

漢武行幸携琴來延成以升陟逆覩未然

見列仙傳及集事淵海

安期生在泰山遇李少君入山採藥病困安期生與神棲

散一七而愈

崔文子者泰山人也世好黃老居潛山下後作黃散赤丸
賣藥都市自言三百日後民有大疫長吏之文所請救
文擁朱幡繫黃散以徇人門飲散者即愈所活者萬計
後去在蜀嘗黃散故世寶崔文赤丸黃散云傳讚曰崔
子得道術無祕奧厲氣降喪仁心愍悼朱幡電壓神藥
捷到一時獲全永世作効

見列仙傳及
集事淵海

晉

張忠字巨和中山人永嘉之亂隱于泰山清虛服氣冷芝

餌石符堅聞其賢徵至長安以野服見堅曰先生獨善
之美有餘濟世之功未足故遠屈先生將任以齊尚父
忠曰昔因喪亂避地泰山與鳥獸為侶尚父非敢擬願
還餘茲歸岱宗堅以安車送之過華山歎曰我東嶽道
士沒於西嶽命也已而化上謚曰安道先生

唐

呂嵩字洞賓宋天聖戊寅三月二十一日書五言絕句于
王母池署其後曰回翁題政和丙申六月十八日復書
七言絕句署其後曰回公再書前後書法皆類顏魯公

再書二字類進賢亭刻人莫能識好事者摹其真蹟于會真宮觀其詩則知絕陽子三至泰山矣詩見登覽志

張僊不知何許人開元中與李某同至泰山學道久之李以宗室辭歸仕至大理丞屬安祿山亂携家襄陽某奉使揚州途覩張子邀李同宿門庭壯麗僊從瑾璫李視女妓中有持筆者酷似其妻及罷張呼持筆者以林檎擊僊帶上各散去明日李復至門館荒穢無行人跡詢鄰人曰此劉道玄宅已十餘年無居者尋還襄陽索其妻裙帶果得林檎問其故云一夕夢見五六人追云張

僊喚搗筆臨別以林檎擊 裙上於是知張已得僊矣

元

丘長春不知何許人嘗居三不山南陞長春觀以全真為教元賜號神仙無為演道太宗節別號長春子後去之嶧山有仙化遺跡嶧碑及觀中遺像俱尚存

張志純號天倪子泰安埠上保人六歲能誦五經十二歲入玄門居會真宮數載道行超群輩初名志偉元主改今名賜號崇真保德大師授紫服重建岱岳升元二觀及上岳廟元初王奕斐稿有贈詩云赤松宗世遠岳地

作神仙註云其人百二十歲三見帝學士徐世隆題其
小影曰形雖羸于道則肥性雖介于物則齊具儒墨之
體用見天地之端倪杜仁傑曰其學也老莊其志也軒
岐郡人王天挺曰冰霜外潔日星內炳又曰山澤之臞
道德之腴徐徐于于此世之所謂天倪子者乎化日自
頌曰脫下娘生皮袋此際樂欲輕快百尺竿頭進步蓬
玄洞府去來去來前世宿德醫僧今作道門小才

徐世隆別號復齋不知何許人元翰林學士夙與泰山天
倪子游元季喪亂變姓名上下泰山常居岳祠或城隍

廟三樨子從學一教習泗水超距一授漢書其一曰王
圭授舉子業久之別去言三子貴賤短脩其後授漢書
者目盲頽說書爲不食習泗者遇濟南灌城之厄以泗
解圍以超距脫死致爵賞圭登科膺爵蓋三人所至悉
如其言圭年八十許時世隆復來見天順間又至泰山
惟升元觀一老道士識之其容貌如兒時所見後不知

所終州志載世隆官如今傳山東通志書廉訪使不載其地近閱文文山集書世隆尚書東平人詩哭文

山蓋宋季之人也歷胡元終始而我國朝人猶及見之異哉

成興公直人不知何許人仙道成于泰山見五岳真形圖說

王從之不知何許人初官翰林後隱泰山踟躕而化人稱其地曰蛻仙巖

巖見元人石刻詩及古州志

海印泰安州人居鄒縣大明禪院幼悟道常夢異僧指示一旦呼弟子謂曰吾幻身非久住世親書偈畢端坐而化三日慈容如生其院上紫霧光明貫於天際邑令見之稱爲真禪

靈宇

靈宇何明神之所宅也志之而首岱焉者何奠方域出雲雨功侔造化而辟首宗焉祀于有司國家之典禮也岱祠有昊天地祇乃弗先之者何非有司之分非典禮也非典禮而志之何傳曰有其舉之莫敢廢也乃若霞君青帝邦國攸崇孫石兩賢鄉人景範至于佛老之宮群靈之府亦載籍之舊也又烏得而遺諸

東嶽廟在州城西北隅風俗通曰岱宗廟在博縣西北三十里山虞長守之按志唐廟在嶽之南麓岱岳并元二觀前當爲漢址宋改今地其後廢興修葺詳具宋祥符宣和金大定元泰定至元及國朝諸記石廟制堞城高二丈週三里城門有八南闕者五而中曰岱嶽北曰

會瞻東曰青陽西曰素景門各有樓角樓亦四東南曰
巽樓東北曰艮樓西北曰乾樓西南曰坤樓由岱嶽而
上重門爲配天次爲仁安再上爲仁安殿露臺高下聯
屬者二殿前兩廡之中爲鍾鼓樓樓之後各爲齋房殿
後爲寢宮宮左右爲配寢其規模宏侈儼如王者居配
天門左爲三靈祠右爲太尉祠祠前東廡別殿曰炳靈
西曰延禧碑亭二其一當岱嶽配天二門之間其二對
峙于鍾鼓樓側二亭皆爲國朝御製碑建惟洪武勅
祀一記乃某官德祐撰詞前述

高皇帝玉音故州志通志
供誤稱御製而作亭鑄石亦皆
傳訛此國家重典不可一
不正殿前古松數十株蟠結偃
蓋非他境所有漢柏唐
槐皆特異雖良繪莫能狀銀杏
大者圍三仞火空其中
陰符經曰火生于樹信夫奇石
玲瓏者九其上有古題
刻知自遠方來真獻者碑石林
立其可爲書法者張待
制洪言宣和廟記喬家宰字篆
御祝文廟前有亭曰
遙參亭前爲遙參門門之前爲御
街宋東封警蹕之地而實爲廟之第一門也舊榜曰草
叅門門中有臺臺再成臺上有亭亭重簷四向十有六

角峻嶒綺麗前榜曰岱宗盛中丞秋林書為岳榜諸書

之最在昔有事于岳者先拜于亭而後入廟故曰草叅

今有司遇祝 釐於廟罷則儀從由亭門而出猶古之

制也亭今列屏鑿方圓各一高六尺許鑿前雕座置元

君像四方來謁頂廟者亦先拜焉故又曰遙叅亭云

文粹中重修岳廟記

宣和四年九月有司以泰岳

宮廟完成奏功制詔學士承旨臣宇文粹中記其歲月
臣粹中拜不獲命退而移文有司盡得營建修崇詔旨
本末與正工鳩材因舊增新之數謹再拜稽首而言曰
臣聞自昔受命而帝者咸有顯德著在天庭合四海九
州之歡心以為天地社稷百神之主故有壇塲圭幣以
象其物有宮室祠宇以奠其居有牲牢酒醴以薦其潔
有祝冊號嘏以導其誠其漠然而意可求俊然而誠可

格殆與人情無以異是以黃帝建萬國而神靈之封七
千虞夏商周文質迭救雖所尚不同而事神以保民其

歸一揆故其書曰望于山川備於群神又曰山川鬼神
亦莫不寧其詩曰傑柔百神及河喬岳又曰臨山喬岳

允猶翕河河東曰交州其山鎮曰岱山自開闢以來以
尊稱東岳其穹崇盤旋雖號為一方之鎮而觸石膚寸

不崇朝而利及天下是以歷代人君昭姓考瑞盛登封
之禮告祭柴望五載一巡待必以岱宗為首而神靈恒

赫光景震耀載在書史接於耳目者奕奕相屬也宋受
天命建都于汴東倚神岳遠不十驛章聖皇帝肇修封

祀蓋嘗躬款祠下欽惟神靈饗答之典念唐開元始封
王爵禮如三公一等未足以對揚休應遂階五岳咸陞

帝號自是宮廟加脩薦獻厚四方萬里上民奔湊奠
享祈報者蓋日益而歲新也皇帝聰明仁孝光于上下

神動天隨德施周溥既已躋斯民於富壽迺申勅中外
凡所以禮神祇崇顯祀畫志備物畢用其至歲在辛巳

迄于壬寅詔命屢降增治宮宇繕繕外周界愚分翼歸
然如青都紫極望之者知其為神靈所宅凡為殿寢堂

閣門亭庫館樓觀廊廡合八百一十有三楹財不取于
 賦調役不微于追呼而屹然崇成若天造地設靈祇燕
 豫福應如響嗚呼真聖德之事也惟古聖王先成民而
 後致力於神故奉牲以告曰博碩肥脂謂民力之普存
 也奉盛以告曰潔粢豐盛謂三時不害而民和年豐也
 奉酒醴以告曰嘉栗旨酒謂上下皆有嘉德而無違心
 也臣竊伏觀皇帝陛下臨御以來夙宵之念無一不在
 於民者發號出令以誠以告頒恩施惠以生以育設官
 擇人以長以治制法垂憲以道以簡典禮以訓以齊政成化
 孚中外寧謐於是國有暇日以脩典禮民有餘力以事
 神祇咸秩無文周徧群祀自古所建上下遠邇靈祠告
 祝于今莫不畢舉觀是宮廟土木文采輪奐崇麗則知
 郡邑之富庶惟帳笑煌衮冕璫璫則知絲象之盈溢牲
 牲克庭醪醴日御則知耕牧之登行簫鼓填咽歌呼滿
 道則知氣俗之和平神之固曆數之綿祇陳于上帝用降鑿
 錫茲祉福則社稷之安稽首而獻頌曰於皇上帝監觀
 也臣既書其事又再拜守帝欲富民也貨財溥潤澤
 九有孰贊天降山川封

之俾司風雷界方岱宗是為天孫體仁乘震生化之門
 昔在章聖崇以帝號發冊大庭五雲前導施于子孫格
 是神保歲任相提新宮載考皇帝慈儉愛民自秉不侮
 鰥寡不廢困窮神鑒其仁錫之屢豐皇帝神武赫然外
 攘馴服悍戾以蕃善良神予其義助之安疆仁義既洽
 民有餘力還以報神神居是坊我我神居作鎮于東有
 來畢作庶民以同惟此庶民惟皇作極不應僂志徧為
 爾德祝皇之壽可泰山同久握圖秉籙歷箕旋斗祝皇之
 祚泰山等固始安二儀同萬宇下建群黎徧敷錫之
 億載萬年惟神是依惟神獨依惟天無私有謠康衢述
 是聲詩命楊伯修東岳廟記奉臣聞嘗欲將
 至有開必先天下降時雨山川出雲明神之所以佑聖德
 也臨山喬岳名猶翕河敷天之下哀時之對聖人之所
 以昭神功也豈非幽顯之感通報施之明驗歟乃卷
 宗之神乘震秉錄定司東方東方者萬物之始故
 岳之長我國家受命之攸在雖德自天啓亦惟神之
 相哉主上在位之十有七年內外晏清禮樂備舉帝
 于郊而百神受職民無物豐靡有畜害凡岳鎮海濱名

山大川率命有司崇飾其廟貌嚴寅其祀事歲時親署
祝版遣驛命守臣侍祠皆首於岱宗大定十八年歲在
戊戌春岳廟災雖門墻儼若而堂室蕩然主上聞之震
悼不已俾治有司不戒之臯既而歎曰神其或者以高
廟故欲作新者乎廼敕庀工度材以聞明年以同知
河北路轉運使事徐儁就遷知泰安軍專領其事彰德
軍節度判官王元忠佐之皆選能也命馳驛以圖來上
入受訓戒示之期約且擇尚方良工借往營之出內帑
錢以貫計者十有六萬黃金以兩計者二百四十有六
及民之願出費以助者幾七萬千且運南都之材以足
之復詔其工役勿煩吾民給以傭直故皆悅而忘勞矣
二十一年辛丑冬告成凡殿寢門闈亭觀廊廡齋庫雖
仍舊制加壯麗焉詔謂格神之道所貴致潔其當陽之
像毋用漆塑以涿郡白玉石為之殿楹高敞勿事絳障
殿闕周匝設為儲胥俾四方士民遠致奠獻者皆遂其
瞻禱之心而無褻瀆之患廟之西南隅舊設舍館賓客
往來皆止焉自三觀而下十里達于廟禁無樵薪二十
二年四月制詔翰林侍講學士楊伯仁記其事臣伯仁

承乏禁林職在贊揚聖德豈敢以鄙陋辭謹書其始
始未與其經費之多寡叙之拜手稽首而作頌曰東方
曰仁萬寶資始神惟岱宗爰主張是雞鳴見日其高巖
巖兗州之鎮魯邦所瞻觸石生雲合于膚寸曾不崇朝
天下膏潤無慄而下七十二君咸登茲山告厥成勳於
皇時金縢迹東土誕膺天命實受神祐我后中興出震
應辰禋祀上帝懷柔百神無文咸秩矧此喬嶽宮廟制
度天子禮樂災之所生然在不虞舊或未捨新何以圖
洪惟聖明監此神意親授規摹選能興事宸衷簡在民
願攸同不愆于素按圖奏功臺門將將如鳥斯革廣殿
巍巍增階以級性酒圭幣薦羞以時敢獻善祝神之聽
之聖人之德聖人之壽泰山之高泰山之乂聖人之業
聖人之基泰山之固泰山之維神居孔安有饗是格生
甫及申藩宣方國禮無不答神罔特伺於萬斯年福祿
來崇元長山天自唐始宋大中祥符肇建今祠大其制一如王者居其
殿宇門觀長廊迴閣總八百一十有二楹其內城西南
隅有殿曰延禧有堂曰誠明繚以迴廊別以庖福以待

天子行人銜王命以代祀者至則奠香幣于殿退齋于
 堂垂思諸精卜日消吉乃有事于東嶽天齊大生仁聖
 帝示弗敢褻也三百年來嶽祠再廢再作金季倣復
 毀于寇雅斯殿與堂獨存我世祖皇帝踐祚七年創
 構仁安殿以妥嶽靈其他則未遑然歲時既深日就
 歷堂陸廊廡咸非昔若至正丁亥歲值單懷范君德清
 來提點廟祀則曰國家為社稷生靈計歲遣近臣代祀
 其所以涓潔精誠者在是今乃推毀弗治可乎遂既謂
 諸好禮者指廩揮金咸樂施帝愛於是掄材召工未閱
 歲而殿堂廊廡煥然一新又創為新堂五楹前軒後闈
 高明虛敞以待賓客西為神庫以藏天子賜物復闈東
 廊設以軒榻高其陛祀以待諸官府有事嶽祠者總計
 若干楹噫若范君者可不謂勤於其職者哉諸好禮者
 姓名附載碑陰云

神之禮載在典冊自郊祀天地而下復有所謂名山大
 川之祭蓋名山大川兩間物形之最鉅者形鉅則氣之
 所鍾亦鉅而神必依之於是有雨澤之潤有財貨之生

有年穀水旱之祈禱焉以利民生人此報祝之所由起也
 惟泰山在古兗州於方為由小故稱東嶽於時為春春主
 生萬物之始群嶽之長又稱岱宗古者天子巡狩秩祭
 之所先而東方諸侯在其封內亦得以祭然其禮視三
 公蓋以別於天地也降及後世乃崇以美號至於帝王
 則與天地無別矣我聖祖高皇帝有天下之初詔定
 祀典始復其號曰東嶽泰山之神禮嚴報祀著令至今
 六聖人超卓之見蓋出尋常萬萬豈特朕所當恪守雖
 萬世子孫莫之能易也東嶽之廟今編於天下其在泰
 山者為專祀歷代所重故廟之規制甲於四方香火特
 盛我祖宗列聖自國初以來報祀惟謹廟宇亦屢加
 脩葺然歷歲既久風侵雨剝棟宇椽楹蓋瓦級磚與夫
 丹雘藻繪之飾未免傾圮漫漶弘治己未冬朕承祖
 宗禮神之意遣御馬監太監苗達往脩祀事具以為言
 即發內帑銀八千餘兩并在廟積貯香錢命達會山東
 鎮巡等官葺之未幾西階告警達有督軍之行工不時
 就壬戌冬再以祀事往乃與鎮守太監李全巡撫右副
 都御史徐源等議委右布政使俞俊專董其役而分巡

副使王宗錫往來協同吏勤工善越明年夏乃就訖自
 三殿而下若廊廡若門垣等凡傾者以易圯者以完漫
 漉者以鮮以潔金碧輝映廟貌深嚴泰嶽明靈既尊且
 安自是而往陰佑顯相我國家之胤祚一方之生靈益
 有賴於無窮矣達暨鎮巡等官咸奏是舉之盛宜有述
 以示後爰識巔末并繫之詩曰鴻蒙未判一氣渾然清
 升濁降始肇乾坤賦形之大惟山與川氣隨形鍾神乃
 在焉巍巍泰山高入雲煙群岳宗之靡或與肩自古天
 子秩祭孔虔禮視三公祀典攸傳降及唐宋縉禮相沿
 殊名美號益謹益專於惟我祖志復古先秩祀有詔
 功邁前編朕承先烈精誠彌堅祀事載脩廟貌增妍
 神心鑒悅降福綿延壽我亂祚光我化甄蕩蕩平平億
 萬斯年大書李賢廟記書稱岱宗蓋以東方屬春
 萬物交代故曰岱為群岳之長故曰宗然而祭之者何
 也記曰能出雲為風雨又曰民所取財用也惟天子得
 祭之如帝舜望秩于山川是也若諸侯所封之地有名
 山者則祭之在周惟魯侯得祭泰山他國不得祭也季
 氏旅於泰山宜陷於僭竊之罪矣三代以前不過為壇

而祭之如周制四坎壇不山丘陵於壇是也秦漢以
 來有神仙封禪之事於且有祠廟之設古者五岳視三
 公謂視其饗餼牢禮之多寡以為牲器之數也非以三
 公之爵封之也後世遂封五嶽之神為王為帝奇流端
 冕儼若人鬼矣共惟我聖相高皇帝聰明睿智卓冠
 千古即位之初詔示天下有曰嶽鎮海瀆皆高山廣水
 自天地開闢以至於今英靈之氣萃而為神豈國家封
 號之所可如今依古定制去其前代所封名號於東嶽
 稱曰東嶽泰山之神嗚呼是舉也哉革瀆禮不經之失
 所謂實諸鬼神而無疑百世以俟聖人而不惑者矣濟
 南太守陳君銓走書京師上言予曰東嶽泰山神廟傾頽
 上請得旨重修巡撫都憲思賈公銓與三司宦僚合謀
 經營若按察使王公敏尤勿由意焉屬銓綜理其事經始
 於天順四年八月二十六日日落成於五年九月初一日
 內外煥然一新俾是方之人依而教之有加於前愈曰
 不可無紀敢乞為記列之用示久遠予惟泰山出雲膚
 寸而合不崇朝而雨天下功德固廣大矣要之是方之
 人沾其惠澤尤多况又取其財用者乎雖曰朝廷祀典

所載而是方元所當敬也今巡撫方面風憲重臣同心
協慮重役神廟又得郡守克承委任用體朝廷之意
以表民之所敬所謂所欲與之聚之真可謂民之父母
矣彼慢神虐民者視此於心不亦慙乎

恩東嶽泰山之神故有廟在山之陽朝廷有大典禮
大政務則遣使告焉廟屋既久多圯漏弗治先是守臣
嘗奏請修建而未克底完天順己卯泰安州復以其事
達之濟南府因以上請詔允脩葺于時都憲年公富
方議興役而去左副都御史賈公銓繼來乃洎巡按藩
臬協議既擇有幹幕職以董其役復俾濟南府知府陳
銓月一往以綜理焉銓始至泰安謂修葺嶽廟固所以
祗若朝命致謹大神然尤當以省民財重民力為本
財匱民勞事亦非可因詢及守廟者具言數十年所積
禮神之物甚富遂遣人持市木之巨細與其他修屋之
不可缺者及既合而匠役皆在官之人而農民不知有
役銓既綜理有法不急不徐始事於天順庚辰秋七月
辛巳夏五月訖工殿宇周廊門觀燦垣悉皆完治咸願
刻石以紀其事山西按察使王允濟南人也以書來求

又有禮惟孔子有一曰必也正名乎夫明則有禮樂幽則
有鬼神其理一也然祀神之道豈可不以正名為先乎
如嶽鎮海瀆在古帝王之世皆以名山山川稱之仍無封
號之加蓋以其天抽一諸形萃秀神氣流通能與雲雨以
澤物能出財用以濟民故雖載在祀典而不可加封號
自前季以來道學不傳幽明之理不明於天下邪誕論
佞之說日作於是有所封五嶽為王者帝者有封五鎮為
公者有封四海四瀆為公為王者而又各加以美號夫
嶽鎮海瀆其形峙而流其氣神而靈古禮五嶽視三公
四瀆視諸侯而乃崇其等人其神名既失正神豈願享
洪惟我太祖高皇帝定有天下之初即稽古祀神之
典乃頌詔旨於嶽鎮海瀆諸神曰考諸祀典知五嶽
五鎮四海四瀆之封起自唐世崇名美號歷代有加瀆
禮不經莫此為甚今依古定制凡嶽鎮海瀆並去前代
所封名號止以山水本名稱其神仰惟詔旨所載隆復
古制大洗前訛其所以達幽明之聖嚴上下之分允宜
表正斯世垂法將來而為萬古不易之大典孔子所謂
正名者於斯見之猗歟盛哉東嶽泰山之神為諸嶽冠

卷之三
三

聖朝既正其名秩其祀而廟弗治又俾所司以時修葺而巡撫憲臣洎藩臬得綜理其後如銓者不竭民之財力而克底完新皆可謂稱若朝廷不顯休命而致謹於人神者矣遂序其事而銘之曰一理宰幹二氣互根清浮無際濁墜斯存柔行剛峙川洪嶽尊惟此泰山造化鍾萃滄炎太虛磅礴厚地匪魯邦瞻實衆數最其蓄罔測其施靡量玄雲寸石甘雨八荒功既載溥厥報宜彰有廟在陽奉命新葺重臣是承守臣是職民不墮勞事底完集殿宇廊觀聳卓祭廻高中度不騫不卑神氣鬱鬱流通在茲昔昔山川明祀有體夫何前季封號存起躋嶽於天泰三公體逮我聖世道復古隆弁絕僭誕率由大中嶽鎮海瀆悉正其名惟岱宗神稱允格迄茲有役咸願石刻述埋繼辭以示無極

修廟記

瞻敬祭享於是乎登薦而神靈亦于是乎依栖矣故必壯麗完潔然後可以竭虔受靈斯固有土者之責哉泰山有廟在泰安州其殿庭嚴整蓋以累經崇飾之故獨其廊廡久未修葺都御史王君霽御史陳君璧時巡其

地因請廟而有見焉於是謀之藩臬為重以之舉擇齊南同知溫庶董其事泰安同知孫瑾判官任震分理之凡材木瓦甍金石之類以至匠有庸役有厥皆取諸神惠之贏不以煩民經始於弘治庚戌十月成于癸丑九月同知庶以撫地之命來謁予文以紀之山五嶽之宗為祀典正神且其膚寸之雲而及天下下之人所以敬禮况其州之人哉况其上之人廟無之修因時而舉乃其分焉爾然嘗聞人不可不以非禮瀆洪惟我太祖高皇帝以禮祀神故復神號有詔瀆神神有律革則古之弊番萬世之法蓋自當時民和物豐靡有災害至於今益盛者皆其景貺之答也然則天下之人所以仰香齋帛香走山麓仰觀廟貌果皆仰體聖祖之意而極崇奉之道哉不過求生以受福死以免罪不赴所謂七十五司以墮剗燒春磨之獄而已嗚呼或哉福善禍淫求可得而神果能死生人亦奉天以行其禍福耳豈亦豈非有禱可免哉今遠近之人紛然狂惑不知止於亦豈非有土者之責乎誠使守上之吏能如孔門之不放推本

聖意告諭其民曰神能生財物以濟我能作風雨以澤我
 我能捍大災患以寧我我所以崇奉之者以及其功德耳
 如有非禮之瀆以致之罪將見自其一州有補歲予
 革其狂惑以正持已以禮接神豈不於治
 奉掌民部皆有司以化民允予之責也故
 告曰
 經爰度惟舊是若裁增載拓以光于前
 構其輝孔炤如輻斯接如熒斯茂若繪若
 厥有加于舊惟天降舊勳做是崇惟斯
 帝降命有嚴厥工惟中丞之風監司之功
 帝命孔肅曰此大事我其可弗告祭
 是屬臣拜稽首曷敢弗恪廟既新止禮
 降監饗吉禱止天右斯文實亨厥也如
 斯元如冬斯春惟國有明祀于千萬年
 東嶽上廟在嶽頂磨崖碑前伍緝之記泰
 廟中廟今不可考按州志元至元間提點張志純嘗修
 月上中下三

上廟嘉靖間都御史曾銑重修布政使陳儒記

嶽之尊橫亘齊魯跨引江淮轟突雲霄輝映日月巍乎
 高哉其天下之奇觀而獨秀者乎我明天子御極望
 于山川徧于群神曰用相我國家維茲嶽乃辛丑北虜
 犯順乃申敕封疆之臣曰其各壯乃金湯時乃若
 用扞衛我國家予一人以寧亦維茲嶽嗟乎嶽之時用
 大矣哉維特都察院右人御史廣陵曾公銑是承
 簡命保釐東土北至時且苦饑公約已裕民發棠秩祀
 而九為我民徵福者靡不備至是故疏請于朝得減
 京儲數萬石減租亦數萬石間乃語諸藩臬庶正曰泰
 山威靈鼓動海內矧茲兵戎之調度顛連之賑卹以暨
 百官之匪頌罔弗賴之是其庇我東山者乎聞今廟貌
 中壞弗亟圖之其何以祀乃復五月謀諸監察御史
 西揚公本深僉同茲議曰其動乃官需毋勤力毋違
 乃底績已乃祗若成命移檄諸司曰若布政使陳儒
 鴻漸爾其經理諸難曰若按察使余銀爾其糾察御事
 乃罔弗既厥心亦罔弗慎厥事曰知府劉壘曰同知王

景明爾其鳩工傷工曰知州馬逢伯爾其率作興事乃
 周弗奔走惟罔功是懼于是群工畢興始于壬寅夏五
 月迄于癸卯春三月東嶽殿之脩者四楹南向碧霞坊
 之建者一亦南向泰嶽坊亦一西向東官廳之建者六
 楹西官廳之建者四楹各南向鐘鼓樓對峙于元君之
 廟者各東西向如其制工既訖而是歲兩暘時春東方
 底寧君子謂泰嶽于是乎有神金乃請勒石于泰山之
 巔公以記屬之儒乃拜手稽首颺言曰嗟乎天降時雨
 山川出雲耆欲將至有開必先言神異也願茲東嶽孕
 秀鐘靈甲于天下則所以奠我民生翊戴我國家者寧
 有涯哉是役也創議者為鄧御史今兵部尚書蔡公經
 申議者為都御史胡公績宗成之者則今中丞氏會公
 也書云三后協心同底于道其是之謂乎于時協謀則
 先任按察使今山西右布政使劉幾左參政雒昂朱統
 右參政張臬韓威工參議盧耿麒右參議張鵬翰副使
 呂高王楊談愷徐寸義金清潘恩魚事為黃卷吳嘉會
 汪東洋黃鰲辛珍程鏡都司為賈席李忠法皆得書乃
 系以詩用崇厥祀

岱為宗日觀東升載瞻滄海漠漠白雲玄堂掩霽宣聖
 是登通小天下中道弗巔萬古長夜頓茲廟貌扶記是
 將有嚴有翼豈曰弗臧棟隆其飭丹雘其塗匪伊黷祀
 安民是圖維時保釐殷憂如怒先後協心乃茲底績
 攀萬仞峻極于天茫茫終古法象儼然誰佑我民
 靈異時雨時暘百物紛至以禪國需以賑氓庶盛德
 休東方伊豫大夫君子仰止
 高風萬年歌此永奠神功

天既敷在嶽頂宋真宗得天書建學士楊億撰碑銘殿今

廢碑存嶽祠時真宗御製答謝天書序銘王欽若王旦

陳亮史撰諸壇文皆以天書為言志皆錄之見當時君

相矯誣考誕上下成風可監已善乎孫奭曰天何言哉

史曰一國之人如病狂然噫王文正且然而况於他人

乎下也高明而有赫倬昭回而成體其聽孔卑杳寂冥
 以希聲厥應如響故周書紀其輔德義易載其益謙而
 祿成宜于以隆其永命庶徵時若于以降乎嘉生斯皆
 自我民而聰明表其道之貞觀者也至乃秉陽而健重
 象於日星得一以清成章於雲漢東壁列位主圖書之
 秘文鬼寶淪精控河洛之命紀三五之世德化醇茂故
 文有爛矣眇觀太古鋪觀牒三五之世德化醇茂故
 伏義受龍圖以作八卦軒轅得龜策以朝萬靈放勳獲
 至堯青繩之文帝舜膚赤文綠錯之瑞夏商以隆績用
 昭明故大禹夢蒼石水之符帝乙拜玄王之字西伯之赤
 筆止戶武王之白魚入舟皆盛烈通於神祇茂勳格於
 而厚壽是奇物講說以效質珎固煥以告休宣絕精
 而奮卓異獨靈為百祥之稱首不然者又何以運契於
 中和之極是發于至治之期雜霸已還寂寥而無紀合於
 符之盛啓迪而必先者哉崇文廣武儀天尊道寶應章
 感聖明仁孝皇上帝陛下之御天下十有二載也纂二聖

之不基學八紘之鴻緒中道底定庶邦協和王燭陽明
 珠躔軌道頌聲載路氣橫流百工惟時五兵不試仁
 風衍於無外洪化馳而若神品物茂遂而由儀群黎富
 庶而知教徽纆之刑繼以措弦誦之聲相聞人自謂於義
 皇家悉為於鄒魯行善勿踐忠厚之性成天網彌疎寬
 大之德著淳源載復治具張皇上方端居穆清之中獨
 運陶甄之表執粹精而思道宅清明而在躬極深研幾
 淵默雷震揚旌絢景耀光日新固已濬哲之懿升聞側
 怛之愛教洽金玉其度追琢而惟精雲日之表既望而
 無極當其愛景長至陰鬼下弦斗城龍深虎關辟篠建
 章萬戶管籥之有嚴衛尉八屯誰何而載蕭銀漢左界
 玉繩西傾挈壺之漏屢移膝席之對云能方將疑神於
 蟻濩寧體於清閒靜慮合於希微嘉應通於膺靈俯及
 乙夜闋乎嚴高煥發靈光皎若白晝乃有真官降於霄
 極臚語示乎休徵將求衣而起對忽乘飈而滅迹天子
 於是申以齋戒致其精明爰及駭歲發春之初祇受大
 中祥符玄錫九賓宿設親拜於廣庭八神前驅奉引於
 黃道寘之恭館藏於東序乃復肆肯於綿寓易號於初於

元惠賚決於五營爵秩加于群后均合欽之澤以尚齒
推給復之典以貴農皇明誕敷純嘏均被繇是徇東人
之勤請考乾封之舊章將以陟介丘禪社首奉符而行
事刻號以告成揚二聖之休光為天下之壯觀列城除
道有司講儀龜策告猶雲氣呈瑞官象物而成具民僉
后以來蘇三神眷懷萬邦和會而靈心昭著玄應杳臻
以為庶人靡常猶畢星之好雨群小多辟或夏蟲之疑
冰雖况施之殊倫覺悟之咸悉猶復先甲而申告以儆
于清東方將應期而紹至以彰乎絕瑞惟元年仲夏既
望之後夕上復夢神人諭以諄諄之意期以來月錫符
於泰山於是濬發德音申儆執事有依類託寓之異當
疾置飛馳以聞粵林鍾紀辰銅渾叶度肇自初吉以哉
生明惟茲巖巖之峯荐發穰穰之瑞祥光夜燭成十輝
之姿卿霽朝晴結九葩之狀是月之六日也粵有梓匠
晨詣靈液亭給介斷之役草露方溼人迹罕至忽得黃
素於華簪之上其文有皇帝崇孝育民壽曆遐歲之言
周章震駭覓字飛越函以白引進使曹利用宣政使李
神福即共捧持以詣封禪經度制置使臣欽若臣安仁

緘騰載嚴騎置水小獻皇上周旋欽翼夙夜齋明醴粹內
充典章兼舉命而廟之元宰暨左右之信臣分授使前
奉導靈既驛傳云二至詔驛出迎羽衛星陳常帥景從弁
冕端委親拜受于苑中玄圖秘文復徧示于群下先是
陰雲待族大雨濯枝滯泥冶道之是艱霑服廢禮之為
懼是日也懸寓登雲祥佳氣鬱蒸杲杲之馭上躋光華在
旦叢叢之姿迭媚紛郁垂文五弦之風載薰九光之霞
成綺頌謠胥悅哉教來同矧乃綿蕤之儀素已草具翠
葆之駕乃先啓行既備物以吉獨俾有司而羽衛載以
威整入于應門星先驅金奏並作天子方復珥鸞旗
而祝籙叙無稽案而坐惟宮穆穆皇皇以俟夫元符之
至也既而步自閭闔率先群司納之殊庭是為秘寶且
使討論前載追求遺軌輝景下燭泰既作時亦瑞云獲
遂亦起宮其後因軌迹而增崇建名稱而不朽者非可
以悉數也乃詔會郡申飭攸司爰就靈區茂建清宇授
規於哲匠董役以廷臣撲斷前施築塗咸備法大壯而
取象曾不日以克成置寒門谷之庭鎮阿閣神房之
麓雲封翬起迴對於軒檻泉源冽清載聚於階墀祇

天賦表以微名既而慎擇靈辰揭之題榜乃有玄鶴集于睢臺清喉久之墜羽而去斯又九臯之仙贊于歲之純精挺胎化之變告壽昌之先者也及魏封泥檢載揚于四海神化馳于六幽天子乃繼節節盤桓憑絳津周爰溱覽以屆于茲瞻層構而啟零臨清流而發歎金爐朱火隨馨德以升聞羽蓋清塵彰健行之不息旋軫飲至天城地平定時計工命相王振且以為古之哲后褒紀瑞命方牘所本雖武可徵至若其露黃龍標於年曆所以昭若報降垂示方來爰詔下臣頌茲徽烈恭惟紫書秘謀荐錫于王晨福應之大者也靈宮真宇列峙于野制作之盛者也非有選雄之博物通達崔蔡之發篇清麗鄒枚之論辯曹王之氣貫又曷能敷陳景鏗述宣鴻明著之金石之刻流乎億萬之祀如臣膚淺豈能演暢拜命之時樂由性勤頌歎游揚雖謬於素蘊博約溫潤寧企於前修伏紙枉松媿汗交集銘曰太始權輿遂古之初結繩而治斯文闕如三五迭興受命合祛河

洛開輿乃出圖一書岐周於航爐春詩詩亦符煌煌一祥鳳止高岡火流於屋魚入於航爐春詩詩亦符煌煌一祥鳳止高岡火流於屋魚入識有開必先神休巨測清夜戒期曉容斯觀旭日朝躋真符云獲節彼崇嘯天帝之孫刺經議發社閭泉源苾涌和景晏溫女文申錫明靈有赫雲篆騰品冰紈裴積殊禎響若奇應山杳樵蒸禮成蓼蕭慶洽遂宇羣飛揭榜雕楣建茲頤號式昭鳴禧金輿王輅靈揚蕤福應之盛輝尤在茲魯邦奕奕秦觀魏魏封雲蒼蔚淵井連猗巋然宏構水鎮芳祇史論真宗澶淵旣盟封禪事作祥瑞吝臻天書屢降導迎真安一國君臣如病狂然宋史長編且自祥符以來每有大禮輒奉天書以行事常怵怵不樂臨終謂其子曰我別無過惟不諫天書一事今諸子削髮披緇以歛

皇帝觀在岳之絕頂即古登封臺昔嘗地廢成化十九年中使以內帑金資重建濟南知府蔡晟記石天子命

馬監大監錢吉歸前代封禪玉冊於舊所且為文致告
蓋盛舉也既真封禪密遂于東嶽神祠建清醮三晝夜
晨等以守土咸從事焉預期各明心懺慮宿沐於齋所
醮之日瑞雪漫空鸞鶴翔集觀者如堵噫嘻有是哉此
昔我 聖天子一念之誠之感召也禮成大監錢喜以
岱宗絕頂上帝觀歲久湮圯多出內帑白金命工繕葺
其制視日照觀而增飾焉易梁以棗易柱以石冶鐵為
瓦甍將以垂悠久也命晟宜有言以識因粗述如左復
陳短詩三章上以祝 聖天子萬萬年無疆之壽下以
表承事諸臣之精白小心燕紀夫斯觀修舉之所自云
其一 吾皇一念與天通瑞雪翔鸞精大空靈貺分明昭
帝德小臣拜舞效華封其二 函香捧玉自天來百里寧
辭一騎借陟盡顛峯凝望處五雲旋繞是蓬萊其三 輪
奐暈飛翠窺籠玉皇臺殿倚層空登臨亦有宣尼與俯
仰乾坤

玉皇廟在嶽之回馬嶺按察司陳察撰記廟前晦許為崖

磴高三丈餘磴盡處為昇仙閣 潘王撰記自浙泉之

晉道經齊魯抵茲山歷險升高雲巖風壑百折千迴行
欠山腰突見新祠曼碩後有瑞仙巖左十峯嶺右九峯
山巖巖奇特祠據厥勝像設鏐沃冠裳儼如鍾鼓有奕
其主曰昊天玉皇上帝竊惟山莫名於五嶽而秦尤稱
唯蓋自崑崙一脉迢迢馳發至於茲吃然鉅鎮固萬山
第一止處憶自結髮遊觀兩都暨江浙諸省歸棲徧吳
嶺十載再起望九嶽過衡陽柳下井羽越雋歷蒙段氏
蹇抵金沙江望銅符渡河洛驅馳閩陝徧二蜀聞粵
峇峇翠峯駭矚不一然未有若茲山屹焉孤高峻極大
虛至使天下之人殫力協誠齋肅強負駿奔對越者踵
武無虛日精神會合若蒿懷愴若或臨之此豈偶然之
故哉其必有所以為之者矣是則斯地也而有斯祠也
吾不能辯其可否獨念斯人往往數千里趨奉抵茲厥
亦勞止而斯祠適在餘衍峻嶒中有廡有庭有泉有茗
芳者少息飢渴者少慰籍沐風雨者得少為避愚夫愚
婦蹶踏匍伏心懷戰兢欲平躁釋蒙昧以開而禱祈水

旱疾疫疢此焉依豈天設此以為福民永命之一助也
 而可以輕擬議哉國朝惟泰山五岳之長群壑之尊
 維峙一方高接天漢鍾靈秀之氣鬱造物之英真天下
 名山之首古今祀典之崇者也其神主成物之始故宇
 內群生壽夭休祥福徵禍眚出入攸司罔弗欽戴恭惟
 我太祖高皇帝用夏變夷章明憲典首重祀禮歲貢
 之禮厥誠罔替累朝以來率由舊典惟皇建極德茂
 業熙群辟攸叙風行海內俗化生成嘉靖甲辰秋稔泰
 安守臣蘇嘉禾瑞麥執政率九卿百職表賀淵衷悅俞
 漢儒有曰和氣致祥斯實由我聖皇法祖憲天克
 誠明祀之感豈非嶽神效靈用徵厥瑞者耶明年乙巳
 春有僧明清自斯山募緣於路以回馬嶺至皇殿一盤
 歲遠將圯乃增建五楹鐵瓦琉璃莊嚴銅像廊廡續具
 復創門閣三楹時值今撫晉中丞曾石塘先生建牙山
 左公務適臨命名曰昇仙閣僧請予請記予惟兩間之
 氣造化曰神感而遂通通信闔闢著乎隱顯山載地靈
 官莫重於岱嶽之巖巖與神之穆穆而他莫及焉聖
 天子功高德厚以明厥報天地之誠擬於嶽者將無在

而弗通以享無窮之祀不亦宜乎

會真宮在州城東南隅舊名奉高宮宋真宗駐蹕改今額

國朝重建玉皇殿學正任式記國朝會真宮玉皇殿成

式齋沐拜手言曰一氣之分而輕清上浮者謂之天主

宰乎其間者謂之帝吾儒曰昊天上帝彼道家者流尊

其名曰昊天玉皇上帝世之曰宮曰觀皆其奉香火之

地也會真宮在泰山之陽其創建不可考觀宋祥符間

有頌二聖功德碑在宮之南百步許朝觀碑在宮之南

一里許傳者謂真宗封泰山駐蹕於此今人定間徙奉
 符縣為泰安州故宮居州城之巽隅與替靡常所存者
 僅玉皇殿三間焉基卑下上遣中使進香帛於方嶽
 行瞻是祠從衆望弁以嶽頂昭真祠以聞欲更新之
 上可其奏即下令所司時歲在庚子也於是召公輸於
 魯甸招匠石於郢郊采祖徠之松新甫之柏是斷是度
 是尋是尺辛丑昭真觀既作壬寅玉皇殿告厥成巍巍

乎浩浩乎松栢有樾旅楹有閑粉飾藻繪妍麗精華金碧耀日月之光丹雘奪乾坤之秀像設穆穆赫爾厥靈咸以昭我聖代敬天事神之意無乎不在也若夫泰山徂徠相映前後奇花吐而玉座芬芳白雲飛而瑤壇空靜星冠羽衣舉手以加額者祈斯世斯民於平康也嗚呼黃童白叟羅拜於左右者祈斯世斯民於平康也嗚呼天不在於高高而在於咫尺帝不在於冥冥而在吾昭灼過之者寧不秉虔恭存敬畏以思無愧於對越也耶是作不為無益也詩曰路寢孔碩奚斯所作孔曼且碩然則古之作邑修廟者未嘗不得人以任其事也今是宮也奉天子之命而作之者誰大參邢公表僉憲袁公端也

后土殿在岳南麓距州治二里許數松差類岳祠亦奇古可愛

青帝觀在岳之南麓肇建不知何時宋嘗葺之 國朝弘

治正德間復加修拓宋真宗加青帝懿號曰廣生帝君

通志誤為加真宗御制御書贊刻今尚存帝即漢唐所

祀五帝之一按漢書及宋天文志青帝天神也而東岳

屬焉此廟祀之所由起也

宋加青帝懿號勅中書門

盛德在木實萬物之資生惟真宰之斯存益靈篇之攸紀青帝真君職司煦育道叶冲虚贊玄化於高明庶群

生於溥率真祠夙建方志可徵屬嚴駕以時巡爰秘封之成禮式瞻神館冀沐冥休祇舉典章載揚懿美奉肅

鄰而昭薦旌至德於無方用表欽崇永綏福祉宜尊懿號曰青帝廣生帝君觀宇特加修飾故茲詔示懇宜知悉

方俸聰明於上帝宜乎名冠仙籍德被蒸民饗祀典於東

蕭薌鏤徽稱於金石者也屬以虔修封禮恭咨神休薦顯號以致誠述斯文而頌美讚曰節彼岱宗真茲東土

育之地靈仙之府爰有高真允司明命至神不測度誠斯應茂實克昭儲祥是繁式奉嘉名用伸精神大中祥符元年十月二十七日御書院摸勒刻石御製文維大中祥符元年歲次戊申十一月戊午朔四日辛酉崇文廣武聖明仁孝皇帝謹遣尚書兵部員外郎邵暉告于青帝廣生帝君伏以峻功丕顯誕彰陰陽之仁神化無方實主發生之宇惟高真之依館乃喬嶽之靈區屬以祇奉元符躬陳大報仰繁景既克舉上儀式昭之稱以表欽崇之禮合伸致告用達虔誠謹告禮樂志云郊外壇為五帝位是為五郊青帝位在甲寅之地又云祀五帝於明堂各以其方又云兆五郊于雒陽立春之日迎春于東郊祭清帝勾芒車旗服飾皆青歌青陽舞雲翹餘四帝服飾禮樂各如其方宋天文志石氏云東宮青帝其精蒼龍為七宿其象有角有亢有氏有房有心有尾有箕有胃有房股箕所糞也司春司木司東岳司東方司鱗蟲三百有六十皆龍為鱗蟲之長

三皇朝祀伏羲神農黃帝州志書八蜡廟在岳南麓距州

治三里許

補弘治十六年歲次癸亥十一月初一日

奠致祭于三皇聖帝曰粵惟三皇建于有極百草畢嘗藥石是資疾痛痾瘵用賴以瘳神聖功巧萬世永賴籩祖既精虔誠斯達敬伸祭奠庶其歌格謹告

碧霞靈應宮在嶽絕頂西南下三田許舊名昭真觀宋真

宗東封建

國朝拓建改今額屢安經脩葺嘉靖甲寅秋

命工部員外陳策督宮施銀一萬兩重修焉其神曰太

仙玉女碧霞元君四方來謁者捐施金帛珠玉馬殺之

類每歲遣官奠擁以助公帑神之所自見高誨玉女考

學士劉定之汪龍徐浦尚書棧文全各撰宮記御祝

州祝及布政使郭韶銅鼓記俱勒貞石宮之東南拱抱
為五花崖東北迤西則嶽頂磨崖日觀諸峯蜿蜒環峙
三回若屏展前若雙闕由宮門西下石磴三丈許南俯
縣崖下視城郭若畦圃自城郭望之則崖峯森蔽不能
見宮宇此蓋造化靈區真天奇也王女神顯靈于天下
其來尚矣世傳為東嶽女蓋謬說也人心崇尚習承
訛非特愚夫愚婦之不知雖博雅君子亦未聞有能考
其實者按州志載嶽頂王女池馬端臨通考紀池側故
有上女石像泉源壅濁宋真宗東封先營頓置泉忽湧
上升山其沅自廣清此可鑑味甚甘美王敏若請浚治
之像頗摧折詔易以王石既成上與近臣臨觀復巖石
為龕奉置舊所祭焉唐劉禹錫送東嶽張鍊師詩云
事元君住紫微而李白遊泰山詩亦云王女四五人飄

風下九垓及觀李諤瑤池記謂黃帝建武嶽觀嘗遣女
七人雲冠羽衣修奉香火以迎西崑崙真人由是考之
則知王女必皇帝所遣七女中之修而得仙者後世因
之祠于山而宋元間龕像建觀尤有徵迨我朝拓新殿
宇靈應益著不然則泰山喬嶽之上何緣有此據通考
唐詩所載質之諤記益信泰山絕頂舊有
祠祀碧霞元君以其最高雲蒸雨降材木易朽颺風剛
功凡多飄散祠不能久今副都御史原傑巡撫山東
詢祠見其隳墜請新之銅梁鐵瓦琉璃甍之堅固丹
雘青瓦繪漆飾之輝煥高廣深遠規制增舊其費取
諸官而民不知自昔登山指諸靈芝坐視妄費不可稽
而今紀理之皆有條法云昭真祠在泰山絕
頂世傳謂天仙王女碧霞元君之祠聖天子御極十
有五年命太監陳喜來修祀事明年詔修是祠即故址
增飾之祠殿為閭者五以奉元君左右迴廊各三間則
護從之神居焉神道有用鐵鼓有樓恐其空壁立易
為風雨所剝蝕故南土為鐵為瓦務為堅確黝
丹漆金碧交輝視昔有加焉其肖像左石右為銅中以

沅香雕龕石座霞綺麗於赫穆清而其所費一告輸
財於神貯之希歲以充其用而毫芒不取於民自經始
以來網維其事者大矣文安刑表魚憲衛輝劉璋下至
義士耆宿罔不奔走事所以重上命敬神明也夫奉
山維鎮東方為五嶽之尊歷代有封禪之典維我
聖每遇登極必遣廷臣以祀方岳又時命中書有事於
祠或金帛朋貝以將其誠或冠帔旌幢以拂其像蓋神
之靈既感人實有以致之嘗觀州志昔有猛虎為害禱
之而去飛蝗為災禱之而死以至於民之旱澇祈之歷
有其驗故遠近衆庶拜瞻之頃靈風颯然知音敦其誠
愚者啓其敬忠者堅其志奸者沮其謀善心以之生欲
心以之窒吁休矣哉其神之惠乎
徐堪記弘治八年
春正月巡撫山東都御史熊公紳言泰山絕頂碧霞靈
應宮燬于火宜治事下戶部議謂泰岳有生物功凡祠
廟祀典者不宜不勤且神以靈故四方奔走士女操金
帛為禱祈者歲所積甚夥宜令按察憲臣籍之以為工
費詔可乃以屬僉事陳君寬領其籍內帑賜銀百兩以
屬副使廖君中司出納焉凡用銀以兩計者七千三百

有奇為夫若干千而成熊公乃致書京師請予記予聞
泰山之勝稔矣顧職在朝署無使命欲一登而不可
得嘗觀泰安州志備載其形勢祠宇知有所謂碧霞者
故閣老劉文安公之記在焉其為辭固奇偉曠聳與茲
山茲景並勝使人讀之真若望扶桑窮日觀飄飄于剛
風倒景之外粵自有天地即有山川奇秀所結靈神所
聚邦君之所得祀擴而求之宜亦有不可無者矧國家
秩祀之所載所以萃人心而延景命於此有資焉是其
興廢起弊以貽不墜抑豈非有司者之事哉記成系以
詩曰依宗之巔巔一宮考人至碧絢出高巖從方承乾據
坤秀氣鍾方神名碧霞誰謂山川絕陸難逢方門集五
月星光彩水雪容方人世木日絕陸難逢方門集五
兩驄考小大執事靡弗其六國蒙明昌年歲登方五
效職茲其東方刻石紀事垂無窮方
徐堪記弘治八年
判動靜生陰陽山鎮坤維體靜陰也水生天一體動陽
也岱岳摩空峯巒拔起去地數千丈絕頂出泉流注石
池清泚可鑑蓋陽根陰之象泉以玉女名必有所借地
志失載記曰山林川谷丘陵能出雲為風雨見惟物皆

謂之神岱岳毓神上通乾象降靈下土坤道成女天仙
 玉女之號意以是與碧霞元君之稱則後世加封之典
 神廟在茲揖日月之峯擁層巒之秀左則岳頂之峻極
 右則天門之開朔歷選名勝之所無喻此境之妙意者
 神或受皇天后土之命俾權與造化之機於此不然
 何威神顯赫如是之大殆不可以易而測也歷代尊奉
 已久建我朝崇重之典尤盛有寶香異品之頒有華
 冠錦袍之錫歲時遣官致祭以至奔走天下豪傑及上
 女商賈之類皆齋心戒誓道路問關歲進香帛者恒以
 億萬計金銀錢川臻雲至溢于公帑資歲用賑歲饑
 皆於是乎取給孔子以鬼神能使天下之人齊明盛服
 以承祭祀其斯之謂與嘉靖甲申都憲王公堯封奉
 聖天子明命來撫東藩風行海岱躬詣神祠展謁顧瞻
 祠宇敞壞慨然興歎曰神以福民為心既不享其奉矣
 乃以荒祠祠之人情憐乎遂下營繕之令經始於嘉靖
 乙酉十月己未落成於嘉靖丁亥九月丙子規模壯麗
 丹漆晃耀突出埋霞之上巍乎岱岳之間斗柄之南一
 奇觀也而神亦寧矣夫神寧於上人安於下幽明協贊

和氣熏蒸雨暘時若是以庶草蕃蕪百穀用成朝廷
 無東顧之憂未必不自王公一念之誠有以感之後之
 秉大政於東上者其尚以王公之心為心則神祠雖千
 百世猶一日也州守李君棠散余言勒之貞民以垂不
 朽余為之紀歲日云
 多及其廣大草不生之禽獸居之寶藏興焉而石之
 岱其位東其時春其德元其為物不貳則其生物不測
 惟夫人亦物也而奔走之而獻遺之孰與之乃為之神
 斯以生之乎不然或幾乎息矣易曰顯諸仁蒸諸用其
 感獻遺之物而懼其殄也乃白諸巡撫大中丞南阜王
 先生鑄銅鼓四竅其心置素鑰焉以象四時敷萬物生
 長收藏又為之鼎附之瓶以達網緼之氣其知所謂鼓
 之舞之以盡神者與猶未也又欲顯諸道德行各識以
 銘鼓曰元氣鼓萬物春嗟爾代神乎神氣再鼓麗
 朱夏品物亨乃神化孰鼓舞秋乃收物之府神之
 休與三消而息爾鼓爾物歸根元資始
 曰生辭香維誠人在洪爐左右和平瓶曰不平者情不

私者平... 神馮人哉人馮神哉... 吁淵乎微矣可

以幽贊於神明矣予故為之記示後世有考焉已矣

皇帝遣御馬監太監苗達致祭于碧霞元君曰懿德舍

弘仁慈廣需佑蒼生於壽域誠群品以霑依茲因眇躬

偶爽調攝敬祈聖力永佑康寧特以香帛用伸告祭益

彰靈應福佑家邦謹告 維嘉靖十一年歲次壬辰二

月庚辰朔十三日壬辰 皇太后遣太子太保王田伯

蔣榮致祭于天仙至女碧霞元君之神曰 皇帝臨御

海宇十有二載 皇儲未見 國本尚虛百神萬民無

不仰望茲特遣官敬詣祠下祇陳醮禮潔修禋祀仰祈

神既默運化機俾子孫發育早錫 元良實 宗社無

疆之慶無任懇悃之至謹告 駕御陰陽助天育人炳靈洩光

一 釀玄功八埏震揚明德倪天昭回七襄崧高維岳闕

宮有仙馭式歸維此棲宅國有禋祀民有珪帛揚靈

鏗維神降止鏐鏘琳琅風霆維車雲漢維裳空歌欽欽

衣舉肅肅庭斯八式登百穀永貞邦基扶輿清穆祀

禮弗愆維神率育尚饗 通判姚奎告文 惟神位望極天

下之尊明視燭天下之幽靈應奔走天下之人而致香

幣焉夫金貝幣帛人所重也茲不自重而效於神將以

天德行宮在岳之朝陽洞南 周府建

知警以利益趨人心莫測衆志難同相率致血矢於明神之

總督深慮人心莫測衆志難同相率致血矢於明神之

前務期協乃心殫乃力恪恭乃職圖惟善終乃事敢有

私一錢尺幣為求旧問合之資子女玉帛之供者神其

鑒之速殛其身徐滅其子孫大

顯赫之靈永為昭昭之戒

彰黷貨無厭者殺無赦禍亦除矣願前車之覆而多不

固為求福利而侵之者必獲咎殃理亦明矣矧國法昭

積渙散而無徒歲選川縣佐貳官七員以分掌之推府

佐一員以總督之所以專會計而防奸欺也夫舍之者

無告之民將以溥惠澤也撫巡藩臬大臣恐侵漁而無

求福利也神不自私轉而輸之藩司况 國家之用

積渙散而無徒歲選川縣佐貳官七員以分掌之推府

佐一員以總督之所以專會計而防奸欺也夫舍之者

無告之民將以溥惠澤也撫巡藩臬大臣恐侵漁而無

求福利也神不自私轉而輸之藩司况 國家之用

積渙散而無徒歲選川縣佐貳官七員以分掌之推府

佐一員以總督之所以專會計而防奸欺也夫舍之者

無告之民將以溥惠澤也撫巡藩臬大臣恐侵漁而無

岱岳觀在嶽之南麓王母池西按宋李諤瑤池記觀肇於
軒黃偽周及元張志純俱嘗重建今廢僅存三清小殿
土人稱老君堂內有石刻漢栢二字而栢則無矣古松
類岳祠差小碑刻唐與偽周老氏徒題記行楷書俱有
古法碑雙石並立覆以東蓋異哉土人稱鴛鴦碑或云
武盟碑則謬矣

升元觀在嶽之南麓鄠都廟西石刻政和尚書省勅牒尚
存元張志純重建改曰朝元觀學士徐世隆記劉惟一

彖碑尚存

觀又云秦寧軍軍狀據兗州儀曹婁寅亮狀稱

契勘兗州奉符縣泰山之下名曰三宮空洞之天哉在
圖經牒奉勅宜賜升元觀額牒至往勅故牒存
朝元者何兩儀資生萬物居泰群臣之賀正也故道
家取象名其觀曰朝元古殿摧仆掌教洞明真人屬天
倪子鳩工掄材雖時經凶年亦勉力成之其費皆出會
真常住岳頂香資及掌教所助爭財夫洞天三十六福
地七十二泰山其一也其興廢必有
靈祇司之豈不為神物所護持者哉

天書觀即乾元觀今榜曰碧霞元君行宮在州城西里許

宋大中祥符建史載天書降于泰山西南之麓即其地

也觀西隙地今為民居宣和兌守錢值碑刻湮穢食蔬

之所偶遭墜嘗移置古松下文墨士咸稱快焉

長春觀在州城西北隅女道士廢絕又之禪僧寄焉中統

碑刻元和子為文冠嘗守慎作記丘神仙牒刻成吉思
皇帝勅旨俱存記稱祖師謂立神仙妙真則守慎之賜
號也以神為教者莫非道不立人非教不修凡以道為宗
生之域嗚呼世或有聞而未悟者有聞而悟者是旦暮
一遇之幸也近代幸我祖師設教七真開天上智下愚
咸使知之男修女學悉為證矣夫全真之道杳然難言
哉其教也微妙玄通廣大悉備在人賢者識其大不賢
者識其小其要色資去欲以返樸還淳屈己從人懋功從
德則為蓬蓬之漸若乃持心於淡合氣於漠不以是非
好惡內傷其生可以探尚工粵矣妙真修學無間然矣儻
來不為得去不為失不始凡生不惡死冲而用之厥心不
震雖天地晦冥而朗日日日照霞雪交集而陽春自舒此
得性之功也動與陽同也及靜與陰同德寢無夢覺無憂
和息之也踵谷神不死此保命之効也

龍泉觀又曰斗母宮在岳之小龍口嘉靖二十一年德

府重建濟南陳翰記石

風伯雨師廟在州治東按天文志風伯箕星雨師畢星也
先是廟廢止遺一石碣成化丙午旱雩不雨或油然雨
狀輒為風散知府蔡熾詣其所祭之風頓息大雨如注
因復立廟廟祀知州鄭豸豸易以壇

高真院在岳之南麓曰金山青帝觀後俗曰眼光殿

三官廟有三其一在岳之中道曰快活三其二在治西關

其一在治東關

鄂都廟在岳之南麓升元觀東弘治十四年建其神為鄂都大帝其左為閻王廟

森羅殿左為閻王廟在岳南三里蒿里社首二山之間有七十五司及三曹對案之神神各塑像俗傳地獄收捕追逮出入死生之說固儒者不道然亦足以警教愚民使之向善而畏惡也張華博物志陸機泰山吟白樂天

詩俱見學士徐世隆撰蒿里神廟記徐世隆記蒿里

橫之客傷橫而作者也漢李延年分為二曲薤露送王公貴人蒿里送士大夫庶人後世以為人死精魂歸於蒿里有神主之張華博物志陸機泰山吟皆云人死其魂拘於蒿里白樂天詩曰東岳前後窺北邙新舊骨焚

殿直廟記亦言人生受命於蒿里其卒歸於社首蒿里祠距岳廟西南三里許社首壇之左自唐至宋香火不絕禮之者入則肅然稟然出則怵然豈非世人如見真鬼神而然歟吳道子畫地獄變相于成都觀者咸懼罪修福而市屠沽魚肉者不集死入此祠其不寒心而駭目者鮮矣

趙相公廟在社首之陽冥神見搜神記及宋人元豐記石

元豐記 究之奉立向北有岱山焉迺天下之巨鎮也尊之曰東岳神即天齊仁聖帝也自秦漢而下公逮我朝封禪之禮備焉廟貌威崇殿宇顯敞一如上方制度俾至者如其恭肅意聰明正直神之德也福善禍淫神之職也幽而罔測顯而有靈則四方之民咸歸仰之在帝廟之西有蒿里山之祠即聖帝輔相之神也其廟號本漢封爵領袖群司掌判陰籍光載祀典靈威不泯元豐三年姓名錄

城隍廟在州治之西二百武嘉靖壬辰重修學正李鏞記

石神之所為乎城隍保障一方生民賴之以為命疆域
賴之以為安降福祥消灾青祐善罰惡其鼓動禱生者
充大不可有神以主宰之而何哉廟為神所棲像為神所
肖尤不可不設壞不整泰安城隍廟像年遠廟像傾倒丹
青剝落道人董勉李瞻募善緣以修飾之煥然增新仍
修飾南宮 正皇廟像予謂城隍為天下郡邑保障禮
所當祀 土皇主率昊天非南郊禋祀安敢以輕瀆之
道人何人但以區區一念之誠不可泯殫心竭力以濟
厥務亦可嘉也冥冥中必有昭格之者流俗愚頑襲天
神者視此可無警乎書之以勒于石
謹歌勤恪歲事以報神之休靈無數今嘉穀未植來牟
稿死民且墮窳祀事將廢而神罔聞知是神之聰明有
特而塞也仁惠有時而卒也不然則茲民載其惡德以
禱神也也不然是守官之無狀掇禍責也官如不職禍
止其身品庶每生愚顛僂冥神德孔碩耳聰日明
無酷其罰哀此芟芟竭誠以禱神澤沛淋尚饗

三靈侯廟在南天門祀周諫官唐宸葛 周武又附祠岳

廟按通志三人墓在高苑縣

靈派侯廟在州城西南漆河東矣其神舊名曰漆河將軍

後曰通泉侯後晉天福六年劉光度及宋王或記石俱

存廟中宋真宗東封拓廟封靈派侯元重建教授王真

記真宗為瀑布直注山趾河狀龍湫而出高深委折至郡城

之西百舉武居民飲濯之而呼曰漆漆之東滑地形若

穹龜然廟其上曰靈派侯者宋真宗有事泰山駐蹕於

北始患水泉涸絕俄而涌漲嘉其神異而封建之也泰
安監司噉撤縣尹孫公民獻同謁祠下憫殺像摧壓蓄
興修志已而廟墻為水奔齧祝之水復折而西二公耳
神之靈既熟而又日覩其驗遂更其廟而新之以崇其

祀屬僕為記竊聞之山林川澤有利於人者則秩而祀之唯岱為鎮岳定發生之所膚寸與雲不崇朝而雨其流澤又能滋於民物復及萬乘功用顯白神而祠之宜矣乃作迎送神之詞俾歌以侑詞曰我侯兮何在山之麓兮水唯濤山幽兮水鳴具我侯兮形聲侯之游兮委蛇風為馭兮雲為旗坎坎兮擊鼓水妃兮歌舞侯之樂兮來止徒御雍雍兮赤舄几几我民承事兮既多受祉侯之去兮悠哉忽慘兮陰霾或來去兮叵測千萬歲兮

愈欽
靈德

淵濟公廟在岳頂西南白龍池上有司春秋祀焉歲旱雩

禱自漢唐已然其淵濟神號祠宇則肇於宋元豐壬戌

邑人趙合撰白龍殿記元邑人王天挺撰金帥劉瑀填

池靈異記州倅李簡謝雨文州守路希尹撰感澤記

國朝學正夏靖撰感雨記俱石刻祠中

趙合記 泰岳西 南隅有靈泉曰

白龍池岸古石峻淵然罔窮大頂巍然而作襟首大峪環然而為郭郭我我而蔚者懸刀秀於上湍湍而鳴者百丈溢於中秋朝夏暮靄呈波面而為瑞靈草異花羅岸徑以爭香縈流天轉溼峯旋乃一方雄勝之也登而蒞之者無不嘉而駭焉自漢唐已來至於我宋每歲投金龍玉簡御香為之禱矣蓋龍克雲克雨決洽萬彙豐成元元者哉近者春夏不雨驕陽頗憊賢宰大夫楊鏐躬率縣吏民庶祈雨于白龍之神幸龍之明德不越夕而甘雨降應如影響稼穡以之而興縣境自是而蘇焉邑民霍直等白于大夫曰今衆庶感龍之惠願各持寶貨初龍堂一所以答神休仍選材飭工約而中慶麗而不奢經之營之不逾月而歡樂成矣大夫特牒上司敷奏天廷乞賜嘉號庶旌龍之効耳

夫挺記

淵濟公

之號始於宋其朝於兵亂間為金東宮公燕寧所毀不數月而寧卒歲在丙戌元帥來燕劉瑀權知泰安州事守天勝以久旱禱雨於龍池之側時有小白地出鐵於

香鼎上劉以為神龍所變再拜祝之曰三日之內有雨則我將為神修廟卜之吉一軍歡呼羅拜經數日無雨劉怒曰神許我雨今既無雨則無神矣命諸隸卒揭西崖之石填其池池將滿雷雨暴至如傾電大如鷄外皆駭異拜謝服罪即今廟貌劉帥為創始此事土人往往有親見之者權府張侯談之甚詳因併為之記

謝雨文 庚申年二月己亥朔十九日丁巳泰安州州倅李簡謹以剛鬣清酌庶羞之奠再拜稽首祭於淵濟公之神去歲之秋嚴疾不以李簡愚慧不才俾卒此州時方苦旱人畜疾疫已愈種麥之期而土脉焦枯如芥能入重九前一日禱雨於此是日雷震雨作如響如谷旱既久非霖雨以莫能濟是月望日約太守以下諸僚屬以荒唐不恭之辭輒復致禱是夕雨降淋漓三晝夜東原千里所在足既晴耕夫播種徧滿郊塹不失今歲來年之望者神之惠也今春復旱遂於上丁前一日本太守勿藥之至以率僚佐致禱於明神所明神閱人之不辜是夕降甘雨二寸許越三日雷雨復大作萬姓欣欣惟

神之恩敢不明乎其賜謹選吉日躬齋潔奏音聲以獻以樂以謝神其饗之

路希尹感澤記 天下太平方千里之內生植盡類益郡太守能存亡休戚之天下兵興方千里之內能保黎庶能攘患難能致感通亦在監郡與太守耳凡監郡太守若無文武才畧不清庶肅下不明惠公直則致傷和氣一州生類皆受其害今監郡住童暨太守路希尹來守是邦兵革之餘并邑丘墟生人幾盡詢問其故不覺涕下况歲乙巳值天久旱民有憂色夏五月望日謹齋戒沐浴躬率屬僚禱于岳麓淵濟公之神屢獲靈應至十八日辛巳大雨飽足既不敢忘又從而歌曰龍之為神變化屈伸能大能小澤及生民或潛或飛或幽或明雲行雨施品物流形

景泰甲戌 春三月徂夏不雨二麥萎悴東作靡興民心將至於流移矣郡守楊公定憫民之憂若已之病遂齋沐備禮延柴道正於四月朔設壇草參祈禱惟謹越五日不雨耆老曰岱麓有淵濟公祠向守茲者遇旱詣禱輒應益秉厥誠借官僚耆宿拜洗道塗至祠焚香再拜祝曰惟神血食茲土定與神陰陽表裏懇禱不雨其誰之咎俾

之歲歉衣食不足民何以安粢盛不潔神何以享為神之靈鞭龍致雨夫何難哉詞懇誠切恭禱禮畢至暮復達草叅維時玄雲四布雷電交作甘雨如注夜二鼓少止翌日再雨不三日又雨公忻然顧余輩曰此時雨也時者不先不後之謂使得雨也先五日而至麥為之忌後五日而至麥奚以秀不秀焉實此雨所以為時也由是萎者以敷悴者以榮物意舒暢民心悅懌以為有年矣神之澤民如此合報祀焉謹以牲醴大合樂盛報神恩屬余記之余聞有道之世五日一風十日一雨年穀順成物無疵癘民不夭札而太平之象見焉乃者雨不連時二麥復蘇東作可興而有年之望也斯民也遭逢上瑞權忻鼓舞而不知誰之為之者良由太守公集誠所感以致然也公字在止西江忠節裔由科日擢今職并書以為記云

關王廟三其一在城內營裏街訓導常秉彝有記其一在

東關大石橋其二在州西南下張集者尤靈異每遇大

旱郡人輦之來州禱輒雨州判將庠有靈雨記刻石

魯兩先生祠一名泰山書院在州城東南隅祀宋孫明復

石守道其廢與具金學士承旨党慄英及國朝大學

士吳寬撰祠記宋祥符天聖間以仁義忠孝之道發於

文章為諸儒倡當世大儒如文忠歐陽公文正王公皆

尊禮之故其沒也歐陽公為誌其墓蓋比之蓋軻韓愈

之流其羽翼聖道立朝行已治行終始偉如也初兩先

生築室泰山下以為學館屬大闢岳祠孺基甫迫乃北

徙山麓而以舊館為栢林地歲分施錢為養士之費學

者至今積之而鄉人指以為上善院者則其所徙地也

諸生相與言曰昔兩先生宦學汶上文學祀之不忘吾

先生之孫震使其姪翊走京師屬其門壻完懷英書其
 本末將刻諸石懷英曰兩先生之道垂於後世炳如日
 星奚患無傳雖然有一言焉方孫先生以春秋之學教
 於魯石先生蓋師事之時給事孔公道輔聞其名自充
 來謂孫先生既出應客而石先生執杖履侍其左右升
 降拜伏皆扶之其往謝也亦然絲是魯人始識師弟子
 之禮士風為之一變近世七尚剽竊以從師親友為耻
 忠厚之道不著久矣國家尊經養士將使人為鄭魯
 固當師承鴻碩以文以入道德之與而後游兩先生祠
 下而食其餘庇可以無愧矣 **泉寬記** 魯兩先生祠
 奉山先生孫公明復徂徠先生石公守道也祠始建於
 今泰安州治之西而隣於岳廟金源時遂為廟併元改
 寔于岳麓已而後為浮屠氏據入國朝乃附祠于州
 學而規制狹隘祀事簡率無以慰魯人之思至是州守
 前進七德清胡君瑄言于巡撫山東左副都御史無錫
 盛公謂其事繫風化甚重請于朝事下禮部議從之仍
 俾有司每歲春仲祀一羊一豕一秩為常典於是胡君
 復請於潘臬諸公擇地得於州治之東南以成化二十年

三年八月建祀焉工未畢盛公以請老去而眉山吳公
 來代益重其事趣成之胡君乃以書來請記于石大賢
 君子所以能使人久而追崇者非區區末學所知願請
 之之意堅不可已也惟兩先生在宋盛時泰山來自平
 陽而寓於魯其學長於春秋著尊王發微簡易公平多
 得經之本義一時名公賢士高其學行至妻以女或就
 見之後范魏公富鄭公文薦其賢始授官官止殿中丞
 徂徠則生於魯者當孫公居泰山之時實師事之其為
 人好善嫉惡嘗著惟說中國論及唐鑑以為世戒而慶
 曆聖德詩尤為人所傳誦常以經術教授于鄉後在太
 學益以師道自居太學自此而興初舉進士甲科官止
 太子中允蓋兩先生平生見於歐陽文忠公墓誌而國
 史取以為傳者其大畧如此按其言論其世信其為大
 賢君子卓然出乎流俗而哀然為一方之望者也故在
 當時並為人所尊仰至即其所居山稱之以配其德可
 謂至矣泰山雖僻被薦而人亦嫉之不待盡其用若徂
 徠之剛直既沒而禍患作幾不能保其遺骸而庇其妻
 子蓋小人之不相容亦勢之所必至者今去之六百年

雖天下知有兩先生而魯為所寓所產之地道德之風
焉然猶存宜人尤尊仰之祠象煥焉而不至卒廢人心
之公不能自已如此又歐陽公所謂發先生之光者今
則愈久而愈光矣兩先生葬處守臣又推朝廷尊賢之
意既加封護惟謹且二氏幸皆有後而石差繁復選其
入學克弟子負魯人之思庶幾慰之因併載其事俾
刻之祠下云
謁紫庭要塗無往跡至死守殘經
李星奉應兩先生泰岳祖林相對青司諫設勞教聖
德聚徒惟解授遺經分來洙泗源頭水贏得歐陽石上
銘明主崇儒尊廟祀
百年師道有餘馨

崔公祠在魯兩先生祠東嘉靖癸卯州民建以祀前州判

今贈京山侯崔公少宗伯許成名撰祠碑

泰安州也五十年餘矣州人思之如始去然相將建祠
祭享鄉耆秦傑等來懇予文勒石以識思公名震字時

起以孫貴贈京山侯初山西懷仁人勝國時始定居代
州祖貴父璟璟尚義好善以積善翁稱之公生而做
片大志然屢困文場天順甲申援例為監生成化甲辰
選判泰安泰安名郡也東岳在焉四方之人供香火捐
金帛者歲每不貲入春尤勝往往生姦盜公至首為禁
戮遐邇稱快弘治戊申督輸上谷事竣羨銀七百兩請
諸上以代齊河四縣之逋稅方伯戴君珙禮幣旌嘉北
鄙獨石地遠粟貴軍民告困京山奏乞太倉之粟已酉
兌軍臨清羨米豆千三百斛銀五百餘兩白諸部使用
修安山水次倉七千餘區迄今攸賴州之預備倉空閑
難守公贖罪人關巷構屋招復業之民居之始免鼠竊
之患庚戌督銀給戍遼東還大撫盛公命修泰山神祠
既而又命修宣聖廟及祭器語具太宰尹公修學記辛
亥詢修德藩二郡王府及周孔顏孟諸廟並濟南城池
工成能聲益著大撫吳公節委攝肥城事時值歲凶盜
起為害京山多方賑貸賞罰明允民幸存活而盜亦尋
滅壬子大撫錢君鉞大巡向君交薦堪劇柰以疾歸致
然宦情猶熾也會孫元選尚求康長公主乃欣然喜曰

吾復何求遂放情遊覽遍齊魯吳越間襟期甚適踰年北還道蘇而覽人咸惜之

竹林寺在岳之西南傲來峰下西去州治十里鍾鑄紀年

曰明昌道人過會照入大峪口循溪而上有白龍潭天

紳泉僊影崖景特奇勝石壁多古人題刻

普照寺在岳南凌漢峰下去州治西五里古石刻省牒尚

存督學邵賢詩云斜日短筇山徑曲小橋流水寺門開

真能模寫佳景

冥福寺在州治嶽廟之間有僧正司州志誤

谷山寺一名佛峪在岳之東北四十里州志誤山左為周

明堂舊址其佳勝具金學士党懷天闡復及杜仁傑記

懷天記佛法自西方來天下名山勝境化為道場興廢

因緣自有時運嘗讀元魏高僧傳得僧意勝跡之詳而

異之意之寂也以文帝之召及期遂行此其餘綠當有

復興之日矣泰山南向而東篤繇東迤而北曰大小峴

其下曰天津河環地百有餘頃山勢四圍蓋周之明堂

在山之東北此其地也道左二里許耕墾之餘瓦礫

與沈存中之說高麗制度屋皆有紋者合又西北行

六七里山光高下隱見一峯巖然秀拔而下曰行

谷山也沿澗少北今寺基也嘗有獵蓮華峯側過意而

終日無所獲每遇之必然獵夫怒積薪將焚之明日遂

坐於高險新燎不可及獵夫愕而悔謝是夕山下之

三四同夢異僧久隱蓮華峯有獵者之厄或問為誰蓋

曰意云耆老十餘輩更相誘率凡一再行當石掩與處

果訪得之乃扶輿而下至今所忽重不可動而峯巖重

復掩抱可興寺塲衆悟遂止焉粵自兵亂荒山重澤殘

擾殆徧廢置始末不可詳究惟土人名之曰佛峪者舊

矣蓋意之逝也有靈感之異土人以此命名繼有僧善
 寧遠步荒梗首至谷山舊址破屋廢圮而已獨山色如
 舊出沒起伏蓋遠而益秀善寧獨喜雅契宿心於是日
 趨山下勾菽粟構谷具結茅而休焉往來山坂無難也
 暇日豁澗勤苦作勞而無怠意短褐芒屨事如初自是
 澗隈山脅稍可種藝植粟數千株迨于今克歲用焉齋
 粥所須日益辦共凡三十餘年則谷山初祖也天漢二
 年四月間祠官言寺之舊地東至於黑山分水嶺南至
 於思谷嶺西至於張遠寨稍北至於迓倒山嶺有司可
 其請其後僧法朗繼之調理荒險不避寒暑經營成純
 復三十餘年則谷山第二祖矣今崇谷寺綠契合四方
 有識翕然歸向工役趨作日盈百數殿基琢石高踰數
 丈若是者三四焉綵塑圖飾不與也崇公經畫作勞能
 繼二祖此寺當興時矣蓋意之去來也皆異則其成也
 必關其人也必振今谷山寺尚仍舊名計其歲月蓋七
 百有餘歲矣是復興之數云嗚呼異哉 **仁傑** 記 **仁**
 選樹道場必去人境遠者為勝必依山之名而尊者為
 勝然山水自南觀雖後地倚天其氛翠變態終不至奇

遂必之於其陰又絕勝也是剎焉乃在泰山之北及訊
 諸聖者曰殊不類塵世吁異哉可謂具此三美者焉非
 有大福惠孰能選是非有大智力孰能繼而樹是初寺
 之未基也維意以荒之既基矣維寧以廬之既廬矣維
 朗增而廣之既廣矣維崇又文而弘之厥後以挈兵日
 久主者不其心而稍復灌莽之天惜哉今僧謹夏臘
 不滿三旬許巖巖然迥出倫輩誠法中龍象人天之具
 瞻也居無幾疏海日以泉可飯可寢室坤瀾以園可蔬
 可果夷天險以田可藝可禾度其工疑有神物陰佐其
 役不然則胡人能勝其天也如此哉後之來者有能如
 謹與廢繼絕葺舊闢新卽是谷山第一祖也又何必重
 以老少先後次第分別為一日講來拉予以遊所謂谷
 山寺者至則况連甍率不盈尺闕風玄圃蓋不數也嘗
 謂世之為浮屠者例置精舍於城府闕間政使上乘
 居之幾何其不滂為下愚反有迷途者哉如欲立起三
 界一到谷山便知喧靜移人淹連之度何如也若夫山
 川之光恠寺綠之隆替有竹溪翁之文石具在故不復
 云 **閻復七佛** 記 天有七曜而四時行地有七澤而九

土寧人有七情而善惡生惟金輪氏之教洞貫三才包
 括萬類所謂樂師七佛象數之妙將無契於是乎按經
 之所載法界九七界一佛其光明徧照惠澤普及在
 浮圖法中猶玄象之有日星焉百川之有江湖焉故為
 其屬者奉之惟謹岱宗之陰曰谷山道場巖巒回抱林
 樹鬱蔽蓋雲山之都會烟霞之窟宅也謹上人與滯補
 敝於劫火之餘既毀中央以居大雄法像謂七佛之壇
 不可不嚴於是關魯崖而閣焉赴京師請為閣記問諸
 興造之蹟曰吾因山以為基故不假覆簣而高伐木以
 為材故不煩市易而足以力為役故不待擊鼓而集問
 爾之大小及為役幾何時曰揭檐為三列楹惟五其高
 九仞有奇經始於至元十七年春落成於今年之秋問
 谷山興置始末曰自元魏高僧意師現化之後凡四傳
 而寺緣益大竹路虎公文石具在也復問谷山道場自
 歷劫以來有無工寶閣以連峯為楹以蟠岳為礎以雲
 虹為飛棟以烟霞為浮藻以萬象為法身視今所作為
 何如上人曰不然吾聞天地之外復有覆載陰陽之外
 復有造化故自其大者而觀之須彌芥子也大千一

棗葉也魯何泰山之足云自其細而觀之太空之一塵
 恒河之一沙中間自有佛國在仁者無用妄生分別且
 為我作七佛閣記予曰即如上人問答語予為若作記
 請題而摹諸石上人曰唯唯時至元癸未十一月二日

靈巖寺舊在泰安治內今屬長清距登封之地九十里峯

巒聯屬其嘗統曰泰山而曰靈巖其別名也蓋岳志之

不可遺者其名勝景狀具張公亮寺記國志泰山西北

屬百餘里摩空千雲秀拔萬狀曲如列屏削如立壁轟

如攢劍銳如植圭幃幌掩映城堡環遶虎兕奔突龍蛇

盤屈峯為靈谷呀為洞穴斷為谿磗引為林麓峯卓嶺

齊魯通道出于其間左一山特起曰鷄鳴綠北麓絕間
 循峪口上東北二十里險盡地平山勢圍柶四百峭絕
 如堵墻蒼巖之下紺殿崛起峻塔貫雲霄樓結瑤高門
 嵯峨長廊連延遠而望若畫圖中物即是寺也按圖經

本希有佛出現之地後魏正光年法定師始置寺有青
 蛇白兔雙鶴二虎之異我朝景德方錫今額先是舊制
 質畧率意締構因地任材行列不次景祐中主僧瓊環
 者即象堂東架殿兩層龜首四出南嚮安觀音像文相
 藻拱頰極精麗設簷刻鯨以警昏曉後主事者復置殿
 之兩楹闢正門疊石填澗為回廊庭除顯敞乃為大壯
 寺有石三門千佛殿與釋迦殿碎支佛塔皆古塔西
 長松狀若偃蓋背一峯聳起百丈北望正上方青削成
 如殊羯王半有石龕金容儼然西尖峯可登下視泅谷
 千仞前有洞東西南三門相通中設羅漢像西南望一
 山壁穴如車輪午達晴日在南飛光透徹講堂東石壁
 下一泉曰錫杖又東四五步二泉曰白鶴一見一否又
 東北二百步一泉曰甘露門西百步一泉曰黃龍皆為
 絕景神宗章聖嘗錫御書琅函鳳簪不揮映巖谷皇上復
 降御篆飛白為賜天文炳煥雲日相照寺之殿堂廊廡
 厨庫僧房間總五百四十僧百行坐百有五十舉全數
 也東北崖上平處古堂殿基宛然一石在礎鐵像下體尚
 存蓋法定始置于此處後來者遷之也今屋其上僧之

辟穀者講習者居之以遠宣雜川中有一易之田十夫
 至千楹歲租月儲以足經費唐相李吉甫纂十道圖以
 潤之棲霞台之國清荆之王泉合茲寺為四絕變晉三
 年予為長清刹寺居封內周覽絕景不知焉焉然則
 未之見也爾後十二年之官于承道復過寺主僧道
 淨以記見託暇日因具道山水奇偉經始肯構盛衰本
 末附勒于石或摸之遠方俾未遊者見之一覽如目擊
 且使知靈跡巨麗信為妙絕又得以較雄勝於三者云

宮室

志宮室河表山川之勝壯城郭之觀也然而具瞻咨岳

所以恒守牧也誠明迎賓所以交神人也過化以瞻聖

貽書院以崇先哲御香以尊王命以謹神明而皆有

意焉不徒為表勝壯觀而已若夫巖巖以資登眺環詠

以侈詞章之美以下維廢而亦書之或以文徵或以名著又安知夫廢於今者不有復於後耶

具瞻堂州之政事堂也翰林編脩邢一鳳書舊曰明德解元封尚章記石尚存

咨岳堂州之退食堂也省進士方元煥書

誠明堂在岳廟延禧殿凡

朝廷遣大臣有事于岳者居之

迎賓堂在岳祠東齋之南有司宴王人及大賓客之所

迴化樓在斗母觀南其上有孔子鑄像舊扁題曰孔子過

化處大理評事葉彬篆書易今名

飛雲閣在岳南陲曰紅門歲久圯廢今案石為臺上有棟宇下通梁道猶閣之制也方元煥書扁曰樓雲石刻曰蓬玄洞天曰岱宗邢一鳳篆書曰仰止曰青雲梯南有石楔鑄曰宗岳

泰山書院在岳南凌漢峯下舊為唐詩人周朴葺後為孫復石介胡瑗講習之地嘉清間按察僉事盧問之創三楹爰孫石靈位尚賢存古蹟也

清風仰孫石獨遺堂址

向岩

御香亭在誠明堂後凡

朝廷遣使賫香於岳祠先置於亭擇吉而後奠神垣周石

刻名人詩文

寰詠亭在御香亭西周垣畝許四面皆石刻古今人詩故

名有韓琦蔡襄范仲淹歐陽脩石曼卿蘇子美林逋題

識种放會真宮詩而放刻則埋沒不可見

巖巖亭取義于詩舊在岳麓王母池東成化間叅政張盛

移建水簾洞左舊址金姚建榮記碑尚存觀遊大率有二

或嗜之以快佚樂無窮之心或托之以寓超邁有用之意快心者未免損於人人避口俱則憚隨之寓意者必

將益於民民望益則欣奉之賢不賢之分損益而已也

泰山巖巖魯邦所瞻即山之陽距軍城三里有觀曰公

嶽觀之東凌危跨險百步而近有亭曰巖巖舊矣正隆

之季盜賊竊起附近者剽取戰具之材遂毀去焉大定

十有九祀伏祠告災明天子恤神無居亟為興復疇咨

可屬者廟堂僉以徐公為能上俞所舉俾之就守是邦

於昔其後政通人和越明年廟功鳩得規模宏麗倍百

如也因其訪所謂巖巖亭故迹委知觀道上山信言新之

道也既聞命於是備大召近指畫經構伐惡木雜與草

基既礎礎壁石簷雲華能事於浹旬間虛深亢爽不戶

不瞻然上視泰山尊嚴廣固壘藍散黛於莽蒼之間

左右諸山峯巒縹緲不召而俱至却立延望則幽蹊曲

徑盤繞僧錫去住斷續歷可指數至於數百里之景髣

髴而窺外舉目盡得世而坐息而泉噴噴之風

淅淅而來飄忽而升降徜徉不絕西溪之泉噴噴之風

冷冷然鑿環佩聲其清涼於天下者有不屈伏退讓以

盡者為炎附也凡客游觀於天下者有不屈伏退讓以

推高是亭乎既成適以重五日公率僚吏酒餚茶菓以
落之建榮以徐公檄獲預坐未因語道士曰今之境
向之境界也何物像變換不同如此山苑野卉紅粧紫
潤高石森然爭出而効技乃前日蒼烟白露之荆棘也
高甍巨栴暈飛縈映雲容日景浮光而上下乃前日
垣壞址之荒墟也佳辰令節州人士女肅歌絃管乃前
日風雨晦冥聽鳥之聾音也今其美哉大為君子之壯
觀偶然耶抑有時耶不然何其一廢二十年而不早謀
之乎

五松亭當岳之中道亭前有秦封松樹五故名又名御帳
以宋真宗言嘉靖二十一年六月大水漂沒其亭五松存
者三焉知府李遷奏案十州吏目陳鎮脩復

亭在岳之紅門道左凡衣冠之士登岳至是易便服

以行故名

且止亭在更衣亭西有石刻亭名三六字

環翠亭在嵩里社首二山間登此北眺岱岳餘三面則鞍
牛徂徠諸山蒼翠環峙故名

萃美亭在岳之西趾去州治十里金知州姚建榮建元奉

高尹王悟重脩巖訪使徐琰記亭今廢記石移置文廟

勝境窈然而深蔚然而秀者西溪而已溪居岱宗之右

麓延袤數十里樹林陰翳磴道崎嶇清泉奇石瑰帶萬

流下擲望之如垂練天紳泉也大紳之西有巨壑焉一
水自天勝巖落為盤石所激漫瀉於壑之上簞若建瓴

然水簾洞也而又芙蓉懸可飛鶴獅子諸峯削翠其上
黑蛟白龍神潭水府濟其下雲烟吐吞晦明變滅跳
珠殘沫轟雷掣電頽接有所不暇真山水之窟宅也
之與區也金大定間泰安太守姚公回水簾而瞰天紳
創構一亭樽俎不移而諸景咸會因榜之曰萃美披詩
有云江山雖有餘亭榭看難德登臨不得要萬象各偃
蹇吾不知世間得登臨之要有如此亭者乎

靈液亭在岳頂王女池北宋建今廢

醴泉亭在天書觀宋建今廢

瑞雲亭在會真宮

翠陰亭在乾元觀即天書觀右二亭俱廢名見宣和堯守

錢伯言遊記

觀山亭前守李收建治宅之東壁間石記尚存

泰安州知州鄧聚東校補

學正陳龍

訓導盧楓

新泰縣教諭林宇中校正

生員劉泮

侯貴

鄧寬

李汝桂同校

泰山志卷之二 終

泰山志卷之三

明巡

收直隸監察御史發吳伯朋裁定
山東按察司僉事大梁曹金校訂
順天府儒學訓導欵汪子卿編緝

登覽

登覽志何志登覽之文也夫古今之登岳者衆矣而傳者無幾焉蓋名岳奇觀非又無紀磨崖汗簡孰不爲文乃若咀華味雋而傳或寡焉是故君子之慎於文也雖然孔子登之而萬世傳焉而何有於文是故又知夫君

子之不徒文爾矣

詩

周

孔子一首

丘陵歌登彼丘陵列施其阪仁道在邇求之若遠遂迷
不復自嬰屯蹇喟然回顧題彼泰山鬱確其高梁甫回
連枳棘克路陟之無緣將伐無柯患滋蔓延惟以永嘆
涕竇潺湲

漢

張衡一首

四思之一我所思考在泰山欲往從之梁父艱側身東
望涕霑翰美人贈我金錯刀何以報之英瓊瑤路遠莫
致倚逍遙何爲懷憂心煩勞

魏

曹植一首

飛龍篇晨遊泰山雲霧窈窕忽逢二童顏色鮮好乘彼
白鹿手翳芝草我知真人長跪問道西登玉堂金樓復
道授我仙藥神皇所造教我服食還精補腦壽同金石

永世難老國御車揮鷲馬東到奉高城神哉彼秦
山五岳專其名隆高貫雲蛻嵯峨出太清周流二六候
間置一二亭上有湧醴泉玉石揚華英東北望吳野西
眺觀日精覓神所繫屬逝者感斯征王者以歸天效厥
元功成歷代無不遵禮記有品程採策或長短唯德享
利貞封者七十帝軒皇元獨靈殮霞漱沆瀣毛羽被身
形發舉蹈虛廓徑庭升窈冥同壽東父年曠代永長生
仙人論仙人攬六著對博泰山隅湘娥拊琴瑟秦女吹
笙竽玉樽盈桂酒河伯獻神魚四海一何局九州安所

如韓終與王喬要我於天衢萬里不足步輕舉凌太虛
飛騰踰景雲高風吹我軀迴駕觀紫微與帝合靈符闔
闔正善我雙闕萬丈餘玉樹扶道生白虎夾門樞驅風
游四海東過玉母廬俯觀五嶽間人生如寄居潛光養
羽翼進趨且徐徐不見軒轅氏乘龍出禹湖徘徊九天
上與爾長相須

晉

陸機一首

泰山

泰山一何高迢迢造天庭峻極周以遠層雲鬱

冥冥梁父亦有館高里亦有亭幽岑延萬鬼神方集百
靈長吟泰山側慷慨激楚聲

王凝之妻謝氏一首

泰山吟峩峩東岳高秀極冲青天巖中間虛宇寂寞幽
以玄非工復非匠雲構發自然器象爾何物遂令我屢
遷逝將若斯宇可以盡天年

宋

謝靈運一首

泰山吟泰宗秀維岳崔嵬刺雲天岉嶇既嶮巖觸石輒

遷綿登封瘞崇壇降禪藏鼎風然石間何曉諱明堂秘籙
篇

唐

李白七首

泰山吟冷四月上泰山石平如御道開六龍過萬壑澗谷隨
縈迴馬蹟遠透碧峰于今滿玉田苔飛流灑絕巘水急松聲
哀北眺岉嶇奇傾崖向東摧洞門閉石扇地底興雲雷
登高望蓬瀛想象金銀臺天門一長嘯萬里清風來玉
女四五人飄颻下九垓含笑引素手遺我流霞杯稽首

再拜之自愧非仙才曠然小宇宙棄世何悠哉 清曉
騎白鹿直上天門山山際逢羽人方瞳好容顏捫蘿欲
就語却掩青雲關遺我鳥跡書飄然落巖間其字乃上
古讀之了不閑感此三嘆息從師方未還 平明登日
觀舉首開雲關精神四飛揚如出天地間黃河從西來
窈窕入遠山憑崖望八極目盡長空閑偶然值青童綠
髮變雲鬟嘆我晚學仙蹉跎凋朱顏躊躇忽不見浩蕩
難追攀 清齋三千日裂素寫道經吟誦有所得衆神
衛我形雲行信長風颯若羽翼生攀崖上日觀伏檻窺

東溟海色動遠山天雞已先鳴銀臺出倒景白浪翻長
鯨安得不死藥高飛向蓬瀛 日觀東北傾兩崖夾雙
石海水落眼前天光搖空碧千峯爭攢聚萬壑絕凌歷
緬彼鶴上仙去無雲中蹟長松入雲漢遠望不盈尺山
花異人間五月雪中白終當遇安期於此鍊玉液 朝
飲王母池暝投天門闕獨抱綠綺琴夜行青山月山明
月露白夜靜松風歇仙人遊碧峯處處笙歌發寂聽娛
清暉玉真連翠微想象鸞鳳舞飄颻龍門衣捫天摘匏
瓜恍惚不憶歸舉手弄清淺誤攀織女機明晨坐相失

但見五雲飛送范山人歸泰山魯客抱白鶴別余往秦
山初行若片雲香在青崖間高高至天門日觀近可攀
雲山望不及此去何時還

杜甫一首

望岳岱宗夫何如齊魯青未了造化鍾神秀陰陽割昏
曉盪胸生層雲決皆入歸鳥會當凌絕頂一覽衆山小
劉禹錫一首

張鍊師東岳真人張鍊師高情雅淡世間稀堪
為烈女書青簡又事元君住紫微金縷機中拋錦字玉

清壇上着霓衣雲衢不用吹簫伴祇擬乘鸞獨自歸

李義府一首

天齊標巨鎮日觀啓崇祠峩臨渤澥

隱嶙控河沂建岳誠為長升功諒在茲帝猷符廣運玄

言暢文思飛聲絕地絡載化撫乾維帶策開珍鳳禎圖

薦寶龜東后方肆觀西都導六師天駕移星苑揚罕馭

風司沸鼓喧平陸疑蹕靜通達汶陽馳月羽蒙陰警電

輜巖花飄曙輦峯葉蕩春旗石闔環藻衛金壇映黼帷

仙階溢秘靈檢耀祥芝三始貽遐貺萬歲受重羣非

質陶思獎趨迹奉軒墀觸網淪幽裔乘徽限明時周南
音已嘆印西今復悲

蕭楚才一首

奉和長禮伏宗拂漢星旗轉分霄日羽明將追會阜蹟
更勤伏宗銘林文咽濟岸獸鼓震河庭葉箭凌寒矯鳥
弓望蹕驚已降汾水作仍深迎渭情

薛克構一首

奉和長禮伏宗龍圖冠胥陸鳳駕指云亭緋烟泛濟浦
綠字啓河汀畫裳晨應月文戟曙分星四田巡揖禮三

驅道契經行欣奉萬歲竊抃偶千齡

盧照隣一首

登封大觀日觀仙雲隨鳳輦天門碧雪照龍衣繁絃
綺席方終夜妙舞清歌歡未歸

呂洞賓一首

書王母池昔日曾遊此如今九十春紅塵多少客誰是
識予人 **書王母池**昔年留字識曾來事滿華夷遍九
亥無賴蛟虬知我字故留踪跡不沉埋

丁春澤一首

日觀峯賦 泰山東南峯開一室旁接天路低臨曉日陰
霧玉兔動霄漢之微明曉報天雞越氛埃之迥出初其
暝色葱龍懸崖倚空獨出清虛之外遙分蒼莽之中隱
霧猶白經天漸紅披草樹以燈亂耀波濤而血融及夫
林嶺寒消煙雲色變星月寥落以初沒峯巒遷延而徐
見火動山頂輪移水回穿晴隙以飛鏡歷幽窓而走電
至若門宇蕭條霜空次寥涼開曙景暖入殘宵揚晶彩
以滌滌散芒角而飄飄露灑交凝風牽影搖西極天涯
生從地表激天弱流之歷歷出陽谷之杳杳萬壑收暝

宋

范致冲三首

洞朝遊北海暮瀛洲仙珮何年到此遊安得相從

問丹訣春風同醉岳陽樓竹林深處有招提深

掩禪關過客稀簷蔔花開春欲暮冷冷鐘磬白雲低

岱岳東南第一觀青天高聳碧嶺岼若教飛上峯

頭立應見陽烏浴未乾舊志誤書致冲為元人今以岳廟延禧殿前石刻紀年正之

蘇軾一首

醉中走上黃茅崗滿崗亂石如群羊崗頭醉

倒石作牀仰觀白雲天茫茫歌聲落谷秋風長路人舉

首東南望拍手大笑使君狂

梅聖俞一首

晨登日觀峯下海水黃金鑄浴出車輪光

隨天行無蹤正是刺我目樁集如劍鋒照耀萬物與磨

滅萬物凶草木既無命必聞石間松當時一遊兩安得

大夫封人而苟不遇抱簡誦六龍

王欽若一首

四顧無雲道路開黃麾迎從六龍來三神合祭

光千古萬旅傳呼動九垓幽鳥似通崑閬信真松深隱
棟梁材已知身世非常事曾到天門十二迴

元

王奕五首

和元遺山呈泰山天倪布山張真人江石書生在白頭
杖藜始得此山遊手摩紅日登三觀袖拂黃埃看九州
泰山晨齊机魯闢天關左右微垣列兩班大畏明堂俱
翁受黃河東畔少遊山**茂陵封禪壇**祥符天子舊明堂
秦漢豈碑宿草荒人世已非壇尚在摩挲老淚濕斜陽

讀書膚剝心枯歲月深孫枝已解作龍吟烈風吹起孤
高韻猶作峯頭梁甫音德明復石守道宿道師生高占
二山名千載誰云道義輕岳府栢林風雨夜琅然猶帶
讀書聲

杜仁傑一首

天門銘泰山天門無室室尚矣布山張鍊師為之經構
累歲乃成可謂破天荒者也齊人杜仁傑于是乎銘之
元氣裂兩儀具五岳峙直形露惟岱宗儼箕踞仰彌高
屹天柱浩千劫空來去誰為鑿起天慮匪斤斧乃祝詛

一竅開達底處十八盤盤千步春初吐抱圍樹日車是
慘戰取六龍頽奔迴又踏此往嘉無數無懷下兵刑措
七十君接變路聖道熄尋倫豈揖讓歆慕辱屢忽焉闔
梗無路象緯救救河護朝百靈由效尸金堆璨朱間布
九虎躡萬夫怖我欲叩關者怒問何時坦如故對冕旒
獲控朔詔蒙蔽泄塵霧剖政疵剔民蠹上得情下安作
額血殫帝聰悟崖不磨蒼壁堅刻我銘期孔固垂萬世
正王度

元遺山一首

登岱泰山天壤間屹如鬱蕭臺厥初造化手劈此何雄
哉天門一何高天險若可階積蘇與累塊分明見九垓
扶搖九萬里未可誣齊諸秦皇憺威靈茂陵亦雄才翠
華行不歸石壇滿蒼苔古今一俯仰感極令人哀奇探
忘登垣意慳自逢回夜宿玉女祠崩奔湧雲雷鷄鳴登
日觀四望無氛霾六龍出扶桑翻動青霞堆平生華嵩
遊茲山未忘懷十年望齊魯孤雲拂層崖青壁落落雲
間開眼前有句道不得但覺胸次高雀鬼徂徠山頭喚
李白吾欲從此觀蓬萊

段輔一首

題李白泰山觀日出圖岱宗鬱鬱天下雄謫仙落落人
中龍茲山茲人乃相從氣奪真宰愁豐隆玉堂一任雲
霧封長嘯飛渡秦皇松夜呼日出滄海東再爲斯世開
鴻濛鈞天帝君深九重醉舞蹈碎青芙蓉天孫玉女爲
斂容却視五岳秋毫同長鯨一去不復逢乾坤萬里號
秋虫當年咳唾留絕峯至今樹石生香風我欲追之杳
無踪不意邂逅會此中屋梁落月依然空

張養浩一首

風雲一舉到天關快意平生有此觀萬古齊州煙
九點五更滄海日三竿向來井處方知隘今後巢居亦
覺寬咲拍洪崖詠新句滿空笙鶴下高寒

徐世隆二首

紀夢我夢天倪子同登日觀峯骨疆清似鶴步健老猶
龍方外無官府堂中有岱宗仙閣真福地杖屨會相從

送天倪子還泰山九十行年髮未華道人風骨飽烟霞
洞天福地三千里神府仙閣第一家牛膝藥靈斟美酒
兔毫盞淨啜芳芽隱居自愛陶弘景莫作山中宰相誇

元好問一首

送天倪子歸布山太白詩筆布山頭布鞵青鞋欠一遊

擬欲高人叅藥鏡却嫌凡骨比丹丘雲間茅屋幾大詩

物外烟霞風露秋後日天門重登覽蛟仙巖下幸逢留

天倪即張志絕布山即布金山在泰山西南杜仁傑銘
天門序亦稱布山張鍊師或為天倪棲真舊地故云

王惲一首

漢柏蒼柏無城擁漢陵闕宮遺樹鬱崢嶸崔嵬不植明

堂礎造化潛通岳頂靈萬壑烟霏封傑榦半空風雨撼

秋聲白頭會見東封日夕映鸞旂一色青

張志二首

桃花流水來天洞人間一脈通桃源知不遠浮出碧

花紅紫喜雨代宗天下秀霖雨遍人間高臥今何在

東山似此山二詩俱刻大峪溪石州志
誤書王惲又謗惲為鄆

李簡三首

三峯突兀與天齊天門未到勞攀躋層層石磴出

林杪縈迴百折青雲梯盤石蹇憇舒清眺澗壑風來號

萬竅水聲俄在樹梢頭疑有於菟天外嘯向曉纔登日

觀峯手披雲霧開鴻濛火輪欲上海波赤金霞翻動蒼

龍宮黃河一線幾千里吳越山川真地底為數齊州九
 點青更將伏檻窺東溟李白不遇安期生安得羽翼飛
 蓬瀛朝覲壇朝覲當年築此壇旌旗影裏簇仙班只今
 惟有青山在日暮孤雲自往還州志誤鄂都峪石洞荒
 涼樹影孤州人相語是鄂都古碑猶說韓擒虎為問于
 今尚有無

王旭二首

遊竹林寺石徑俯雲壑竹

林開幽境寺古僧徒稀山深

嵐氣冷待遊未終興紅日忽倒影杖披暝煙長歌下

前嶺四溪我愛西溪好披雲

要往來一州煙景合三面

畫屏開薄俗無商隱清時有

才近巖多隙地松竹更

須栽

賈齊一首

岱宗何崔嵬群山無與比使者久塵囂望之不

勝喜無緣凌絕頂詣祠聊致詞夫何一殿存千間暴遺

圯人言遭劫火金源亂兵重恚此廢昔年傷今未能理

飛奏入彤庭經營良在邇奈何齊魯饑百姓食糠粃神

兮願效靈穰穰多樂祀行當復故宮金碧蕩瞻視

國朝

曾蔡一首

狀元江
西人

在平

我欲登泰山憑高望八極浪跡十二年

蹉跎竟難得今晨馬上忽見之屹立東南半空碧想當

洪濛時二氣相鬱蟠大塊戲黃土莫能識其端圓靈降

崖罅坤后孕峰巒一朝天地劃開闢但見千丈高嶺屹

乃知造化神置此奠坤軸巨靈枕其巔六鰲戴其足愚

公不能移長房不能縮天工經營鬼斧鑿削出千數百

峯青玄玉日從上古來南風吹不平日月出華彩星宿

揚光晶寒崖積米雪陰壑馳風霆雲霞炫明晦草木發

精英上浮金銀氣下潛魑魅形巖巖魯所瞻作鎮朝百

靈崑崙以為父四嶽以為兄匡廬我眉乃其子此外培

塿皆雲仍齊魯青未了此語何足憑其上萬里天亦借

兹山青秦皇漢武巡遊遍王檢金函重封禪風雨莓苔

往日碑烟雲松柏當時殿由來五嶽秩三公况爾巨鎮

山之宗鍾靈毓秀杳莫測磅礴下土專其維我

皇御天生有聖德廣彰仁化誕布恩澤一舉平安南再舉

清漠北車駕時巡過泰山望祭築壇陳玉帛小臣幸此

奉宸遊一見茲山愛山色雖無涓塵補河嶽頗有詞氣
填胸臆他年載筆頌神功刻畫泰山山上石

汪廣洋一首丞相高郵人

過泰山偶賦七十二神州冰瀉紫氣浮天低衆山小星

拱一峯秋雲霧成龍虎嵐光薄斗牛岱宗與恒嶽引領

日東頭

李時勉一首祭酒

巖巖亭送陳參政歸山岱宗磅礴不可擬翠色橫秋

幾千里峭石巉巖倚天外孤亭屹立當山趾亭前芳草

沒路岐古砌荒涼苔蘚滋幽花拂檻無人採獨鳥時鳴

聽者稀晨露浴日千峯紫一杯遙見滄溟水升元觀裏

曉鍾聞岱嶽祠前白雲起聖賢大道誰不由乾坤闔闢

同周流泰山氣象難為喻誰道名亭獨此留君去薇垣

有閑日隨處登臨訪遺跡想得凭闌一望餘懷古清吟

興何極

王慎一首

登嶽齊魯名山仰岱宗峻嶒萬仞正芙蓉月明海曠連

三島雲淨天空插數峯白石謾留名士篆蒼松何用大

夫封我來不盡登臨組更上丹崖第一重

吳節六首祭酒安成人

泰山雜詠 金科王檢丞重泉鳳輦霓旌散紫烟七十二

君何處去空餘特表鎮山巔右石表海內詩書已盡焚只

將貞石勒功勳青門書犬知何處尚有雕虫學篆文右李

嘶篆十丈高崖削碧蒼前鐫功德後詞章浯溪亦有中

興頌不及東遊紀盛崖右磨絕頂方池若鏡空浮雲於

此闕靈蹤幾迴膚寸以霖去要與蒼生作歲豐右雲曾

與秦皇托舊恩昂霄算壑露盤根可憐二世空塵土不

及寒松有子孫右大幾度天書降紫清宋皇曾此駐龍

旌野花啼鳥年年換猶有人傳御帳坪右御

徐有貞一首武功伯

登泰山 落厭丹崖步步迎眼前靈景變陰晴馬從萬丈

松邊駐人在九重天上行朝見白雲山半起夜看紅日

海東生還知戀 關心無遠直北分明是 帝京

年富一首尚書鳳陽人

禱雪 名尊五嶽鎮山東至聖惟司化育功一炷信香期

感名願垂三白兆年豐

李裕一首按察使

登泰山 歷遍群山夕照催恍疑身創紫霄回漢秦封禪
俱無迹唐宋碑銘半是苔雲氣當時凝御帳嵐光徹夜
映仙臺英靈豈獨為霖雨又與天朝產異材

周豪一首僉事

登泰山 重巒疊嶂上摩空 卜數諸山復不同泰華峯頭
青齒蒼仙人掌上玉芙蓉 一凌絕頂知天近五夜滄溟
見日紅赫赫霞君人敬仰 無端牲帛往來通

張盛一首叅政

初登泰山 岱崇仰望壽考我為登千歲氣多多雨過春
光橫翠黛烟迷曉色露言螺秦王封禪碑還在漢武祈
靈事不磨今日我來登眺處蒼天咫尺手堪摩

張文一首郎中

大夫松 風雨巖前駐六龍青松贏得大夫封扶蘇謾有
女秦策不及當時半日功

徐源一首主事

登岱宗 岱嶽登觀絕頂來汶流雙曲抱徂人隨前拈
天門度馬別有輿峴嶺回封禪臺高簪白石磨崖字古

蝕蒼苔金輿王輦誰重過惟見秦王一土坯

喬縉一首主事

登泰山東嶽巍巍步亦難籃輿載我上雲端峯排日觀
三千丈路繞天門十八盤高礙斗牛登處近青分齊魯
望中寬瓣香將敬元君廟願祝 皇圖萬億年

司馬望一首御史

登泰山茲遊自負亦奇哉壑窳矜林霏指顧開萬丈翠屏
天上立一輪紅日望中來危台故隴鐘靈氣秦漢豐碑
沒古苔却憶 君親在西北五雲深處首重回

畢倫三首副使貴溪人

明堂懷古黍離詩自咏東周翠輦無因此地遊朝聘不

聞來束帛會盟惟識有諸侯聖賢述作光千古王霸興

亡付一丘莫向高臺尋舊跡斷碑殘礫不勝愁州志誤作范致

中舍身崖東岳舍靈木好生此崖元不是秦坑痴兒獨

昧謀身計甘負人間不孝名無字碑屹立峯巔類獨夫

祖龍為此欲何圖東南王氣依然在誰道亡秦不是胡

趙英一首御史蘭州人

登泰山次司馬韻絕頂登臨眼欲昏聲高只恐上方聞

東瞻滄海襟千里北望 瑤京歟五雲秦漢禮儀成故
事石孫聲價重斯文吾 皇曾不論封禪萬載令人頌
放勳

夏寅一首

副使華亭人

泰山東方爲岱衆山宗萬域人心仰止同七十二君封
禪後數千年事渺茫中鯤遊北海雲長黑鷄驗中宵日
已紅弱水蓬萊在何處群仙初別 大明宮

潘禎二首

提學

登泰山

大翼垂雲須九萬天游今日殆忘還千年誰

觀滄海老脚吾方到泰山雨過春巖龍自戲松生太古
鶴常閑題詩不盡孤高意起立中峯看世寰 神仙鶴
背也超然泰岳朝騎凌紫烟山壓東溟盤大地路橫北
斗到青天手中日月誰同表象外風光我得先一笑人
間空萬古太清聊倚興無邊

王弼一首

員外郎

登泰山下蟠滄海上青天太古誰先探此巔萬嶺蒙羞
雲霧裡九州分界戶庭前道高孔子登時見功陋秦皇
禪後鐫獨羨當年李太白坐臨紅日觀雲煙

邵莊一首主事

翠峯山好風吹我上層霄四望茫茫景致饒玉牒有文
存故事古碑無字認前朝海東日出中宵見山半雲生
下界遙從此信知天下小擬追宣聖思飄飄

黃景一首尚書

洞仙宗不果登寶月信必戎代英君幾度封穿雲也只恁
般峯荒唐紀載聞經史曲禮公明仰祖宗天若有門
人可到仙那無蹟客難逢乾坤自是歸真主料得山
靈笑祖龍

王烈一首僉事

關關乾坤峙此山有生何幸得躋攀空高漸覺
星辰近到此方驚宇宙寬突出孤峯擎日月亘綿萬聖
發林巒迨思五載東巡日三代君臣共克艱

張岫一首參政

鳴海曙射神宮石徑縈紆上碧空回馬嶺
前英樹古水簾洞口野花紅松擎御帳溶溶月鴈避天
門獵獵風蓋日攀蘿登絕頂此身疑在五雲中

劉丙一首御史

登泰山凌空何事獨徘徊欲賦慚非宋玉才歸路死從
天上下吟眸爭向霧中開磨崖字古人難讀御帳臺空
水自長嘯我風霜長跋涉山靈可許再重來

潘楷一首

御史深人

天門天外迥行覽萬山微峭壁從空落烟霞繞座
飛路通仙島近心與世塵遠賸有徜徉興酣歌馬上歸

王守仁五首

尚書餘姚人

曉登泰山道行行入烟霏陽光散巖壑秋容淡相
輝雲梯掛百壁仰見蛛絲微長風吹海色飄飄送天衣

峯頂動笙樂青苔兩相依振衣將往從凌雲忽高飛揮
手若相待丹竅閃餘暉九軀無健羽悵望不能歸天
門何崔嵬下有青雲浮泱泱絕人世迥豁高天秋暝色
從地起夜宿天上樓天鷄鳴半夜日出東海頭隱約蓬
壺樹縹緲扶桑洲浩歌落青宮遺響入滄流唐虞變楚
漢滅沒如風漚藐矣鶴山仙秦皇豈堪求金砂費日月
顏頰竟難留吾意在龐古冷然馭冰颼相期層成子太
虛共遨遊枯槁向巖谷青綺不足倚穹崖不可極飛
步凌烟虹危泉瀉石道空影垂雲松千峯互攢簇掩映

青芙蓉高臺倚巉削傾側臨崆峒
尖足隨烟霧碎骨顛崖中下愚
竟難曉摧折紛相從吾方坐日
觀披雲咲天風赤水問軒后蒼
梧叫重瞳隱隱落天語閶闔開
玲瓏去去勿復道濁世將焉窮
塵網苦羈縻富貴直露草不如
騎白鹿東遊入蓬島朝登泰山
望洪濤隔縹緲陽輝出海雲來
作天門恍遙見碧霞君翩翩起
員嶠玉女紫鸞笙雙吹入晴昊
舉首望不及下拜風浩浩擲我
玉虛篇讀之殊未了傍有長眉翁
一一能指道從此煉金沙人間
跡如掃秦山歐生誠楚人但識廬山
高廬山

之高猶可計尋丈若夫泰山仰視
恍惚吾不知其尚存青天之下其
色直出青天上我欲倣擬試作泰
山高但恐丘垤之見未能測識高
大筆底難具狀扶輿磅礴元氣
鍾突兀半遮天地東南衛北恒西
有華俯視僂僂誰雌雄人寰茫昧
乍隱見雷雨初解開鴻濛繡壁丹
梯烟霏靄對海日初湧招耀蒼翠
平麓遠抱滄海灣日觀正與扶桑
對聽濤聲之下瀉知百川之東會
天門石扇豁然中開幽崖邃谷聚
積隱埋中有避世之流龜潛雌伏
殫霞吸秀於其間往往惟謫多仙
才上有百丈之飛湍

懸空絡石穿雲而直下其源疑自青天來巖頭膚寸出
烟霧滄更秀沓汎遍九垓古來登封七十二主後來相效
紛紛如雨王檢金函無不為只今埋沒知何許但見白
雲猶復起封中斷碑無字天外日日磨剛風飛塵過眼
倏超忽飄蕩豈復留其踪天空翠華遠落日辭千峯魯
郊獲麟岐陽會鳳明堂既毀闕宮興頌宣尼曳杖逍遙
一去不復來幽泉嗚咽而含悲群巒拱揖如相送俯仰
宇宙千載相望隔山喬岳尚被其光峻極配天無敢頡
頏嗟予瞻眺門牆外何能彷彿窺室堂也來攀附躡遺

跡三十之下不知亦許再拜占末行吁嗟乎泰山之高
其高不可極忽然回首此身不覺已在東斗傍石刻起誤今以

不集正之

張翥一首都御史會州人

岱岳中途笑祖龍帝無三世納降從此消恩澤還

顛倒不在言三孫却在松

盧瓊一首御史浮梁人

大夫樹下無遺澤嗚咽泉頭常怨聲人土不封幸

父子翻將恩與及無名嗚泉在歸德州秦扶蘇死所

陳琳五首 詩 郭 蕭 田 人

題 奇峯聳律屹中立後地搏天百千尺與雲吐

雲 烟嵐下壓坤輿奠奠極五嶽之尊此無對雨露神

功同覆載宇賢毓聖濟凡間斯文命脉千年在巍巍壽

壽 東服虞周曾此巖 重屋車書文軌拱明堂秉圭轄

瑞 群牧商後宣尼再 坐眺俯視寰瀛衆山小秦漢以

來 表微補文王皇兩 江渺作福作威知有無祝蒼香

火 來 八表王檢金函事 已非天皇道君空樓樓祥符金

字 夕瀆高皇王簡十 有六博王發微明春秋頌有

山孫明復祖祿先生聖德 領慶曆至今名猶馥我來殷

勤一拜瞻仰止高風祛塵 俗參天抃地勢齊雲岱嶽奇

觀海內聞金闕爰得祠玉 巾碧霞浪說有元君秦碑無

字真可笑漢禪乾封何足 云鄒魯聖賢天下少磨崖須

紀此山勳回余行御用登 小山次韻萬仞崗頭御帳開

秦松漢柏亦奇哉酷憐古蹟 陪僊侶可是山靈許再來

絕頂風高八月寒危松怪石 似龍盤天門幾度來馳

馬御帳當年駕翠巒碧鮮封 中尋漢禪五雲深處諦秦

觀東山莫漫瀟毫興霖雨蒼 生尚謝安 茫茫滄海半

山巖天壁斷巖步步艱頓覺風雲生足下却疑身世出
人間鬢顏看鏡驚將老廊廟懸情未許聞暫息塵蹤隨
謝屐逢瀛洞裏探仙關初生陽明徇得靈間誰足躡天
梯上憑虛眼自空彌高宗孔道啓幻笑秦封雷殷雲崖
下螭蟠石壁中星辰如可摘絕頂寄五岳

秦金一首

尚書錫山人

登泰山石磴縈紆十八盤眼中風景渺無端東瞻日觀
蓬瀛近南指天門宇宙寬長嘯頓醒塵世夢壯懷聊洗
腐儒酸金書上檢俱陳迹秦漢遺碑莫謾看

柴奇一首

通政使崑山人

登岳朝出登封門起拂衣下塵有輿歷嶺岫清霜及茲
晨極日日觀東海水浩無垠秦事今已遠壇社空荆榛
撫景增嘆息群山自嶙峋

邊貢六首

尚書歷城人

岱宗山秀百靈屯壁立烟霄萬古存幽府化機盤
地軸上清真氣接天門霞標日觀青松麗春透龍池碧
水溫薄暮振衣峯頂石蓬萊東眺海雲昏北上天門
日未斜剛風吹我度崑崙仙人洞古留丹鼎玉女祠高

護碧霞深澗千年猶凍雪陰崖四月始桃花秦封漢禪
俱牢落細讀穹碑感歲華 玉皇祠畔一凭闌絕頂風
高夏亦寒北去塵沙通瀚海西來天地是長安青雲迥
隔三千界白日平臨十八盤似有飛仙度幽壑鳳笙聲
裏珮珊珊 巖嶂崔嵬雲霧升泰山靈秀古今稱百千
萬地豈重有三十八年纔一登貝殿深春來供客松崖
落日下樵僧中天夕磬泠泠發知在烟巒第幾層御帳
坪白日天門近青山御帳空亭虛從眺覽樹古自登封
過鳥層空上鳴泉萬壑中翠華春不返惆悵昔人踪回

回馬嶺前春日西澗花巖草薺萋萋上方鍾落不
知處惟見白雲巖畔棲

喬宇二首尚書太
原人

崑崙五岳誰爭長東皇萬物先曉明分日月呼吸變雲
烟厚脉中盤地神功上配天雲亭問封禪千古竟茫然
百靈朝拱處空籟聽琅琅地居中原勝天臨下界高
雲山變老眼江海一秋毫欲訪蓬瀛去從誰借六鰲州

通志談處爲北通志誤爲程
敏政作今以觀書篆刻正之

許遠一首尚書

登高一上青霄路幾重峻巖險壑亂如從靖安齊魯具
雄鎮高壓蓬瀛有文峯

王廷相一首尚書儀
詩人

登五岳俱神峻若堯秦岱偏半巖回駿馬絕頂俯雲
烟一覽小天下三更見日躔蓬萊疑咫尺直恐礙飛仙

趙鶴四首提學揚
州人

登陽分明蒼秀拔雲開誰鑿窟是混沌胎山壓星辰從
下看海浮天地自東迴一時心山特雍容禮千古松高製
作材載說皇朝稱祀詔始知知竹抗黃真三才自註云革前
代廣加封號

一上延岑萬丈蒼天風應為襲衣裳鷄鳴往往看東
日人語時時到下方雲霧四鍾聲連海樹春浮花氣入山
堂四時禾歇登遊與翻翻崖禽喚客忙轉轉官庭度
幾峯未知花外有鳴鐘鐘有空一望青蒼裏曉鏡齊開紫
翠重山鳥歸時知雨意意虛松到處換雲容平生奇賞輸
今日每欲淋漓浩蕩曾東皇祠下走靈氛今古祈靈
贖有文不斷香燈千里至有時鍾磬四山聞雨聲直過
僧家竹鴻影平低客路路雲都變三人花底飲不妨對影
到斜暉

許成名

一首 侍郎東昌人

登

路雙峯萬里明嵐光雲氣散高晴遙分東海連

空碧

群山與地平池有風花搖玉佩橋留春草坐

塵纓

皇石上堪登嘯千古令人感慨生

李東陽

一首 大學士長沙人

望

上奎文閣來觀秦岳峰半空翻碧浪平陸走蒼

龍紫

及沾嵐濕青憐發黛濃長原隨迤邐高樹助蒙茸

幢節

迎還送文才擊更衝烟霞變明晦雲雨驗豐凶混

沌天

初開新鑿地所鍾分疆書出真肇域紀堯封挹

臨滄海憑虛揖華嵩高行尊宜作文名重合稱宗外歛神

無迹中涵德有容廟嚴王者象植古大夫松北闕身長

繁東轍境暫逢崖躋愁日觀谷嘯想風從 聖主齋心

切儒已樂事備饗食斯驪厚輿從閤官傭歲早當憂國

民勞恐病農我方願一笏誰共手雙筇日月蹉跎易溪

湖限隔重奮飛翰鳥翼飄泊信萍蹤濯熱思晞髮凌秋

憶盪胸酒闌多爽氣涼思晚惺鬆

章拯二首 尚書金

登 千古明堂空悵望于今環道頗平夷已迷漢

武五章石却笑秦王無字碑日觀登封終不固天書行
詐亦何為監司盡括金錢施流俗爭趨玉女祠會身崖
由來好生地詎有舍身崖一死輕秋葉伊誰倡厲階

李夢陽二首提學河南人

問鄭生登岱 昨汝登東岳何峯是絕峯有無丈人石幾
許大夫松海日低波鳥巖雷起窟龍誰言天下小化外
亦王封俯首無齊魯東瞻海似杯斗然一峯上不信
萬山開日抱扶桑躍天端碣石萊君看秦始後仍有漢
王臺仰立岳歌之二 我所仰兮在泰山側身東望阻齊
關南有龜蒙東肅然仙人贈我綠瓊丹招我東遊扶桑
間我欲從之途路艱東望河濟涕潺湲

馬汝驥一首侍郞陝西人

送太宰石熊參贊祀 三微開歲紀百禮洽時禋帝啓玄
符日天頒翠節辰使星搖壁府卿月照天津道出齊封
舊書求魯殿新尼丘迴杳靄岱岳對嶙峋碑刻非秦禪
柴燔代舜巡金泥和五色玉檢闕千春嶺陟青龍繞泉
臨白鶴馴望洋分島嶼觀日爭烟塵德已精靈契形渾
夢寐親懷歸歌大雅屬望輔洪鈞擬獻嵩高曲抽毫愧

不神

周相一首

金事秋陵人

登岳充鎮標神異東方壓岱宗
歲星輝八極玄女降三宮
雲氣成雙闕炎精生赤竝
千年森漢柏古道鬱秦松
金篋昭靈秩芝房照碧叢
唐碑舊紀曆漢勒幾登封
入嶺天門曉停驂御帳空
丹霞迎紫蓋孤嶂削芙蓉
獨瞰三千界旋攀第一重
層樓明日觀聖水樹遶峯
春址盤香火禪壇納化工
乘時揮玉策周覽極龍從

葉份一首

提學發源人

泰山吟岱山長群岳巨鎮標東
維岩堯臨渤海截孽控
河沂靈區迴洞府福地啓崇祠
石閭何掩靄瑤芬闕歲
蕤虞巡柴望湮周狩明堂隕遐
哉七十君版牒空名垂
秦皇無靈氛漢武非仙才
封松鬱中坂植栢滿南陲
我來值春月疊嶂開雲霾
天門步寥廓盤道歷逶迤
款謁碧霞君寒漱王女池
沉吟挹玉簡摩挲向崖碑
雲臥通象緯神遊駕蚪螭
朝登日觀峯日出扶桑枝
呼吸變烟霧下界行風雷
俯視渺茫氣焉能辯瀛裊
遙思騎黃鶴圓方隨所之

王裕一首 提學

石表柴望當年告治平誰知風起鮑魚腥惟有石表依然
然在蔓草寒烟夕照明

張鯉六首

副使
州人

登道假三齋出形直五岳先瑤壇雲樹采貝闕露花
寒行典聞虞日封碑見漢年登臨重回首紫氣帝鄉偏
暝色迴吳楚靈光集鬼神殿虛雲霧出門側斗牛隣
笙鶴來還去仙芝秋復春齋宮夜不寐吾意欲脩具
春山三月萬木榮東谿西谿春鳥鳴如聞山海通靈氣

何處樓臺更五城

巖亭上聊容與巖岫光摧楚客

袍何處仙人吹鈇笛隔溪童子薦櫻桃懸磴盤梯天
路長高空雲霧濕衣裳金銀宮闕知隣近鳥自嚶嚶花
自香王虛宮殿元孤秀夜半深奇獨自行玄鶴遙聞
乘月度白雲近見與沙平

張邦教八首

僉事

泰山雜詠

震維生長地歷代表殊麻拜禮勤終歲祈求

通九州勢雄神鬼宅迹勝鳳麟遊八境通喬岳香雲爛

欲流

右至奉安州

天王出狩時玉帛萬邦隨柴望遵虞制恩

威協禹規齊君終罷毀季旅竟奚為千載存遺址青陽

在指麾右周明堂十仞排嶮嶢生疑鳥雀愁蒼茫橫古道縹

緲接飛樓月宵風塵夕猿清草樹秋明時苛政絕行坐

仰尼丘右巖巖亭夫子聞婦人哭處絕頂山窮處是名秦觀峯一覽

天地闊四顧煙雲重虛壇徐羽靜秘錄青霄通從此登

封畢求仙使海中右秦觀峯如皇封祀處梁父東巡地青鸞翊翠

華露盤紫蔓草丹灶委涎蝸既日追風騎秋風汎海槎

深幽詢往迹石表半沉沙右七秦時漢封祀處磨崖高百尺功德

此刻銘典誥文全古每咎字半青可能光日月應不畏

雷霆一代中興頌悠悠付巨靈右唐六磨崖碑官家曾駐蹕今

復闢蓬萊蘿洞頽金榜松坪削玉臺冰湫龍蛻去高樹

鶴飛回應笑天書閣明珠浪作媒右州帳宋真宗幸處自稱皇

帝下封王郡縣新頒守今章將相之餘皆自物無情草

木亦恩光右大夫松

鄭善夫四首郎中閩縣人

登岳巨靈盤盤閭闔門日觀峯頭玉闕存黃峴西行看

落日碧霞南向拜元君秦皇自謂功無量擬搆空碑

古帝前磨崖小篆三千字何似開元十四年苦憶秦

山孫處士春秋三傳尚須編只今四海無青眼欲向何
門乞俸錢 東岳乾坤定黃河一縷分日排瀛海浪天
入薊門雲魯道傷吾志秦碑自夕曛未堪疏遠目萬里
正稜氛

方豪二首

副使開
化人

登岳三月無風上泰山巖花谷鳥共盤桓因憐鄭老看

山癖赤日烟蘿帶病攀

自註云吾友鄭繼
之曾以六月來登

日觀峯頭紫

霧開嗒然回首望蓬萊野人自見及烟霞骨應有神仙月
下來

楊枯八首

僉事錢
塘人

登岳朝發泰山麓暮登泰山椒度壑旣窈窕陟嶽亦峇

羌峯日匿逾曜崖冰寒未消霜猿紛叫嘯風木怒鳴號

身緣遐舉輕日以眇眇勞憩石偶危坐臨深鬱長誼

茲山何峻極盤礴巨百里鳥道五丁開雲標三觀起雪

碁無冬春煙嵐互蒼紫星垂崖戶外人度青天裏陽枝

稀日華陰谷飛霞綺仙靈此窟宅幽異詎能紀

振衣

躋雲峯倚杖眺明堂葱蒨鬱佳氣歷歷殊并彊周王昔

持巡觀民覲東方皇皇四海一肅肅群后踰升堂西蒼

壁端已居青陽蒼事曠千載愾然情內傷 秋氣已堪
 悲登山轉寥泬對酒卷將歸感時傷暮節霜凄哀鴈翔
 潦盡群龍穴秦碑苔蘚滋漢禪神光滅千巖灑寒風萬
 壑飛晴雪寶劔拂扶桑長嘯高雲裂 泰山屹孽與天
 通七十二峯元氣中下施 雲雨澤后土上貫星宿維紫
 宮懸崖古栢落空翠架壑危松度遠虹我來憑高俯滄
 海夜坐觀日扶桑東 殊 乃此日逢重九絕岳高吹散
 遠愁漢時秦封空往事紫 萸萸菊自深秋天清樓閣明
 三觀野曠山河辯九州獨 是懷親憂國意白雲滄海共

悠悠 伏崇秋臥夜床清萬籟
 騎白鹿碧霞洞口謾吹笙 日
 見海門潮捲以船方士何年到王

無聲片月明何事仙人
 觀秦峯霞作標扶桑夜
 檢金書久寂寥

陳沂二首 參政八寧
汝人

登 飛軒臨絕頂懸磴更岩巖

谷響松風接天空海霧

消琳宮環峽示極王節下青霄啟

指天門外來迎笙磬遙

一入登封路乾坤自此分諸

峯會元氣亂石散星文

仰面攀青磴回頭看白雲飛泐

架窮壑鳴溜四山聞

朱節一首 御史山
陰人

登岳塵途日擾擾夢寐惟雲山茲晨天風涼層雲護仙
關我欲往扣之驅車出人寰登登踰絕壁身在煙霞間
澗底環珮聲輕風送潺湲群峯手可挹儼若趨仙班大
觀盪塵襟敢辭登陟難故山猿鶴在俗駕何時還

胡纘宗九首

都御史
陝西人

望岳忽聽笙歌玄鶴群即看樓殿紫霞文斗邊細露邀
新月鳥外孤峯挂夕曛漢帝金壇歌石碣秦皇玉刻隱
苔紋騎龍李白今何處日觀天門空白雲 脩脩望岳
丹青上颯颯乘風紫極邊半壁秦松懸日月當空周觀

出雲烟峯期大旆手翩躚起影落扶桑裊窳鷲更度三溪
見雙鶴忽從青巾接群仙 山下秋日正皜皜山上秋
雨還冥冥夜來巖畔挂星斗曉起澗底與雷霆陰陽變
幻倏忽異天地閭闔蒼茫靈何當結廬向山住朝朝吟
對芙蓉青登岳春半看山山已青振衣先到五松亭曉
分日月懸苔壁晴列蛟龍擁翠屏天啓重門馮北斗雲
擎三觀照東溟秦皇宋主自行慳絕巘窮崖空斷銘
帝闕紅雲蓋仙壇白日光千盤驚到頂一山天臨堂倚
檻畫秦越磨崖空漢唐恍然坐天上神思欲飛揚 海

天初縱目八極思悠悠太華彈丸出我掌勺水浮秦松
雲不斷宋簡玉空留落日猶回首黃河窈窕流懸崖
隨鳥出絕頂畧雲躋俯仰乾坤小憑陵星斗低日峯紅
照海上觀碧冲霓子夜援琴坐天宮動曉鷄諸峯羅
宇下一柱之寰東石表千叢集天門百折通元宵山有
月落日袖無風孤峭不能寢海雲中夜紅突兀青天
上翩躚碧海邊風高鰲欲動雲落鳳初騫歷歷盡齊魯
曾曾入象躔流霞傳素手醉倚五龍牋

少志學七首

尚書張
沙人

次明可泉望岳絳霄迥出天門上飛瀑高懸日觀邊星
斗垂垂臨絕巘蓬瀛渺渺隔蒼烟雙龍噴沫千巖動孤
鶴凌風萬里鶻我亦平生愛丘壑欲從此地學神仙
天上仙人自不群龍書曷曷太玄文秦皇臺上雨初霽
漢帝壇西日未曛鬱鬱古松停鶴馭巖巖峭壁繡苔紋
羽童兩兩垂青髻捷起山頭禮白雲_岳平明登岱麓
日影半巖紅雲忽山腰起泉多石眼通芙蓉開繡壁
翠落丹楓彷彿隨仙子飄飄凌太空月嶂峻增起天
門窈窕開孤懸崖欲墮偈仄徑難迴松偃翠成幄谿奔

羣若雷振衣聊縱日詩興共雀鬼 山氣曉來重有陰
還乍晴日從雲外見人在霧中行雨過千巖爭風迴萬
壑清仙人杳難遇時聽步虛聲 蕭容瞻岱岳直上最
高峯倏忽雲千變蜿蜒山萬重秦碑金字刻漢檢紫泥
封勝跡今銷歇巖花日日濃遊竹林西天復此門山
半一泉溫雲壑時時動龍珠日日翻飛揚李白句傾倒
孔融尊歸路夕陽好涼風吹廣原

李學詩二首

編脩平度州人

登封會燔柴想象明堂禮沉璧荒蕪 日觀峯壇出白雲

猶漢瑞亭盤翠蓋豈秦松謙冲曠見劉光武聽納何如
唐太宗當宇聖明兼舜禹夔龍自不獻東封快志三人
情輕便易世路重艱難不走巉巖路誰知快活三天天
松四海蒼生憔悴盡五株松樹獨封官仁民愛物秦顏
倒何恠當年共揭竿

楊維聰一首

狀元固安人

登封臺封禪當年侈數君升中曾此事彌文金泥闕久
明禋玉石檢樓餘清晝雲紫氣漫傳宮闕現白毫爭見
老翁耘二儀高厚如何報遙望長安空夕曛秦松五株

泰山志卷之三
三六
松樹何年植傳自秦皇早策敷偃蓋青葱存御幄論脂
沉鬱結靈紋翠華想駐雲霞色清警曾驚虎豹群日暮
悲風起烏咽秦聲猶自不堪聞

王謳三首 主事

登岳 開闢此巖秀形藏吾道尊冥中迴日月象外自乾
坤愚谷通齊路靈光辯魚官門浮生正漂泊擬欲叫天闍
天地還高下河山自樞影盤燔柴虞狩典沉壁漢封壇
吐內風雲氣虛無殿閣空太斜陽下深澗翹首望長安**無**
字碑 岱岳峯頭無字碑山相傳人說是秦時東遊鳳輦空

寥落野草野花春自悲

蔣瑜一首 御史

登岳 夜到碧霞天芝房出 明月眠聽經來白鶴燒藥起丹
煙廣樂雲中度明星鍾外 八懸乘風欲飄舉三島會群仙

張鐸二首 州人

登岳 曲坂參烟翠蘇滋瑤 宮日宇碧參差長天斜倚峰
紋坼寒日遙隨音影移采 日又何年傳漢時風雲終古護
秦碑却驚身在層霄上絕 叱咤翻憐鴈度逢國 岳東
來鎮古丘遙從雲際俯夕 洲寒沙夕杓荒 臺迥積雪春

融碧樹浮長望雲塵搔短髮
寒涼物候動鄉愁銀宮玉
宇參差見縹緲重登海上樓

邵經濟三首

知府仁和人

衝飈禮岱宗迎旭靨飛巘絕壑斷蒼麓崇岡級頽
阪湮淪寒氣鬱遠歷韶光晚山櫻花始然高柳葉初剪
輶車苦凌軋藤葛車攀挽春明洵可乘吾子未應返小
憇發雲巖尋真意方遠岱宗躋其巔合杳雲霧起盤
盞出蜚鳥殷殷積玄軌玄軌無停轂赤景有恒晷卓哉
此岱宗萬古西東鄙靈異日樓托靜鎮示崇紀金函胡

不經玉簡誕且靡露華臨到石古墨深深泚步歷日
觀峯峯頭日剛午睇彼東海東矯矯扶桑樹扶桑晞朝
暎陽鳥濯靈羽乾極歛昕春離光奄昌宇普照茲大觀
恒矚匪玆睹虞淵一揚休子夜信採取藉穎餐明霞攬
吟吸玄圃

劉淮一首

御史

登岱吾昔遊岱宗蹋雲四十里渤海入覽明日觀下界
起步虛摩赤霄回首極西峒松下逢羽人僊頰欣彼美
遺我千歲苓食之可不死松古尚秦封風雨歷年紀金

篋上策存誰探得生齒登茲小天下因風憶行趾

廖道南二首

編脩蒲圻人

望岳岱宗高龍從群峯凌紫穹日觀影扶桑月擘烟朦
朧飛泉走其下宛然雙白龍上有玉女池銀河瀉長虹
玉女散天花萬朵青芙蓉仙人王子喬絡節朝上宮遺
我金檢書期我遙相從我欲從之游雲路險且重何當
謝塵鞅晞髮咸池東咸池有僊國乃在帝座旁紫虛
懸玉榜絳闕輝琳瑯曲瓊掛綺䟽掩靄搖星潢祥烟裊
叢林歲垂花樹香安期與韓眾雙騎丹鳳凰采采金光

草和彼紫霞乘朝翔天門關夕息帝女桑俯視濁世士
奔走駒隙光願言凌飛濤遨遊東海洋**咏日觀**元化無
停機陽明自周始織緘殘月沒炯炯曙星起宿霧沉江
干朝霞覆壇時羊脾徵東夷鵠首占內史乾象溘真精
人文煥新美扶英散歲稔若華紛旖旎河伯乘玄鯨山
祗駕蒼兕潭影驚蛟螭林光龍闈正重輪美形變疊瑛
瞻黃瑁豐部匪所宜離垣乃其型赤手扶羲輪丹心貫
天紀願爲雙飛虬乘雲駕千里

王寵一首

吳郡人

登岱五嶽視侯秩無如東岱尊六龍開御道三峯補天
門舉手蓬萊近盪胸齊魯吞安期煉玉處惟見五雲屯
陳鳳梧一首御史廬陵人

登岱剛風吹上最高層寒氣稜稜骨亦清雲起半空方
作雨天臨絕頂忽開晴松濤坐聽千巖響奎壁行看五
夜明自信茲遊真不偶飄飄雙袖羽翰輕

曾統一首都御史揚州人

登岱石壁連雲紫翠重天工削出玉芙蓉泉流不斷千
峯雪嶺道常懸萬丈虹岱岳有靈昌國祚臺臣何補願

年豐登臨自覺無繁襟脫九點齊烟一覽中

蔡經二首尚書候官人

登岱石磴紫迴十八盤天風吹雪晝生寒蒼苔半蝕磨

崖字碧草斜侵封禪壇日觀俯臨青海上蓮峯高逼白

雲端危亭一覽河山壯便欲抽毫頌治安

行寫初張開翠華金童此曾來五松自擬流恩澤二世

誰知並葦萊惟有白雲閑聚散祇留青嶂尚崔嵬雄圖

索寞空凋悵古木烏禽聳正哀

岳倫一首主事宣府人

登山千盤泰山頂盤盤度流雲越觀迥吳會秦觀羅星
文鍾聲散虛谷松栢留夕暝蓬萊近可望紫氣接氤氳

聶靜一首 給事中

登岳絕岳孤城外山行曉曉鍾空崖留漢碣古道列秦

松石磴銀河轉瑤臺瑞靄重未酒愁落日猶上最高峯

周玘揚志學胡纘宗聯句三首 周給事中 應城人

一天京雨四筵清 五華 庭樹山風動曉晴石

崖秦岱千巖月欲上 徂徠萬壑松初鳴 可泉 歌憐白苧

花前媚舞愛霓裳 以下輕 五華 長晝踈簾淹客坐紫簫

玄鶴下瑤京 石崖 斜風細雨坐槐庭 虛堂管籥戶不

倚 可泉 花下壺觴催晝鼓 以燈前歌舞散雲屏 五華 中丞

天馬來西極司寇秋鵬起 北溟 石崖 却羨金閨香案吏

五雲瑣闥望中青 可泉 涼日清尊寫素心 金風綠樹

動高吟 石崖 踈簾縹緲迴青鳥 古殿輝煌映碧岑 五華

當座秦峯情竊語 隔溪溪 漢栢鬱森森 同袍不厭同音賞

可泉 萬里雲霄羨盃簪 五華

胡經一首 少卿廬 陵人

登岳乾坤開此土 東岱山浮鴻濛已訝三台近 真堪四岳

宗齊天雲漠漠旭日海融融萬象清塵想飄然一寄蹤

張袞二首

祭酒江陰人

舍身崖舍身崖崖深萬丈真禍階人間兒女痴且愚往往投崖生前骸父母提携豈不愛忍心割置三年懷白日羽翰既茫昧西方綠業空爾華哀愚勒石方思道誓俗迴聰知有教民彛天理本自然胡不爲臣死忠子死孝登日觀峯日觀臨雲表扶桑暎影初山川留勝迹感慨獨愁予玉笈秦王秘金箱漢武書百年封禪地功德欲何如

潘墳一首

都御史淮安人

遊蕩蕩資生德悠悠報本心風雲通眇響日月快登臨顯氣浮宸極靈氛下石林翩翩雙鶴駕飛上碧雲岑

潘珍一首

婺源人

南天門和陳石峯重門萬仞倚天開直上平虛亦快哉雲隔塵寰看不見出門一笑下天來

蕭琴一首

會事江西人

秦松鬱鬱崖上松愛護自神理虬軫駕天門翠蓋無暑雨揚志玄冥端那復羨金紫顧蒙大夫號千古自泯耻

胡伸一首

秦松五松轟轟凌霄漢千載猶蒙秦帝恩草木喜瞻龍
馭過儒生翻自抱深冤

龍瑄一首 江東人

秦松二世空為萬國圖咸陽宮闕已荒蕪當年駐蹕東
封處惟見蒼髯五六夫

白世卿一首 僉事 西人

秦松着屐登高地詩人得共遊五更常見日二伏早生
秋雨向山腰起泉當石眼流岳靈通變化萬里走神州

姚奎三首 太僕丞 常熟人

泰山雪後曉天紅日放高晴小坐山輿踏雪行凍樹裹
花春有迹寒溪結玉水無聲煙銷絕頂群峯露風度虛
巖萬籟生老衲雲深知我過數聲清磬出松迎 **五松歌**

用秦松韻黑龍潭中蛇毋出霜鱗剝落腥雲濕慘慘長

髯十兩針挺挺直骨三千尺神靈呵護元氣鍾驅蹙戰
雨搖蒼空堅剛節操振今古盪蕩肯受秦王封波濤滿

地陰風起萬籟颼颼成律呂材堪柱國苦弗試蕭然遺
棄空山裏青青顏色無秋冬吞冰吐雪經磨礪工師一

日如相逢終當獻入蓬萊宮 蒙恬大將扶蘇子萬里
 策勲封不與却將官爵授五松祖龍顛倒乃如此咸陽
 一火二世亡五松留得塵下客蒼真宗六龍昔巡幸亦名
 御帳揚休光笏歟松兮渴心知已傷或處世多奇士負才
 抗節竟沉淪不及寒松乃人多矣我來幾度坐清影綠陰
 滿地蒼烟冷撫摩長顧益 哀歌空山落日愁奈何

章忱一首

太僕丞
會稽人

登岳瞻彼岱岳尊屹屹

兵九州空光碧天合倒景黃河

流朋從肆登陟振瓊凌

利秋仰視九霄曠俯覽八極周

梅守德六首

右給事中宣地
人今提學副使

登岳嶽三首

喬嶽平生歎方夢想天門今日遂攀躋層巒

迥出青霄上曲逕回看白日低雲氣東連蓬海外煙光

西與太華齊却慚作賦非能事盡日淹留思欲迷

曉氣氤氳開洞府巖光噴薄出雲根參差紺宇臨丹壑

紫翠煙蘿挂石門滄海波濤浮日月朝昏風雨別乾坤

行行漸覺塵寰小五嶽應唯此獨尊

玉皇顛上倚危闌萬頃烟霞入壯觀仙樂似聞霓羽奏

天風時拂斗牛寒九霄雲護秦壇古千載苔封漢碣殘

歲莫登臨多感慨不堪回首望長安

靈巖二首

振駕沿修渚寒帷度碧岑
寰中捐俗鞅物外

愜招尋石磴千厓轉風泉萬壑深
白雲殘照裡隱映一

禪林

杖錫臨丹壑珠宮隱翠微
臺高金粟影龕

護鍊禪衣香樹流雲滿巖光逐鳥飛
尋幽懽不極迢

遙却忘歸

甘露泉一首

一脉靈源何處尋
百花香氣徧叢林
洗心

真是三昧水潤物猶為九夏霖
碧樹蒼厓相掩映天光

雲影共浮沉臨流便覺離塵空
清興翛然欲濯纓

寶明一首應使

登岳登泰岳山乾坤睇只尺
杖屨隨雲雷星斗礙冠

憤一顧塵氛消清風生兩腋
再顧心神舒川源滿肝膈

更服堂倚空歇馬殿射碧穹
穹南天門兀兀舍身石山

輿下高樹鼓吹導前戟昏黑抵絕巘
神祠盤天脊光靈

佈此心奚翅仰烜赫歆饗集萬方
山海貯金帛一榻枕

山阿松泉和絲葦夜半東決此皆海底
訝日赤

許應元五首副使錢塘人

伏宗伏宗蕭蕭標東紀絕頂虛傳不死庭
碑憶漢封三

觀迥樹留秦岱五松青陽池日浴深能見陰洞雲流乍
可聽此日風煙聊振袂休將峴首嘆沉冥 岱宗夫何
如岩荒出雲表登茲俯家繹吾欲觀魯道闕里窈且崇
昔人已陳草尚想吳門喻今知天下小同登行人登詩
里環翠亭 香騎青林駐登臺翠甸新雲山存吏隱詞藻
待王人花日初停午蘭標欲麗春憐君竹溪興竟夕對
清真重過泰山山城曾試吏十載更登危立壑心期在
年光鬢髮衰物情聊對酒習性尚耽詩自是一聲叟文
離侶昔時泰山別諸門人朝出乾封門言涉泮河水朱

陽麗初暉征雲一何駛顧瞻緬夙昔風景復相似魯山
猶在望吾行自茲始

范瑟一首

郎中歷
城人

登岳 雲河漠漠棲巖畔風影冷冷十八盤玉女泉飛山
亦潤芙蓉峯絕暑猶寒百年塵世三春夢萬里乾坤一
咲看暮倚石闌星斗近不知身在白雲端

馬驎一首

知州陝
西人

登岳 峻嶒秦岳回天地此日登臨慷慨長萬壑風聲喧
草木滿山雲氣濕衣裳秦封漢峙形盤踞魯甸齊丘勢

渺茫一逕漸通天上界欲從何處問青皇

黃省曾一首

長安 齊魯開東岱遙空青米休長安元帶眼吳會舊
舍昨去待山鷄報孤看海日流稷丘君者在吾得擁琴
遊

王邦瑞一首 會事宜陽人

泰 嘉靖乙未午月庚午 王子東遊言陟泰岳仰瞻
峻極祇若神明惟我 國家 秩望之典 今皇中和之
休仁德溢流西此東土因憮 作頌用紀遐觀頌曰帝出

乎震泰岳巍巍維天為大維山則之真真玄化赫赫神
祇鑒觀在上青陽是司功先四隩德贊二儀膚寸與露
扶桑麗杲柴望明堂瓊芝瑤草秦越非遐齊魯如抱絕
頂浮雲天下可小堯舜無為仲尼有道白王仰止萬世
攀登鴻濛太始無得而稱高不可極厚不可增彼秦與
漢侈志繁興金函玉笥徒媿山靈於維皇明中和建極
天地定位山川效職廟祀孔嚴祥光四塞降甫及申爰
及稼穡億萬斯年奠我邦國

蔡汝楠二首 知府德清人

同許泰安吟 同里翠雲亭 蒿里亭元勝風花春載柔還

陪仙吏躅得共白雲遊仗劍蓮華淨傳杯竹葉淨如何

葛洪宅星座俯芝在 泰山書院古柏影接馨香近聲搖

戶牖清空中白雪翰 海上古龍精小憇依春翠高樓憶

鳳鳴晚來雲稍起神動岳崢嶸

高誨三首 通判合 肥人

登岳翠削芙蓉萬朵 開瑞烟繚繞護仙臺瑤池宴罷金

虬去明月昇空紫鳳 來兩霽歸雲棲樹杪夜深出日見

蓬萊向時未到天門 上九點齊州祗浪猜 踏碎芙蓉

讀望秋無端造物與心游斗聯西北天樞近海圻東南

地軸洋涼影月窺雲外榻寒聲風滿鴈邊樓胸中塵土

都消却一枕清泉不斷流 石梯萬折凌天表曾疊峰

巒青未了巉巖飛瀑半空落冷澌冰花結林杪南天回

首眼界闊烟霧沉沉寰宇小興高漸覺風生腋岳頂迴

旋看秦石俯凭日觀望蓬萊曉浴金烏海波赤舉頭西

北神京在五色晴雲時變 翬青天可捫星可摘沆瀣淋

漓濕東壁欲呼玉帝呈琅玕山高風露羅衣寒渺渺天

空下笙鶴平收宇宙胸中寬桃花峪口路深遠怪石嶙

响懸若墜五松齧漢吐紫烟欲訪仙人在何處金泥玉
檢埋秋草七十二編斷遺臺寒鴉啼上野棠枝海月娟
娟山石老

李炯然一首 郎中

舍身崖舍身崖下深難測每怪輕生世上人我亦有身
備自重舍時除是爲君親

成周一首 主事無錫人

登岳崔魏泰岳首稱宗睥睨乾坤一顧空吞吐煙雲迷
下界盪摩日月淬高峯秦碑無字名空在唐刻磨崖蘚

自封逐客窮攀傷往事不勝癘骨受剛風

周津一首 御史慈谿人

明堂成周天下八百年東巡朝會明堂前遺址依然蓋
軻力到今登眺留真傳

鄭芸一首 御史

登岳未了紅塵事聊辭白玉關披雲從月關跨鶴下人
間世味淡如水夢魂多在山留連憇龍峪何日再躋攀
湯紹恩一首

登岳曉靈天門放遠暉岱靈有約幸無過山雲擁道迎

仙蓋海日開嵐上繡衣萬里與圖收秦時九霄象緯拱
神屏追思千古登封蹟暮靄荒臺掩翠微

傅鎮二首

御史

登泰山芝蓋天門路雲旗日觀臺目含滄海小橋跨赤
城鬼松豈秦封屈碑疑頌漢開禪書今可上誰賦長卿
才 泰殿倚秋山高開紫翠間星輶迎日下仙掌躡雲
攀巖立天低宇晴披曜照寰省方慚受簡恭代禮神還

李綸一首

僉事

登絕頂雨霽登臨興轉生群山數點發新青風迴華表

推空漢日擁璿宮逼太真輯瑞尚存虞舜澤傳燈獨有
魯宣經乾坤俯仰知何際萬里浮槎一使星

王廷幹二首

行人 涇縣人

登岳岳逼中天登臨萬象懸臺觀滄海日殿拂紫微
烟山水名誰並乾坤勝獨專茗堯何可極推筆白雲連
絕頂試登攀風烟縹緲間舜巡留社稷禹鑿舊河山
月宇天門道芝房青海灣英靈窮八極此地隔塵寰

劉燾一首

推官 天津衛人

從桂峯侍御二月登山阻雪過眼鶯花春未殘再隨駝

馬步山磐雲浮碧殿爐烟細雪滿蒼崖樹色寒秦嶺應
憐行路險漢宮疑似降仙難日觀峯上瞻東海空憶飛
霞駕彩鸞

王文孝一首

編脩東平人

登泰山 仗曉步層峯吟眸望轉通懸崖岬日斷石磴拂
雲龍齊魯千年秀乾坤一指中禪封昔此地登眺意無
窮

郭鏊一首

洪洞人

登泰山 峯巒壁立翠雲屯太極初分此嶽存蒼鬱古松

蟠御帳層層石磴接天門山桃野杏花爭發曲澗方泉
水正溫秦漢登封遺迹蹟歸來天色欲黃昏

經彥采一首

詩副全州人

登泰山 岱宗積翠鬱蒼蒼春日登臨上碧霄耳畔側聞天
語近峯頭平對玉宸朝漫憐美玉懸鸞鳳會見乘槎犯
斗杓安得憑虛凌八極盡將民瘼達神堯

汪伊一首

詩副微州人

遊竹林寺 勝地幽懷久有興冒暑來攀藤行曲徑嗽石
聽轟雷古木環宮殿輕雲落酒盃掃苔看臥刻鍾磬出

林隈

仲言永二首知州寶應人

登岳層巖高閣敞晴暉十載重臨夢不違王女獻花開
雪釀仙翁留訣進霞衣青霄此日瞻三象碧巘何年築
一屏遊賞方殷烟月上風林遙送暮鐘微
登臺閣危閣
倚層霄山河入望遙天橫關塞鴈日抱海門潮霧露開
朱旆雲霞度碧簫自然幽賞契不用社僧招

林應麒一首府同知倦居人

遊石屋仙郎雅興好幽尋共訪仙間入碧林繡壁忽開

丹地穴靈泉疑泄洞天深上方雲磴空中轉下界烟花
望裡陰媿我支離久漂泊始從塵世識初心

浦應麒一首編脩無錫人

遊介嶽秀色千峯合靈源萬籟潯
嶽開曠野禹服奠高山星漢當頭近煙雲滿目班
悠然小天下遺跡若爲攀

杜泰一首進士長清人

登岳寰海雄蟠獨此山金莖瑤草秘封壇
崑崙西望烟雲渺滄海東連宇宙寬

谷繼宗一首 進士歷城人

元日登泰山南麓試筆仙壇柏酒新誰於草莽識詞臣

南山先祝千年壽北斗長瞻萬里春
雪抱翠屏鷹自化雲披丹壑鹿多馴
王喬終作吹笙侶不敢乘鸞謁紫宸

劉爾牧一首 進士東平人

登岳青帝直源迥霞芬鬱律齊
谷風吹海樹晴日色山

窺金闕雲邊出玉繩象外低誰言
坤極小禹貢盡雕題

陶欽臯六首 御史彭澤人

登泰山南州秀色結衡廬
泰岳孤嶽雄更不虛此日仙靈

來劍珮中天樓觀下庭穴除青霞獨擁
秦松嶂絳節雙懸
玉帝居石室祇今迷往路侍臣何地訪丹書
遙遙仙

使伴村春處處天風灑石淙澗底搃無
蓄犢飲峯頭長
有白雲封誰憐詞客歌吞樹慢聽山僧
散午鐘鼓對胡
麻聊自餉轉來瑤草定相逢
幾年清意如天姥七月

肩輿來泰山蜃氣齊浮仙閣紫雲
元細滌客衣班直拚
身在烟霞外空使名垂宇宙間
日傍丹梯愁窈窕風生
玉樹夜聞珊獨扣重門謁岱宗
東皇坐處彩雲漲空

移蓬海非三島莫問天台第幾松
爐熏斜壓仙人杖山

色平臨古殿鐘從此秋懷定成癖
百寶白露沈芙蓉
秦安澤正林
天孫昨渡河上
谷此聞歌海嶽堪同
賞詩篇許更過
侵星凌絕頂浴日
九恩波愧爾林和靖
蕭疎意故多
肥城教諭楊舉參
列宿傍慘淡曉雲
張海日千峯小河流
一線長投詩在
不野興對酒惜年光
但卜揚雄宅無心武帝鄉

徐紳一首

御史建德人

泰山曾聞天上
玉皇宮
絳節星端
直向北
逢半夜日光
推海色
四時香霧
卷天風
金函玉檢
以通群帝
五嶽三山

第一峯回首下方城郭在不知雲壑幾重重

吳遵一首

御史海寧人

泰山嶽嶺倚碧霄
陰崖白晝自風濤
西懸鳥道天門迥
東指扶桑日觀高
秦樹尚依清蹕路
漢壇虛拱玉宸朝
長安此去應千里
北斗城深聯望勞

吳伯朋四首

御史義烏人

泰山岳由來一洞天
振衣清曉上危顛
千年齊魯登臨外
萬里江河咫尺間
漢時秦封餘蔓草
蒼松翠柏自雲煙
凌空頃有飛揚意
漫酌流霞喚謫仙
又次吳初泉

韻逢玄峭磬插丹霄龍口飛泉噴白濤天入扶桑滄海
瀾地臨汶濟碧霞高纜登越觀思鄉國又戀長安望
帝朝滿眼乾坤俱甲馬不堪南北正疲勞 絕巘渾疑
在絳霄潏潏流水帶松濤千巖雨過天光淨三觀風寒
日色高讀盡碑崖憐異代書無封禪感 清朝春山啼
鳥斜陽外歸路崎嶇未覺茲又登靈巖寺次鮮于侁韻東
迎千里驅車轂康濟何能成虛碌我聞古寺名絕勝乘
興杳然入山谷洞口窅窾別有天懸崖倒石俯瞰田禪
房深深依花木鍾磬冷冷度雲烟呼取老僧來相揖爲
問茲山開闢迹指點殘碑空記年往事都付春風前洞
天雙鶴歸何處獨上山頭試甘泉凭高暫憩松陰下未
數東山相匹亞忙來祇得今日閑且對明月坐清夜問
君何事底艱辛只爲浮名絆此身明朝攬轡又南去應
被青山笑殺人

方正脩四首

主事昌城人

分命岳麓俯凝眺幻宇盡塵埃因憶羨門子曾霄瞰九
垓 陶侃夢八翼側身飛雲門碧霞差亦近稽首問天
孫 日月懸雙彈乾坤一大荒最高峯頂上端拱坐於

皇 孔眼天下小扶桑入大觀五雲試翹首何處是長
安

沈應龍一首

都御史
烏程人

登泰山 五嶽岱稱宗雄峙齊魯界屹然障東維中原地
氣會殊方傾仰止有懷竟茫昧秉鉞酬夙期巡歷振行
旆明禋陟危巔精神原夙戒有禱應即隨神功信廣大
亢曠降時雨彤雲布靈謁窮河汾餉道湮甘泉發清瀨祇
承 天子命寔惟神似賴禮成撫清景六合真可隘山
空絕塵囂悠然聞天恣賴飛僊招我遊乘鸞忽長邁授我

叅玄訣瓊霞吸沆瀣日觀俯滄瀛紅光吐輪蓋吳越望
中迷黃河曲如帶臨風拾瑤芝坐石吟松檜秦封與漢
時殘碑荒草外弔古復息時撫膺增感慨北虜猶陸梁
倭夷又顛沛稽首問松靈何如獲康泰

曾鈞一首

都御史
鍾陵人

泰山紀略

名山東峙獨出鬼千丈靈光接二台金削美

蓉迎日出玉爲樓閣倚天開鑪煙風暖浮秦樹石檢年
深鎖漢臺一覽乾坤空萬劫落霞飛彩入吟杯

雍焯

御史
兆人

泰山 巡按山東監察御史雍焯偕布政司叅政
林應亮按察司副使牟朝宗王教王撫民僉事任希祖
都司署都指揮僉事牛天賜以嘉靖甲寅冬十月之晦
登茲山剖羊熟幣肅拜于碧霞宮既乃東上揖嶽神省
燕室爰遂升高伏謁 天帝捫石表職寶庫追嘆秦漢
之誇侈也因之眺望海石上夕雪晨霽陽馭方升巖谷
晶輝煙雲陟降相與託茲遊也諒不偶然爰命郡官紀
諸崖壁

登泰山一詩 千里齊城仰岱宗青山盤礴秀岑高

日觀瞰蒼海岳擅天齊巨域中百代登封傳盛事萬方
香火戴玄功清朝一覽靈巖上雲淨風消曠宇空 從
來聞說此山高一上崔嵬眼界豪龍峪顧瞻山萬仞天
門咫尺摩霄霄升中有表傳秦漢柴望無人頌妙陶覽
巒嶺羣峰瞻空廓雲霞茫渺海天遙

何廷鈺二首 御史邵武人

登 萬仞驚看絕巘高一入登此百人勞宿願已躋民
力竭賞心贏得一揮毫 探竒此地步丹梯酌罷閑看
處處題獨憶宣尼登眺後無言悟教古今誰

馬三才三首 御史仁和人

登岳層巒萬仞開新霽
乘暇登臨逸興偏
山出雲重飛鳥外
林深春盡落花前
天門迢遞丹霄路
海日蒼茫碧樹煙
十二齊疆何處覓
麥苗盈隴水盈川
覽勝春遊萬里來
僊宮縹緲入雲隈
秦松披拂仍餘蔭
漢帝登封空故臺
石壁有輝騷客賦
岱宗無補使臣才
丹宸白髮頻回首
惆悵峯頭各一迴
王女池王女何年去
名猶在水瀕
雲疑畫眉客
月似洗粧人
風外聽鸞佩
天邊憶鳳輪
不逢仙子降
空拂鏡中塵

登泰山憶少嚴傅公美人

曾約岱山遊
別後獨登取上頭
秦漢舊封懸碧落
乾坤勝槩浮漚海
明日觀三更曉
風動天門九夏秋
對暑觸懷遙
不見夜看江月
在揚州

州

續夢登登十八盤
忽訝空中行
輪雲今日跡
蒐夢昔年情

松拱一天翠
草生萬壑青
此豔乃庚子夢中句也
山靈不我棄
應許定斯盟

嘉靖戊午夏六月公暇於嶽行
見崖壑森森松草蔚然
宛如庚子夢中景物
吁亦真矣哉
因續成篇以博笑云

燕人古松段顧言作右二首

按山東
監察御史

姜良翰

參政金
華人

秦嶽突岬中天起盤礴神州數千里鳥道聯
綿六六灣龍樓偃卷三千址隱隱隆隆宿霧中編屏飛
瀑編羅綺絕壁高攀白玉榆懸崖俯瞰青螺蔭更有奇
觀日觀東扶桑縹渺烟波通晴霞蕩漾赤碼碯曉日震
耀青芙蓉蓬壺點點逼瑤席溟渤僅擬浮杯筒凌空不
覺星辰遠直漉罔象追鴻濛忽然驚雷起山麓電走星
馳振林谷須臾日沒宇宙傾萬頃風濤鬼神哭雲迷路

險不可登一步一迴愁折軸秦嶽何岩堯亭亭阻且遙
秦皇宮闕烟雲迥漢武旌旗草木彫英雄一去豪華盡
殘碑斷簡空寥寥我來近崑崙崑崙欲向三山訪南極
無端失脚墜皇州欲歸不與長太息亦有青城累石居
胡麻飯冷丹鑪熄南郡苔華諸葛廬東山草蔓安公闕
青壁瀉銀河山深長薜蘿從征旆登天闕瓊仙玉女
許經過未能擺脫歸猿鎖日隨舞袖歌春和山河大地
終然幻世事悠悠何計了行植芝田十萬畦應須不負
商山老

徐文通八首

參議未
康人

岱宗岱頂層霄十八盤中有蕭瑟思漫漫振衣日觀三
秋曙倚劍天門六月寒風雨黃河通翰海星辰紫極近
長安小臣願獻蓬萊頌閭闔尚懸謁帝難

巖巖泰岳立穹蒼昏曉由來共下方瞻藹靈光浮曙闕
鬱葱佳氣護明堂夜探海日臨蓬島朝撥山雲禮玉皇
携手群公多大雅莫虛星斗論文章

玄氣騰空護漢都山川杳鶴入看無乾坤忽合東溟注
日月還臨北極扶秋色歸鳴菴合髮清樽過雨對蓬壺

伊高莫問前朝事帝子不回空大夫

天簇翠巒青帝若層陰晝鎖漫踟躕中原郡國秋笳晚
萬里山河夕照虛玉女空傳三島藥秦皇不駕五雲車
當年却笑相如誕身後還遺封禪書

岱宗宮闕碧崔嵬一望峯煙萬里開壘嶽中天盤玉柱
綵雲東海接蓬萊秋風試問尋源客夕照還登封禪臺
玉露金臺應咫尺俯身霄漢此徘徊

朝踰白水謁春宮天外征塵滯海東總轡扶桑懷馭日
振衣使者欲乘風十年舊跡他鄉盡萬里凭欄秋色中

聞道胡兒窺漢月請纓直擬擺和戎

何物青浮天地東嶽鬼變幻鬼神功海寒宮闕金銀色

山接崑崙雨露通龍馬河深秦石在鳳凰秋遠漢臺空

啣杯搖落傷懷抱作賦誰能冠世雄

芙蓉高削玉臺幽絕不可躋攀隘九州白晝風濤秋不息

青宮日色曉含愁天如萬里浮雲盡地拆中原碣石收

回首翠華千載事祇存石松栢護貔貅

陪侍御段公登岱一首霞宮高聳白雲層迢遞天門驄

馬登龍虎宵眠驚曙口風雷晝掩避霜鷹樽前鼓角

燕塞雨後江山望秣陵覽轡誰深天下計秋來要使海

波澄

至世貞六首副使吳郡人

登岱緝宇虛無岱色邊蒼堯飛磬界蒼烟峯迴嶂壑紛

相拱石坼松蘿裊自懸過雨雙龍爭玉峽擎雲孤鷲挂

青天平生故有崢嶸意識尔應從太始前

翹首精神欲奮揚幾從開闔見陰陽千崖忽敞中原日

六月長飛使者霜在昔釣天青帝坐即今封地白雲鄉

還應五嶽都游徧乞取安期火棗嘗

奔崖瀑落擁晴雷策石驅龍輦道開匹練天縈吳觀出
金泥日射漢封回河流挾雨俄千帶海色搖空僅一杯
莫向封壇論王氣祇應塵世有仙才

尚憶秦松帝蹕留至今風雨未全收天門倒瀉銀河水
日觀翻懸碧海流欲轉千峰益迷積氣誰從九點辨齊州
人間處處乘城輒矯首蒼茫迥自愁

幘衣吾欲臥天門中夜憑欄起自論半割乾坤懸對抱
低垂星斗亂堪捫狂呼六帖愕仙人箸渴問三漿玉女盃
為道崑崙更奇絕還從博望訪河源

壁立芙蓉萬古看削成松檜巖高盤中峯翠壓徂徠色
絕頂青收碣石寒梁甫吟成興也自和茂陵書就欲誰干
依微倘有吳閭在欲向秋風問羽翰

李嵩四首

副使歸德人

叨從登岱使者東登太乙嶺縹緲從鸞鶴漢衣冠九霄風
動射狐遠六月霜飛草樹寒日觀俯看人世隘天門北
望

帝廷寬省方獨有匡時畧
皇圖與泰安

封禪宮是天半亭陰陽變慙任山靈夕暉忽弄金銀色
暮靄翻成樓閣形遙望閭門足練白俯憐滄海一杯青
中霄紫翠煙嵐裏萬丈寒心見法星

嵯峨秦嶽出層空萬壑千山一徑通象緯平臨青帝觀
煙雲長繞碧霞宮雪濤夏湧三冬白海日晴搖五夜紅
秦碣漢臺俱在眼古今俯仰意無窮

十年不到秦山巔此日重登倍惘然秦樹摧殘今幾在
唐碑磨滅竟誰傳空餘墟宇臨丹壑不見青鸞駕紫煙
日暮高寒天路迥更於何處訪真詮

遊命事北
平人

登仙絕句十首

三皇頂每嘆苦塵喧無由脫塵網絕頂遂攀躋始知天
地廣

日觀峯盡樣湧金雨若堯破幽壤願將五夜觀天下同
瞻仰

漢封臺公宗自古武帝空赫赫鸞輿西入關苔蘚臺
中碧

平女池生托黃帝王道匹昊天妹靈泉馮方池恍忽鳴

玉珮

素簡

朝業如流

小雄圖似去雲誰知煨燼後淪落後

斯文

仙人

絕澗架危

獨不見仙人度海上幾時迴空使昔

人慕

捨身

開闢始天

地人生孰不死所惜不在身崖下多

豺豸

白雲洞

造化鍾靈

以茲洞深幾許不見青鸞回但見白

雲去

仙人

少負青雲想

今上青雲梯一入天門裏回首青

雲低

仙人

帝子去不

還大夫空自車日暮北風吹時向

沙丘泣

仙人

自天地開

奇觀塞帷障仙宗雲霞生絕澗河

溪沒孤峯

王女青

駕金泥白帝封悠悠皆幻想回首

但塵蹤

峻極

邈無際直登

上巔乾坤一覽小造化四時偏秦

碣風雲

斷屢書日

懸陵封禪稿空使後人憐

古公又作何人

攬纒板駟使觀風
日邊三山明海樹
足練淡吳烟對

酒惜餘興石橋基
仙
落中天門開峭壁
龍口掛蒼空雲

萬仞紅塵上一身
通臨危詎自愛
附隼擊長空

覆盤疑絕峯迴路
笑坐樓然久之再
陰陽恣

變化風雨忽相逢
以觀齊天勢無由
更倚筇溪垂千章

瀑雲掃萬年松長
入何處是兀坐對
愁容

王紹元二首

御史金溪人

驅車歷齊魯東望
玉女冬瞻彼泰山
岑五嶽專

名宗雲霓貫雪嶠
石磴縈叢叢東觀
掠扶桑西眺弱海

溶上有玉髓泉揚
英接空濛周流十
二亭中列蓋珠宮

秦松鬱蒼蒼漢柏
叅虬龍登封七十
帝效厥稱元功跡

福事已矣玉帛隨
颺風卓哉軒皇老
秘妙奪天工渴漱

沈瀝漿饑吸朝霞
紅一舉蹈虛郭年
與茲山同至道豈

遠而元命在厥躬
吾非斯人與浮世
徒忡忡 蕪宮珠

闕巒嵯峨門倚青
天掛碧蘿鎖斷羊
山環日月望窮千

里帶江河秦壇玉氣崇幽渺漢締金書射太和

昭代聖王皆舜禹喜無封事入山阿

孫應奎四首

左布政
餘姚人

河清無

命報代宗獲與陪祀禮成而返作皇嶽

少慕五嶽遊夢寐亦勞止馳驅三十年俯身登闕里是
時河始翕顯佑歸帝社撫臣肅恭命報禮虔裡祀
職事叨裸將對越靈孔邇嘗聞太平頂白日烟霧紫便
擬上天門峭立登封趾夜半扶桑紅獨觀天地始無端
西馬真搜憾遺理但見仰彌高磅礴大無涖影落滄

海平柱卓乾坤起所幸識渾淪萬有包含此因之思具
瞻四方入綱紀鄒魯世所宗秦漢蹟徒侈獻述明堂心
泥封茂陵耻聖治方唐虞東巡一道揆輯瑞合群工
護駕及泉水身參百官富瞻覩宗廟美勝遊豈姑待欲
速戒中毀吾志切有期響答谷神唯

欽命脩理岱廟因視工登嶽拾級登登上泰岑萬峯羅地

白雲深調琴澗落天河水積翠臺分月樹陰溥海縱觀
同物與中台成位兩間心更賓日馭開長夜獨倚高明
望孔林百王靈貺仰攸同香火當天有闕宮風雨歲

時行造化文章鄒魯破鴻濛齊居晚宿青霞上絳節朝
參紫氣中七十二君齊燮理網氣扶日盪遙空是日細雨多雲
氣 行盡丹梯逼上台白雲宮闕迥蓬萊弄丸夜色明
三島長嘯天聲動九垓江海東來看砥定乾坤平覽一
徘徊定應尼父登臨處只在高頭不用猜

魏良貴一首

按察使
新建人

登岱宗即事有述
披雲始見碧霞宮山含雨意嵐光動日射天門紫氣重
絕壁虛疑存漢蹟斷碑何處覓秦封憑高舉手運六合

宣父遺跡在眼中

岱宗靈秀翳龍從俯視東南百二

峯上界樓臺懸日月中天積翠削芙蓉登臨頓覺人寰
小呼吸真看帝座迴稽首明禋何所祝願言 聖壽此

山同

楊宗氣五首

按察使
陝西人

登泰嶽四首

予讀孟子善孔子登泰山而小天

下未常不起登天之嘆嘉靖庚戌竊參齊藩政迺春日
獲陟其巔俯瞰八埏洞觀六合形神飛越宇宙感空孔
子之見詎敢妄擬孟氏之言信不我誣既而甲寅乙卯

復再登眺覽勝探奇心愿頗足夫百年寄旅慨蓬梗之
飄遙幾度信觀感浮生之真遇敬擬鄙作用紀歲時
巍巍秦嶽鎮齊東此日登臨天地空西盡函關雲嶺直
東來海渤曉霞紅秦碑虛無凌霄上魯殿參差在眼中
時有幽人騎白鹿乘風便欲駕青驄

宦跡幾番登秦嶽明禋禮數剩瞻依始皇何日觀蓬海
御帳經年送落暉斷碣苔封新刻滿故宮形在昔人非
白雲孤鶴時來往我欲相邀一振衣

翠微雲頂天門迥碧海波搖野望明巖壑陰幽行鬼魅
芙蓉削出勝蓬瀛秋風御路 虛秦幄斜日封臺想漢旌
千古丹丘同日月何人從此領長生

一上巔崖眼便寬乾坤萬里坐中看封禪臺迥天光近
日觀峯迴海色闌覽勝果然天下小憑虛頓覺歲時寒
紫霄華蓋塵凡隔翻怪吾生行此難

日詣天靜古塔凌霄石徑幽世代文章留斷碣乾坤名
勝即丹丘却憐塵鞅遠僧定空對煙霞夜暮愁

裴紳七首

提學副使
蒲州人

泰山篇岱岳何崔嵬彷彿凌三台攀緣四十里望在白
雲堆下瞰青濛濛元氣蕩無垓日月懸雙闕照耀金銀
臺蒼松掛絕壁素鶴拂丹隈更上玉皇頂天風如欲催
烈烈無時歇雷雨爭喧騰聳身逼閶闔極目望蓬萊鳥
沒天仍遠雲昏晝不開中央見滄海光搖僅一杯雄哉
鎮萬古俯視盡柘壘真人冥冥樓茅龍偏見猜憶昔秦
皇帝求仙海上來羽衣落金節雄文空斷崖踵之有漢
武孟浪非仙胎徐氏載秦女樓船竟不回羨門何處是
丹丘安在哉乃識翠華晏終令黃竹哀我來極覽眺竟

日而徘徊因之嘆往事荒唐不可裁沉吟殊未已探討
惜難該短述謝山靈竒慙作賦材登泰嶽三十六盤何
嶮巖曉來登眺自忘疲眼着山頂疑無路身在雲端不
自知嬴氏五松寧故物唐人千仞有磨碑古今興廢只
常事金簡玉函亦太奇 詰旦肩輿度逶迤陰晴變化
亦堪奇登高更眺仙人掌覽勝還過玉女池雲裏頻穿
雙袖濕峯頭一覽萬山卑天門長嘯仍回首萬里清風
向我披**祀嶽**皇帝二十有二春撫臣將命祀嶽神
懷宗仰體綸旨重文告驚看御墨新縹緲香雲團紫蓋

喧闐笙磬落高曼泉臣對越情無極願祝洪禧及兆民
題靈巖千佛古寺環山碧此日登臨愜所聞瑞鶴千年
 巢寶樹靈泉一派洗塵氛達摩泛海袈裟在支道開山
 世界分遙望翠微僧舍通鍾聲朝暮下白雲 再度苦
 提境於時春又深眾峰攢寶刹一徑步雲林坐愛松蘿
 色時欣鍾磬音上乘如可得早晚欲相尋 林霽山門
 合峯迴徑路分岩堯連岱麓清淨出人群法雨來空界
 是日微雨天花散貝文時方夏草切鉢底望風雲

王教二首 副使華亭人

泰山 泰山之高何奇哉三十六盤路縈迴金烏半夜

海底浴碧桃千樹池邊栽秦松漢柏供御帳金簡玉笈

餘經臺辨香春仲肅拜禮和風晴日天門開 冥冥元

氣壓洪濛太始還司造化功海宇區分杯掌視山形羅

列子孫同宣尼此日曾開睫在叟何年識御風七十二

君空故事 聖朝崇正禮偏隆 **望靈巖** 重巖延代華古

刹隱峯環一勺靈泉爽十年寶樹香袈裟看化鐵日葉

謁忘洋 是寺經卷藏獨多 欲借東林宿蒲團意頗長

奉朝宗二首 副使賓州人

登泰山岱宗奇峭倚天東
用府封題禮數崇齊魯地偏
形獨勝古今時異仰皆同
荒臺人指秦皇碣幽壑松蟠
宋帝宮幾欲尋源渾未識
凭高萬里御長風
登日觀
天風不落地半是泰山遶
足底雲生處平看晚日斜

俞憲一首參議無錫人

泰山真面目迴絕使人懼
古今稱岱宗溝塗分汶水
丘垤俯群峰晴蓋時沾雨
風雲屢盪習乾坤歸壯麗
臺殿入春容指顧青齊小
迴看鄒魯重荒碑秦代蹟
廢時漢人蹤仰止訓初服
登臨逼晚鍾幸逢 恭巳日
無復議

東封

趙勳五首僉事番馬人

登泰山奇峰高處白雲邊
雄蓋乾坤毓聖賢蓬島烟靈
擅東服上青真氣住金天
虞巡柴望裡宗古周狩明堂
禮意虔獨怪漢秦封禪冊
玉簽金篋忽塵篇 南天陡
壁望中迷絳節冲霄上玉梯
手掬銀河寰宇小身連牛
斗太虛低朝叅止許徂徠
近襟帶曾無海岳齊勿訝文
媧空着脚補天今我亦招提
謁至文廟際天朱閣動璣
琳龍口泉飛百尺深煙竈有
丹留妙訣碧霞無計換清

陰靈光返照芙蓉色烟境空存羽翰首沉璧未緣誇慶
曆憑虛瞻對肅冠簪大夫松蓬瀛蒼翠冠天門千古
名封澤尚存青帝五雲開御帳玉皇仙地種靈根霜侵
月影來丹鶴鴈畫秋空隱白猿躡足龍盤回首望鬱然
惟爾共乾坤金月月明道士靈巖來夜半重登封禪
臺銀漢中天看斗北金波浮影報暘回火山乍見焚東
海曦馭俄驚耀上台萬里朱光呈瑞氣赤霞紅漲望中
開

曹金四首

僉事祥符人

雨後朝暉靜嶽壇百年臨眺屬春殘初經帝帳方
壺曉漸入天門宇宙寬雙引管簫通玉闕徧尋封禪倚
雲磐蓬室古寺清尊晚看竹吟風興未闌 五嶽嶙峋
五氣橫東皇開闢自蒼精根盤海窟窮三島壁立天樞
建一擎石金雲封秦處士蕭鄉臺謝魯桓卿丘陵雅曲
人難和小魯峰前春望平 霜節凌煙坐翠微翛然恍
與世相遠數聲清磬飄何處幾片閑雲照客衣玉女池
連春草動倦人鶴傍彩霞飛齊巒惟許山僧住一任鶯
花對落暉危崖幾萬仞捐命亦何爲汨水江邊

樹清風嶺上祠前身應髮髮後事竟阿誰幻業千年障
空餘白骨知

李遷一首

知府新
建人

遊靈巖寺芳春再上靈巖寺拙吏乘閒便勝遊萬壑烟

霞塵外賞三齊風物望中收泉分石溜雙鳴鶴泉名
雙鶴樹

隱金沙並結虬却恨此生多世諦上方徒羨未能留

項守禮二首

知府
奉

登嶽人詩起松濤羊腸鴉背盤盤曲龍口天門節節高過化樓前

懶往替登封臺上慨先朝何當拋却塵寰慮乘興重來

不憚勞欠待御吳堯山公韻萬仞嵯峨倚碧天好風送

我到山顛彈丸赤縣微茫外杯勺黃河縹緲間南望白

雲凝暮靄東瞻紅日帶晴煙十洲島應非遠海上何

勞漫覓仙

朱應奎一首

知府
丹

登泰山我昔曾過泰岳前未暇登眺卽言還豈獨山靈

笑我俗勝事相孤亦悵然今日重來須縱目攬衣直上

山之巔不妨舉手近天日但教穩步渡雲烟天仙地迥

碧霞繞日觀臺高紫氣聯隱隱尤可辨岡嶺茫茫何處
覓桑田身跡恍如塵世外光景疑為混沌先更欲憑虛
何所往人生卽此是登仙

陳中二首

知府汚
陽人

遊泰山宿碧霞宮公館遊覽乘間過岱宗躋攀曲蹬幾
千重未從絕頂耽清興已聽群山度晚鍾寒夜暫將丹
竈訪洞門詎許白雲封悠然借宿石床月肯數華陽第
二峰次早登泰山絕頂起望山頭宿霧籠行行指點借
山翁雲移宮觀千門曉路入峰巒絕頂通圖畫天開留

一笑談聲劇逼層空從來登眺知多少悟道何人第

一功

林悅一首

府同知
太平人

登泰山泰嶽從來紀勝遊乾坤雲物望中收天門俯瞰
群峰碧日觀遙瞻一鏡浮封禪碑空往事巡行御帳
浪傳留古今多少興亡跡獨有山靈總未休

王乾元一首

府同知
黃鶴人

御帳古松山盤御帳此穹窿五樹秦松倚碧空漢闕唐
宮成寂寂洞雲溥雨尚濛濛蒼烟繚亂秋霜淡黛影婆

崑崙日紅意扣玄玄尋大藥茯苓根外種還童

邵濬六首

長史太
平人

遊泰山

遙望天門碧落間懸崖絕壁苦躋攀秦封松樹

斜侵路漢紀雲氛書出山東海日華開遠睫長安風景

逼頽頽近天一步無高處看盡奇觀薄暮還遊靈巖人

說此山多勝槩我來雙脚倦登遊肩輿繞出諸天外清

樂平臨萬壑幽聽鳥忽疑雙鶴叫凌霄獨上五花樓何

時淨把塵心洗坐石長吟竄上頭鐵袈裟朗公獨立東

山頭袈裟委地無人收猶有山僧說遺跡也留一字記

春秋曰露泉味高過數廬山水今日初聞甘露泉便取

龍團烹楚竹清風兩腋散茶烟石龜巖山僧五百一時

來龜飽靈泉口白開今日僧稀泉亦涸空留頑石委蒼

苔飛錫泉何人飛錫始開山法定禪師在此間下有靈

泉堪洗杖又驚化作老龍還

馬應禎一首

通判孟
津人

登岳嶺岳代嶽古來傳今日登臨勢果然竄竄雲烟生

足下莫於此外更求天

陳龍一首

學正甫
田人

登泰山散步東山第一崧盤旋巖嶠意深猶窮水簾澗落
千層雨御帳松號萬壑風浩蕩六門名表入飄飄仙子
許誰逢寅賓石上觀滄海俄吐輪光挂太空

林宇中一首

教諭雙州人

登岱崑崙一脈東崧嶠卑寰宇玉柱挺層霄瓊樓石磴
瑤臺鞭虵六龍鯤浪崩群鮪鱗鱗虬松阿芬芬蓬島圃
清流瀑布幾洞捲珠簾雨峯丈擁星杓虹梁浸山莽金
函石室苔土女天池儂我欲往從之烟霞隔岩苦徐徐
步絕巔若已天孫暗宿月惕晨翼風拂衣樓東沮灑

火鳥類浴沾塵羽飛奮軌瑾空群陰歛無許山矣亦有
知逐逐金輪昨况此肖形人戈揮日旋午願讀松高篇
年年降申甫

方元煥三首

舉人臨清人

登岳東岳嶢嶢迴碧落千巖萬壑畫陰陰雲霞土殿龍

文合風雨金函蚬氣沉松桂淨依三日榻登臨延寄十
年心壯遊不負追司馬禹穴龍門意更深 午月肩輿
板石徑火雲曷曷散諸天五松高倚仙人杖三觀寒飛
玉女泉登閣南蒸溟海氣胡塵西動鴈門烟不堪絕頂

頻回首莫使浮雲起日邊登傲來山岱宗西望堪乘興
五馬逢迎一舉杯蘿徑高探盆子寒竹林深護遠公臺
雲開野屋空中出風起山花水上來漫說武陵能避俗
人間此地亦蓬萊

蘇澹一首

舉人濮州人

登岱岳平生湖海原無二瀾覽勝今登第一山夾道濃醺
楓葉赤垂若倒染菊化斑九州禹貢微茫外千里堯封
指顧間星斗瞻依真咫尺夜溪環珮響珊珊

王子謙一首

舉人天津人

登嶺南曉凭危竦迥高寒俯瞰溟濛宇宙宮方爰亂
雲填萬壑忽驚急雨尖群巒平生自謂凌虛易到此翻
歌行路難辛有古碑秦漢在剔磨苔蘚縱奇觀晚風
翕習撼翠微曉雨霖霖濕人衣陰崖萬古自辟立懸瀑
濺石時驚飛燒香野谷猶攀薦獻余山人應掩扉為頌
風伯掃雲霧欲放新晴趁晚歸

馬森二首

左布政福建人

登岱岳五嶽由來獨岱宗層巒雜樹翠垂濃盤迴石磴天
門道縹緲烟霞日觀峰巨鎮已標存拜典斷碑何事數

秦封及臨不盡高山意尼父當年有故蹤宿在頂道亭
碧霞宮畔小幽居雲外山低若太虛玉女池中泉最潔
丈人峰上雪偏疏坐看浮靄渾成幻睡覺清直更寂如
夜半四空無色界月明正好入階除

劉壘六首

按察使
唐縣人

岱嶽登望嘗聞東嶽峻今上最高峰吳楚蒼茫外燕齊
指顧中罡風時振袂灑氣忽橫空不道塵寰迥翻疑僊
界通石竇穿青嶂仙橋駕碧虛具教皆培塿汶泗漫
縈紆樹色浮翠遠泉聲落澗徐彩雲天外下彷彿見霞

記

宋

洪邁卷之九十一應劭漢官儀載建武封禪事每稱天子為

國家其叙山勢峭險登陟勞困之狀極工予嘗誦之其
畧云是朝上山騎行往往道峻峭下騎步牽馬乍步乍
騎且相半至中觀留馬仰望天關如從谷底仰觀抗峯
其為高也如視浮雲其峻也石壁窅窳如無道徑遙望
其人端如行朽兀或為白石或如雪久之白者移過樹
乃知是人也殊不可上四布僵臥石上亦賴齎酒脯處

處有泉水復勉強相將行到天關自謂已至也問道中
人言尚十餘里其道旁山脅仰視巖石松樹鬱鬱蒼蒼
若在雲中俛視谿谷碌碌不可見丈尺直上七里賴其
羊腸逶迤名曰環道往往絙索可得而登也兩從者扶
掖前人相牽後人見前人履底前人見後人頂如畫重
累人初上此道行十餘步一休稍疲咽脣焦五六步一
休牒牒遽頓地不避燥濕前有燥地目視而兩脚不通
又云封畢詔百官以次下國家隨後明日太醫令問起
居國家云昨上下山欲行迫前人欲休則後人所蹈道

峻危險國家不勞入云東山名曰日觀雞一鳴特見日
欲出三文所秦觀者日望見長安吳觀並有望見會稽周觀
者望見高山凡記文之工悉如此而主小嘗見稱在昔賢
秦吳周三觀亦用之者今應劭書曰脫畧惟劉昭補
注東漢志僅有之亦非全篇也

邵伯温問見客云昔罷兌曹與一二友祠岱岳因登絕
頂行四十里宿野人之廬前有樂竈地多鬼前大麻玄
參之類將五鼓初各仗策而東僅一二里至太平頂叢
木中有真宗東封壇遺址擁褐而坐以伺日出久之星

斗漸稀東望如平地天際已明其下則暗又久之明處
有山數峯如臥牛車蓋之狀星斗盡不見其下尚暗初
意日當自明處出又久之自大暗中日輪湧出正紅色
騰起數十丈半至明處却半有光全至明處却全有光
其下亦尚暗日漸高漸變色度五鼓三四點也經真廟
帳宿之地石上方柱窠甚多又經龍口泉大石有罅如
龍哆其口水自中出又經天門十八盤峯尤秀聳北眺
青齊諸山可指數信天下偉觀也

龔慶守錢伯言遊覽記宣和己亥九月二十四日回奉玉

言至秦符催視岳祠後一月日言至自究明日具香燭
以告上旨已而罷醮于會真宮獨登瑞雲亭早飯于行
館遂同令寇庠丞呂光問祠官曹欽承萊蕪令韓僖道
士蘇彥弼謁岱岳觀留連池上復自金母洞過青帝觀
觀文僖丞相遺刻遂遊白龍潭真御苑王芽於水中愛
其泉石之勝迺相與策杖散步還過雞籠峰始復肩輿
躬走社首山視禪壇訪遺迹晚入乾元觀小飯翠陰亭
而歸

元

社仁傑撰東平張宣慰使張公治河東有異政考爲天
宿儒宣撫十道公首與其選公治河東有異政考爲天
下最最上親召勞以卮酒至以字呼朝野榮之越四年
上復命公爲東平宣慰使嘗曰曲阜是夫子之庭泰山
爲中原神岳皆在境下所當親祀以至元重九前三日
辦嚴以行由沂州門出時天宇晦冥翌日至林廟拜三
聖墓雨氣猶未艾信宿抵岳祠明旦登西華門雲則載
陰載陽雨則間作間止咫尺三觀在墨潑染間刹那千
百其變公謂所親曰登頂之約蓋不敢定苟晴矣乃行

否則恐勞而人旣而五鼓將作陰爲之解馭三唱未終
星爲之芒錯于是州刺吏張汝霖奉符令張佺司戶王
天挺及從者三百指具一有輿輦公而上已而過黃峴館
於護駕泉次御帳少憩去天門猶不遯十五里路漸隘
林樹四合就其鑄望之天光凝碧如紺珠薄暮至絕頂
由東以望見山影黝黑偃臥無際頃觀李斯碑僅得數
字其餘漫不可識下自登封壇皆歷代磨崖亦復剝裂
惟唐明皇御製紀泰山銘其字大如椀深幾寸泥金錯
落猶有存者日沒少頃寒氣已逼人如仲冬時從者燎

新園坐以待旦參前中公起步自玉文池登日觀峯六合蹇開肅然無纖滓待蒸蒸時東方曉曉乍離乍合
曙日露其半恍然如入無量金世界中凡在行者莫不
嘆詫及迴又得西影直抵昧谷若與崑崙爭長雄公輒
奮髯驚叫曰吾此行凡三見岱宗面目吾願足矣噫予
自壬辰北渡三十餘年凡九來未嘗覩此奇事雖欲勿
紀得乎古者有天人之辯謂人無所不至惟天不容僞
真知言哉公純誠人也蓋無往而不協無動而不言無
禱而不應是行之異乃一節耳雖然天下之事固有避

迨相合者多矣昔衛旱伐邢師興而雨或者謂適與雨
會則非也此特純歸之天烏在所謂由人乎哉至於揮
劍成河變晝為夜或有此理如韓吏部開衡山之雲蘇
端明借海藏之春皆我輩之餘事安用詫為因公此來
書諸石以示來者

奉高王禎書
刻延禧殿前

國朝

尚書喬宇序
比歲山東饑亢旱千里水泉枯涸運道阻
艱上特遣守祭岳東岳鎮東海諸神入境之日即大
霖雨齊魯之地皆霑足祭之日前後又復雨仰思岳神

靈異益虔代祀之禮祀畢乃登絕頂入山之初望之若
近愈上愈不能到蓋重岡蔽其前巨壑偃其下近雖不
露其高而遠則見之道屈曲而上凡五十餘盤經大小
天門東西巖上秦觀越觀峰謁碧霞祠觀始皇封禪碑
超然四望了無限開下視群峰若培塿在地白雲起自
半山間倏忽隱見變化滅沒莫知其處謂之曰小天下
信其然矣

翰林編脩李學詩登岱宗記畧嗟乎山一也未登仰之彌
高既登則高者復下既下則下者復高峯巒殊而烟霞

叅議尚綱記成化丙午春藩臬將巡行郡邑余
與少叅蓋晉王君世用憲命淇水劉君廷珪天台潘君
應昌約日偕行乃以正月丁卯發濟南余與世用向夕
宿靈巖寺戊辰抵泰安州巳巳廷珪應昌皆來庚午黎

泰山志卷之三
明詣草叅亭拜東岳祠遂肩輿出城北行五里及泰山之麓由紅門路過高老橋傍有水簾洞洞左爲巖巖亭少憩經馬棚崖回馬嶺路漸陡峻再行至黃峴嶺陟嶺東下徑路平坦俗謂之快活三延轉而上及御帳蓋宋真宗駐蹕之所蜿蜒而上歷十八盤至南天門東北行二里及昭真宮詔碧霞元君由宮後稍北有東岳神祠祠陰刻唐開元磨崖碑遂上登封臺有玉帝殿前建石表高丈餘或云秦之無字碑復轉東南至日觀峯舍身崖在峯之下西望則有月觀秦觀諸峯北望則有獅鵝

鵝鴿二崖若西南之丈人峯東南之徂徠山尤其秀拔其青嵐鴈飛二嶺鳥蹄桃花二峪與東西二神霄山大小二懸石蛇仙巖明月嶂龜陰埠楊老園皆在指顧間而下瞰汶洋二河如拖練耳人云秋氣騎肅可以見海余與世用廷珪應昌酌於昭真宮之別室再酌於巖巖亭酒力微醺夕陽欲墜神思飛爽飄然跨滄真凌宇宙之氣槩也山下有呂巖洞王母池白鶴泉則以薄晚不能及其他峯崖林壑幽邃之地佳景尚多不能悉記辛未出城之西門禮玉女殿即宋天書觀遂至高里山探

鬼仙洞令道士執燭以往陰氣侵人不可深入時廷珪
有事於東克余有事於青萊應昌將校士於他郡獨世
用分治泰安乃布席張樂為予三人者餞別歡飲竟夕
而罷夫登覽古今樂事也泰山天下奇觀也四人同遊
藩臬和德也不可不記勝地不常盛筵難再繼此而復
來遊者亦將以興慨慕追三辰月云耳

是碑在巖巖亭嘉
清九年崇陵子題

其旁曰方豪由泰山絕頂一題觀尚少參遊記山川如故
英烈何存快哉傷哉後十一年方子之友見之則又如

方子之悲
悲方子也

督學按察僉事葉份題石刻觀海二字昔顏柳以善書鳴

唐至今稱之必曰顏筋柳骨然魯公以忠烈顯公權以
正諫著炳琅宇宙豈徒以其書邪心齋張公曩為御史
守關武皇北狩抗疏回鑾風采凝然匹休往哲平生究
心字學尤善天書當其濡毫伸紙氣定神閒得心應手
端嚴遒勁蓋有出于顏柳筋骨之外者然世方以茂節
高勳占公大受而游情緒墨公固以為藝成而下矣頃
者公書觀海二字鑄諸泰山之崖其字畫之妙如吾
前所云噫字心畫也公宋中肆外惟變所適克所至焉
海岱爭崇深可也然亦有巖巖氣象而難於為水者邪

右稱心齋人品氣節固宜但過許書法
優於顏柳則謬矣賞鑑家當自知之

郡判姚奎遊石屋記秦山東數里許有石屋世傳碧霞元

君煉真之所予公暇欲往觀焉從者曰徑隘不可輿適
易服帽貂以膏帶結腰短策芒屨命道士劉教弘為前
導行三四里無復蹊徑披蒙首攀巉巖僂僂而上愈進
愈險下瞰巔崖驚汗浹背又三里盤旋轉一岡而石屋
在望矣有羽士四人癯然而迂予青松絕壑間前牽後
擁迺獲濟焉矐目縱眺上有削鐵奇峯千朵前有夷地
可半畝入其中窈然而深朗然而虛明石竇涓涓凝結

玉柱大十圍高丈餘晶瑩可鑒巖有元君手印玉指宛
然後有石床則元君偃息處左偏一竅透絕頂頂有石
樓可坐三四人冰滑不能升踏攀數級登而下力疲臥石
床毛骨洒洒旁有聖水池清冽而甘不盈不涸下有石
曰牛心甚奇在穴下有流鶴灣深不可測一鶴鳴于上
似與人聲相應和寔真仙境界與塵寰迥絕人之遊秦
山者每以道左日窮焉畫於斯罕到孰知石屋之多奇
迺爾哉石屋於予惜乎遇之晚也嗟夫世之豪傑士固
有終身未之遇者遇矣而晚矣病焉道左日窮以下全用抗之石屋志文

泰山記 泰山絕頂有神祠

泰安學正李銘撰述 曰天仙王女碧霞元君岱岳毓神上通乾象英靈不應
理或然也遠近持辦香燭福於神者有歷載擊歲常數
十萬人至則羅拜歡呼競以財獻動數百萬計臺憲藩
臬俸廩餼幣凡百經用或於茲焉取給而征歛不及於
民凋瘵之餘賴以蘇息益國裕民關繫於此詎可主之
非人耶嘉靖乙酉無按藩司精選州縣廉能官分掌厥
務特東昌別駕雪漁姚先生膺總巡之選先生曰利權
俗吏事也吾人視之當如鴆毒豈容毫縷自污乃集百

執事顧神誓戒俾竭乃心綜理微密覬覦者不得逞其
奸寸鏹縷絲罔或遺漏始于是冬孟月踰年季春之十
日計收金銀錢幣畜產約二萬緡珠玉袍襜弗與也視
往歲加增三之一籍上藩司以備歲用先生廉恕立法
嚴而不苛御下峻而尚簡待士恭而能愛總巡餘半載
養餼一取於家東昌俸全數驛取之以贍貧士其官給
廩錢則易芻豆俾飼官馬損已利物常情所不堪先生
不以爲難也泰山之巔曾巒百餘丈俗號舍身崖有爲
匹婦之諒者輒矢於神自投以殞流俗以爲壯烈先生

嚴禁諭遺之快活三路平而隘下有深崖險甚夜行失
足而傷亡者屢矣先生相俸植木欄自是全活者衆臺
臬諸司委以訟牒斷決如流附城爲客邸者數百家前
此嘗科斂之先生曰蝸涎自涸顧欲漁獵之耶吾不忍
也鄉老鄒瑀輩將鐫石以振勵後人屬僕以記先生海
虞人名奎學博辭昌曾未數月著泰山紀行累數千言
泰安名士李文瀚馬載道高民悅諸賢相與倡和顧僕
謏陋員彰欣美擊秦缶以爲韶天有遺音者矣勉書以
貽之

嘉靖
五年

郡判高誨通志泰山記泰山在州治北高四萬餘尺延袤幾
二百里名峯七十有二其嶠屹列巘森然而供參者弗
可勝紀古爲東鎮天下之山莫高焉予往歲借計上春
官取道登謁時甚寒倉卒以未獲盡觀奇勝爲恨嘉靖
壬午冬予由青城轉東萊司馬臺檄督岱宗事癸未春
三月六日肩輿出自北城門踰小橋二里道左右亂石
綦布近麓有廟祀池館俱壯麗左有老栢數株相傳漢
武帝東封時所植也又一里至紅門跨道爲飛雲閣道
傍爲更衣亭楔扁曰宗岳循溪產天麻黃精諸藥土人

負筐采之又五里至高老橋有漢壽亭侯祠祠前桃李始華稍前爲木簾洞泉自天紳巖出飛流垂練聽之泠泠然下有小石橋通泉于溪左爲巖巖亭登之畢見景物又四里至馬棚崖稍前爲回馬嶺山石漸峻且奇林木亦幽邃溪崖有椒有梅杏櫻桃山居者資以爲利又五里至黃峴嶺西行折東北上而復下又西行折東北則下而復上雖屈曲下上率坦易凡三以里計亦三道人疲于峻陟至是舒快名曰快活三古風西掖有竹筴茂又五里至御帳宋真宗駐蹕之所五松高數丈秦皇

避雨其下封大夫云竹林僧獻松花餅啖之香美復進甌茶問之曰東巖所產味亦清苦又五里至大小龍口兩山懸削水從石峽噴瀉上有古松偃仰若蟠虬然又五里至十八盤崖間楸榭野棠山榴彌桃或花或實石磴齒齒倚空仰視似有不可至者乃僂僂攀援以上盤蓋至峽口高處石門題曰南天門有二靈廟又東北二里爲元君祠左側石方池曰玉女泉一名聖水甘寒清冽汲以烹茗味可比浮槎龍泉又東北至岳神祠祠後有唐磨崖碑二一爲開元紀泰山銘一爲乾封朝覲頌

側多古人題詠辭餽不可讀又北上至絕頂有玉帝祠
祠前石表丈餘一名秦王無字碑又東南行至日觀峯
入云雞鳴時見日出有石函方丈許人云成化間雨水
衝决得玉檢以獻命中使登舊所即此峯之西巍然而
突出者秦觀峯也稍南而獨見者越觀峯也峯之下壁
立萬仞者含身崖也崖之右則試心石仙人橋也延竚
四望滄溟東圻河流天傾而汶水湯湯祗環一綫西南
萬山伏地殆如米撮惟徂徠尼父僅露脊可指耳近顧
諸峯若丈人若回鴈若蓮花若明月若東西神霄雲烟

相盪執若爭雄其不能以一峯名而附之以見者如拱
如揖凜然有變變聽命之狀真竒觀也予始至瘦石嶙
峴剛風怒嘯溪竹崖松宜雪宜月其充足聽聞者樵斧
之聲與空峒應谷旣而鳥鳴花麗萬谷皆春泉香可啜
蔬美可饌山容于是乎忻忻然而人亦得以樂之至於
溪雲出沒而陰晴變化于立談之頃此又造物者之翕
張而莫知其所以然也夫山之景象竒于冬麗于春而
遊人或拘于時止于暫予以公事久于斯而又頻于下
上則夫山之情狀景之變態古人遊豫登眺之迹靡不

襲其芳而踵之茲遊也可不謂獨勝乎書以紀歲月

會事書鰲九日登岱記嘉靖乙巳夏予以防秋董成德州

九月朔聞侍御南渠黃公東巡既過由沂而北歷兗濟
以至泰安予迎而侍之適未至而重陽且屆期焉刺史
仲言永曰九日登高舊事也請追之予然而告之曰九
日天之勝也凡一丘一阜皆足以記時今泰山地之勝
也自古封而禪之凡得以躡其巔者皆足以齒壯遊予
聞庶也乃逢是日而獲登之顧不勝與於是改制登山
之輿詰旦爰登而刺史從焉窮其所至山中古今所傳

前人之述備矣惟是日也天朗氣清金風載爽坐玉皇
之頂撫汶字之碑則見聯絃岳鎮翼我皇圖黃河控

秦吳之盛覽崑崙之觀廓如也既而日忽忽其將

暮景翳翳以偕入百靈萬籟之噓作焉吾馮而夷猶之

心曠神怡景物偕融灑氣同流若有以揖太乙而參之

焉者不敢以荒也退而就館舍日復躡日觀峯則見心

房之野味爽肫明黑雲驅而上浮黃雲擁而下升朦朧

掩靄之間忽有點若朱丹若火焰破重霧而耀紅光奇

觀也洎更而半出雲間則天明景藏予且歸矣歸而下

歷水簾洞聞其東有石經爲王右軍所筆但山峻峪深
不可以行耳乃息有輿攀緣而上杖屨而下則見盤石
若礪大書蒼拙體在而神思飛逸歷千萬載爛然與天
文上下日相昭回鬼神呵護之功哉聞有爲巔石落而
破壞者有爲水浸溜而就平者豈造化亦有所忌也與
世傳真草小書與此大相迥別或疑其未必出諸右軍
云旣而西訪竹林禪刹無以觀也惟有所由之塔則恍
若山陰蘭亭之狀泉落百丈之崖若拖練而下爲齋湯
子題曰瀑布淵深白龍之池零則取水迎而禱之予題

曰霖原細流屈曲而出可以浮觴夾流獨石可以盤坐
溪山掩映嵐光沈澹可以題詠又出而磐石橫亘撐若
白壁方之經石爲小聞有前人之作求之弗得則天又
且暮而歸惘惘然有未盡之懷也吾徒眷元劉一桂者
知其處且携巨榻之以獻乃元初天曆間辟世之士之
所作也噫予南人獲遊上國最晚信宿盡得天地古今
之勝豈非遇與刺史君曰九日登泰山閱諸編帙未之
前覩也可以無紀乎遂記之又爲之詞曰泰山兮崔嵬
九日兮凄清登絕頂兮龍從乘天風兮震驚雜芳氛兮

陸離飲菊酒兮酩酊追遺踪兮不可見問太空兮冥冥

泰安州知州鄭聚東校補

學正陳寵

訓導盧楓

新泰縣教諭林宇中校正

生員劉洋 侯貴

尹鳳儀

李汝往同校

泰山志卷之三終

泰山志卷之四

明監察御史樊吳伯朋裁定

山東按察司僉事梁曹金校訂

順天府儒學訓導欵汪子卿編

岳治

岳治何州治之在岳也夫經以四岳名官吏以泰山省郡志岳而必以治言亦經史之遺意耳是故書因革以見古今官僚以重保登學校以崇教化城池以戒不虞公署以重臺省而又星野以觀天文封疆以察地利賦

貢以共經費凡以速政而求治之道也守岳者覽之則
二典所咨十二牧允元之意庶乎其有得矣

博州在博春秋時為魯地後屬齊為博邑秦為奉高博二

縣屬秦郡漢為奉高博二縣屬泰山郡東漢晉因之

魏因之元魏改博為博平與奉高仍屬泰山郡

隋開皇六年改奉高曰岱山十六年改博平曰汶陽尋

改曰博城大業仍以岱山屬魯郡唐武德五年於縣置

東萊州貞觀元年州廢省梁父嬴肥城岱山四縣入博

城乾封元年更名乾封總章元年又曰博城神龍元年

復曰乾封屬兗州魯郡開寶五年移乾封於岱岳鎮

即今治城南大中祥符元年改曰奉符屬襲慶州此上以

又通志考政和八年改兗州為襲慶府岳麓升元觀石

刻政和八年六月尚書省勅州內書兗州泰寧軍奉符

縣而不書襲慶宣和己亥石刻書襲慶初為泰安軍

大定二十三年陞為州領奉符萊蕪新泰三縣屬東

平路正元五年析隸省部領縣四視金增長清

洪武元年省奉符入州割長清與州並隸濟南府

九十有七東隅保西隅保北隅保南隅保西南保羊樓
保封樂保已上附郭禹村保萬塔保沈村保茨城保申
村保良南保房村保柳里保薛庄保已上在州東南
賢鄉汶河保東蘇保南送保樂任保嘉店保西進保西

牛保武庄保儀村保已上在州西南汶河鄉梁庄保白
塔保石來保南望保羊舍保西望保古城保山羊保力
里保已上在州東南紫源鄉大吳保舊縣保山口保北
仇保東于保南留保西諸保北望保顏張保已上在
南云亭鄉清泉保延東保下村保趙庄保謝村保南村
保新興保牛山保栗林保已上在州東石泉鄉淳于保
官庄保華上保顏謝保香城保張候保東向保西于保
上望保已上在州西南安牛鄉東史保下張保柳林保
崔村保西徐保磚舍保次河保三史保過村保已上在
州西南運河鄉田村保黃前保故縣保百送保苗庄保
柴城保祝陽保宮里保西界保已上在州東南堯山鄉
杜村保濟河保河海保新村保南仇保雙村保汶西保
魚池保孝門保已上在州西南城鄉保雙封保角峪保
山陰保張留保新店保石碑保曲溝保西張保田庄保
已上在州領縣二初泰編里二萊蕪編里四
東石碑鄉

州官五員知州一方古之侯牧同知一其職兵籍判官

二田賦馬政各有司存吏目一

校

儒學在州治東其制前廟

中正殿東西兩廡前泮宮門及泮池西北啓聖祠西南宰

性所外後學

中明倫堂東西齋房號舍後敬一亭正北橋星門學正衙及訓導衙一東西訓導衙各一

創自宋開寶間金大定間知州徐偉重建 國朝洪武

元年同知陳文祐重修正統六年知州施守仁修建門

堂齋廡天順六年知州李琪重修增初書樓三楹

書舍三十楹未備者知州張玘繼成之成化十五年學

正任式移學路於廟東成化十八年知州賈宣增修又

於廟學之南立射圃亭三楹成化二十二年知州胡瑄

又市民地充拓學基遷殿廡堂齋於中稍北而深廣之
又立科貢題名二碑于堂之左右嘉靖十年知州李啟
重修嘉靖三十一年參議張日委本州同知馬斯蘭重
修其學官共四員學正一訓道二道德經術端模鈐範
厥責均焉

人情樸厚俗有儒學

馬端臨輿地考

去洙泗百餘里人好儒術

李謙文廟記

風俗淳朴而尚儉素

張從仁文廟記

國朝風化大行

習俗丕變士尚詩書民執常

業視昔益加美焉

李錦撰州志

州舊為土城築於金大定二

年久多崩圯如丘阜可危

池堙可塗嘉靖癸未臺省監正德辛未之患議設險守

國乃檄濟南通判王雲興版鋪為石城七里六十步堞

高而池深雄雩岳麓襟帶泮漆門四南曰乾封北曰登

封東曰靜封西曰望封

郡人馬經撰城記刻石登封門裏

近連年霖雨

城多崩壞嘉靖三十二年沂州兵備任希祖檄知州鄭

聚東重修之頗為完固

州堂具宮室志州南百武許為府館又百武為撫按行

臺臺之左越會真宮為按察司布政司稍南為分巡道

後又一分司右惟太僕寺一署州東北儒學後為馬廐

州西二百武為惠民藥局局之南為醫學學之西曰城

隍廟右為陰陽學均封門外四百武許為巡檢司今移置天

保又西百武為演武廳廳前有金虜穹碑僧正司在冥

福寺道正司在岱廟預備金在州治後漏澤園在城西

二里蓋倉儲以備凶荒以需餽餉有司切務也而漏澤

則周官掩骼之意王政不濇故得以附書之

晉天文志載魏太史令陳卓云泰山入角六度唐天文

志云降婁玄枵其神主於岱山宗歲星位焉宋中興天文

志載王奕云泰山入角十一一度馬端臨象緯考州郡躔

次及考范蠡張良譙周京房張衡諸葛孔明諸家星書

並同 按山東通志引晉書言循岱岳衆山之陰主虛

危循岱岳衆山之陽主婁胃引唐書言濟陰齊魯主心

房氏蓋我

朝清類分野據二書之說以定星野之次而通志因之夫

以心房氏言岱猶為近之乃若虛危北宿也婁胃西宿

也而可以東方言耶聞之易曰在天成象在地成形漢

書曰陰陽之精其本在地而上發於天要必有一定之

理而可以二三其說耶又按古天文圖書降婁魯分也

玄枵則吳越揚州之次也歲星十二歲周天非有定位而唐志云云圖復云云要亦所謂其神主依而非躔次之謂邪夫王者齊政本於璿璣不可不知而亦不易知也故今志以王奕馬端臨為正而餘則傳疑以候夫明於占步者究焉

注州境北越泰山之陰六十里曰仙臺嶺為歷城縣界南六十里抵汶河為寧陽泗水二縣界東越萊蕪百四十餘里為蒙陰縣界由萊蕪東北七十里抵杓山為淄川縣界西北七十里抵長城嶺為章丘縣界州西六十里

抵魚池為肥城縣界東南歲新泰二百餘里為泗費蒙陰三縣界西南百三十里一抵張城為東平州界西北四十里抵界首為長清縣界西南九十里抵罡城壩為寧陽縣界古之博平高平鉅平南城梁父蛇牟汶陽贏柴今皆為治內地也

洪武二十四年賦地五千五百八十頃五十六畝四分

三釐夏稅小麥八千九百七十六石二斗三升四合五勺絲綿三百一十二斤三兩五分七釐五毫秋糧

粟米二萬九百四十四石**成化十八年賦地五千九百六十五頃八**

十一畝二分肆釐夏稅小麥九千六百七石四斗四升四合七勺七抄絲綿三百三十五斤

九兩二錢三分一釐一毫秋糧粟米二萬
二千四百一十七石三斗七升一合一勺
歲額商稅及
課程鈔共二千二百七十四錠四貫一百八十八文歲額
貢活鹿二隻雜皮三百四十張鹿皮六十五張羴皮三十張山羊皮二百五張
綿羊皮一十張狐皮一十張
孳牧馬匹十八群共馬八百八十匹
兒馬一百七十六匹
驢馬七百四疋

治績

治績何治岳之良吏也志之何章往以興來也以績言
何治之實而功之著也夫古今岳牧而稱良者衆矣而
志何寥寥然書其尤焉爾矣蓋匪績弗書匪著弗信匪

績匪著而稱良焉郡乘有之茲故可略也書一以勸萬
也夫章往以興來史之法也書一以勸萬法之要也夫
郡志者古列國之史也而岳有志焉史之變也又烏可
以例觀之哉

漢

陳俊南陽西鄂人建武中泰山太守行大將軍事張步連
結泰山群盜與俊戰於嬴俊大破之追至濟南克復諸
縣一郡始平定後遷瑯琊太守齊地素聞俊名入境盜
皆解散

李固漢中南鄭人順帝永和六年荊州刺史先是荊州盜起彌年特以固治荊固到荊遣吏勞問境內赦寇盜前釁與之更始於是賊衆自縛歸首固遣還相招半歲間餘黨悉降奏南陽太守高賜等賊穢賜等重賂梁董冀千里移檄而固持之愈急冀遂徙固爲泰山太守時泰山盜賊屯聚數年郡兵千人莫能誅討固到罷兵歸農但選留任戰者百餘人以恩信招綏之未踰年賊皆彌散

皇甫規桓帝時泰山太守先是泰山賊叔孫無忌寇郡縣中郎將宗資累征不克公車特徵拜規守泰山規到廣設方畧寇虜悉平

苑康泰山太守先是郡多豪猾康嚴教令人莫敢犯以事忤常侍侯覽誣罪徙日南泰山民詣闕訟其寃詔許還郡

韓韶潁川人靈帝時泰山賊公孫舉僞號數年守令莫能制及韶爲嬴長賊聞其賢相戒不入境流民入邑界者萬餘韶開倉賑之主者爭謂不可韶曰長活溝壑之人以此伏罪舍咲入地矣太守素知重之竟不以罪

涼茂昌邑人泰山太守先是郡中多盜民多散亡茂到郡
旬月襁負而至者千餘家

呂虔任城人泰山太守時郭祖等依山爲寇虔到郡廣布
恩信招降群盜簡其驍健者補戰士郡由是有精兵濟
南黃巾賊徐和等攻掠城池虔引兵擊破之曹操使督
青州諸郡兵討東萊群寇功遷騎都尉大在任十餘年
大著威惠無復寇患

晉

賈堅雋康帝時泰山太守爲民立小學丁與教化叛將荀羨

寇郡備逆戰死之

魏

申恬魏元嘉時泰山太守都督魯東平濟北三郡軍事威
惠並著吏民懷之

唐

常安石京兆萬年人任乾封尉累遷德州刺史政平而操
潔吏畏民懷

金

楊伯淵真定藁城人海陵時知泰安軍有惠政民刻石紀

思累遷山東東路轉運使正隆末群盜蜂起州郡往往
罹害獨濟南賴以生全

和安禮宣宗時知秦安軍貞祐初山東被兵或勸其遁去
安禮曰我去城誰與守豈可避難負國恩乎元兵至力
戰旬日城陷不屈而死

徒單緝世宗時秦安刺史以廉績著

董積躬青城人爲奉符令政平訟簡有古循吏風

元

趙王燕人也至元間爲奉符令有善政既去民勒石頌思

國朝

陳文佑潮潭人洪武初秦安同知擢知州八公勤廉慎擢守

湖州

熊以淵靖安縣人初任蕭山丞應求賢擢判杭州秩滿擢

守秦安廉靜寬平民懷撫字

李銳陝西蘭縣人登進士由刑部主事調判充擢守秦安

廉勤懋著未幾凶艱去吏民思之

陳以忠宛平縣人由進士守秦安爲政廉平有實德及民

歷七載擢戶部郎中累官布政使

高缺華亭人任泰安同知廉靜愛民卒無以為棺州民悲
慟聞於臺省遣官護其視歸

高嶼北京錦衣衛人登弘治壬戌進士以監察御史調新
鄉令正德辛未擢守泰安剛明沉毅抑豪橫招流亡視
民如子時劇盜劉六劉七楊虎齊彥明等各有衆數千
人橫行中原所過州縣殘破者十六七先是三月一日
賊破泰安城縱火荼毒州長貳以罪去四月嶼蒞政於
殘破之餘簡士卒設守禦示土城舊頽圯倉卒修繕莫能
堅完五月四日賊奄至城下移時去七月二日賊擁衆

攻城嶼督兵臨禦有驍賊號破城王率衆登城我兵少
却與怒罵曰平時食爾輩何為子先死職事爾輩能獨
生乎引刀自剄衆皆抱持曰願為公効死力鄧鳳等奮激
嘗勇殺破城王餘賊怖懾而退乘勝擊走之八月賊至
斬汶河嶼發兵擊之追及王兒莊斬七賊首十二月賊
復至城下知嶼有備遂去不復來矣嶼當大寇攻圍躬
探甲冑倥偬危急之時裁決機宜籌畫若素定無疾言
遽色後逾年擢都水郎中民鑄石頌功德尋擢濟南守
終山東按察副使子進登進士累官山西按察副使

戴經嘉興人舉鄉試正德戊寅守泰安不攜妻孥歷四
愛政公平無私恩重惜民財時

武廟將南巡其倅貳謂宜啟民以備經曰寧以身殉職弗
爲也性耿介不能阿順當路或多見忤致中傷論劾當
送部左遷遂棄官歸其之官時攜一篋歸裝如之未嘗
有所加先是省茶張達有捕盜功經取帑纒爲賞去之
日以俸金補纒達聞之持纒固辭帑人亦爭代補經皆
不聽至今州人曰戴公一私不行一錢不取蓋確論也
許應元錢塘人登嘉靖壬辰進士知泰安州以文章飾吏

事治先禮教有古良由入風先是泰安文士不振落莫四
秋榜元至思有以風之乃修拓泰山書院崇重先賢簡
拔諸才彥延名師教之時復親爲課藝磨濯不變白後
連舉鄉試者皆出其口節用愛民訟無冤滯有豪右不
法致訟賂顯官請託不聽竟杖殺之市賈有無故餽白
金者怒麾而出其他伺顏色者皆屏息無復敢以覬進
踰二年以優績調泰州累遷廣西副使泰安人至今稱
廉惠不能忘

人物

詩曰嵩岳降神生甫及申尼丘鄒嶧壤接泰山定生孔
孟萬世宗師而况泰安人才有弗鍾於岳靈者哉夫志
自漢魏而下氣節才猷道德經術班班可考乃若制科
獻士書之而無所擇焉雖古今品藻未易頡頏要亦彬
彬乎文獻之足徵矣至于虛儀內德經籍揚芬雖曰原
於風化而扶輿清淑無間剛柔故志以列女終焉

漢

王章字文卿泰山鉅平人家貧寄止人舍盜主人牛衣臥
主人見而答之後就學于京師以文學爲諫議大夫敢言

有聲累遷京兆尹草疏劾大將軍王鳳其妻止之曰汝
忘牛衣對泣時邪不從因遇害

羊陟字嗣祖泰山梁父人少有學行舉孝廉累遷冀州刺
史奏按貪濁所在肅然三遷尚書令時太尉張顯等與
宦豎相結姻私公行貨賂疏請罷黜薦前太尉劉寵司
隸校尉許冰幽州刺史楊熙涼州刺史劉恭益州刺史
龐文清亮在公宜舉升進帝嘉之拜河南尹計日受俸
常食乾飯茹菜禁制豪右京師憚之會黨事起免官禁
錮卒於家

羊續字興祖泰山平陽人祖使司隸校尉父儒爲太常續以功臣後累官南陽廬江二郡守討平黃巾諸寇其在南陽時丞獻生魚續受而懸之門以杜其後靈帝欲以續爲太尉時拜三公者皆輸東園禮錢三萬續乃坐使人舉緼袍示之曰臣之所有惟此而已左騶白之帝不悅故不登公位而徵爲太常未及行卒敕泰山守賻其家

二國

鮑信泰山平陽人少有大節靈帝時拜騎都尉知董卓必

爲亂勸袁紹擊董卓紹畏卓不敢發時曹操起兵信乃與弟韜以兵應表信行破虜將軍汴水之敗信被創韜死於陣勸操規大河之南以待袁紹之變後表爲濟北相黃巾賊入州界操擊之被圍於壽張信殊死戰以救操得濟圍出信遂沒

鮑勛字叔業信之子魏文帝爲太子時郭夫人弟有罪勛爲魏郡都尉治之文帝爲請不從及卽位勛數直諫帝益忿之後以非辜下廷尉鍾繇等請之不許竟殺之勛庶而能施死之日家無餘資

高堂隆字升平泰山平陽人高堂生後泰山太守薛悌命
爲督郵郡督軍與悌爭論名悌而呵之悌拔劍叱曰昔
魯元見侮仲尼歷階趙彈秦箏相如進缶臨臣名君義
之所討也督軍失色悌驚起止之後仕魏青龍中大治
廢舍及崇華殿災星孛淫雨之變隆皆據引經典上疏
切諫帝曰觀隆奏使朕懼哉又請改正朔易服色殊徽
號異器械帝從之遷光祿勳及卒帝嘆曰天不欲成吾
業邪高堂生舍我亡也

臧霸字宜高泰山華人父飛爲縣獄掾私殺人太守怒令

收械詣府霸年十八將客數十人而奪之與父亡命東
海以勇壯聞黃巾起霸從陶謙擊破之拜騎都尉謙操
表霸爲瑯琊相操在兗州以徐兪毛暉爲將後叛校霸
操語劉元德欲霸送二人首霸曰霸所以能自立者以
爲此也願爲之辭操聞而義之後討黃巾戰孫權累立
功封良城侯卒謚威

孫觀字仲臺泰山人與臧霸俱起討黃巾曹操破呂布使
霸招觀兄弟厚遇之征定青徐群盜功次於霸封都亭
侯兄康亦以功封列侯觀與操會南皮拜青州刺史從

征孫權於濡須口爲流矢所中力戰不顧操勞之曰將軍被創深重而猛氣益奮果不當爲國愛身乎轉振威將軍創甚卒子毓嗣累官青州刺史

羊琇字稚舒景獻皇后之從父弟也父耽官至太常兄尚書右僕射琇少舉郡計參鎮西鍾會軍事從平蜀及會謀反琇正言極諫還錫爵關內侯琇涉學有智笑少與武帝親狎每接延同席嘗謂帝曰若官曹見用任領護各十年帝戲而許之初帝未爲太子而聲論不及弟依文帝素惡之琇密爲武帝畫策甚有匡救又觀察文帝

爲政損益應所顧問之事皆令武帝默識之及文帝與武帝論當世之務人才可否武帝答無不當由是儲位遂定及帝爲撫軍命琇參軍事帝即位後擢琇爲左衛將軍封甘露亭侯累遷中護軍加散騎常侍琇與禁兵豫機密寵過甚盧初杜預拜鎮南將軍朝士畢賀皆連榻而坐琇與裴楷後至曰杜元凱乃復以連榻而坐客耶遂不坐而去卒贈輔國大將軍開府儀同三司謚曰威

羊祜字叔子續之孫五歲時令乳母於鄰家園桑樹下探取金鏐李氏驚曰此吾亡兒所失乃知其前身爲李氏子晉武帝時爲尚書右僕射都督荊州諸軍事出鎮南郡開設庠序綏懷遠近甚得江漢之心與吳人開布大信降者欲去聽之戒戍四避之卒以懇田八百餘頃其始至也軍無百日之糧及冬季年乃有十年之積祜在軍輕裘緩帶身不被甲鈴閣之下侍衛才十數人石城以西盡爲晉有修德信以懷之慨然有吞吳之志每與吳人交兵剋日方戰不爲掩襲計將帥有欲進譎詐之策者

輒飲以醇酒使不得言吳將鄧香掠夏口祜募勇士生縛香既至宥之香感其恩率眾即曲而降祜出單騎行吳境刈穀爲糧皆計所侵送絹償之每會衆江沔遊獵常止晉境若禽獸先爲吳人所傷而後爲晉兵所得者皆封還之於是吳人翕然悅服稱羊公而不名祜與陸抗對壘使命交通抗稱祜之德量曰昔魏武嘗稱曰孔明不能過抗嘗病祜饋之藥抗服之暮士多諫抗曰豈有醜人羊叔子哉抗每告其友曰彼專爲誼我專爲暴是不戰而自屈也各保分界而已無求細利孫皓聞二境交和

以詰抗抗曰一郡一邑不可以不信義况大國乎臣不如此是枯草其德也枯寢疾求入朝面陳伐吳之策書主遣張華就問舉柱頰自代及卒晉主素服哭之吳人聞之罷市吳嘗游襄陽峴山襄人立廟建碑於上望其碑者無不流涕因名曰墮淚碑贈侍中大傅征南大將軍南城侯謚曰成今徂徠之陽有地曰羊祜城其故居也

胡毋輔之字彥國泰山泰高人高祖班漢執金吾父原練督兵馬山濤稱其才堪過任舉爲大尉長史然河南令

輔之少擅高名有知人之鑒性嗜酒任縱不拘小節與王澄王敦庾凱俱爲大尉王衍所耽號曰四友澄嘗與人書曰彥國吐佳言如鋸木屑罪罪不絕誠爲後進領袖辟別駕太尉掾並不就後以家貧求試繁昌令始節酒自勵有聲遷尚書郎掾討齊王周賜爵陸中男累轉司徒左長史復求外出爲建武將軍樂安太守避亂渡江元帝以爲安東將軍諮議祭酒遷揚武將軍終湘州刺史

羊曼字祖延大傅祜兄也父暨陽平太守曼少知名州禮

辟皆不就避難渡江元帝以爲鎮東參軍轉丞相主簿
委以機密歷黃門侍郎尚書吏部郎晉陵太守以公事
免曼任達縱温嶠庾亮阮放桓彝同志友善並爲中興
名士時州里稱陳留阮放爲宏伯高平郝鑑爲方伯泰
山胡毋輔之爲達伯濟陰卞壹爲裁伯陳留蔡謨爲朗
伯阮孚爲誕伯劉綏爲委伯而曼爲黠伯凡八人號充
州八伯擬古之八俊知王敦不臣終日散髮裸體閉戶
酣醉故得不與其難蘇峻作亂加前將軍率文武守雲
中龍門王師不振或勸曼避峻曼曰朝廷破敗吾安所

求生勸衆不動遂遇害峻平追贈太常

羊鑿字景明泰山人父濟匈奴中郎將兄熒歷太僕充徐
二州刺史鑿爲東平太守累遷太子左衛率後討蘇峻
以功封豐縣侯徙光祿勳卒

劉寔泰山人博通古今清修潔已爲吏部郎參相國軍事
終太尉弟智少貧寔自新自給讀誦不輟以儒行稱

羊欣字敬元泰山南城人曾祖耽晉徐州刺史祖權黃門
郎父不疑桂陽太守欣少靖默博覽經籍善書不疑令
烏程時欣年十二王獻之爲吳興太守甚愛之獻之嘗

夏月入縣欣著新絹裙書寢獻之書裙數幅而去欣書
由是益工起家輔國參軍隆安中朝廷漸亂欣優游不
復仕進會稽王世子元顯每使欣書扇辭不奉命元顯
怒擠之恬不爲意

羊烈字信卿泰山鉅平人琇之八世孫也魏梁州刺史祉
之弟烈少通敏好讀書以理學名天統中除大中大夫
兼光祿少卿終驃騎將軍義州刺史

南北朝

羊玄保泰山南城人祖楷晉尚書都官郎父綏中書侍郎

玄保在宋武帝爲鎮軍參軍司徒王弘知重之頃之入
爲黃門侍郎善奕碁文帝亦好奕與賭郡玄保戲勝補
宣城太守歷丹陽會稽吳郡太守文帝以玄保廉素寡
欲故頻授名郡爲政雖無殊績而後必常見思文帝
嘗曰每有好官缺我未嘗不生念憶羊玄保孝武即位爲
金紫光祿大夫以謹嚴見知大明五年加散騎常侍特
進玄保自少至老謹祠祭四時時時新未得祠薦者不敢
先嘗卒謚曰定兄子希尚書上承嘗疏請寬山湖之禁
後討劉思道遇害

羊侃字祖忻泰山梁父人漢南陽太守續之裔也祖規之
宋武帝之臨徐州辟祭酒從事會薛安都舉彭城降北
規之陷魏魏授衛將軍營州刺史父祉魏侍中金紫光
祿大夫侃少而瑰備身長八尺雅愛文史博涉書記充
好左氏春秋孫吳兵法弱冠隨父在梁州立戰功中補
別將尋以平羗功遣使持節征東大將軍領泰山太守
進爵鉅平侯因父祉有南歸之志奔還梁大統三年至
建業授徐州刺史并其兄默三弟忱絡元皆拜刺史侃
封高昌縣侯六年出爲雲麾將軍普安太守郡內肅清

頃之徵太子左衛率大同三年車駕幸樂遊苑侃預宴
時少府奏新造兩刃稍成長二丈四尺圍尺三寸高祖
因賜侃馬令試之侃執稍上馬左右擊刺特盡其妙高
祖嘉之製武宴詩三十韻以賜侃侃即席應詔高祖覽
曰吾聞仁者有勇今見勇者有文可謂鄒魯遺風英賢
不絕六年遷司徒左長史八年遷都官尚書九年出爲
衡州刺史太清元年徵爲侍中二年復爲都官尚書以
禦侯景功加侍中軍師將軍詔送金五千兩銀萬兩絹
萬疋以賞戰士侃辭不受部曲千餘人並私加賞資初

僂長子鶯爲景所獲執來城下僂曰我傾宗報主猶恨不足豈復計此一子幸汝早殺之數日復持來僂謂鶯曰久以汝爲死猶復在邪吾以身許國誓死行陣終不以爾死生進退因引弓射之賊感其忠義亦不之害景遣博士哲平謂僂曰侯王遠來問訊天子何謂閉拒不時進納尚書國家大臣宜啓朝廷僂曰侯將軍奔王之後歸命國家言顧方城懸相任寄何所患苦忽致稱兵今驅烏合之卒至王城之下豈有人臣而至於此吾荷國重思當稟承廟筭以掃大逆耳不能妄受浮說幸謝將軍早自爲所止哲又曰侯王事君盡節不爲朝廷所知正欲面啓至尊等以除奸佞旣居戎旅故帶甲來朝何爲作逆僂曰主上臨四海將五十年聰明睿哲無幽不照有何奸佞而得在朝欲飭其非寧無詭說且將軍親舉白刃以向城闕事君盡節乃若是邪平無以應乃曰在北之日久挹風猷每恨平生未獲披叙願去戎服得以相見僂爲之免胄平瞻望久之而去其爲北人所欽慕如此後大雨城崩賊乘之突入僂令多擲火爲火城以斷其路徐於內築城賊不能進十二月疾卒詔給東

園秘器布絹各五百疋錢三百萬贈侍中護軍將軍

羊鴟仁字孝穆泰山鉅平人少果勇有膽力自魏歸梁封
廣晉縣侯征伐青齊間常遷都督司淮冀殷應西豫等
七州諸軍事鎮懸瓠侯景反攻臺城鴟仁率所部入援
爲景所獲以爲五兵尚書鴟仁常思奮發謂所親曰吾
受寵朝廷今社稷傾危身不能死以至於此死有餘憤
因泣下後竟出奔將赴江陵遇害史臣曰羊侃鴟仁值
太清之難並竭忠奉國侃臨危不撓鴟仁守義殞命可
謂忘等松筠心均鐵石古之殉節斯其謂乎

羊鴟字子鴟隨父侃臺城內陷竄於陽平爲侯景所獲待
之甚厚及景敗鴟密圖之乃隨其東走景於松江戰敗
惟餘三舸下海欲向蒙山會景倦晝寢鴟語海師此中
何處有蒙山汝但聽我處分遂直向京口至胡豆洲景
覺大驚問岸上人云郭元建猶在廣陵景大喜將依之
鴟拔刀叱海師使向京口景欲投水鴟拔刀斫之景乃
走入船中以小刀抉船鴟以稍入刺殺之世祖以爲持
節通直散騎常侍都督青冀二州諸軍事明威將軍青
州刺史封昌國縣公食邑二千戶賜錢五百萬米五千

石布絹千疋又領東陽太守加散騎常侍平峽中除西
晉州刺史破郭元建於東關遷使持節信武將軍東晉
州刺史

傅伏秦山人仕北齊以戰功累遷東雍州刺史周克荊州
遣人以其子來招降伏曰事君有死無二此兒不忠不
孝願卽斬之後聞後主已獲乃仰天大哭率衆入城於
廳事前北向哀號良久然後降

羊敦字元禮泰山鉅平人仕尚簡素博涉書史以父靈引
死王事授給事中累遷廣平太守有治能屬歲饑饒教

民採藕根食之遇有疾苦解衣質米以恤之朝廷嘉其
清白賜穀千斛絹百疋卒于官吏民恸哭贈吏部尚書
謚曰貞

隋

徐洪客秦山人隋末山東大水餓莩滿野李密取黎陽倉
大濟得勝兵三十餘萬洪客獻書於密以爲大衆久聚
恐米盡人散師老厭戰難以成功勸密乘進取之機因
士馬之銳沿東指商直向江都執取獨夫號令天下密
壯其言以書招之洪客竟不出莫知所之密大稱異君

子曰洪客之謀奇而正非惟李密不及唐初諸人比且不及也天下未嘗無人或隱於屠販或寄於盜賊洪客優游黃冠中而抱其特之畧懷濟世之具顧人不能知耳然李密不足與言言洪客未知晉陽與師或無路以自達而於密發之耶以此善觀之其胸中之奇固多矣而迄不自見豈真不及唐室之興而死歟抑如黃石公象仲連之流歟嗚呼其可謂高士也夫

宋

石介字守道兗州奉符人學篤而志大雖在畎畝不忘天

下之憂以謂時無不可爲爲之無不至不在其位則行其言吾言用功利施於天下不必出乎已吾言不用雖獲禍咎至死不悔其遇事發憤作爲文章極陳古今治亂成敗以指切當世賢愚善惡是是非非無所諱忌世俗頗駭其言由是謗議喧然而小人尤嫉惡之相與出力必擠之死介安然不惑不變曰吾道固如是吾身過孟軻矣及卒而姦人有欲以奇禍中傷大臣者猶指介以起事謂其詐死而北走契丹請發棺以驗賴天子察其誣得不發棺而保全其妻子介世爲農家父丙始以

仕進官至太常博士介年二十六舉進士甲科爲鄆州
觀察推官南京留守推官御史臺辟主簿未至以上書
論赦罷秩滿遷某軍節度掌書記判嘉州軍事判丁內
外艱去官躬耕徂徠之下葬其五世未葬者七十喪服
除召入國子監直講是時兵討元昊久無功海內重困
天子奮然思欲振起威德而進退二三大臣增置諫官
御史所以求治之意甚銳介躍然喜曰此盛德事也雅
頌吾職其可已乎乃作慶曆聖德詩以寓褒貶分別邪
正指斥夏竦累數百言詩出孫明復曰子禍始於此矣

其後所謂姦人作奇禍者乃詩之所斥也介自閑居徂
徠後官于南京常以經術教授及在太學益以師道自
居門人弟子從之者甚衆太學之興自先生始其斥佛
老時文則有怪說中國公卿曰去此三者然後可以有爲
其戒姦臣宦文則有唐虞鑑曰吾非爲一世之鑑也其辭
博辯雄偉而憂思深遠其爲言曰學者學爲仁義也仁
急於利物義果於有爲惟忠能忘其身篤於自信者乃
可以力行也以是行於己亦以是教於人所謂堯舜禹
湯文武周公孔子孟軻楊雄韓愈氏者未嘗一日不誦

於口思與天下之士皆爲周孔之徒以致其君爲堯舜
之君民爲堯舜之民亦未嘗一日少忘於心至於邁世
驚衆人或笑之則曰吾非狂癡者也是以君子察其行
而信其言推其用心而哀其志其直講歲餘杜祁公薦
之天子拜太子中允丞相韓琦又薦之乃直集賢又歲
餘始去太學通判濮州方待次于徂徠以慶曆五年七
月卒於家年四十有一友人歐陽修哭之以詩以謂待
彼謗焰熄然後先生之道明矣介沒後妻子凍餒不自
勝韓琦富勳分俸買田以活之後二十年歐陽修銘其
墓曰徂徠之巖巖與子之德兮魯人之所瞻汶水之湯
湯與子之道兮愈遠而彌長道之難行兮孔孟皇皇一
世之屯兮萬世之光曰吾不有命兮安在夫桓魋與臧
倉自古聖賢卒然兮噫子雖毀其何傷

姜潛字至之泰山奉符人從學於石守道田况舉召試學
士院爲明州錄事參軍以母思鄉求致仕吳奎韓絳共
薦徙兗州又薦爲國子直講神宗聞其賢召訪以治道
對曰有堯舜二典在顧陛下致之之道何如知陳留數
月青苗令下潛即移疾去縣人詣府留之不得

李巨字可大泰山奉符人少學有智慮以進士擢尚書郎
建炎末陷於劉豫使守大名與凌唐佐謀密陳豫可取
狀於朝募卒劉金等十餘人往返事泄遇害贈官立祠
曰愍忠

金

党懷英字世傑泰山人父純睦馮翊人仕爲泰安軍錄事
參軍因家焉懷英舉大定進士授莒州軍事判官累遷
翰林學士承旨博洽蓋一屬文尤工篆籀當時稱爲第一
卒謚文獻其書法文章一今可見者闕里杏壇二大字併

祠碑額魯兩先生祠碑東昌府學三絕碑

元

石珪泰山奉符人宋祖徠先生守道之聞孫也世以讀書
力田爲業躬親魁偉膂力過人倜儻不羈金貞祐南渡
兵戈四起珪率少壯負險自保與騰陽陳敬宗聚兵山
東破張都統李嗣王兵於龜蒙山宋將鄭元龍以兵迎
敵珪敗之於毫陽遂乘勝引兵入盱眙會宋賈涉誘殺
連水忠義軍衆迎珪爲帥稱太尉戊寅元主使葛不罕
與宋議和已邪珪令麾下劉順入覲元主元主慰勞之

且敕珪曰如宋議和不成吾與爾未結一家吾必榮汝
順還告珪心感服日夜思降庚辰宋果渝盟珪喜其妻
龍氏子金山仗劔渡淮宋將追之曰太尉回完汝妻子
珪不顧宋將沉珪妻子於淮珪遂率順及李温因字里
歸木華黎辛巳木華黎承制授珪光祿大夫濟兗單三
州兵馬都總管山東路元帥佩金虎符癸未元主詔曰
石珪棄妻子提兵歸順戰勝攻取加授金紫光祿大夫
東平兵馬都總管山東諸路都元帥餘如故秋七月珪
破曹州與金將連戰數晝夜糧絕而援兵不至臨陣馬

仆被擒至汴金主誘以上爵使揖珪念曰吾官至光祿

復能受封他國耶假我一朝當縛爾以獻金主大怒蒸

殺于市珪怡然就死無變色烈哉珪之死也惜不于華

宋之臣子而厥祖祖徠先生以春秋名世而貽其家春
秋內夏外夷而珪也末之思也且夫殺其妻子者宋人
而所以殺之者珪也視吳起樂羊
子之忍也有以其子無以異乎

石天祿珪之子也東平路元帥歷濟兗二州管民總管

國朝

郭士原泰安州人勇略過人累立戰功歷陞中軍都督府

都督進爵寧陽侯

王圭字廷器泰安人性樸儉篤學舉洪武鄉試任山西夏縣教諭以德學名當道薦爲御史辭不就儒官清素四十八年以子貴封戶部員外郎年四十喪偶不復娶壽幾百歲子二牧山西鄉試第一育賜進士累官山西左布政稱剛直清白俱爲鄉評所重

杜英泰安人貢授温州府同知擢廣西叅議時黎季璫叛據州郡英督兵討平之俘其男女三十餘人

文皇帝賜爾書擢左布政兼鎮撫夷方久之感瘴癘卒年四十有四

傅裕字克寬泰安人舉順天八年鄉試判真定府擢倅延安所至稱廉仁榆林叅將郭英嘉公橫不法獄屬裕讞鞫臺臣欲從末減英以五百金賂裕不受持法愈厲致休進秩知府林居無請謁鄉人稱謙厚長者云

張異泰安下張保人篤學敦行勤勞養父母寒暑不怠父死廬墓三年母死如之由州學生卒業成均官山西布政司檢校

制科獻士共一百八十六人

制科五十九人洪武癸未湖廣左叅政永樂乙酉徐奇五

縣訓 王整 蒲城縣知縣 王奎 夏縣教諭 戊子 呂紳 戶部主事 陳

英 馬瑜 監察御史 辛卯 楊忠 刑部郎中 劉善 鎮遠府知府 袁弘 淮安府教

授 李白 昌黎縣知縣 甲午 朱鳳儀 慶雲縣知縣 李殷 薛瑾 監察御史

李良 丁酉 劉圭 吳堡縣知縣 王純 樂平縣訓導 韓禎 員外 李勳

福建按察 司經歷 庚子 武功 景陵縣知縣 侯宣 癸卯 陳立 登庚戌進士 龍

西縣 王迪 陽曲縣教諭 宣德 丙午 王牧 圭之子 解元 李芳 洛南

縣訓 乙卯 郭琰 思州府知府 正統 壬子 周昭 周府長史 辛酉 冀鎮

縣丞 王麟 迪之子 甲子 馬進 深州判官 盧迪 寶雞縣知縣 丁卯 王

育 圭之子 登戊辰 進 景泰 庚午 安恒 新鄭縣知縣 劉震 山西都司

斷事 丙子 郭旻 琰之子 無 天順 己卯 傅裕 鎮之子 延 劉愷

岳州府 通判 田畿 獲鹿縣知縣 成化 戊子 周冕 昭之子 登乙未 舉

玆 庚子 高嶽 解元 登甲辰 進 癸卯 王龍 杞縣知縣 周旻 昭

子 冀州 范懋 丙午 閻岱 靖州知府 張潤 重之子 登 弘治 壬

子 李瑾 順義縣知縣 乙卯 張忠 登已未 進士 正德 丁卯 高霖

嶽之子 隆 慶州 知州 癸酉 馬經 大谷縣知縣 高雲 嶽之子 已卯 孫璋 邯鄲縣知

縣 嘉靖 壬午 封尚章 解元 甲午 張琥 丁酉 劉一桂

張璿 桂之子 庚子 吳儻 丙午 安科 壬子

高桂 雲之子

獻士一百三十七人
洪武甲子劉讓監察御史丙寅岳守正大理

寺寺 戊辰杜英廣西左布政使庚午張福工部司務壬申董秀工部郎中

癸酉謝貫河南府知府丙子張儼監察御史戊寅夏遠戶部主事庚辰

邵麟真寧縣知縣壬午楊盛忻州同知甲申劉徽侯官縣知縣丙戌楊

弘乾州判官永樂戊子高節澤州知州庚寅王賓岢嵐州判官壬辰蹤

朴懷柔縣主簿甲午霍信饒州府檢校丙申蘇信昌黎縣縣丞丁酉張

俊襄城縣主簿戊戌張異山西布政司檢校王翰秦府典儀庚子曹通建寧

府知事 甲辰周溥永清縣縣丞丙午張忠虞城縣知縣戊申姜倫陝西

理問 已酉程朋 宣德丁未郭皞鳳陽府檢校庚戌李敏靖州同知

王英沁水縣主簿壬子李寬高邑縣知縣甲寅鄭昭萬泉縣知縣正統

丙辰李懋平陽府知府戊午傅鏞陳州學訓導以已未封貴

黎城縣 壬戌苗盛黎城縣縣丞癸亥梁材 甲子杜亨英之子甫

田縣 田俊懷慶府知府丁卯李翔臨城縣主簿甄純 已巳張招

東光縣 景泰庚午高濤江浦縣典史辛未李宏占之子寶周

寧鎮江府 壬申蘇茂嘉興縣縣丞癸酉趙景 李敬金吾左衛經歷

甲戌楊安 乙亥楊晟 楊鱣 丙子趙敦沛縣縣丞賈希

誼懷慶府照磨天順丁丑王行簡安邑縣縣丞戊寅王述河間縣縣丞

已卯劉澤民大興縣縣丞辛巳張麟 壬午李節河東運判癸

未杜庶安吉縣丞 甲申陳佐龍門衛經歷 成化 乙酉韓瑁 丙

戌周璟 丁亥郭健 李恭臨縣教諭 戊子周憲 庚寅張

丞解州通之子 乙未曲泰化縣訓導 丙申宋浩汲縣丞 戊戌李貴

永寧縣主簿 己亥張羽 庚子李梅陸安州判官 壬寅苗興 癸

卯袁吉大倉經歷 乙巳劉錫保安衛經歷 丁未馮壽 弘治 戊申

于時茶陵州吏目 庚戌馮茂南京所吏目 辛亥張惠忻州吏目 壬子崔

鳳 癸丑壽驥慶府審理 乙卯杜琰亨之子 丙辰劉温定興

縣丞 鮑玘南雄府推官 丁巳李性之 戊午周鸞吳縣主簿 張豪

己未馬讓進之子 辛酉宋儒浩之子 壬戌李壘

癸亥許讓 甲子杜世昂無錫縣丞 正德 丙寅周達河間府

歷 丁卯高儒六同都司都事 己巳王輔仁偃城縣教諭 庚午薛祿鳳陽

縣主簿 辛未劉鉉六安州同知 癸酉柳茂大同縣教諭 甲戌盧繼宗

儀封訓導 甄希丙子壽駉驥之弟 丁丑侯繼先信之孫 蕭

己卯李翹南樂縣教諭 耿環秦州學正 庚辰李漳瑾之子 李選

徐清縣知縣 嘉靖 壬午余鱗 文彥道慶都縣丞 癸未朱軻固安

縣教諭 乙酉王鎧鄆州學正 丙戌李達稷山縣訓導 丁亥楊智解之

州判官 己丑李欽紹興府照磨 庚寅周書河間縣主簿 辛卯劉進南

縣主簿 壬辰王臣 癸巳封尚貞忻州同知 齊魯任丘縣主簿 甲午

馬縉經之弟光祿寺署丞乙未鄒弘文丙申田時耕魯府紀善戊戌

周昂新野縣知縣己亥李樂補杜縣教諭李觀民翹之子魯府教授庚子

王文通羅次縣知縣鄧雯解州同知辛丑文卿彦道之子王藩龍之子壬

賈白忠癸卯楊文淵智之子甲辰何東魯伊陽縣訓導乙巳

李文美丙午劉穆戊申王京己酉王紳庚戌

侯養正繼先之子辛亥梁恕壬子洪訓癸丑韓傑

例貢五十五人

曹鉉穎州府經歷張連寧晉縣知縣曲通張宣三元縣知縣張燾

王環臨潼縣知縣張璽侯信汜縣知縣王宣牧之子絳州同知楊弘

薛英鴻臚寺序班劉俊萬泉縣知縣劉寧孫紹開城縣知縣韓整信陽

李志洛川縣知縣安鎰榆次縣知縣程達順縣主簿劉守道

鎰之子蕭縣知縣封憲茂州知州魯良曹震陽曲縣知縣王訓環之子

侯軌信之子高平縣主簿張敬宗宿遷縣主簿王賓育之子曲陽縣知縣王貞

育之孫高平州判官傳汝霖裕之子王功宣之子馬邑縣知縣張棋忠之子慶府典寶

劉璋峻之子中武陟縣主簿王藻龍之子定州吏目張演全州吏目

劉湯臣張尚義惜州吏目張大成王莒環之子杜涇世昂

之子河東運副安樞秦州判官周孟麒鸞之子宿州吏目王承儒功之子安檀

施惠高郵州判官張紳甘州衛知事鄒弘道鎮寧州吏目王一元龍

孫靈川 縣主簿 范詔 程大本 孫達之 安桂 擯之 施恩 惠之 張思

齊 施忠 李思獻 楊文浹

附錄科貢題名記 編修 秦安州學自國初以來登進士者若干人登鄉舉者若干人各書其姓名于壁德清胡侯瑄以名進士來知州事篤意學校乃始合而書之於碑以昭示來久適考績來京以余忝執筆從太史後俾為之記昔韓退之謂南方之山獨衡為宗其神必靈而郴之為州又當中州清淑之氣窮而鬱積者其神氣之所感必有冠奇志信材德之民生其間信斯言也衡山五岳之一耳獨為其南方之山所宗其神既靈矣然則五岳之長名曰岱宗舉天下之山皆宗之其神之靈豈衡匹哉而秦安之為州岱宗雖其北禪亭峙其右宮山翼其左迤而汶濟河流其前遠則大河鉅海匯環其外中州清淑之氣殆於是焉細緇而停蓄非窮而鬱積者比則其神氣之所感冠奇志信材德之生其間者又豈偏州下邑之可疑哉况又遭逢 盛世

先嶽氣充文風丕振士之薦名鄉書名天府者後先相望其亦宜矣胡侯乃復碑而列之其表章先達勸勵後進之心不亦至乎吾知是碑之立人將歷指其名而尚論其世矣彼博曰是為魁奇者是為忠信者是為材德兼全者斯無本乎山川之所生而增重科目矣否則曰是庸碌者是誇訔者是自材無德者則為山川羞為科目累可不戒哉可不勉哉

皇帝十有八年之冬進士德清胡君廷器以 朝命出守山東秦安州既至按學官闕狀惟前後歲貢士未有為之立石題名者越明年吹和民隴修舉闕墜乃礪石悉書諸士氏名以垂示無窮俾來京師徵予言以記之洪惟我 國家羅致賢才圖惟化理百餘年間

聖祖神宗前創後述惟科貢之途是 聖祖神宗前創後述惟科貢之途是 皇上丕承大統以人文化歲天下餘二十年其作人重道之心充倦倦焉故縉紳章鑄之士非或決異能冰 恩濟顯爵苟其發軔不由科貢之途非或決異能冰 亦莫之重也士之得列名於茲者厥惟艱哉雖然天下 學校之士由歲貢集于京師者一舉遂千餘人亦皆 臨

世以謀利祿與庸衆人同存亡而已求其道德功業卓然可以名當世而垂無窮者蓋寥寥焉噫其始擅鄉曲之譽獲貢天子之廷其終成就止於利祿之資而已衆人之所推重有司之所選擇國家之所造就豈端爲是哉君子謂胡君此舉有得乎風勵之道歷茲以往是邦之士將必有鑒先進之臧否淑慝而知所勸戒焉者爲書于石庶幾嗣守是邦者有以知君微意之所存

列女十一人

魏景獻帝后羊氏諱徽瑜泰山南城人父道上黨太守母

陳留蔡氏漢中郎將邕之女也聰敏有才行

晉惠帝后羊氏諱獻容泰山南城人祖瑾父玄之太安元

年開立

魏羊耽妻辛氏字憲英隴西人魏侍中毗之女也聰慧有

才鑒初魏文帝得立爲太子抱毗項謂之曰辛君知我

喜不毗以告憲英憲英嘆曰太子代君主宗廟社稷者

也代君不可以不戚主國不可以不惧宜戚而喜何以

能久魏其不昌乎弟敞爲大將軍曹爽參軍宣帝誅爽

因其從魏帝出而閉城門爽司馬魯芝率府兵斬關赴

爽呼敞同去敞懼問憲英曰太子在外太傅閉城人云

將不利國家於事可得爾乎憲英曰事不可知然以吾

度之大傳殆不得不爾明皇帝臨崩把太傅臂屬以後

事此言猶在朝士之耳且曹爽與太傅俱受寄託之任而獨專權勢於王室不忠於人道不直此舉不過以誅爽耳敞曰然則敞無出乎憲英曰安可以不出職守人之大義也凡人在難獨不卹之爲人執鞭而棄其事不祥也且爲人任爲人死親昵之職也汝從衆而已敞遂出宣帝果誅爽事定後敞歎曰吾不謀於姊幾不獲於義其後鍾會爲鎮西將軍憲英謂航從子祐曰鍾士季何故西出祐曰將爲滅蜀也憲英曰會任事縱恣非持父處下之道吾畏其有他志也及會將行謀其子瑋爲

參將憲英憂曰他日吾爲國憂今日難至吾家耳瑋曰請於文帝不聽憲英謂瑋曰行矣戒之古之君子入則致孝於親出則致節於國在職思其所司在義思其所立不遺父母憂患而已軍旅之間可以濟者其惟仁恕乎會至蜀果反瑋竟以全歸祐嘗送錦被憲英嫌其華反而覆之其明鑒儉約如此秦始五年卒年七十九國朝李氏禹村保李政女生而淑靜適官庄保崔宣稱賢婦年二十六夫亡家貧孝養翁姑死葬以禮撫其孤四人皆成立年逾六十終始一節有司䟽旌其門

李氏致仕知縣李瑾文舉人高雲妻正德辛未遇流賊攻
陷州城李恐被污用刀自刎咽喉幾斷賊驚愕遁去有
司以聞 詔旌其門陳氏謝村保陳壽女雲之繼室也
正德辛巳雲病故時陳年二十一歲遺孤桂生甫半月
陳以死自誓家貧女紅爲生親戚罕見其面見今五十
四歲始終全節有司以聞 詔旌其門一門雙節
天旨再臨蓋曠典也

劉氏舊縣保民王誥妾董氏西牛保民李悅妻蕭氏汶西
保民范思恭妻正德辛未五月強賊進城恐遭污辱俱

投井淪死有司以聞

詔各表其門

續氏劉氏廩生趙進忠之妾嘉靖戊申進忠病故二氏號
慟越三日半夜從容裝束自經而死時續氏年二十五
劉年二十一分巡僉事于揚適臨本州聞其事扁其門曰
雙節未及旌表

物產

今夫山寶藏興焉貨財殖焉是故言物產者莫尚乎山
而况岱爲天下之名山也乎嘗觀禹貢岱畎絲枲鉛松
恠石神農經載泰山諸藥石而山海經曰其上多玉其

下多金多水王道書福地記曰泰山多芝草玉石是物
產之聞于昔也然而昔有者今無或古無而今有之志
載其所有而惟藥品爲多豈神山福地氣化之所滋者
固異於他山歟

木有秦松漢栢唐槐皆紀于岳于祠與徂徠新甫並傳矣
它若椿梧梓檜楸榭桑柘榕欒榆柳楊棟雖皆有之顧
登封之地無喬林豐樾而取材于工師者或寘焉岳多
石少土固難於滋植然而人見其濯濯也是豈山之性
哉

果有梨栗棗柿梅杏桃李柰石榴銀杏櫻桃林禽核桃蒲
萄羊棗文冠果無花果諸品多植于岳趾園林其在岳
者多野生曰山榴獼桃野棠

花有牡丹芍藥紫微凌霄夜合辛夷長春麗春梔子玉簪
萱葵臘梅薔薇鷓鴣冠鶯粟山丹月季蘭蕙芙蓉石竹菊
百餘種蔓生於樹曰藤花可蔬鹿芴花別名曰黃花菜
玕美稱於天下而土人賤之不以供客

藥以泰山著圖經者三十有九種曰青芝赤箭景天遠志
天門冬千歲蔓徐長卿太乙餘糧石龍芮石鍾乳石硫

黃白石脂赤石脂白石石英紫石英玄石磁石滑石雲母
石絡石草龍骨伏翼鱈鱗松肪栢實茯苓丹參茵陳茵
芋女蕤狼毒連翹藜蘆澤漆瞿麥香附子玄胡索惟天
麻獨異于它產但鮮而難致有名在圖經而不以泰山
一言者四十有九種曰蒼朮黃精黃連黃芩玄參蝦參苦
參沙參菖蒲知母益母貫衆山查山藥地黃地榆地丁
南星枸杞木蘭防風荆芥羌花花椒百部百合草烏柴
胡牽牛桔梗藁本芫蕘漏蘆鬼箭麥門冬葳靈仙白蘚
皮青木香鬼見愁車前子硝石長石青蒙石金星石銀
星石金銀花馬兜鈴玉不留行諸品惟沙參獨良石花
可已心疾傳金瘡撲患湘之可茶狀如蒙山而氣味亦
稍相類此則圖經所未載者

穀有黍稷稻麥菽粟芝蔴胡麻巨勝黍黃白黑三種按黃
黑二種稻紅白二種麥有麩麩蕎三種菽青黃赤綠黑
刀扁諸種粟百餘種曰九里香花裏苗其最佳者
貨有絲有布綿細絹葛可爲絺有麻絲蜜蠟

茶產崖巖谷間山僧間有之而城市則無也山人採青桐
芽曰女兒茶泉崖陰趾茁如波蕤者曰仙人茶皆清香

異南茗黃岑芽皆爲茶亦佳松苔尤妙

款蔣於畦圃者弗志其野生曰菁茶藜蘆蘧芹枸杞椿棟
榕欒芽俱可菹香美並異八麻樹芽和糜粥亦佳曰枸
骨芽曰芳春土人其之

五金出萊蕪之黃山亦有黃白二土石焦二炭土可墜可
巧炭石可薪而焦良於冶頗爲民利故又曰八寶山是
爲岳東支麓其西麓曰桃花峪山人昔嘗採白金礦山
海經云其下多金是也又云其上多玉今不可見土人
云岳巔間嘗一炫光彩意者其玉曰韞之輝與

鳥多野鴿巢巖穴及岳祠椽題多鳩雀有鸞鴉鷹鷓鴣
惟岳祠無鴉異哉有曰巧婦爾雅釋枕蟲是也曰山僧
聲如念佛曰紅娘子色如胭脂曰拖紅練拖白練皆以
尾色名有雉鷄山鷄野雞鷓鴣黃鸝鷓鴣翡翠布穀鸚
眉有翠羽褐衣如畫眉者汶有鴛鴦鷓鴣鷓鴣野鷺
獸有獐麇獐兔兔有兩其足者不能走每跳一二丈許曰
跳兔有黃鼠蒼狐白狼在深山窮谷而登封之地則無
也山海經曰有獸焉其狀如豚而有珠名曰狢狢今未
之見豈山林古今之變而氣化有不同與

魚有班文四五寸許四五月生嶽北溪澗中過此則無矣
冰凝嶽頂北十里許陰壑中名曰天牢天日不過之地四
時有之不假伐藏

祥異

傳曰祥多者其國安異衆者其國危又曰和氣致祥乖
氣致異天人交感之際治忽安危之所由也可不謹乎
而况泰山宗岳登百萬品而氣化攸先其爲祥異每關
乎天下國家尤當致謹而可以無志乎夫祥異者天也
乖和者人也必先正其人之而後求端于天是故察乖和
以鑒幾微以圖治安者必先於茲山焉可也

漢昭帝元鳳三年春正月泰山入石起立高丈五尺六四
十八圍入地深八尺三石爲足立處有白鳥數千集其
旁是年僵柳復起生虫食柳葉成紋曰公孫病已立符
節令隼弘以爲石陰類下民而承當有庶人爲天子者坐
妖言伏誅其後宣帝起於民間

宣帝元康元年鳳凰集泰山蔽天下 三年春神雀集

泰山

成帝河平元年泰山桑谷有戴焚其巢郡人孫通等聞

山中群鳥鵲聲往視見巢難盡墮地中有三級
死樹大四圍巢去地五丈五尺易曰鳥焚其巢旅人先
笑後號咷京房易傳曰人主暴虐鳥焚其巢其後趙飛
燕姊妹專寵後宮有子者殺之并殺其母帝崩后坐誅
此焚巢殺子後號咷之應也一曰王莽貪虐而在社稷
之重卒成易姓之禍云

章帝元和二年二月辛未幸泰山黃鵠二十經祠壇上
東北過于齋宮翱翔升降

晉武帝泰始四年七月泰山崩墜三里京房易傳曰自上
下者為崩泰山之石顛而下厥應聖人受命人君虜是
後懷愍二帝俱辱虜庭淪胥於北元帝中興於南此其
應也

元帝太康二年六月泰山大水蕩析三百餘家溺死六
千餘人時平吳後王濬為元功而詆劾妄加荀賈為無
謀而並蒙重賞收吳姬五千納之後宮此其應也

成帝咸康八年趙石虎建武八年有石然于泰山八日
而滅

宋孝武帝大明元年七月白雀見泰山

東魏宣武帝景明三年八月辛巳泰山崩湧水十七處
武定六年四月泰山甘露降

後齊天統初泰山封禪壇玉璧自出太岱山王者易姓告
代之所玉璧所用之幣而自出將有異姓王者用幣之
象其後齊亡地入于周及高祖受周禪天下一統焚柴
泰山告祠之應也

隋文帝開皇十四年將祀泰山令使者致神像于祠未至
數里野火歟起燒像時而信謠猜忌滕王瓚矢志而死
功臣多被夷滅其後李勣勇被戮

唐高宗永徽二年七月泰山大水十三年十一月戊子
雄雉馴飛泰山齋宮內夫封禪所以告成功祀事無重
於此者而野鳥馴飛不忌禁衛不祥

宋真宗大中祥符元年五月泰山醴泉出丁丑王母流乳
變紅紫色按史乾封縣民王用田中有童兒播土得
錢數十爭取之錢墜石罅因發石湧泉二十四眼以
其美又枯石河有湧泉二十五眼一眼出層阜之上經
宿勢浸盛引數派雙魚躍其中有果實流出似李差小
味甚其制置使王欽若貯水以獻六月庚戌賜百官詔

建亭賜額曰靈液六月王欽若至乾封上言泰山醴泉

出天書見有靈芝三萬八千二百五十本夫醴泉芝草固理之所有

乃若天書之降吾誰欺欺天乎十二月泰山玉女白龍王母池醴泉

出丁酉賜輔臣新醴泉六年十月泰山興工有鳥狀

烏味趾皆赤役夫稍憇即飛鳴作起之聲衆工見其來

畚鍤爭進將哺而去日以爲常日爲催工鳥

仁宗嘉祐三年七月泰山上瑞麥圖凡五本

元世宗至元九年九月泰山淫雨河水溢圯田廬室稼

成宗元貞元年六月泰山大水

武宗至大元年九月泰山大水

仁宗延祐元年三月泰山霜雪三日

文宗天曆元年泰山大水

順帝元統元年泰山淫雨河水溢大饑至正六年春

二月泰山奉符縣大饑地震七日他縣亦然

國朝成化二十一年春二月三月泰山屢震遣官祭之

正德十六年春三月代廟東廡火

嘉靖八年泰山蝗九年十年如之十六年六月泰山

水漂溺數百人十一月州城火延燒數十家二十

年泰山蝗不爲災 二十二年泰山夏再稔麥粟有一
本三穗至五穗者知州馬逢伯獻于朝 二十九年十
二月岱廟火正殿門廊俱焚古樹碑刻亦多毀者 三
十年六月泰山大水御帳衝壞人多溺死 三十二年
泰山大饑民相劫奪行旅不通 三十三年春泰山大
饑餓孳枕藉貧民多取其肉食之

雜志

岳十有三志悉矣而復以雜言何 曰不倫於志而不得
以遺於志也昔者聖人贊易兩篇 平其以發其蘊而必
有雜卦傳焉志法其例義以附諸野史之拾遺與夫西
陽湘中之類云爾其諸雜而不越者乎

堪輿家云泰山之麓眾水交流孔林獨茂蓋指泮漆梳洗
汶漸而言吾夫子之生也豈偶然哉是故其終也曳杖
之歌泰山自任公姓振振世祿罔替則岳靈之篤於孔
氏者其有窮乎

峪石刻金剛經俗傳玉右軍書雖縉紳文人亦以爲然
其字大尺餘楷書八分相雜無古法決非名家其不爲
右軍明矣意者金元人書耳且此經爲番僧鳩摩羅什

所譯於後秦姚興弘始五年始入中國距蘭亭書記之時幾六十載而右軍已下世矣况晉自永嘉之亂宗社掃遷神州陸沉泰山非晉有使逸少尚存亦不得至岳而書之也

周漢明堂相去三十里史書之明矣通志州志以周爲漢以漢爲周宋加青帝之號而曰泰山元刻張志詩而曰王惲又訛惲爲鄆范致冲宋人也而列于元石刻喬宇詩而曰程敏政德祐作廟記而曰御制凡此外謬畧見於各志茲復類以贅焉欲觀者之致詳耳

岳刻諸名家可爲書法者篆則李斯二十八字玉女宣池後

和大定二碑額岳祠會真宮李太白詩四面碑國朝喬宇

詩文岳祠邢一鳳書寅賓二字于日觀峯八分則闕元

磨崖御書葉彬補書百八字回馬嶺三字崖巔有開元

紀泰山銘四字如斗申旒補書秦始皇紀泰山銘皆有

古法楷則張待制宣和修廟碑岳祠伯仲虞楷追踪鍾

王宋真宗御書青帝贊陰字碑党懷英姜立綱二賢祠

碑習嘉言代祀記姚霽書端中丞祈雪碑皆有帖意

行則錢襲慶遊覽記尹待詔祥符四碑俱岳祠草則汪廣

洋

詩刻延禧殿前

魏閑許應元

詩刻環

大書則盛秋林位宗

亭林焯忠孝廉節

岳頂

方元煥第一山皆道勁追古不

以焯書覆毀唐刻而遺之亦春秋美惡具見之意

岳巔有雲作龜狀必雨白色三日雨黑不崇朝雨土人

占之其應不爽

高誨勝覽云嘗臘月衝雪登岳石上御帳雲烟模糊至十

八盤天宇開霽俯矚山腰猶有雪霽及下山大雪如故

冬春之交諸崖谷出烟霧寒甚二初尚可指數頃則變

黓蒙覆盡失山形少霽溪壑林木及樓閣簷牙凝結冰

花珠粉綴如畫 嘗於春時晨觀山半雲布平密絢

爛一色宛然倒看天字 四月以後山多蒸濕不可居

五六月亦寒衣必綿臥必炕早暮如深秋 夏時暴

雨山半風激雲湧雷聲電光皆出其下隱約見麓地白

波沈澹如海頃忽雲集岳巔則上下皆雨 人飲諸崖

水多瀉惟瑤池白鶴水簾五花玉女數泉甘美元君祠

東崖一竅泉滴如珠晝夜出一斛許其味尤佳

喬家亭白巖題汶河詩刻 御香亭云九峯南望直

峨汶水平添一丈波渡口客來休便過北溪山雨正滂

范其詩作於正德間添波滂沱蓋有所指而於君子進
止之機有戒之之意焉環詠亭刻貞菴題舍身崖一絕
深戒小人與喬詩警世同而志弗錄何也蓋詩貴微婉
和平而崖詩噪直無風人旨故曰美則愛愛則傳信矣

泰安州知州鄭聚東校補

學正陳 寵

訓導盧楓

新泰縣教諭林宇中校正

生員

侯貴 鄧冕

尹鳳儀 李汝桂

同校

志卷之四終

書泰山志後

夫俯仰內莫大乎山川故敘山川者必先嶽瀆敘嶽瀆者
必先秦河然而四特神其機流峙嶺其象吾人著功用以
襄其化寔一道也是故嶽瀆分而後星紀明焉星紀明而
後分野定焉君子居方辨物不先山川而何哉嘗觀諸古
今國都有志藩省有志郡縣有志下建一梵一祠壘岡漚
瀕之末亦或紀其盛而志焉至於岱宗之巨鎮乃遺而弗
志何也意者志郡國則附錄焉夫固同他山而槩舉矣是
故古今所以畧之也吾歎汪白野先生博雅多識君子嘗

遊泰安日覽泰岱之勝遂究極群書彙集茲志期年有成
然亦勞矣後之觀者覽形勝考歷代律同異辨方隅徵驗
帝王之典籍可以據而不惑凡自無懷而下或廢音或懸
無甚殊尤則後之爲封禪之說者可以斬矣自松喬而下
或隱或顯無甚靈秘則後之爲丹鼎之說者可以斬矣自
覲巫而下或祓或禳無甚稽驗則後之爲禱祀之說者可
以斬矣若夫登臨頽景寓目大觀而洪編詎辭成方岳實
錄此則與聖賢小天下者同歸焉是宜志之詳也覽者準
古證今即新推舊庶可以爲仰觀俯察之一助云